



Collection of U.S. Government	
1.	<i>Handwritten text</i>
2.	<i>Handwritten text</i>
3.	216

* فهرست *

كيفية

عدد

٧٠ دين اصلي واختلاف اديان

١٧ نبوت ايله رسالتك فرقي

١٩ تحريف تورات حقه بر بحث

٢١ نصرانيت واناجيل

٢٧ اعتقاد تثليث

٤٠ قاعده تناسله دائر بر بحث

٤٤ معجزه

٤٥ علم تجربي

٤٦ علم تصادفي

٤٧ علم الهامي

٥١ شان محمدی

٥٣ مبدأ وحی

٦١ غزوه ابواء

٦٢ غزوه بدر

٦٣ غزوه كدر وسويق

٠٠ غزوه بني قينقاع

٦٤ سرية زيد وغزوه احد

٦٧ غزوه بئر معونه

٦٨ غزوه بني النضير

٦٩ غزوه ذات الرقاع

٧٠ غزوه بدر الموعد

٠٠ غزوه دومة الجندل

٠٠ غزوه خندق

٧٣ غزوه بني قريظة

٧٤ غزوه غابه

٧٥ غزوه بني المصطلق

٧٦ عمره حد يديه

٧٩ اسلامه دعوت ايجون ملوكه سفرا ارسالي

٨١ مبحث مخصوص

٩٠ غزوه خيبر

٩٢ فذك ووادي القرائك فتحی

٠٠ عمره قضا

٩٣ غزوه جيش الامراء

٩٦ فتح مکه

١٠٢ غزوه حنين

١٠٤ طائفك محاصره وفتحی

١٠٧ غزوه تبوك

١١١ ثقیف قبيله سنك اسلامي ولات معبدینك هدمی

١١٢ قبائلك فوج فوج اسلامه دخولي

- ١١٦ حجة الوداع
 ١١٧ رسول الله نواحيه غمال نصبي
 ١٢٠ ارتحال رسول الله
 ١٢٧ بيعت سقيفه
 ١٣١ شمائل شريفة
 ١٣٢ اصول مذهب اهل سنت
 ١٣٣ جبريه
 ١٣٦ معتزله
 ١٣٧ خلافت ابى بكر رضى الله عنه
 ١٤٥ استطرادى بر محاکمه
 ١٥١ ديكر بر استطراد
 ١٦٠ ابو بكر رضى الله عنهك وصيته نامه سى
 ١٦١ خلافت عمر و فتح دمشق
 ١٦٦ ابو عبيد بن مسعودك عراقه والى نصب اولنديغى
 ١٧٢ انبار و ياخود اعشار وقعه سى
 ١٧٤ قادسيه محارب سى
 ٢٠٤ استطرادى بر محاکمه
 ٢٠٧ مداين وجلولانك فتحى
 ٢١٣ عتبة بن غزوانك بصره يه والى اواسى
 ٢١٥ مرج الروم وقعه سى وسوريه شهرلرينك فتحى
 ٢٢٠ اردن وبيت المقدسك فتحى

- ٢٢٥ جزيرة وارمنستانك فتحى
 ٢٢٨ بحرين جانبندن فارس محارب سى
 ٢٣٠ اهواز فتحى
 ٢٣٥ سوس فتحى
 ٢٣٧ مصر فتحى
 ٢٣٩ نهاوند وقعه سى و بعده همدان و سائر شهر
 و حصنرك فتحى
 ٢٤٦ دينور و صيره و سيروان فتحى
 ٠٠٠ همدان و ماهين و ديكر بعض محلاك فتحى
 ٢٤٧ اصفهان و كرمان فتحى
 ٠٠٠ هجرت سنيهك يكرمى اينكجى سالن سده اولان
 فتوحات و وقائع
 ٢٥١ فتح آذربيجان و شهر زور و صامغان
 ٢٥٢ موفانك فتح و اسلامك تركستان اقوامنه فتح
 باب غزا ايلدكلى
 ٢٥٣ خراسانك فتحى
 ٢٦١ شهادت عمر و امر شورى و خلافت عثمان
 ٢٦٩ عمر رضى الله عنهك صفتى
 ٢٧٧ عبد الله بن عامرك بصره يه والى نصبيه نقض
 عهدايدن فارس و خراسان خطلرينك اصلاحى
 ٢٨٠ مبدأ فساد و تشتت آراء

۲۸۲ بر قاج عدد مصحف شریفك استنساخی

۲۸۳ یزدجردك قتلی

۲۸۵ عثمان رضی الله عنہك طاعتند ناسك

خروجی مبدائی

۲۹۳ عثمان رضی الله عنہك حصر و قتلی

۳۰۳ وقعه نك محاکمه سی

۳۰۶ عثمان رضی الله عنہك نسب و قیافتی

۳۰۷ علی رضی الله عنہ ناسك یعنی

۳۱۵ وقعه جل

۳۳۶ عمرو بن العاصك مغاویه به یعنی

۳۳۷ سلمان فارسینك وفاتی

۳۳۸ صفین محارب به سی

۳۴۹ صفینده مقتول اولان مشاهیر

۳۵۲ حکمینك صورت حکمی

جدول خطا و صواب

خطا	صواب	صحیفه	سطر
بولنوت	بولنوب	۲۴	۲۱
اوغلی آدashi	اوغلی و آدashi	۸۶	۰۲
مونه	مونه	۹۴	۱۹
سعدده	عمره	۱۲۹	۱۴
متأ نیایه	متأ نیانه	۱۴۱	۱۲
نظر اقیکز	نظر ایتیکز	۱۹۰	۱۷
فرا تك	دجله نك	۲۲۴	۱۹
مسور بن محزمه	مسور بن محزمه	۲۶۴	۱۸
یتکن	ایتکن	۳۱۸	۰۵
سسز	سسز	۳۲۵	۱۹

عدد صحائفدن خارج اوله رق مقدمه کتابدن اول
موجود اولان و مناجات باریدن عبارت بولسان ایکی
صحیفه نك برنجیسنده دخی « و آتش محبتکله سوزان »
عباره سی غلط اوله رق « و انس محبتکله سوزان » دیو
طبع اولمشدر .

❖ بسم الله الرحمن الرحيم ❖

الهی آثار قدرتک وجود ذات مقدسکه دلیل علی
و نهایتسز عالمک انتظامی بر مبدع حکیمک صنع
و تدبیر یله اولدیغنه برهان جلی ایکن وحدانیتکی
اعتراف ایتمک طبیعت ادراکدن بعیددر صاحب
عقل اولان نوع انسان بونده متفق اولماق عقلا قابل
دکدر انجق نور الوهیتک پروانهسی و انس محبتک
سوزانهسی اولان هر مؤمن دل آگاه وجود و وحدانیتکه
محتاج دلیل و کواه اولمیوب آثار نامتناهییه نسبتله
ابعاد ایله محدود اولان قرص شمسک بزم کوز مزده
کورنن عظمت موهومه سنک بر ذره مقداری حکمی
یو غیکن کندی نور و ضیائی کندی وجودینه دلیل
اولدیغی حالده حد و غایتی بولنمیان موجوداتک خالق
اولان الله تعالی نیک وجودینه خارجدن دلیل ارامق

عقول قاصر ه نك ك اريد ر . الهی موجوداته احاله
بصر بصیرتله وجود و وحدانیتکی و عظمت قدرت
الوهیتکی کوررکن کنه ذاتکی بیلک اسیر برزخ وجود
اولان عاجز قوللریکه محال اولمشدر . الهی تجلی
انوار قدرتدن آیروپ بوکون محروم لقای ذات
اقدسک اولان ارواحز یارین بوقالب مستعاردن جدا
اوله رق حضور سعادتکه رجعت و وصول شرفنه
نیل ایله دریای نور وحدانیتکه التحاق ایلدکده ینه
کنه ذاتکی بیله میه جکندن درگاه الوهیتکه بث حزن
والم ایدرز ایشه بودرجه ده عاجز خلق ایلدکک
قوللرکی رهنمای سعادت دارین اولان پیغمبر مر
مصطفی علیه السلام افندیمنک شفاعتنه نائل ایله
وبوکون فیض لطفکله مسند خلافت مقدسه بی حاز
اولوب کره ارضک الکوزل قطعه سنده سلطنت ایدن
قدرتلو شوکتلو (عبد الحمید خان) ثانی افندیمنی
توفیقات سخانیه که مظهر ایله یارب العالمین .

وَحْيُ الْوَلِيِّ الْكَلَامِ

فی تاریخ الامام

اوقاف همایون ناظری دولابو ضبحی پاشا
حضر تالری نیک اثر لریدر طبع ونشری منحصرا
حقوق مشار الیه دندر معارف فطارت
جلیله سنجه مظهر تقدیر واستحسان اولمشدر




استان بول

سنه

۱۲۹۷

غضب الهی ایلہ تنذیر ایلک ایچون الله تعالیٰ حق مبین
 کتاب ایلہ نذیر بعث وارسال ایلدی دیمکدر .
 فقط اعتقادات باطله نك الك اسکیسی نجوم پرستلک
 اولوب اقوام متقدمه کونشه پرستش ایدر زردی .
 بونک سبی طبقه بشریه نك روی ارضده حدوث
 و ظهوری زماننده تقدم ازمنه ایلہ حیر حصوله
 وصول بوله حق معارف و کمالات انسانیه قومه
 بولوب رهبری توفیق باری معین اولدقجه
 دلالت عقل ضعیف ایلہ بادیة ضلالتده ککرده راه
 اولوب بو عالم ظلمانیده قیس کم ضیای شعور
 ایلہ فرق حق و باطل ایتکه شئون و کائناتک کثرت
 و وسعتی حیولت ایدر . مثلاً کندیو فعل و صنعک
 مدخلی اولیه رق ظهور ایدن حوادث غیر متناهیہ نك
 بر مبدعی اولدیغنی درک ایتسه بیلہ بردن بره بره بدع
 حکیمک فعل و صنعی اولدیغنی بوله میوب اعیان
 و موجوداته احاله نظرله تحریریه باشلار . اوحالده
 حرارتک وجودیلہ روی ارضده جمیع اجسام نامیه نك
 نمو و انبساطی امر محسوس اولوب بودخی اشعه
 شمسک تعا کسندن حاصل اوله رق زمان شتاده اشعه نك
 انحرافیلہ تعا کسه ضعف کلدکده ارزاق و اوقات
 مطموره کونده ظهور حرارته موقوف قالغله عقل



حقائق الکلام فی تاریخ الاسلام

بِسْمِ اللَّهِ الرَّحْمَنِ الرَّحِيمِ

روی ارضده نوع بشرک خلقت و ظهورنده نه دین
 ایلہ متدین اولدققری علما بیننده موضوع بحث اولوب
 الک اسکی دین توحید ایکن خلق عالم صکره دن تعدد
 آلهیه ذاهب اولدققرینه * کان الناس امة واحدة
 فبعث الله النبيين مبشرين و منذرين و انزل معهم
 الكتاب بالحق ليحكم بين الناس فيما اختلفوا فيه * آیت
 کریمه شمنک مدلول منیفیلہ استدلال ایتدیلر . یعنی
 ناس امت واحده ایکن ینلرنده تحدث ایدن اختلافی
 محاکمه ایدوب حق اوزره بولنان فرقهیه ظهور الطاف
 الهیه بی تبشیر و طریق بطلانده اولنلری حدوث

قاصر انسانی مبدع و مربی شمس اولدیغنه ذاهب
اوله رق نیر اعظمك ذاتنسه مشاهده ایتدیگی نور
و تجلینك حسننه و حوایج ضروریه سنك تدارکنه
ضیانتك وجودی لابد اولوب کونش اولدقجه الك عزیز
اولان نور بصری بیله غیبوبت ایتدیکنه باقجه قرص
شمسه محبتده بر درجه یه دک تغالی ایدر که اندن غیری
بر صانع تصویرنه رهیاب اوله من انجق توفیق باری ایله
اهتدا ایدن مکملین اثردن مؤثره استدلال و کوکبدن
مکوکبه انتقال ایدر . ابراهیم علیه السلام بصیرت
نبوت و قوه قدسیت رسالتله ﴿ لا احب الاقلین ﴾
کویان و سمت توحید جناب باری یه نوجهله پویان
اولدقلری سماء صحف قرآن شریفده لمعان ایدن کواکب
دریه آیات بینات ایله شمس وضاح و نور صبح فلاح
کی ظاهر و نمایاندر ﴿ شعر ﴾

فاذا نظرت الى السماء بنظرة
فارى السماء تدل انك واحد

و اذا نظرت الى الكواكب نظرة
فعلى الكواكب للمکوکب شاهد

مغز اسنجه اعیان و موجوداته چشم بصیرتله باقلدقده
بونلرك ماوراسنده بر خالق قدیم و بر مدبر حکیم
موجود اولدیغنده شبهه یوقدر .

طوفاندن اول اولان حوادث روزگار و سیر متقدمین
و اخبار سیلاب قهر ربانی ایله محو و زائل اولوب
انبیادن ابوالبشر آدم و شیث و ادریس علیهم السلام
احوالندن کتب مقدسه ده بیان اولنمان قصه لردن
غیری بزه برشی و اصل اولما مشدر . هند و چین
تاریخلرنده و دساتیر زرادشتیه ده محرر اولان احوال
عالم بر طاقم خرافاتدن عبارت اولوب شایسته اعتماد
برشی بولنه من بناء علیه تورات شریفده اولان قصص
انبیای اقدمین و افریقا و آسیانك بعض قطعهلری ملوک
و رؤسامی اخبارینه اعتماد جائز اولوب بونلردخی
انجق بنی اسرائیل ایله اولان مناسبات و مراداته
منحصر اولوب کفایت درجه سنده برشی استفاده
اولندمن فقط بزم مقصدمن اساس دین اسلام
و تاریخ اسلام اولغله ملل متقدمه نك دیاناتی واس
دیانات اولان وحدانیتیه جمیع ملل و اقوامك اعتقادینی
بیان ایله دین اسلامك حق اولدیغنی انظار جمیع ملله
شو اهد یقینیه ایله اثبات ایدرز . ومن الله التوفیق
وهو نعم المولى ونعم الرقيق .

شعوب و قبائل بنی آدم تکرر ایدوب روی ارضه
تدریجا منتشر اولدقجه احتیاجات و منافع جهتیه
یکدیگرینه مخالفت و حفظ و یا خود جلب منفعت ایچون

قدم نزاعه قیام ایلله عاقبت الامر پینلرنده سفک دما
وقوع بولوب اولکی حال اختلاف منافعدن تحدث
ایدن رقابتدن عبارت ایکن بعده غضب وعداوت
مفضی اولوب یکدیگرندن مباعده قرار وعادات
واطوارده مشاجرتدن ابا واستکبار ایدرک پینلرنده
رسوخیافته استقرار اولان دینده دخی نیچه بدع
وشعبه لر احداث ایدوب مخالفی تشدید ایتدیلر و کندو
معتقدلرینی دیگرلرینه ترجیح ایدوب حفظ منافعه
واکمال احتیاجاته دینی آلت ایدوب بر قتال دائمی به
احداث سبب ایلدیلر .

اعتقادات باطله ده نخله قدیمه شمس پرستک ایکن کیدرک
هر بر فرقه بر نجه پرستش ایدوب آرو آرو سبعة
سیاره یه و سائر اعیان و ثوابته طایندیلر مثلا اقوام
عربدن بنی حیر کونشه و کنانه قره و میسم دبرانه و لحم
و جذام مشتری یه و طی قبیله سی سهیل و قیس شعرای
یمانی یه و بنی اسد عطارده ولات و عزری و منات کی نیچه
جواداته طایندیلر انجق هر وقتده اصحاب عقل و عرفاندن
جهان خالی اولماغله زمان جاهلیته بیلله نور بصیرتله
اهتدا ایدنلر چوق بولنوب انلردن بری زید بن عمرو بن
نفیل اولماغله شعر آتی ایلله موحد اولدیغنی اعلان
ایلمشدر :

ارتبا واحدا ام الف رب * ادین اذا تقسمت الامور
ترکت اللات والعزی جمعا * کذاک یفعل الزجل البصیر
یعنی احوال منقسم اولدقده بر و یاخود بیک الهه می
عبادت ایدیم بن لات و عزری بی جمعا ترک ایلدم و اهل
بصیرت اولانلر بویله عمل ایدرلر دیمکدر .
تقدم ازمنه ایلله روی ازضده تصادف و تجربه تکثر
ورفته رفته بلاد شرقیه اهالیسی تمدن ایدوب علوم
و معارف نشو و نما بولماغله ملل قدیمه دن صابئه ملتی عبادت
ایتد کلری هیاکلک مافوقنده حکیم و قادر و ماک و مستقل
بر الهک وجودینی اعتراف ایدوب انجق دفعه نجومه
عبادتدن اعراض ایده میوب اله ایلله عبادیتنده واسطه
شفاعت و سبب حصول مطلبدر دیدیلر و جناب حقک
و حدایتنی طایوب انک تفویض و ارادتیلله سیاراتک
روی ازضه تصرفنه قائل اوله رق هر بر سیاره یه بر اقلیم
نسبت ایدوب روی ارضی یدی قسمة تقسیم و هر قسمة
بر سیاره نک حکمنی اعتقاد ایدوب اقلیم اوله قروثانی یه
عطارد و ثالثة زهره و رابعة شمس و خامسه مریخ
و سادسه مشتری و اقلیم سابعه زحل تصرف ایدر
دیدیلر که اولوقتدن زمان قریبه کلنجسه جمیع ملل
جغرافیه کتابلرینی بوقاعده اوزرینه بنا ایلمشلردی .
صابئه ملتک موطنی سوریه و فنکه و مصر دیارینه

قریب اولوب منافع و تجارت بو اقلیلر بینده سبب
 اختلاط اولغله صابئه ملتی اعتقادی تا بحر سفید
 سواحلنه دک برر صورتله منتشر اوله رق موخر ابلاد
 غریبهیه دخی تجاوز ایدوب اولایونانیلر علم و معارفله
 برابر نجوم پرستکی اخذ ایلوب دهانیچه نیچه اعتقادات
 باطله علاوه ایتدیلر که یونانک میتولوی دیدکاری کتب
 خرافیه سنده تفصیل اولمشدر . یونان قدیم دینی صابئه دن
 انتحال ایتدکلرینه شواهد یقینه من واردر معابد قدیمه
 یونانیهیه و مسکوکات عتیقهیه نظر اولندقدده یقینا
 معلوم اولور کونشی آپولون تسمیه ایدوب برکنج
 انسان صورتنده و بعضا درت آتلی برعربه ایچنده برملک
 صورتنده و عطاردی ارمن یعنی « هرمن » تسمیه
 ایدوب باشنده ایکی قناد والنده ییلان صارلمش برعصا
 کنج برانسان صورتنده و مریخی آرس تسمیه ایدوب
 باشنده بیضه و صرتمده زره والنده برحربه و زهره یی
 آفرودیتس تسمیه ایدوب برکوچک آینهیه نظر ایدر
 برکوزل خاتون و مشتری یی زفت تسمیه ایدوب مهابتلی
 بریررسمنده تصویر و سائر آلههیه تقدیم ایدرلردی و زحلی
 قرونوس تسمید ایلرلردی صابئه اصنامیله بو اصنام
 بینده بعضاً مطابقت بولنورسده اکر یسنک صورتنده
 مخالف بولنور تطبیق ایتک ایستیانلر فخر رازینه ک

« السرالمکتوم » نام کتابنه نظر ایلسون .
 نوع بشرک تجدیده میلی و ثبات سزلخی امر فطری اولوب
 نظام عالمه سبعة سیاره تدبیرینی کافی کورمدکلرندن اعیان
 و اشخاصه بر طایق ذوات موهومه قاتوب دکر لره
 وزراعت و صید و شکاره و صنایع و خیره و سائر افعال
 و موجوداته آیر و آیر و موکلر توهم ایدوب و بونلرک
 نامنه هیاکل و اصنام اعمال ایدوب پرستش ایلدیلر .
 و بت تراشر اصنامک اعمالنده بر درجهیه دک کسب مهارت
 ایلدیلر که تراش ایتدکلری بتلرک حسن و تناسبی بر قاتدها
 بت پرستلرک میل و محبتنی داعی اوله رق محبتده اولقدر
 افراط و تغالی ایلدیلر که منشأ اصلی اولان نجوم پرستلک
 عوام بیننده بو سبتون منسی اولوب اللریله یایدقلری
 بتلره حین حاجتده التجا و دخالت ایدرک جهاداتی خیر
 و شر ایقاعنه مقتدر ظن ایدوب بتخانه لره محرابلر بنا
 ایدوب تقدیم هدایا و ذبایحه مبالغه ایتدیلر و انسانلری
 بتلره فدا و بعضا اولادلرینی دخی قربان ایلدیلر .
 اساس تدین توحید ایکن مرکز انتشار دن تباعدی
 و زمانک تقادمی نیچه نیچه بدع و اباطیله سبب اوله رق
 روی ارضنده فساد و قتال دائمی یی موجب وداعی اولوب
 بعض جباره ملوک دخی آلهه باطلهیه رقابت ایدوب
 خلقی کندولرینه پرستشه اجبار و انلردن بریسی هالک

اولدقه قبرلینه اسرادن نیچه، بیکناهی قربان ایدرزدی
(تمدن ایدمه میان بلاد زنجیه ده حالا بو عادت قبیحه
جاریدر) دین صابئه نك بلاد شرقیه و غربیه به سرایتیه
نیچه شعب باطله به منقسم اولدیغی تفصیلات سالفه دن
معلوم اولمشدر .

زمان قدیمه آسیای بالا ایله بلاد شرقیه نك اختلاطی نادر
اولدیغی جهتله انلر ك دخی امور اعتقادیه ده اجتهادلی
ینه توحیده مستند ایسه ده تحری حق بشقه یوللر مذهب
اولدیله . زرادشتیلر جناب حق و حدایتنی اعتراف
ایله برابر ایکی شریك علاوه ایدوب مثلث اولدیله
اساسی بودر . جناب واجب الوجود قائم بذاته اولوب
خیری تفکر ایدوب نور ظهور ایلدی و شری تفکر
ایدوب ظلمت تگون ایلدی و نور خیرك و ظلمت شرک
خالق اولدی دیدیلر و مان دخی بر معبوده قائل اولوب
وجودی خیر محض در دیدی انجق کندوسنك بر شریکی
اولسه نصل اولور تصور ایدنجه بو فکر دن ظلمت تگون
ایدوب اله شر اولدی دیدی و نوری یزدان و ظلمتی
اهرمن تسمیه ایدوب نور و ظلمت امترا جندن مخلوقات
وجوده کلدی دیدی و یزدان خیرك الهی و اهرمن
شرک الهی اولدی دیوب مانیلر مثنی اولدیله اشبو ایکی
دیندن ایران و آسیای بالاده نیچه نیچه شعبه لر تولد

ایدوب و نجوم پرستك دخی بریاندن سرایت ایدوب
الی وقتنا هذا هند و چینده پك چوق نحل باطله
موجوددر که بونلر ك تفصیلنه صدك تحملی یوقدر
انجق بوادیان و نحل باطله نك اساسی توحید اوزرینه
مبنی اولدیغنه تفصیلات سالفه کفایت ایدر .

بز شمدی صده کلام : بالاده طراز دیباجه بیان اولان
✱ کان الناس امة واحدة ✱ الخ آیت کریمه سنك
مضمون صدق نمونی تفصیلات حوادث مدللله ایله
ثابت اولدیمی اوت کونش کی ظاهر اولمشدر .

ملل قدیمه دن کلدانیلهر موحد اولوب بونلر ك موطنی
دجله ایله فرات بیننده اولمغله قونشولری جزیره العرب
اهالیسندن انلرله اختلاط ایدنلر موحد و ایران
و مصر و سوریه اهالیسیله تجارت ایدن یمن و سائر
جزیره العرب اهالیسی اعتقادات باطله ایله متدین
اولمشلردر قبائل قدیمه عربیه هر سنه کعبه علیابه
موسمنده کیدوب حج ایدرلردی اولوقت کعبه معظمه
طاشلق برتیه دن عبارت اولوب حجاج عرب او طاشلق
طواف ایدرلر ایدی و عهود و موثیق اوراده عقد
ایدوب انجق بادیله رینه عودتده عقد موثیق ایدرکن
کعبه معظمه دن بر اثر بولمنسنی آرزو ایتملریله موسم
حجده بیت عتیقندن بر طاش قالدروب موطنلرینه

کوتوردرلر وعقود وعهودی اول طاشك حضورنده
 اجرا ایدرك تبرك وتین ایدرلردی بو عانت ینلرنده
 مستر اولمغله کوتوردکلری طاشلری تقدیس وتعظیم
 ایله سائر اوقاتده طواف ایتدکلرندن مکه اعیانندن
 عمرو بن لخی تجارت ایچون سوریهیه کیدوب عودت
 ایدرکن اولوقت دیار عمالقهدن اولان بلقادن مرور
 ایدرك بلقا اهلایسنك اصنامه پرستش ایتدیکنی کوروب
 کندولری دخی بر زماندن برو ناتراشیده احجاره
 طایندقلرندن بتلره پرستشی ترجیح وهبل اسمنده
 بر صنم تدارك ایدوب وطنه وصولنده صنم مذکوری
 کعبهیه واساف و نائله اسمنده تدارك ایتش اولدیغی
 دیگر ایکی صنمی مروه وصفایه وضع ایتدی بو صورتی
 سائر عربلر دخی استحسان و رفته رفته تدارك او ثان
 ایدوب صابئه اصولنده اصنامه پرستش و کعبه
 معظمه یی ظهور اسلامدهك بتخانهیه چویردیلر .
 ایشته بو مقوله دینلرك منشائی نه درجدهده واهی
 و نامعقول اولدیغی بو حکایه دن معلوم اولور .
 اعتقادات و نحل باطلهك انتشاری آنفا بیان اولندیغی
 اوزره انواع شقاق و فساد بادی اولمغله شرقده
 انبیای عظام و غربده حکما خلقی توحیده دعوتیه قیام
 ایدوب نیچه زی ظلمهك پنجه غدرنده مقتول اولماریله

حکمانك دعوتی یالکز سوق عقل و حکمتله اولوب
 بر ایکیسی قتل اولنجه بوداعیه دن واز کچوب اهلای یی
 ضلalde بر اقدیلر انجق انبیای عظام وحی الهی ایله
 مأمور اولدقلری جهته دعوا یی حقندن انحراف
 ایتوب نیچه لری اشکنجه لره شهید اولمشلرکن ارقه دن
 کلان پیغمبرلر علیهم السلام علی الدوام و اهر الهیه یی
 تمشیتیه بذل جان ایدرلردی .

اساس دین اسلام جناب حقك وحدانیتنی و محمد
 مصطفی مبعوث بالحق پیغمبر اولدیغنی تصدیق اولمغله
 نبوت و کتب مقدسه و وحی و معجزه دن براز بحث
 ایدلم .

مسند مقدس نبوت ایکی قسمه منقسم اولمشدر مایون
 طرف ربانیدن مستقلا کتاب و شریعت و یا خود
 صحف الهیه ایله کلانلره نبی مرسل و موضوع اولان
 بردینی تأییده قبل الهیدن مأمور اولانلره یالکز
 نبی دیدیلر . روی ارضده شقاق و فساد اختلاف
 و تضاددن و سلم و صلاح طریق حقده ائتلاف و اتحاددن
 تحدث ایدر انبیای و رسل علیهم السلام ابنای بشری فساد
 و شقاقدن منعه مأموردرلر بنی آدمی صلاح ورشاده
 دعوت ایدرلر اکر جانب حقندن مأمور بتلری یالکز

صلاحه دغوت ایسه مخالفت ایدنلره * و ما علینا
 الا البلاغ * یعنی بزیا لکز او امر الهیدی تبلیغ و بیانه
 مأمورزدیوب اعراض ایدرلر و اگر مأموریتلری
 اصلاح و ارشاد ایسه منع فساد و اصرار و الحاح ایلدوب
 طرف حقندن مبعوث اولدقلرینی تصدیق ایتیانلری
 آیات بینات و خوارق عادات ایله الزام ایدرلر .
 اهل کتاب اولان ملتلر کتب مقدسه ده ذکر اولندیغی
 کبی انبیای عظامی و خوارق و معجزاتی تصدیق ایدوب
 و یهودیلر عیسی علیه السلامک رسالتیه و کله چکنه
 ایمان ایتیشلر ایسه ده کلمش اولان عیسایی تکذیب ایدوب
 زعملرنجه صلب ایتدیلر و بوندنصره کله چکدر دیوب
 حال منتظر درلر و ارض فاران که مکّه مکرمه ملحق قاتندن
 بر طاقم جبالدر اندن ظهور ایده چک برادرزاده کزه یعنی
 اسماعیل علیه السلامک نسلندن کله چک پیغمبره اتباع
 ایدکز دیو تورانده صراحة مصطفی نک کله چکی
 ذکر اولمش و بعض انبیای بنی اسرائیل تشریفلرینی
 تبشیر ایلش ایکن جهور یهود انکار ایدوب بعضیلری
 دخی یهوددن غیری امتلره بعثتی تصدیق ایلدیلر
 و نصاری تورات شریفی قبول ایدوب انبیایی تصدیق
 ایتدیلر و انجیل شریفده عیسی لسانندن جهانه
 تشریفلری منصوص و موعود اولان محمد علیه السلامک
 رسالتی تصدیقده تعند ایتدیلر .

مقصده توطئه اولق اوزره تورات و انجیل شریف
 حقنده امت اسلامییه و علمای حنفانک اعتقادینی و یهود
 و نصارانک امر دینده اعتقاد و اربابینی و نصاری دینک
 تأسیسی ایچون منعقد اولان جمعیتلرک اجمالا احوالی
 بیان ایدرلر

* و عندهم التورات فیها حکم الله * آیت کریمه سنک
 معنای شریفنده علما اختلاف ایدوب کیمیسی تورات
 حضرت موسی علیه السلامک طوره تلقی ایلدکلری
 کلمات عشره دن عبارتدر دیمش و کیمیسی کتاب معروف
 باجمعه نازل اولمشدر اعتقادنده بولمشدر تورات شریفی
 چشم امعان ایله مطالعه ایدنلر قول اولی ترجیح
 ایده چکنده شبهه ایتم .

* بحث *

* و عندهم التورات فیها حکم الله * آیت شریفه سیمله
 * و یحرفون الکلم عن مواضعه * آیت کریمه سنک
 مدلول منیفی اراسنده کورنن فرق حقنده علمای محققین
 یهود ملتی جانب خدادن نازل اولان کتاب شریفی کندو
 هوالرینه اویدر مق قابل دکلدر دیوب آیت اولی ایله استدلال
 و آیت ثانییه ده کی تحریف حقنده بابل منقاسندن عودتلرنده
 جهله نسخا لاعن قصد تحریف ایتدیلر دیوب یهودک

بابل منقاسنده اقامت لری یتش یله بالغ اولوب وقت اسارتده
فحول علمانك انقراضیه یکیدن یتشمش اولان ضعفای
مفسرین معنای تورانی حقیقه بیلدکلرندن تفسیر
وتأویله تحریف اولمشدر دیدیلر . حاصلی توران
شریف حکمت عملیه والهیه نك اساسی اولان کلمات
عشره دن عبارت ایسه اسفار دخی حضرت موسی کی
بر رسول عظیمك وضع ایتدیکی نوامیس و شرایعك
کتابی و انبیا و ملل قدیمه نك مقدس تاریخیدر .

یهود ملتی بر چوق زمان موسی علیه السلامك دین
و شریعتنه اتباعا عدل و حقانیتله حرکت ایتدکلرندن
ملت و دولت لری ارض فلسطین و سوریه و اناطولی
و جزیره العرب و عراقك اطرافنه دك منتشر اولوب
توحیدباری خیلی دیاره ساری اولمش ایکن بیلرنده
اختلاف ظهور یله دین یهودده نیچه بدع و اراجیف
ظهور ایدوب فرق کثیره یه منقسم و انلردن بر چوق
طوائف روم و یونان ایله اختلاف لری سببیه بترلر
طایوب آبا و اجداد لری نك دینی ترك و اصلاح ایچون
کلان بیلرله غدر و ظلم ایدوب حال لری مختل و حکومت لری
اغراض ایله معلل اولمغله منقرض اولوب افرادی
جمع عالمه ذلتله متشت اولدیلر .

دنیا یه قدومی توران شریفده تبشیر اولنان عیسی

غایه السلام اغستوس قیصر ك عهدنده و یهود
ملک لرندن هر دوسك زمان حکومتده بیت لجه دنیا یه
کلوب سن صبارتده ایکن کندوسندن ظهور ایدن
کرامات یهودیلر ك موجب غیظ و تلاشی اولمغله مصره
هجرت و هر دوسك وفاتنده وطننه عودت ایدوب
کندوسندن غرائب احوال و خوارق عادات ظهور یله
اعلان نبوت و بطاننه بیتندن و سائرندن طلب اعانه
و نصرت ایتدکله اون ایکی کشی کندوسنه بیعت ایدر ك
دینه نصرت ایتدکلری جهتنله نصرانی عنواننه نائل
اولوب دینك اسمی نصرانی و اول اون ایکی کشی
حواریون تسمیه اولندی بوندن صکره عیسی علیه السلام
نشر دینه و عقیده لری مختل اولان یهودیلری طریق
حقه و احکام توراته سلوک و تبعیته دعوته باشلا یوب
انجق کلمات عشره دن بری سبت کوننده ترك اعمال
اولمغله سبتی احده یعنی جغه ایرتسی کوننی بازار
کوننه تحویل و توراتده تحریم اولنان لحم خنزیری
تحلیل ایلمسی یهود بیتنده اعظام اولوب اساس دینی
تغیر نههتیه اخذ ایدوب اولوقت روما ایمپراطور لری
طرفندن عسکر باش بوغی اولان نبطی پلاتوس
حضورینه کوتوروب عایهنده اقامه حجت و اعدامی
طلبده اظهار شدت ایدر ك هر نقدر پلاتوس بو امر ك

اجر اسنده توقف ایتش ایسه ده مفید اولیوب عصیان
اماره لری ظهور ایتکله ناچار چارمیخه چکوب صلب
ایلدک لری یهود و نصارا تاریخ و کتابلرنده مذکور در .
صلب ماده سی حقنده نظر و بحث وارد عیسی
علیه السلام یهودیلره سز بوهیکلی یقن بن انی اوچ
کونده بنا ایدرم دیش ایش یوحنا انجیلاک بوآینده
مذکور اولان هیکل عیسی نک کندو وجودیله تفسیر
ایتشد .

عیسی حین صلبده رب العالمینه التجا ایدوب خلاصنی
رجا ایلدیکی دخی انجیلده مذکور اولمغله اوچ کونده
ینه حیاتی اعاده اولته جغنی یقینا بیلور کن نیچون
اظهار حزن و الم ایتسون انسان هر وقت که او بخویه
وارر اویاته جغنی بیلد یکنندن اطمینان قلب ایله
یاصلنوب او یور عینی بو نک کی دکلیدر دیمک
اولور که بو کلامده تناقض وارد یا اولکی فقره
بلاندر یا ایکنجی دوزمه در .

انجیل متاده اوچ نفر حواری به قتل اولته جغنی و اوچ
کون صکره دیر یله جگنی بیان ایتدکده بو اوچ نفر
حواری زیاده مکدر اولدی دیو یازلشدر دیمک
اولور که دیر یله جگنه اعتماد ایتدکلرندن کدر ایتدیلر
زیرا بر آدم احباسنه بن بر محله کیده حکم اوچ کون

صکره عوفت ایدرم دیسه بونده زیاده کدر ایده جک
نه وارد بو دخی نامعقول سوز دکلیدر . یوحنا
انجیلده حکومت مأمور لری عیسی علیه السلامی
جثمانیه نام باغچه دن المغه کلدکلرنده پتروس و یاخود
شمعون نام حواری قلیجی چکوب نفسی و مسیحی
قورقار مق مراد ایتدکده عیسی علیه السلام قلیجی
قینه قوی مقاومت ایتد دیدیکی مذکور اولوب
عیسی نک صلی و اوچ کون صکره دیر یله جکی کندو
لسانندن صادر اولدیغی و بو دخی مراد الله اولوب
امتک و یکمیش ابنای ادمک مغفرتیچون برابتلا
اولدیغی اناجیلده مذکور در مادام که دیر یله جکدی
واللهک امری بو ایدی رئیس حواریون شمعون
اللهک مقدورنه قارشو قلیج چکمک یا قتل و صکره
احیایی تصدیق ایتدیکندن و یاخود اللهک امرینه
عصیاندن اقتضا ایدر بو تعقل اولنور می او یله ایسه
بو انجیللر انجیل صحیح دکلدر .

عیسی علیه السلامک صلبدن یدی کون صکره ظهور
ایدوب والده سسته تسلی و یرمی و بعده بر محله
حواریلردن الک زیاده سودیکی شمعون الصفا به ملاقی
اولوب نشمن دین نظر ایتنه حث و تشویق ایلدی
دخی اناجیل اربعه مآلندن واعتقاد نصارا دن اولسی

مصلوب حضرت عیسی اولماسنی اقتضا ایتدیکی
کی (نیکثا) یعنی ازینق جمعیت کبراسنده وضع
اولنان قانون اعتقاد نصاراده اموات واحیا پئشده
عیسی نک بر دفعه دخی دنیا به کله جکی مذکور واساس
دین نصرانیتدن اولوب انجق سمایه رفعدن یدی
کون صکره دنیا به اینوب والدهسنی کورمسی وبعده
شمعون الصفا یی والدهسنه تعریف ایتدیکی محله
کوروب وصیت ایلمسی آنفایسان اولندیغی اوزره
صلب اولمادیغنه دلیل قطعی اولدیغی کی ازینق
جمعیتده اوچیوزدن زیاده اسقفک اتفاق رأیله
قرارگیر اولان مقاله اعتقادیه ده مسیح علیه السلامک
بردخی دنیا به کله جکی بیان اولمغله سمان اوچنجی
دفعه یر یوزینه قدوم وتشریفلری لازم کلوب
بوسوزدخی صلب کیفیتنی تناقضه دوشمر مشدر .

عیسی علیه السلامک صلی کوننده بعض حیدودل
دخی صلب اولمسی عامه به موجب دهشت وخصوصا
حوار یلره باعث رعب وخشیت اولوب هر بری بر
طرفه فرار ایتلریله بوماده نک کنه وحقیقتنی فعله
چیقاره جق گیمسه قالیوب خصوصا دعوای نبوت
مصدقن عودت ایلدکلرنده اولوب وذات مقدسلری
دائما بر ویبابانده حوار یلره برابر بولنوت دعوته

اشتغال ایدرلردی حاصلی مصره هجرتلری زمان
صباوتده اولوب عودت ایتدکلرنده وقت سعادتلری
براری وققارده نشر دیانتله مرور ایدوب کندوسنه
عداوت ایدن روئسای یهود شخص مبارکلبینی
تشخیص ایده مدکلرندن بعض روایته کوره محللربینی
ارائه ایدن یهودا الاسخر یوطی عیسی به نوعا
بکزدیکندن اتی طوتوب صلب ایتدیلهرحتی لوقا انجیلنده
عیسی کیجه باش کاهنک قوناغنه کتوردکلرنده
کاتبلر و یهودیلرک رئیسلری طوپلانوب عیسی بی
حضورلرینه چیقاردکلرنده عیسی ستمیسن دیدکلرنده
نه دیسم اینامزسکز وصورسم جواب ویرمزسکز
دیجه ارتق کندومی اقرار ایتدی دیهرک صلبنه
حکم ایتدکلری منصوصدر . نه دیسم اینامزسکز دیمک
عیسی دکلم دیسم اینامزسکز دیمک دکلیدر یعنی سز
ظالم آدمزسکز مجرد برظن وشبهه ایله حکم ایدر سکز
دیمک اولدیغی امر جلی ایکن مصلوب عیسی اولدیغنه
ذاهب اولانلر انجیلک بونصنی دقتله مطالعه ایتدکلری
حالد انلر دخی اسلام کی مصلوب عیسی اولمیوب
شبههنی صلب ایتدکلرینه حکم ایده جکلرینه شبهه
ایتمک عبثدر . نتیجه عیسی نک محل اقامتی یله معروف
اولمیوب مذکور یهودانک دلالتیه بولندیغی اناجیل

نصو صندن اولمغله عیسی مخفیاً دین نصرانیته تأسیسه
چالشدیغی و آنفاً بیان اولندیغی اوزره وطنندن صبی
چیقوب عودتنده چوللرده بولنسی تشخیصی اشکاله
دوشروب شبیهنی صلب ایتدکلری وارسته اشتباه
و نص شریف و ماقتلوه و ماصلبوه و لکن شبهه
لهم مال منیفی اتفاق مورخین ایله دخی ثابت
اولمشد.

یهودیلاک عیسییه سوء قصدلری و حواریلری
طلبده اولان شدت و اصرارلارندن حواریلرله برابر
تنصر ایدن یهودیلر بنات نعش کبی متفرق و پریشان
اولوب حواریلاک هر بری بر طرفه صاوشوب
کیتدی انجق واردقلری محللرده دین نصرانیته نشره
عزیمت صحیحه ایله اهتمام ایدوب کیمسی حکام طرفندن
اخذ و قتل و کیمسی فرار و اختفا ایدوب انجیل شریفی
جهه موفق اوله مدیلر. یوحناک برادری یعقوب
رومایه کتدکده ثالیانوس قیصرک سیف ظلمیه قتل
اولنوب شمعون الصفا حبس اولندی انجق شمعون
اهل تدبیر بذات اولمغله یهودیلرک الندن قورتلدیغی
کبی روما محبسنندن دخی اطلاق اولنوب انتاکیه یه
کتدی انجق ظالم نیرون قیصر زماننده روماده مشار
ایله شمعون و پاولوس واسکندر یهده مارقوس نام

حواریلر رضی الله تعالی عنهم قتل اولندیلر.
حواریلرک ظلمه النده دوچار اولدقلری محنت خلانده
و حکامک بت پرستلکه مظاهرتی هنکامده انجیل
شریفک جمع و نشری قابل اولماش ایسهده حواریلرک
تلیذلری نشر دینده اصرار ایدوب برچوق انجیلار
یازیلوب یازلمش و وقتاً بوقت بعض حکمدارلر دخی
تنصر ایتیش اولمغله بر انجیل صحیح تحریرسینه قالقشوب
الارینه کچن برچوق نسخ انجیلدن درت قطعه سنی
یکدیگرینه قریب بولدقلرندن انلری قبول و دیگرلرینی
ترک ایلدیلر قبول اولنان درت قطعه انجیل بریسی
پتروسک تلیذی مارقوسه و بریسی حواریلردن متابه
و دیگرکی یوحنایه و دردنجیسی تلامیذدن لوقایه
نسبت اولنمش ایسهده یکدیگرینه تمامیه مطابق
اولمادیغی حقنده یک چوق رساله لری یازلمش و تناقضلری
کوسترلمشدر.

بزم مقصد مزیا لکرا دیان مقدمه دن بحث ایله تاریخ اسلامک
مدخلنی توسیع و تنویر اولمغله بو بحثدن کف قلم اولندی.
عیسی علیه السلامک دعوا ی نبوتله ظهوری و رفعی
اراسی یالکزاوچ ییل اوچ آی مدت اولوب بوزمان
قلیل خلانده انجیل شریفک جمع و نشری قابل
اولمغله و انتقال عالمیلرنده نصارا و حواریلرک یهود

و بت پرست حکامی طرفلرندن ایقناع اولنان ظلم و شدته ابتلا لری سببیه دخی بوا مر مهم معطل و دین نصاراتک تأسیسی بر قاجوز ییل کشمکشد قلوب قسطنطنیه بانیسی برنجی قسطنطنین والدهی الی و مؤخر آ قسطنطنین دخی تنصر ایدرک ایپراطورلق سیغنی بودینک نصر تیچون سل ایتماش اولیدی دهانچه زمانلر خریستیانلق نتیجه سز قالوردی .

ایلدی بودعوای اثبات و عقائد دین نصاری تأسیس ایچون ازینق و صور و « خالکبدونیا » یعنی قاضی کوی و افسوس یعنی « ایاصولق » و قسطنطنیه ده وقتاً بوقت اساقفه نک جمعیله دینده حاصل اولان نتیجه یی اجمالاً بیان ایدلم . تفصیلی کورمک ایستیانلر مفتاح العبرده مسیح علیه السلام بحثه مراجعت بیورسونلر .

بروجه بیان سالف اناجیلک اطرادسزلغی تنصر ایدن طوائف بینده موجب قیل وقال اولوب دنصان نام اسقف بر طاقم بدع و اقوال ایجادیه اساقفه بینده مباحثات و مقالات احداث ایدوب و قلاودیوس قیصر زمانده انتاکیه بطریق یونس الشیمصانی توحید باری به اهتدا ایدرک بر طاقم خلق مذهبه تابع اولغله دین نصرانی ده اختلاف تکرر المشیدی

بو اختلاف برنجی قسطنطنین زمانته دک ممتد اولوب توحیدی معترف اولان اریوس و دیگر ایکی اسقفک اعتقادی بحث و مناظره یه قونمق ایچون اسکندریه بطریق الکساندرک ریاستنده اولق اوزره قسطنطنین جلو سنک اون طقوزنجی سنه سننده اسقف و بطریقلردن مرکب بر مجلس بحث و مناظره ترتیب اولنوب الکساندر اسقفک رأینی ایپراطور قسطنطنین تحسین ایدوب اریوسک کفرینی اعلان ایطلرینی امر ایلدی بوندن صکره بطریق الکساندر دیانت نصرانیته نک وضع و تأسیسی ایچون بر مجلسک دخی عتدینی رأی ایدوب ایکیک اوچوز اسقفدن مرکب ازینقده بر جمعیت عقد اولنهرق بر چوق بحث و مناظره دن صکره امانت تسمیه ایتدکلی مقاله معروفه یی اوچوز اون سکر اسقفک اتحاد رأیه ترتیب و تسجیل ایلدیلر بو مجلسک عقیده مسیح علیه السلام میلادی بینده اوچوزدن زیاده سنه مرور ایتشیدی بوندن صکره بر تقریب ایل قسطنطنیه بطریق اولان اوسانیوس که اسکندریه اساقفه سندن وار یوس مذهبی رجانه دن ایدی دیگر رفیقلری اومانوسک اعتقادی موضوع بحث اوماق ایچون ص ورده جمعیت عقیدینی قسطنطنیه امر ایتدروب اجتماع ایدن اساقفه

اولکیسی کی آریوس مذهبی رد و اومانوس ضرب
و تحقیر ایلدیلر بوخبر قسطنطنیه واصل اولدقد
اوسانیوسی قسطنطنیه بطریق ایتدیکنه نام
اولمشیدی اوسانیوس وفاتده آریوس مذهبی مروجلری
برارالق قسطنطنیه چاتوب آریوسک مذهبی حق
اولوب ازنیق جمعیتده آریوسه غدرایتدکلرینی بیان
وتوحیدک نصورتله معقول دین اولدیعنی تفصیلا
تعریف ایتلریله قسطنطین همان توحیدی قبول
ایتدکه ایکن قدس شریف اسقفی کیریوس قسطنطنینک
هدایتله میلنی خبر الوب قبولدن حذر ایلسنی تحریرا
بیان وانذار ایلدوب تثلیث اوزرنده قالدی .
برنجی قسطنطنیندن صکره کلان ملو کدن کیمسی
آریوس مذهبنه اهتدا و کیمسی ازنیق عقیده سنه
اقتدا ایدوب وقتک ایمپراطوری قنخی مذهب ن ایسه
قسطنطنیه بطریقلری اومذهبدن انتخاب اولنوردی
وبعض ایمپراطورلر دین خصوصنه مبالات ایتدوب
اسقفلرک ایسنه قارشملردی . انجیلده کله لم اولادی
دینلوب کله انسان اولدی دینلدیکی جهته بعض
اساقفه تثلیثدن عدول ایله ایکی اقنومه یعنی پدره
وابنه اعتقاد ایدوب عیسائی کله دن عبارت عد
ایدرک مثنی اولدقلری جهته ازنیق جمعیتدن ایکوز

الی ییل صکره قسطنطنیه ده بر جمعیت دخی عقد
اولنوب مباحثه و مناظره دصکره بواعتقادک صاحباریند
لغت ایدوب تکفیر ایلدیلر . و ازنیق جمعیتی معتقدینه
پدرندن متنی اولان روح القدسه ایمان ایدرز فقره سنی
علاوه ایدوب اندن صکره عبارت جمع علیهایه علاوه
ونقصان ایدنه لغت ایلدیلر ایشته بوجعیتده مسیحین
تقریبا التیوز سنه صکره در .

بوجعیتدن فرق ییل صکره نسطوریوس ظهور
ایدوب مریم انسان طوغردی والله کله بی طوغردی
بناء علیه مسیح حقیقه اله دکلدن انساندر دیوب
بواعتقاد کندوسندن اول تاودوس و دیودوسوس
اسقفلرک رأی ایدی دیرلر دیکه مریمدن طوغن
مسیحدر واللهدن طوغن کله در بناء علیه ابن ازلی
اولان کله محدث اولان مسیحیه حلول ایدوب ابن
الله تسمیه اولندی بونلرده الله تعالی به ایکی ولد اثبات
ایدوب بریسی ازلی و بریسی فابدر دیدکلر یچون
بواعتقاده دخی نظر اولنق خصوصنده افسوس یعنی
« ایاصولقده » ایکوز اسقفدن مرکب بر جمعیت
عقد اولنوب بومقاله بی دخی ابطال وقائللرک کفرینی
اعلان ایدوب لغت ایتدیلر ونسطوریوس صعب
مصرده واقع انجیمه فی اولندیسه ده بومذهب بلاد

شرقیه دن فارس و عراق و موصل و جزیره
تافراته دك منتشر اولوب بودیار نصاراسی مسیحك
انسان اولدیغی اعتقادنده بولندیلر .

اسکندریه بطریق دیوسقورس مسیح ایچون ایکی
جوهر دن بر جوهر و ایکی اقنوم دن بر اقنوم و ایکی
طبیعت دن بر طبیعت و ایکی مشیت دن بر مشیت در دیر ایدی
وسائر بطریقلر جناب مسیح ایکی جوهر ایکی طبیعت
ایکی مشیت و بر اقنوم دن در دیدکلر یچون انلره
و مذهبلرینه تبعیت ایدنلره نفرین و لعنت ایدلدیکندن
افسوس جمعیتن یکر می بریل صکره خالکدونیا
یعنی قاضی کوینده مرقیانوس قیصر امریله ایکیوز
اوتوز درت اسقفن مرکب بر جمعیت دخی عقد
اولنوب دیوسقورسك اعتقادی نی ابطال و ازنیق
جمعیتی رأینی تأیید ایدوب دیوسقوروسی مرقیانوسك
قاریسی ضرب ایتمکله دیگر لرینی دخی ضرب و طرد
ایلدیلر .

بوندن صکره مرقیانوس قیصر زیر حکمنده کافه ممالکه
مکتوبلر کوندروب ازنیق جمعیتی معتقدی حق
اولدیغندن اکا مخالفت ایدنلرک قتل اولنلرینی امر
ایلدی انجق دیوسقوروس قدس و ارض فلسطیندن
مرور ایدرکن مذهب و معتقدینی قدس و ارض

فلسطین اهالیسی قبول و مصر و اسکندریه خلقی دخی
تبعیت ایتملریله کندی مذهبندن اولان برچوق
اسقف نصب و تعیین ایدوب صباوتده دیوسقوروسك
اسمی یعقوب اولغله مذهبنی قبول ایدنلر یعقوبیه
تسمیه اولندی .

بعض اسقفلر احداث ایتدیکی تناسخ مسئله سندن
طولانی بوجمعدن تقریباً یوز التمش سنه صکره یته
قسطنطینییه ده بر جمعیت عقد اولنوب بعضی انکار
و تناسخی اقرار ایدنلره لعنت و کفر لرینی اعلان ایتدیلر .
بوجمیتلرک نتیجه سی خریستیانلغی اوچ فرقه یه تقسیم
ایتدی ازنیق و قاضی کوی مجعی اعتقادنده اولانلر
ملکائییه و مجمع ثالث رأینه اتباع ایدنلر نسطوریه
و دیوسقوروس مذهبنی قبول ایدنلر یعقوبیه تسمیه
اولندی .

مؤخر ا دخی رؤسای روحانییه بیزنده دینده شک
و ارتیاب ظهوریله ازنیق جمعیتی مذهبی اورتو ذوقس
و قاتولک نامیله ایکی مذهب و هر مذهب نیچه فرقه نره
ودها صکره پروتستان مذهبی دخی ظهوریله انده
دخی نیچه مذهبلر تحدث ایتشدر .

اوانلده خریستیانلقدده باشلی مذهبلر آنفایان اولندیغی
اوزره ملکائییه و نسطوریه و یعقوبیه ایکن مرور

زمان ايله نسطوريه ويعقوبيه مذهبلىرىنه ضعف
كلوب بوايكى مذهب صاحبلىرىدن مصر وحبش
و عراقده پك از كشي قالب اورتو ذوقس يعنى
ملكائيه و قاتولك و پروتستان مذهبلىرى جمع آوروپا
وامريقايه و بلاد شرقيه يه منتشر اولمشدر .

اشبو اوچ مذهبك اساسى تثليث اوزرينه مبنى ايسه ده
يىلارنده اختلافلر وارد . اورتو ذوقس و قاتولك
معبدلرنده حواريلىك وولى عد ايتدكلى آدملرك
صورتلى تعليق و تعظيم اولنور پروتستان اولاتلر
بونى بت پرستك عد ايدوب معبدلىرىنه صورت
قويمزل انجىلده منصوص اولان اتمك وخر كيفيتنده
دخى قاتولكلر تاويل طرفنه كىتموب حضرت عيسى
حواريلىره اتمك وخر وىروب اتمكى يدكجه اتمى
وخرى ايچدكجه قائمى ياد ايدكز ديدكلىنى اتمك ات
وخرقان اولدى ديدىلر . حالا وقت معينده بوسنتك
اجراسنده قاتولكلر اتمكى ات وخرى قان ديوتناول
ايدىلر . اورتو ذوقسلر اتمكى وخرى تناول ايتدكجه
عيسى نك اتنى قاننى ياد ايدىلر ايشته اختلافلر بومقوله
شيلردن عبارت ايكن ارالنده عداوت پك شديددر
خرستيانلق ظهورنده بت پرستلره خرسىانلر
يىلنده دوكلن قاندىن زياده بواوچ مذهب صاحبلىرى

يىلنده قانلر دوكلش و معمورلر خراب اولمشدر .
اكثر نصارانك اساس ديانتى تثليث اولديغنى بيان
ايتدىكز كى تثليثه ذهابلىرىنك سىبنى دخى ايضاح
ايدىلم . عيسى عليه السلام پدرسز دنيايه كلدى
اعتقادلرجه صلب اولنه جنى وقتده پدرمه كيده يورم
ديدى شمعون الصفا كندوسنه سن ابن وحيدسن
ديدى محبتده تعالى ايتدكلىرىدن بومقوله سوزلر
بنى اسرائيل يىلنده نوجهلله استعمال اولنديغنه عطف
نظر ايتمهرك ايچىلر بر كردابه دوشدىلر .
انجىلده اولان عبارلر تدقيق اولنسه بنوت لفظنده
سائر ليله اشتراك اولديغى اكلا شيلوردى . انجىلده
وارد اولمشدر كه حضرت عيسى حواريلىره وعظ
ايدىلر كنده دشمنلىركى سويكز سزه لغت ايدىلره
سز تبرىك ايدىكز اسائت ايدىلره احسان و سزه اذا
ايدىلره تصليه ايدىكز كه سماءه كى پدر كزك اوغلغنه
لايق و پدر كز كى تام اوله سكر . و صدقه لركى
كبرى وىركز كه ربا اولسون زيرا پدر كزك عندنده
ماجور اولمى سكر . ايشته انجىلك بوايتلردن بنوت
وابوت سائر ناس ايله صورت اشتراكده ذكر
اولمشدر زيرا بنى اسرائيل نزول تورات ايله مشرف
اولدىلردن بز سائر خلايق كى دكلر بز عيال الله

واولاد اللهز دیرزدی بولفظلری اللهک خاص
 قولری یز مقامنده قوللانورلردی اشته نصار انک عیسی یه
 کمال محبتلری تدقیقه مجال براقدی . عاقبة الامر
 تثلیث کبی ایچندن چیقلمز برگردابه دوشدیلر . ایمدی
 ابوت وبنوت لفظلری ندن کنابه اولدیغی دلائل
 قطعیه ایله ثابت اولنجه عیسی علیه السلامک رسول
 اولدیغی ینه انجیلدن اثبات ایدلم . متی انجیلنده
 اونجی فصلده عیسی علیه السلام حواریلره خطابا
 سزی قبول وایوا ایدنلر بنی قبول وایوا ایتشلردر
 وبنی قبول ایدنلر بنی کوندرنی قبول ایتشلردر یعنی
 الله تعالی قبول ایتشلردر . بوآیتده عیسی الله
 طرفندن کوندرلمش رسول اولدیغی مصرح اولدیغی
 کبی یوحنا انجیلنک فصل خامسنده دخی عیسی
 علیه السلام بن کندو مشیتله عمل ایتکه کلام بنی
 کوندرنک مشیتله عمل ایتکه کلام دیدیکی منصوص
 اولوب بوآیتده دخی رسول اولدیغی صراحة ذکر
 اولمشدر . ارتق عقلا ونقلا کونش کبی ظاهر اولان
 دلائل قطعیه قارشو ضد اولان تثلیث اعتقادنده
 بولنق علمای دین عیسویه یا قشورمی بویله اولنجه
 انجیل وقرآنده منصوص اولان صرف وحدانیتی
 تصدیق ایدرک سزک وبزم اعترافز تحتنده اولان

روز آخرتده حضور باری یه صدق وسلامت حال ایله
 چیقلم ونعیم آخرته جله من برابر نائل اوللم .
 مابعدالیقین الاالضلال . ایمدی تثلیثی دخی شرح
 و بیان ایدیم امید ایدر مکه ارباب عقل وانصافدن بر
 کیمسه اعتراض ومخالفت ایتکی قبول ایتیه جکدر .
 * عقیده نصرانیوه تثلیث ندر *

اوغل بابا روح القدس برالهدر ایمدی بونی تشریح
 ایدلم اوچ شی بر اولدی برشی اوچ اولدی بوافتراق
 واتحاددن نه حاصل اولدی اوغل بابا اولدی بابا اوغل
 اولدی روح القدس جسد جسد روح القدس اولدی
 جوهر مجرد جسم جسم جوهر مجرد اولدی .
 مکانسز متحیر متحیر مکانسز اولدی قدیم حادث
 حادث قدیم اولدی ذاتیله قائم اولان غیریه قائم
 غیریه قائم اولان ذاتیله قائم اولدی باقی فانی فانی
 باقی اولدی حضرت مریمه کلنجه اللهک اناسی
 اللهک قیرنی اللهک کلینی اللهک قاریسی اولدی
 پایاسلر بو خصوصده بحث و مناظره بی قبول
 ایتمز لر ایتمش انجق اوچ بر اولورمی دینلورسه اوچ
 بر اولور دیرلر الله بردر روح القدس و ابن صفتدر
 دیرلر وروح القدس کله وکلمه بی علم ایله تفسیر ایدرلر
 انجق بودخی قاعده اوله من زیرا علم صفات اللهدن

ایستاده بنوت ابوته ابوت بنوته صفت اوله عز
 پدر بشقه اوغل بشقه در کله جسد اولدی ایکیسی
 بر اولدی او جهته صفت اولور دیرل اول حالد
 تثلیث تشیه اولور ذات باری و تجسد ایدن کله اله
 واحد دیک اولور ایکی شی بر اولور برشی ایکی
 اولور اوچ شی ایکی اولور بر اولور برشی اوچ اولور
 ایکی اولور قارمه قارشق اولور . ایشه بو تشریحدن
 عیانا ظاهر اولور که اوغل بابا روح القدس اله واحد
 اوله عز بو اعتقاده تناقض و تخالف و تنافی کونش
 کی ظاهر در . زرادشتک ظهورنده صابئه دینی اشتهار
 بولوب ملوک و حکام تعدد آلهه بی قائل اولدقلرندن
 یدی الهی اوچه تنزیل و بوسبتون تباعد اتمامک
 فکريله زرادشت الله خیری فکر ایتدی نور ظهور ایتدی
 و شری فکر ایتدی ظلمت حاصل اولدی و جمله سنک
 اتحاديله عالم وجوده کلدی دیدیکی کی حوار یلرک
 قاتلی و ثنی روما شهنشاهلرینک زماننده دخی ظهور
 ایدن دین حق شرق پاپاسلری اوچ درت یوز سنه
 ظرفند، بو قیافته قویدیلر . یو خسه عیسی علیه السلام
 و حواریلر رضی الله تعالی عنهم بو یله بحث و مناظره یه
 کلز اصحاب عقوله یا قشمر متناقض متخالف متنافی
 متنافر اعتقاددن بری الذمه درلر . مؤلف شمعی یهدک

کوریشوب قونشدیغی عالم و عاقل خرسیتیا ندرده موحد
 اولیان بر آدم کوره مامشدر .
 عیسی علیه السلام پدر سن طوغدیغندن حضرت مریم
 اولاد داوددن اهل نسب و حسب بر خاتون اولغله
 بوا امرک ظهورنده اقرباسی و اهالی کیفیتی و اعظام
 ایدوب پک چوق قیل و قال اولدی حتی زوجی مشابه سنده
 اولان یوسف النجار حل حدوشندن زیاده مکرر
 اولوب مفارقت ایستدی انجق حضرت مریمک عفت
 و دیانتی یوسفک مسلمی اولغله مریمی استنطاق ایلدی
 ملاک صورت بشرده تمثیل ایله مسیحک ولادتنی تبشیر
 و نفخ کیفیتنی حکایه ایتدکده بوا امرک وقوعنی استبعاد
 و مریمی خانه سندن تبعید ایتدکده رؤیا سنده بر ملاک
 ظهور ایدوب مریمک قولنی تصدیق ایلکله مریمی
 خانه سنه اعاده ایلدی و عیسی علیه السلامی مخالفلرک
 سوء قصدندن محافظه ایچون بو حاکم کتمنی التزام
 ایتدیسده وضع حل شیوع بولوب قرآن شریفده
 آرایش ایوان بلاغت اولان * یا اخت هارون
 ماکان ابوک امرأ سوء و ما کانت امک بغیا * آیت
 شریفه سی مآل شر یقبحه یعنی ای هارونک همشیره سی
 پدرک یمان ایشلرکشی و والدک فاحشه دکل ایدی سن
 بو جنایتی نصل ارتکاب ایتدک دیهرک تکدیر ایتدکلرنده

وقوع حلك صورتی بیان ایلہ مولودی محافظہ ایچون
یوسفله برابر مصره روان اولدیله .

بحث

پدرسز مولود اولورمی تناسل قاعده سنجہ اولمز لکن
روی ارضده هر مخلوقك بدایتی تکوین اولدیغی امر
جلی اولغله سائر حیوانك پدرسز و اناسز وجوده
کلدیکی کبی نوع انسان دخی پدرسز و اناسز خلق
اولمشدر .

محروم هدایت الهی و اصول طبیعتك جاهلی اولان
قدمای طبیعیون نوعك قدمنه ذاهب اولوب خیال
فاسدلینك بطلانی حکمای اسلامیه پراهین قاطعه
عتلیه ایلہ اثبات ایتدیکی کتب کلامیه ده مسطوردر
بوعصر اخیرده دخی برطاق طبیعیله توره یوب نوع
بشر روی ارضده سائر حیوان نسلنك درجه درجه
ترقیسندن حاصل اولوب آیر ویرادلش برنوع مخصوص
دکلر دیشلر و حوصله تعبیره صیغمز برطاق ترهات
ایراد ایتشلردر و قوربغانك تصویرینی یایوب هر بر بطن
کدکجه خلقتنی بر خط مشابعت ایلہ آرترهرق بر قاج
بطنده شکل انسان حاصل اولدیغنی کوستر مشلر
و بعضیلری میون واورانقوتان نام حیوانلرک تناسله

ترقیسندن انسان حصولنه ذاهب اولوب کتابلر
یازمشلردر . بونلرک رأیلرینی جرحه تصدی مالا یعنی
ایلہ اشتغال قیلاندن ایسه ده نه چاره که کتابلرینی
او قویان خلقتك کافه سی قاعده تناسلی و اصول طبیعتی
حقیله بیلدکلرندن حقه شبیه مغالطه لرینه الدانوب
کندولرینی میون اولادی ظن ایدرک تکالیف شرعیه
و اخلاق ملکیه مقتضیاتندن اولان ایقاع خیردن
معاف اولدقلرینه ذهاب ایلہ اطوار بهیمیه و اخلاق
سبعیه ایلہ متخلق اولورلر . و حکام و قوانین
قورقوسی اولسه هر کوتولیکی ایشلرلر بناء علیه
بونلرک هذیان و خرافاتی بر قاج سوزله ابطال وجیهه
ذمت انسانیت عد اولمشدر .

ایمدی (ژؤلورلی) یعنی علم طبقات ارضدن محسوس
و معقول اولان بر بحث آچهلر . بوفنه منتسب اولانلرک
معلومی اولدیغنی اوزره الك اسکی اولان طبقه طبقه
صوانیه یعنی صوماکی طاشی طبقه سیدر اشبو طبقه ده
یالکز حیوان بحریدن بحسب الخلقه الك اشاغی درجه ده
بولنوب تحجر ایدن اصدا فدن غیری حیوان اثری
بولمز و بو حیوان بو وقته دک سوزده کمال کثرته
بولنورلر بونلر خلقتده ترقی ایدرک ذوال معیشتین یعنی
هم صوده و هم قوروده تعیش ایدن تمساح و قاپلر بولغا

درجه سنده ك واره بيلور لر فرض ايلسه ك بونی اثباته
البته قادر اوله مير زیرا حالا اصداف و تمساح موجود
اولوب ايكي اوجي برلشديره جك سلسله حيوانات
مقاربة الخلقه موجود دكلدر . كذلك حيوان
بحریدن ذو جناح اولان قرلانچ بالغيله ذوالعشيتين
اولان طيور سباحه يعنى يوز كج قوشلرده ك بروجه
بيان سالف بر سلسله موجود دكلدر و خلقت ظاهره سي
انسانه شبيه ميمون نوعندن اولان اوراقوتانندن انسان
درجه سنده ك ترقى ایدن سلسله دخی ناموجوددر .
و هلم جرا بناء عليه حيوان و نبات انواع مختلفه ده
خلق اولنوب هر بری کند و ذاتنده بر نوع مخصوصدر
انجق حيوان و نبات عائله عائله يکديکرينه قريب
اولوب حيوان عائله لرندن بعضيمى يکديکرينه
مقاربت ايتسه انجق بر بطن تناسل ايدوب بطن ثانی به
تجاوز ایده من فرس و حمارك تناسلى کي بوايکي
حيواندن بغل حاصل اولور سنده اوراده منقطع اولور
فاما نبات بوقاعده دن مستنادر انواع مقاربه بيننده
تناسلك حصولي تلتيم يعنى اشی ايله اولور انجق ايکي
شی اراسنده برشی اولمز مثلاً کرازه ارك تلتيم اولسه
ارک حاصل اولور بو تلتيم عمليه سي غرس قبيلمندندر
اغاج طور براغت خلاصه سي اولمغله انده اولان مغروسك

ميوه سي طو پراغه اولان غرسدن کوزل اولور انجق
نباتك نوع اعلا سي حيوانك نوع ادناسنه قريب
اولمغله اولمغوله تلتيمى قبول ايتز خرما اغاجي کي .
نتيجه انسان نوع مستقلدر بشقه نوعدن منشعب دكلدر
و نطق و ترقى و کلياتي حفظ و قياس و تطبيق امتيازيله
سائر حيواندن کليا متباعددر و علم طبقات الارض
دلالتيله روى ارضنده سائر حيواندن متأخردر و تکوين
ايله ظهور ايتشددر * يا ايها الناس اتقوا ربکم الذی
خلقکم من نفس واحدة و خلق منها زوجها و بث
منهما رجلاً کثيراً و نساء * انسانك ابتداسي
تکوين ايله اولديغي امر معقول و آدم عليه السلامك
تکويني کتب مقدسه اخباريله بزه منقول اولوب
انسان اولك اناسز باباسز حصول بولديغي کي عيسى
عليه السلامك باباسز حصولي نيچون انکار ايدلم بز
اسرار تکويني بيلور مير انا برتارله مثابه سنده اولوب
جناب حق روى ارضي جميع تخملايله برابر خلق
ايتديکي کي مريمى دخی نفثك وقوعيله حمله مستعد
يارائمش اولسه نه لازم کلور . عادت تناسله مخالفدر
ديو عقلاً ثابت اولان تکوين خصوصى انکار
ايدم بيلور مير .
عقول قاصره مزك ايرمديکي شيلري انکار ايله کويبا

کند و حزه اثبات عقل و در اینجی ایدرز بزم بیلدی کمزله
بیلدی کمز موازنه اولانسه بیلدی کمز بحر و بیلدی کمز قطره
مثابه سنده دکلیدر .

معجزه بی انکار قلبک ظلمتدن یاخود کمال جهلندندر
معجزه ندر معجزه اسرار طبیعتی بیلوب حین حاجتده
سائر ناسک مثانی اتیانه عاجز اولدقلری شیئی حیر فاعله
چیقار مقدر . مثلاً هواده و تحت ارضده صوم وجود
اولدیغی امور معلومه دن اولوب موسی علیه السلام
صحرای تهیده استسقایدن بنی اسرائیله اون ایکی
کوز صو چیقاردی و مصطفی علیه السلام ثنیه المرار
و وادی المشقق نام محلا رده استسقایدن عسا کر
اسلامی صولادی و عیسی علیه السلام عما و برصه
دوچار اولانلرک عللرینی دفع ایلادی بو ذوات مقدسه
بزم گبی بشر اولوب خلقه قادر دکلردی انجق ذات
مقدساری خلقت تامهیه مظهر و قلب مبارکلی آینه
صور غیبیه اولمغله حین حاجتده وحی الهی ایله
اسرار طبیعتی کشف ایدوب خوارق عادات اظهار
ایدرلردی بوکا اینانور و تصدیق ایدرز زیرا اسرار
طبیعتی بیلک علمدر تفصیلی یرده صو بولمق علم رآفت
وهوادن صو چیقار مق علم کیمیا و مریضلره دوا ایتک
علم طبردر انجق پیغمبران عظام صلوات الله علیهم

علم الالهدن استفاضه طريقه تعلم ايدوب اسرار طبيعتي
 بيلورلري سائر خلق ايسه ميدانه كمش اولان شيلري
 سعي و تدرس ايله تحصيل ايلرلر .

﴿ فنون وعلوم ندر تجربه و تصادف والهائیک ﴾

نتیجہ سیدار -

خبر

مثلاً بریسی بر سطح وسطنه استقامت تامه ایله برعود
نصبی مراد ایدوب نوجهله اجرایی قابل اولدیغنی
تصورله ابتدا کوچک بر نمونه دن تجربه یه باشلایوب
سطحك ازكان اربعه سندن دقیق مقیاسلر وکمال تکلفله
نیجه دفعه لر تجربه ایدرك تقریباً وسط سطحی
بولوب عودی نصب ایلدکدن صکره حاصل اولان
صورته فکر دقیق وتأمل تام ایله نظر ایتدکده
نمودك مرکزی سطحی تنصیف ایدن خط موهومك
وسطی اولدیغنی مشاهده ایدنجه بر سطحی تنصیف
ایدهك صورتی بولوب سطحی محیط اولان خطوط
اربعه نك نهایی نقطه لرندن طولاً ویا عرضاً طرفیندن
خارج سطحه ایکیشر قوس ترسیم ایدرك وقوسلرك
تقاطع ایتدکری نقطه لری یکدیگرینه ایصال ایلهرک
سطح منتصف اولور ایشته بو صورتک وجودیله

سطحك دخی و سطنی بولق قاعده سی منكشف اولور .
 اولخالده سطحی تنصیف ایدن خطك اوجلرندن
 بر کره شمال و بر کره یمین خطه ایکیشر قوس تشکیل
 ایدوب قوسلرك تقاطع ایتدکری نقطه لری بر خطله
 ایصال ایدنجه سطحی تنصیف ایدن خط دخی تنصیف
 اولمغله ایکی خطك تقاطع ایتدیکی نقطه سطحك
 وسطی اولدیغی هر طرفدن قیاس اولنه رق ثابت
 اولور . و بر سطحك وسطنه استقامت تامه ایله
 بر عمود نصبی قاعده سی بالتجربه ظاهره چیقوب
 بوصورت ضبط و تحریر اولنه رق اخلافه موجب
 سهولت و بومسئله ریاضیه علم اولور .

تصوف

الوان اصلیه نك ترکیله لیلای بررنك استحصالی
 طلب ایدن نقاش بر قاج بویایی ترکیب و تجربه ایدر
 طلب ایتدیکی رنك لیلای ایکن قویو مور بر رنك
 حاصل اولور طلب ایتدیکی رنك بشقه و حاصل اولان
 رنك بشقه اولوب ایکنجی رنك تصادفله میدان چیقمش
 اولوب فلان و فلان بویان شو مقدار لرك اجتماعندن
 شورنك اولور دیو ضبط و تحریر ایدرك علم اولور
 و بو علم بالتصادف میدان چیقمش اولور و هم جراً

الهام و رویا

طیور و دواب بر مر ضه دوچار اولدیغنده مر ضنك
 دفعته صالح اولان علاجی الهام ایله کندوسی بولور
 هر وقتده مشاهد و معلومدر که هره و یا خود کلب
 منقبض اولسه تسهیل ایده جك اوتی بلا تعلیم بولوب
 مداوات ایدر و غراب غاغاسیله دکر صوینی آلوب
 احتقان ایدرك قبضدن قورتیلور انسان دخی بعضاً
 ملهم اولوب یقظه ده و یا خود رؤیاده دواسنی بولور
 و طالب علم اولان رجالدن قلبی منور اولانلر مسائل
 مشكله نك حلنه یا ملهم اولور و یا خود رؤیاده حل
 ایدوب اویاندقده مسرور اولور . حتی ابوعلی ابن سینا
 ترجمه حالی کندوسی یلژوب نیچه مسائل مشكله یی
 رؤیاده حل ایتدیکنی بیان ایتشدر و بوا مر ك نفسلرنده
 وقوعی نیچه رجالدن مسموع و منقول اولشدر بیان
 اولمان اسباب ثلاثه دن علوم و فنونك میدان چیقدیغی
 معلوم اولدی .

بحث

دواب و طیورك ملهم اولدیغنی علمادن كرك اهل کتاب
 كرك طبیعیلردن بر کیمسه انکار ایدمز و معلومدر که
 الهام ذوی العقول اولیان حیوانده زیاده اولور بونك

سرو حکمتی نوع بشرده مزیت مخصوصه اولان
عقل و نطقك اعانه سیله جلب منفعت و دفع مضرت
مقتدر اولوب اعمال فکور و حواس ايله امور
ضروریه سنی تدارك ایدر سائر حیوان و سائط و آلات
تدار کنند عاجز ایسه ده بزم کی نفع و ضرری بیلوب
تدبیر معاشده ملهم اولور. قوندوز و آری و قارنجه نك
احوالنه نظر امعان ايله باقیلر رسه بو حقیر حیوانلر ك
تحصیل معاش و امر انتعاشده حالری محیر عقولدر
بو تفصیلدن معلوم اولدیکه تلقی وحی و الهامه
جمیع حیوانده جناب باری براستعداد و قابلیت
خلق ایلشدر هر نوع حیوان حال و شاننه کوره
ملهم اولور انسانك ترکیب ظاهر یسی سائر حیواندن
اتم و احسن و قوای باطنه سی دخی ظهیر یله
متناسب اولدیغی مسلم ایکن تلقی الهام و وحیده
سائر حیواندن دون اولدیغی عقلك کفایتنه مبنی اولوب
انجق ماورای عقلمه اولان امور ایچون الهام و وحیه
محتاج اولمغله تشبث ایتدیکی بر امر مشکله تدبیری
قالوب محیر اولدقده عجزینی اعتراف و جناب حقك
لطف و اعانه سنه تشبثه مر جت الهیه یه کسب استحقاق
ایده جك اسبابه توسل ایتدکده مورد الهام و وحی اولان
قلبی آینه عجلا کی صور غیبیه نك قبولنه مستعد اولور.

انفاً بیان اولندیغی اوزره هر نوع حیوان حال و شاننه
مناسب اولان تکریم الهی یه مظهر اولدیغی کی نوع
انسانك کندو نوعنده یکدیگرندن عقلا متفاوت
اولدیغی دلائل آثار ايله ثابت اولوب اکرم مخلوقات
اولان انسانك افرادی بیننده اولقدر تفاوت واردر که
بر عصرده موجود اولان برملیار خلق ایچنده عقل
و دها ايله انجق برقاج کشی مشتهر و معلوم اولور.
زوی ارضده تقریباً یدی بیک سنه ظرفنده بو جسر
فانیدن مرور ایدن لایعد خلایق بشریه میاننده قوه
ایجادیه یه مالک پك از کشی یکدیگنی کتب مقدسه
و تواریخ اتم سالفه مطالعه سی بزه علم الیقین بیان ایدر
ایشته بو ذوات ممتازه ایکی قسمه منقسم اولوب بر طاقی
اعمال عقل و حواسله ایجاد علوم و صنایعه مقتدر
اولوب منتظماً امر معاشی نوع انسانه تسهیل ایلدیلر
بونلر فلاسفه و حکما درر و بر طاقی اکمل و اتم بنی نوع
اولوب قلب مبارک لری انوار الهیه نك مورد و مخزنی
اولمغله ذات مقدس لری تدبیر معاش و معادی بزه تعلیم
و بیان ایتدیلر بونلر انبیا و رسل کرامدر صلوات الله
علیهم اجمعین اولیا رضی الله عنهم انبیای عظامك
سنت شریفه لرینه اقتدا ايله مشرف اولوب تبعیتله
ممتاز اولدقلرندن انلری صنف مستقل عند ایلدم

نتیجہ

حیوان و انسانک تفاوت درجائنه نسبتله الہام و وحیک
تاقینہ مستعد اولدیغی دلائل یقینیہ ایله معلوم اولنجہ
اکمل بنی نوع اولان رسل کرام علیہم السلام و وحی
ایله اسرار طبیعتہ کسب اطلاع ایدرک اظهار
معجزاتہ اقتدار لری ثابت و وحی و معجزہ و نبوتک صدق
ظاهر اولدی . ذلک فضل الله یؤتیه من یشاء .

ہو امور غامضہ عقلا حیرت ظهور واثباتہ گنجہ نقل
و نحل حقندہ نازل اولان آیات کریمہ نک تلاوت
و تفسیر یلہ تنویر قلب و مدعا ایلہ اکتفا ایدرز * قالت
نملہ یا ایہا النمل ادخلوا مساکنکم لا یحطمنکم سلیمان
و جنودہ * یعنی بر قارنجہ قارنجہ کروہنہ ای قارنجہ لر
اولر کزہ کیرک سلیمان و عسکری سزری چکنہ مسون
دیدی بوندہ قارنجہ یلہ الہام اولندیغنه دلالت واردر
* و اوحی ربک الی النحل ان اتخذی من الجبال بیوتا
و من الشجر و مما یعرشون * معنای شریفی ربک آر یلرہ
طاغیرک و اغاچلرک قغوقلرندن و انسانلرک بنا
ایتدکلری مکانلردن مہیت اتخاذا ایدکز دیو وحی
ایتدی دیمکدر صدق الله مولانا العظیم .

« صحف سالفہ دہ وحی و معجزہ و نبوتک حقیقتی تعریف
اولندیغی کبی مصطفی علیہ السلامک حال و شان
و بعدہ نبوتلہ تشریفی بیان اولنور »

محمد مصطفی علیہ السلامک ولادت لری دولت ساسانیہ
ملو کندن نو شروان جلو سنک قرقچی واسکندر رومی
تاریخنک سکز یوز سکسان ایکی سنہ شمسیدہ سنندہ
و پدر لری عبد اللہک وفاتندن بر قاج آی صکرہ
شرف وقوع ہواوب جد مکرملری عبدالمطلب
کفالتندہ قالدیلر ابتدا بنی سعددہ سوداموب صکرہ بنی
نضرہ حلیمہ امزردی سن سامیلری دردہ واردقدہ
بعض احوال شریفہ ظہور یلہ وجہ مبارک لرنده تغیر
کورلرکلہ سوداناسی حلیمہ ذات مقدسلرینی والدہ
مشفقہ لری آمنہ یلہ کوتوروب تسلیم ایلدی سن عالیلری
سکز رادہ لرنده ایکن جد بزرگوار لری عبدالمطلب
وفات ایدوب عم عالیبتار لری ابوطالب امر کفالتی حسن
ایفا ایلہ وجود مبارک لری محافظہ یلہ شد نطق
عزیمت ایلدیلر زمان صباوت و شبوبیتلرنده ذاتلرنده
کورنن حالات و کرامات و اخلاق مرضیہ حسنہ مجیر
عقول ایدی اشہر اقوالدہ سن ہمایونلری اون اوچندہ
ایکن عمی ابوطالبہ دیار شامیہ یلہ توجہ ایدوب بصری یلہ
وصول لرنده بحیرا نام راہب مشاہدہ ایتدکلری حالات

غریبه دن انجیلده تبشیر اولنان پیغمبر آخر الزمان بو ذات
عالی قدر اولدیغنی تفرس ایدوب قومنه تبشیر
و محافظه سنه اعتنا ایملرینی وصیت ایلدی . سن
مبارک لری یکر می اوچه بالغ اولدقده خدیجه بنت
خو یلدک مالیه بردخی دیار شامیه یه تجارت ایچون
توجه لر نده نسطورا نام راهب دخی کوردیکی علامات
خارقه العاده دن نبی آخر زمان اولدق لری نی استکشاف
ایدک رفاقت سنیه زنمه بولنان خدیجه بنت خو یلدک
کوله سی میسر ه یه اخبار ایلدی .

محمد علیه السلام دیار شامیه دن عودت ایتدکلرنده
خدیجه بنت خو یلد انلرله ازدواجه میل ورغبت
ایتملریله ابو طالب اشراف قومی دعوت وبر خطبه
بلیغه تلاوته مبادرت ایدوب محمد علیه السلام
عسری نی وخدیجه نك صداقنی کندو مالندن تسویه
ایده جکنی وقیمت وعظمت ذاتیسنی بیان ایله حضارک
مسامعنی تشنیف وخدیجه یی پدر لری خو یلد دن استیوب
ازدواج محمدله تشریف ایلدی اولوقت مرقات عزیز
عمر دن سن سامیلری تمام یکر می بش در جدیه واصل
اولمشیدی .

سن عالیلری اوتوز بشه واردقده قبیله قریش بناء
بیته مباشرت ایتملریله ذات همایونلری دخی تبرکا

وتینما طاش طاشر لردی بر کون عملری عباس طاشی
ذیل ثوبلرینه وضع ایدوب احتمال ایلدکلرنده جسم
همایونلری تعری ایتکله کمال شرم و حجاب لرندن بایلوب
زمینه دوشمکله رحمت محض اولان وجود مبارک لری نك
مساسیله اول بقعه شریفه رشک سپهر برین اولدی .
حجر اسودک محلنه وضعنده حق تقدم دعواسیله قریش
اشرافی بیننده قیل وقال مؤدی قتال اوله جق ایکن محمد
باب کعبه دن کیرمکله امین کلدی آنی حکم نصب ایده لم
دیه رک قریش بیننده اتفاق حاصل اولمغله حجری بر احرام
اورته سنه وضع ایدوب ایکی طرفک اشراف رجالندن
عتبه والاسود و ابو حذیفه و قیس نام درت کشی یه
احرامک درت اوجنی طوتدیروب محلنه کتوردکلرنده
کندو بد سعادت لریله محلنه وضع ونزاعی دفع ایتدیلر
ذات مقدس همایونلری یتیم بر چوچق ایکن میان
قوم عربده زمان جاهلیته بیه قدر و حیثیت لری
معروف و کمال عفت واستقامتله موصوف اولوب امین
تسمیه ایتملر دی و معظمت امورده رأی و اراده لرینه
مراجعت ایدر لر ایدی صلی الله تعالی علیه وسلم .

✽ مصطفی علیه السلام وحیک مبدا طوری ✽

✽ بیان اولنور ✽

محمد علیه السلام جناب حقه عبادتله مشغول اولوب

احوال غیبیه ابتدا رؤیاده کند و سینه منکشف اولمغه
باشلایوب هر کوردکری رؤیا عینیه ظهور ایدردی
بعده عبادته زیاده محبت ایدوب حرا طاغی غارنه
اعتکاف و وحدته چکلدیله اشهر اقوال اوزره مدارج
عمر دن قرقجی درجه یه ارتقا ایلدکلرنده وحی و نبوتله
تشریف اولندیله متواتر اولان صورته نظراً و حیک
ظهورنده بایله کی بر حال عارض اولوب جبریل امینی
گاه صورت بشرده کوروب تلقی وحی الهی ایدرنر
و افاقت کلدکده عینیه تخطر بیوروردی و بعضاً حال
غشی شدتله ظهور ایدوب افاقت بولدقلمرنده وجود
سعادتلی تأثر تام ایله عرقریز اولوب اوخلالده تلقی
وحی ایدرلدی و آیات قرآنیهدن ابتدا ﴿ اقرأ باسم
ربك الذی خلق خلق الانسان من علق اقرأ وربك
الاکرم الذی علم بالقلم علم الانسان ما لم یعلم ﴾ آیات
شریفه سی نازل اولوب زوجه سی خدیجة بنت خویلمده
تبلیغ ایتدکلرنده بلا تردد ایمان ایلدیله مال شریفی
جمع مکونات یارادان اللهک اسم شریفیه ابتدا
ایدرك سکا نازل اولان قرآن شریفی اوقو اوقو زیاده
کریم اولان ربك انسانی دم غلیظدن یارادوب مزیت
قرائت و کتابتله سائر حیواندن مستثنا و ممتاز ایدوب
مقصود بالذات اولان تعین الوهیت انسانک وجودیه

حاصل اولدی یعنی الله تعالی انسانک یارادلمسیله
بیلندی زیرا سائر حیوان یالکز امر معاشی بیلوب
اوردن مؤثری بیلک یالکز انسانه مخصوص اولان
خصالندندر .

یو حال سعادت مال مستمر و آیات بیئات قوم عرب بیلنده
مشتهر اولمغه هر خانه و قبیله ده لمعان ایدن نیر نبوت
عالمه هر اسانده دائر ایدی ذات مقدس پیغمبری سن
صبا و تلرنندن برو صدق مقال و صلاح حال ایله جله
بیلنده معروف اولوب سالفاً بیان اولندیغی اوزره
میان قومده امین تسمیه اولندقلری جهته حاضرینه
الك زیاده مطلع اولان ابو بکر و علی رضی الله تعالی
عتهمهما همان نبوتلرینه ایمان ایدوب سائر اشراف
و کبار عربدن محمد علیه السلامک حال و شاننی بیلنلر
قول صادقلرینه اتباعا و دیگرلری آیات و معجزاتی
کوردیکه تائل سعادت دارین اولق ایچون طوعاً
ایمان ایدوب قوم عرب ایچنده اسلام تکثر ایتدکده
اولدیغنی ابو جهل و سائر رؤسای قوم عرب کوروب
حسد و استکبار ایله مخالفته اصرار و شیعه
و هوادارلرینی جمع ایدوب اهل اسلامی استهزایه
و رسول اللهی ازدرایه باشلایوب غم مکرملری ابو طالبه
ایکی دفعه جمعیتله کیدوب الهلری اصنامه محمدک

سب و شتم ایتدیکندن شکایت و بو داعیه دن رجوع
ایتمز ایسه ذاته سوء قصد ایده جکرینی بیان ایتمز یله
ابوطالب محمد علیه السلامی جمعیه احضار ایدوب
اصنامه دشنامدن کف لسان ایتمزینی بیان ایتمز
ایسه ده یا دین حق اظهار و یا خود فدای جان
اید، جکرینی اخبار ایدوب عیسی حمایه سندن و از چکش
طنیله اغلغه باشلندی ابوطالبه بو حالدن رقت کلوب
کیت ییلدیکنی ایشله دیوب کلان رو عسای مایوسا اعاده و
* والله لن یصلوا الیه بجمعهم *

* حتی اوسد فی التراب دفینا *

بیته انشاد و خاطر عاطر رسول الهی شاد ایلدی ماک بیت
بن مطهوره حده و ساده کزین موت اولدجه رؤسای
قریش جمعیتلریله حمده ایصال کزند ایده مز لردید کدر .
ابو طالبک یکنی محمد علیه السلامی حمایه اصراری
تعین ایدجه خذله مشرکین ضعیفای اسلامه اذا
وجفای حددن آشروب رجالدن بر برینی متعاقب
سکسان اوچ کشی و نسادن دخی نیچه لری دیار
حبشه یه هجرته مأذون اولوب عثمان بن عفان
وزوجه لری رقیه بنت رسول الله صلی الله علیه وسلم
بونلرک عدادندن ایدیلر اولوقته حبش ملکی اولان
نجاشی نصرانی اولوب یعقوبیه مذهبنده اولغله

نصرانیت حقهنده اسلامک اعتقادینی مذهبنه موافق
بولوب مهاجرینی حمایه و اسلامی آغله کلان قریش
مأمورلرینی تکدیر و اعاده ایلدی .

بوخلالده (عمر بن الخطاب) و (حزنه بن عبدالمطلب)
رضی الله تعالی عنهما دائرة اسلامه دخول ايله
بو صاحب نسب و حسب اولان ابیطالب ایمانی سائر
اسلامه قوه الظاهر اولوب چهارا نشر دینه مبادرت
ایلدکلرندن گروه مخالفین مایوس اولوب ارتق تعذیب
اهل اسلامه یول بوله مدقلرندن حیل و دسائسه
تشبثله موسم حمده کلان عربانه کا، محمد ساحر و کا،
شاعر در دیه رک افتزایه تصدی ایدوب زعملرنجه دین
حق ستره سعی ایدرلردی . او بر طرفدن مصطفی
علیه السلام کلان قبائلی استقبال ايله اسلامه دعوت
و بلغای عربی معجزه قرآن ايله اقتناعه عزیمت و همت
ایلرلر ایدی عظمای عربدن خیلی کشیلر طوعا و محبة
ایمان ایدوب دیار عربده برخانه قایماش ایدیکه آنده
استمرارا بوخطب عظیمک مذاکره سی اولسون قریش
بوسیل رحمتک اوکنده طورهمیه جقلرینی تیقن ایدجه
اسلام ايله قطع مناسباته اتفاق ایدوب بیلرلنده عقد
مقاوله و استمرار و دوامه باعث اولق ایچون
عهدنامه بی کعبه یه تعلیق ایلدیلر .

بوحال اوچ سنه قدر دوام ایتکله اهل اسلام ضرورت شدیده یه دوچار اولمیرله طرف خلافته بولنانلر اسلامدن اولان اهل قرابتک اضطرارندن بدرجه یه دک متأثر اوله رق قریش پینده عهدک فسخی لاقردیسی چوغالغه باشلایوب اکثریت آرا صحیفه معلقه نک نقض وابطالی طرفنده اولمغه تعلیق اولندیغی محلدن ایندر دیلر بوخلالده حبش مهاجرلری اراسنده قریشک ایمانه کلدیکی شایع اولوب بعضیلری مکه مکرمه یه عودت وشیوعک خلاقی تحقیق ایتکله کیمی شهرده و کیمی اطراف مکه قریه لرده مختفیاً اقامت ایلدیلر .

بعثت سنیه نک تقریباً اونبرنجی سنه سنده ابوطالب و زوج رسول الله خدیجه بنت خویلد ارتحال داربقا ایتدکلرندن قریش شماتتی چوغالدوب اسلامی تعذیب واضرار و پیغمبر علیه السلامی ازعاجه الحاح واصرار ایلدیلر بونلر ابطال حقه نقدرسغی ایتدیلر سه مصطفی علیه السلام اظهار دین اسلامه دهازیاده همت ایلایوب مواسمه مکه یه کلکده اولان قبائل عربک اشرافیه ملاقات ایدوب هدایته دعوت وانکاره تصدی ایدنلری معجزات بینات ایله الزامه سغی ایللریله اوس و خزرج قبیله لرندن بعضی اشراف عرب دین اسلامی

قبول و مدینه منوره یه قفول ایتدکلرنده اکثر اهالی اتباع ایله دائره اسلامه وسعت کلدی ایتکجی عقبه ده دخی یتش اوچ نفر رجال وایکی خاتون قبول دین حق ایدوب مدینه منوره یه هجرت ایده جک اسلامی حمایه ایده جکلرینی تعهد ایدرک عودت ایتدیلر .

بوخبر کروه مخالفینک سمعنه واصل اولنجه اسلامک استیصالنه شد نطق و تأکید اتفاق ایتلریله اذیت مالایطاقه تحمل قابل اولمدیغندن مدینه منوره یه هجرتیه اذن پیغمبری لاحق اولوب طائفه اسلام طاقم طاقم ترک دیار و جانب مدینه یه فرار ایلدیلر فقط ابوبکر و علی رضی الله تعالی عنهما اذن مخصوص صدورنه دک ملازم صحبت رسول خدا اولدیلر .

اشراف و اعیان مکه اسلامک هجرتنی کورنجه و مصطفی علیه السلام کندو قبیله و اقرباسندن بشقه عونیه و انصار بولوب اقتداری متضاعف اوله رق ذات همایونلری دخی قریباً مفارقت ایده جکلرینی تیقن ایدنجه عقد جمعیت مشورت ایدوب برچوق قیل و قالدن صکره ذم مبارکلرینک حق جمله طوائفه شامل اولمق ایچون هر طائفه دن برکشی انتخاب ایله رسول الله ک قتلنه قرار ویردیلر . بوندن غرضلری بوجنایت عظیمه یه جمله سنی بولاشدروب قصاصنی دیته تحویل ایدی .

نتیجہ مشورتی نزد رسول اللہ صلی اللہ علیہ وسلم
اولیٰ غلہ اول کیجہ دہ کندی فراشند، یا تمغی علی رضی اللہ
تعالیٰ عنہ امر ایدوب ذات مقدسری کروه اشقیاء
میانندن نور بصر کی مرور ایدرک ابو بکر رضی اللہ
عنہک خانہ سنی تشریف ایلدیلر واندن برابر چیقوب
مکہ نیک اشاغیسند، اولان جبل ثورک بر غارند، ابو بکر لہ
اختفا ایلدیلر علی رضی اللہ عنہ امر پیغمبری موجبہ
مکہ دہ قالوب عند رسول اللہ صلی اللہ علیہ وسلم اولان اماناتی اصحابہ
رد ایدرک جانب رسول اللہ صلی اللہ علیہ وسلم و صولہ شتاب ایلدیلر .
محمد علیہ السلامک مدینہ یہ ہجرتی تحقق ایدنجہ
مخالفہ فخریہ شتاب ایدوب اختفا ایلدکلری غارک
قیوسنہ دکلدیلر اور مجکلر غارک قیوسنہ آغ قورمش
اولدکلری جہتلہ چوقدنبرو بورایہ آدم کیر مدیکنہ
ذاہب اولہ ق طریق خلافہ کتدیلر اوخلالہ، ابو بکر
صدیق ایلہ برابر غاردن چیقوب جادہ دن انحراف ایلہ
مدینہ منورہ یہ متوجہ اولدیلر قبا نام محلہ وصولارندہ
علی کرم اللہ وجہہ دخی یتشوب ملاقات رسول اللہ
ایلہ قریرالین اولدی و اورادن قالقوب مدینہ یہ
توجہ ایلدکلرندہ مدینہ اہالیسندن اسلامہ دخالت
ایدن انصاردن برخیلی کشیلر شرف استقبالہ نائل
ارلوب عز و سعادتہ مدینہ یہ واصل اولدیلر وایکی

یڈیم چوققدن بر محل اشترایدوب الی یومنا ہذا رشک
بہشت برین اولان مسجد شریفی اولمکدہ بنا ایلدیلر .
بومحن و مشاق اراسنہ آیینہ صور غیبیہ اولان قلب
ہمایونلری انوار تنزیل ایلہ طولوب برچوق آیات
قرآنیہ ضبط و تحریر اولندی و مدینہ و حوالیسی
اہالیسندن دہانچہ کشیلر ہدایت ربانیہ ایلہ کامران
اولدیلر .

مصطفیٰ علیہ السلام دار ہجرت مدینہ دہ غوائل
مشرکین قریشدن امین اولہرق روابط اتحادک
برقائدخی تحکمینہ سبب اولق ایچون اشراف مهاجرین
وانصاردن ابو بکر صدیق ایلہ خارجہ و عمر بن
الخطاب ایلہ عثمان بن مائک و عثمان بن عفان ایلہ اوس
ابن ثابت و کتب سیردہ تفصیلا بیان اولندیغی اوزرہ
دہانچہ اصحاب گرام بیندہ عقد مواخات ایتدیلر .

✽ غزوہ ابوا ✽

جمعیت اسلامہ کثرت و اتحاد و تعاضدہ قوت کلمکہ
اعلائی کلمۃ اللہ و نشر دین وحدانیتہ فعلا مخالفت
ایدن مشرکینی اطاعتہ اجبار فرض اولدیغندن ایکوز
نفر محارب ایلہ ابواء نام محلہ قریش اوزرینہ توجہ
ایدوب حرب وقوع بولمادن عودت ویکدیگر زین

متعاقب بواط و ثم العشيره و برنجی دفعه بدر اوزرینه
سوق عسکر ایلویوب مخالفینه تصادف ایلدکلرندن
بلا حرب مدینه منورهیه رجعت ایتدیلر .

✽ غزوه ثانیه بدر ✽

بوندن صکره رسول اکرم و نبی محترم صلی الله علیه
وسلم مدینه منورهده تشید دین و نشر احکام قرآن
مبین ایله مشغول اولوب هجرتک اون یدنجی آینه
قبله بی بیت مقدسدن کعبه معظمهیه تحویل
و ایکنجی سنه سنه رمضان شریفده تکرار بدره
قریش اوزرینه اوچیوزدن آزیاده محاربه توجه
ایلیوب طقوز یوز ایله بیک کشی بیننده بولتان قریش
عسکر یله محاربه و غلبه و بدری فتح ایدوب اکثر
رؤسای قریش مقتول و اسیر اولدیلر ایشته طقسان
ایکی سنه هجریه سنه دک حدود چیندن تا بحر محیط
غربی به دک وقوع بولان فتوحات عظیمهده اقصای
شرقدن منتهای بلاد غربیه دک اشعه آفتاب کی لمعان
ایدن الویه سعادت اوچیوز کشیدن مرکب اولان بدر
ثانیه فرقه سنه عقد ایلدکلری لوای اعجاز التوانک
فرعلری ایدی .

✽ غزوه کدر و سویق ✽

بوندن صکره کدر و سویق غزوه لری وقوع بولوب
محاربه سنه عودت ایتدیلر اشبو ایکنجی غزوه نک
سویق تسمیه سی قریش قبیله سی اوندن معمول سویق
دیدکلری بر نوع یمک پیشوررکن خوف لرندن
تجره لری اوجاقلرک اوزرنده براقوب فرار ایتلر یله
غزاده اسلام پیشمکده اولان طعنه لری بی یوب او
غزوه نک آدینه غزوه سویق دیدیلر بعده ذی امر
و بحر ان طرفلرینه بربری ارقه سنجه غزایه تشریف
ایدوب مخالفلری بوله مدیلر و بحر انده هجرتک اوچنجی
سنه سی جهادی الثانیه سنه دک اقامت ایتدیلر .

✽ غزوه بنی قینقاع ✽

بنی قینقاع اهالی سی بدر غزوه سنی استخفاف و متقاخرانه
بر طاقم لاف و کذاب ایتمکله رسول الله صلی الله علیه
وسلم عساکر اسلام ایله اوزرلرینه توجه ایدوب
اون بش کون محاصره دن صکره تسلیم اولغه مجبور
اولدیلر نده عبدالله بن ابی شفاعتیه یالکر نفیلر یله
اکتفا اولندی .

* سریه زید *

قریشک شام قافله سنی اورمغه زید بن حارثه مأمور
اولوب قرده سمته قافله به تصافله اجمال واثقالی
اغشام ایلدی .

* غزوه احد *

هجرت سنه نك اوچنجی سنه سی شوالنده ابو سفیان
مغینه قریش قبیلہ سی یدیوز سوازی وایکی بیک
اوچیز پیاده عسکر ایلہ مدینه منوره اوزرینه توجه
ایتد کیری سمع رسول الله واصل اولدقده عبد الله
ابن ابی بن سلول تنسیبله حرب تدافعی به قرار ویرلش
ایکن اشراف مهاجرین و انصار تجاویز اختیار
ایتد کلرندن رسول الله علیه السلام دخی بو صورتی
قبول ایلوب بیک نفر محارب ایلہ احد طرفنه متوجه
ایکن عبد الله بن ابی رأینک خلافتنه حرکت اولندیغنه
انفعال و اوچیز کشی مقداری عسکرله رجعت ایدوب
اوچ بیک محارب به قارشو یدیوز مقاتل ایلہ قریش
محارب به سنه اشتغال اولدقده درجنت اول قریش
عسکری منهزم اولمغه محارب به ختام بولدی ظنیله
تیراندازان اسلام محارندن او ینایوب تعبیه به خلل
کلدکه قریش عسکری بر دخی حمله ایدرک قتال

مشتد اولدی و عساکر اسلامدن التمش بش نفر شهید
و کبار اصحابدن بر قاق کشی تجرع کاش رحمت ایدرک
سباع بن عبد العزی ایلہ مبارزه ایدرکن جبیرک کوله سی
وحشی نام شخص عم رسول الله حمزه بن عبد المطلبی
غیله قتل ایلدی و رسول الله علیه السلام هر طرفدن
واقع اولان هجومده مجروح اولوب قتل اولدقلری
عسکر یننده شایع اولمغه اشراف و شجعان
اسلامدن نضر بن انس ای جیش اسلام دشمنه هجوم
ایدیکز محمد کبی جمله من شهید اوله لم اندن صکره
حیاتنه نه لذت بوله جقسکز دهرک دشمنه غضنفرانه
هجوم ایدوب مقتول اولدقده وجودنده یتیم یاره
تعداد اولندی بر آرز صکره رسول اللهک بر حیات
اولدیغی تبین ایدوب جمله اسلام مسرور اوله رق
طاغه طوغری چکلد کلرنده غلبه قریش قبیلہ سنده
قالدی ابوسفیان طاغک تبه سنه چیقوب کله جک
سنه ینه ملاقات ایدرز دهرک کوکره مش دوه کبی
باغردقده رسول الله علیه السلام اصحابه خطابا محارب
بیننده در دیکز دیدیلر و شوالک اون التیسنده مدینه به
عودت ایتدیلر .

قریشک مدینه اوزرینه کلکده اولدقلری استخبار
اولمغه مدینه به وصولرینک ایرتسی کونی پیغمبر

عليه السلام احد ذه معيت مقدس لرنده بولنان عساكر
اسلام ايله مدينه يه سكر ميل مسافه ده اولان حراء
الاسده توجه ايليوب رسول اللهك مقابله يه چيقدغي
دشمنك مسموعى اولمغله مكه يه عودت ايتديلر
ومصطفى عليه السلام محل مذكوره اوچ كون
استراحت ومدينه يه رجعت ايتديلر ذات مقدس
همايونلرى ومعيت سنيه لرنده بولنان عساكر اسلام
احده مبتلا اولدقلى شداؤد وجرىحه لر دن ييتاب
ايكن مجرد اعلاء كلمه الله قصديه بلا آرام مجاهده يه
قيام ايدرلردى صلى الله تعالى عليه وسلم ورضى الله
تعالى عنهم اجمعين .

هجرت سنيه نك اوچنجى سنه سى نهايتى اولان شهر
صفرد عضل وقاره سميتدن بعض كشيلر رسول الله
كلوب ارالرنده مسلمان اولمش آدملىر بولنديغندن
اصول دين وقرآن شريفى تعليم ايچون برقاج كشينك
ارسالنى استدعا ايتلر يله مرثد بن ابى مرثد و خالد بن البكر
وعاصم بن ثابت و خبيب بن عدى و زيد بن الدثنه
وعبدالله بن طارق نام اصحاب كرامى كلانلرله برابر
ارسال ايتديلر رجيع تام ضويك كنارينه وصوللرنده
بهادر وصادق رفيقلىنه خيانت قىام و اوجوارده
اولان بنى هذيلدن استمداد ايدوب يوز قدر كشي

اجتماع ايتد كده ايدى اسلامده اولان اسيرلر يله استبدال
ايتك ايچون اصحاب مشار اليهمى توقيف ايتك
استدكارنده امتناع ايله طاغ طرفنه چكلوب مقاومت
قرار ويرديلر مرثد و خالد وعاصم مقاومتده ايكن
شهيد اولوب ديكرلر ينى اسير ومكه يه كيدر كن ابن
طارق بندى قوپاروب غدارلره هجوم ايلديكندن
قتل ايتديلر و ديكر ايكي سنى مكه يه كوتوروب احد
محاربه سنده اقربالرى قتل اولنان اشخاصه بيع ايدرك
انلرى دخی آلانلر شهيد ايتديلر .

✽ غزوه بدر معونه ✽

بو وقعه نك عقينده ذكر اولنان صفرك يكره سنده
عامر بن صعصعه قبيله سنك سيدى ابو براء ابن مالك
بعض هديه ايله رسول الله عليه السلامك حضور
فائض النورلرينه مثول اولوب مشر كدن هديه قبول
ايتم ديديلر و هدايته دعوت ايليوب امثال ايتديسه ده
تباعد دخی ايلدى ونجد طرفنه بعض اصحاب
كوندريلوب اسلامه دعوت اولتسلر دين اسلامى
قبول ايدرلر ظنده يم ديديكنده قورقارم غدر ايدرلر
ديديلر ابو براء بن حميه ايدرلر دهر ك تعهد ايتكده
منذر بن عمرو الانصارى معينده قرق و بر روايتده يمش

کشی کوندردیلر بئر معونه یه و صولارنده حرام بن
ملحانی رسول الله علیه السلامک مکتوبیله عامر بن
طفیله کوندردیلر مرقوم مکتوبی اوقومه دن حرامی
قتل و رفقاسنی استلحام ایچون بنی عامر دن استمداد
ایتمش ایسه ده ابو براءنک ناموسنی محافظه قصدیه
اجابت ایتدیلر انجق بنی سلیم ورعل و ذکواندن
استدیکی اشخاص کلوب جمله سنی قتل ایتدیلر

بونلردن یالکز عمرو بن امیه اسیر دوشدی و مضر
قبیله سندن اولوب عامرله قرابتی ازلدیغی جهته
اطلاق اولندی عمرو مدینه یه عودتده ایکن یولده
بنی سلیمدن ایکی کشی یه راست کلوب رسول الله
علیه السلام ایله معاهده لری اولدیغی بیلیرک انلری
قتل ایلدی و حضور رسول اللهیه چیقدیغنده
واقعه فحیعه بی نقل صره سنده بونلرک قتلنی دخی
حکایه ایتدکده مذکور ایکی نفر مقتولک دیتنی استیفا
ایدرم دیدیلر .

✽ غزوه بنی النضیر ✽

اشبو ایکی مقتولک دیتنه اعانه طلبی ایچون رسول الله
علیه السلام بنی النضیر سمته توجه ایلدیلر و ابو بکر
و عمر و علی و سایر بعض اصحاب ایله رضی الله تعالی عنهم

بر خانهک دیواری اتکسندده آرام ایدوب بنی النضیر
تکلیفی قبول ایتدیلر اوخلالده رسول الله علیه السلام
قیام و حرکت ایتدیلر براز وقت یچوب عودت
وقوع بولمیه اصحاب کرام ارقه زینه دوشوب
مدینه منوره ده ملاقات ایتدکلرنده بنی النضیر
یهودی لری خانهک دامنندن رسول الله علیه السلام
اوزرینه بردکرمن طاشی آتمق اوزره عمرو بن جحاشی
مأمور ایلدکلری وحی اولدیغی جهته صاوشدقلرینی
بیان و بنی النضیر اوزرینه قیام اولمسنی امر ایتدیلر
هجرتک دردنجی سنه سی ربیع الاولنده بنی النضیر
اوزرینه سوق عسکر ایلوب التی کون محاصره دن
صکره بعض متوسطلرک شفاعة مبنی وطنلرندن
اجلا ایله اکتفا اولندی .

✽ غزوه ذات الرقاع ✽

بنی النضیر غزوه سندن صکره رسول الله علیه السلام
هجرتک دردنجی سنه سی جمادی الاولی سنه دک مدینه
منورده اقامت ایلوب بعده نجد اوزرینه عسکرله
توجه ایلدیلر و حرب اولمدن ایکی طرف دخی
چکلوب رسول الله علیه السلام مدینه یه عودت
ایتدیلر .

﴿ غزوه بدر الموعده ﴾

احد محارب به سی انقضاسنده ابو سفیان طاغہ چیقوب
سنہ آتیده محارب به حاضر اولترین جیش اسلامه
اخبار ایدوب رسول الله علیه السلامك اذ نیله قبول
اولندیغی احد محارب به سی ضبطی صمره سنده اشعار
اولمشیدی میعاد دخولنده هجرتك دردنجی سنه سی
شعبانده معیت سنیه لرنده اولان جیش اسلام ایلہ بدره
توجه ایلایوب سکر کون اقامت ایلدیلر و ابو سفیان دخی
معیتی عسکر یله مکه دن خروج ایدوب قحط وسیله سیله
رجعت ایلدی .

﴿ غزوه دومه الجندل ﴾

دومه الجندلده مخالفین عسکرینك اجتماع ایتدیکی
سمع رسول الله علیه السلامه واصل اولغله هجرت
علیه نرینك بشنجی سنه سی ربیع اولنده مقابله به
توجه و محل مر قومه مواصلت ایتکسزین دشمن
عسکری طاغیلوب فرار ایلدکلرندن بلا محارب به
عودت ایلدیلر .

﴿ غزوه خندق ﴾

بنی النضیرك طلبلری اوزرینه خیبره و شام طرفنه
اجلاری بغض و عداوتلرینی تشدید ایتکله انلردن

و بنی وائلدن بعض کبار مکه یه کیدوب قریشی
رسول الله و اهل اسلام علیهنه تحریک و اغرا
و توقف ایدنلری وعد مال ایلہ اطماع ایدرک عقد اتفاق
ایتد کدن صکره بنی غطفان سمتنه دخی کیدوب انلری
دخی داخل اتفاق ایلدکلری سمع رسول الله علیه السلامه
واصل اولغله مدینه منوره اطرافنه خندق اعمالنه
مبادرت و ذات اقدس لری دخی اصحاب ایلہ برابر خندق
حفرینه مباشرت ایلدیلر و هر قرق ذراع مکعبك
حفرینه اون نفر تعیین ایتدکلرندن از زمان ایچنده
ختم بولدی و نسا و صبیانی مستحکم محلاره نقل
ایتدیلر و محارب به ایچون اشهر اقوال اوزره اوچبیک
کشی تعبیه ایدوب ابوسفیان دخی قریش و کنانه
وسائر متفقلرندن اون بیک کشی و یهود و غیری قبائل
ایلہ کلوب مدینه بی محاصره ایلدیلر بو خلالده بنی
قریظه دخی نقض عهد ایلدیکی رسول اللهك مسموعی
اولوب اصحابدن مأمورلر کوندرلدی و صحتی تبیین
ایلمکله غائله بیودی بوئك اوزرینه غطفان قبیله سنه
مدینهك خرما محصولنك ثلثنی وعد ایلہ اتفاقدن
تفریقلرینی اصحاب ایلہ مشاوره ایلدیکنده انصاردن
سعد بن معاذ رضی الله تعالی عنه کلامه آغاز ایدوب
یا رسول الله بو خصوصنه امر الهی وارمیدر و یا خود

نفس رسول الله عائد بر شمیمدر یو خسه بزم خیر من
ایچون مراد اولمش بر ماده میدر دید کده قبائل عربک
علیه کزده اتفاقنی کوردیکمدن غطفان قبیله سنک
انلردن تفریقنی مراد ایلدم دیدیلر مشار الیه سعد بن
معاذ جاهلیته اچمه سز بزدن بر خرما اله مز لکن
بوزمانده انلره قلیج دن بشقه برشی ویرلر دیدیلر بونک
اوزرینه محاربه یه دوام اولوب شجعان و کبار قریشدن
بعضیلری اسلام اوزرینه آت سوروب خندق خائل
اولنجه بوم **ک**یدت عرب بیلنده برنجی دفعه یوز
کوستردی دیوب رجعت ایتدیلر و بر دفعه دخی
خندق طار بریزدن هجوم ایلر بر قایق فارس کچوب
مبارزه ایستدیلر علی کرم الله وجهه مبارزه یه چیقوب
عرو بن عبدردی قتل ایتدیکله کیردکلی یزدن چیقوب
اردولرینه الحاق ایتدیلر .

بوخلالده سعد بن معاذک قولنه فصد طماری اوزرینه
براق اصابت ایتدکده ای خدا اکر بوندن صکره دخی
قریش ایلر محاربه من اوله جقسه انلره محاربه ایتدن
جانی اله واکر بتمزده بوندن غیری جنک اولیه جقسه
بویارده دن شه ادمی نصیب ایلر و بنی قریظه دن
اخذ ثار ایدنجیه دک ایام حیامی تمید ایلر دیو مناجات
ایلدی .

بنی غطفان رجالدن نعیم بن مسعود بو القده اسلامه
کلوب رسول الله علیه السلام ایلر کورشدی و اسلامنی
کتم ایدوب قومی جانبده عودت ایتدکده غطفان
و بنی قریظه ایلر قریش بیننی تفریق سعی ایدرکن
برریح عاصف ظهور ایدوب احزاب متفقه نک خیامنی
ز یروز بر وچولمکریله ذخیرلر بنی برباد وهدر
ایتمکله جمعیتلری پریشان و حال نکبتلری السنه انامده
داستان اولدی مدینه نک محاصره سی اوتوز کون قدر
متد اولوب بو محاربه هجرتک بشنجی سنه سی شوالنده
وقوع بولدیغی سیرلده شحرر ایسه ده عبدالرحمن بن
خلدونک دلائل قطعه ایلر بیسانه نظرا هجرتک
دردنجی سالنده ودومه الجندل غزوه سندن اول
وقوعی بی اشتباهدر .

✽ غزوه بنی قریظه ✽

رسول الله علیه السلام مدینه یه عودت ایتدکلی
کونک وقت ظهرنده نقض عهد ایتدکلیچون بنی
قریظه اوزرینه سوق عسکره وحی الهی ایلر مأمور
ارلوب ایکندی نمازینی اوراده قلمی جیش اسلامه
امر ایلدیلر همان اوساعتدن عسا کر اسلام اولظرفه
توجه ایدوب یکریمی بش کون محاصره و تضییقندن

صکره بنی قریظه سعد بن معاذ رضی الله تعالی عنہ
حکمنہ راضی اولدقلرینی بیان ایله اطاعت ایدہ جکرینی
رسول الله علیه السلامه عرض ایتدیلر بونلر نقض عهد
ایدوب قریش و متفقریله برابر اسلامک استیصالنه
جسارت کی سوء صنیعلری جهتیلہ مستحق نکال
الهی اولوب سعد بن معاذک حکمیلہ التیوزدن زیاده
کشی و خلاد بن سویدک قاتلی اولان بنده نام خاتون
مدینه سو قافلرندہ محازات کوروب بعضیلریده عفو
اولندیلر بوندن صکره سعد بن معاذک طر اوزرنده کی
پارہسی آچیلوب اندن وفات ایلدی .

✽ غزوه غابه ✽

بنی قریظه محاربه سندن بر قاج کون صکره غطفان
شیخی عینہ غابه نام محله یایلا مقده اولان رسول الله
علیه السلامک دوه لرینی سوروب چوبانی قتل و زوجه سنی
اسیر ایتدکرینی سلمه بن عمر کوردکده ثنیه الوداع
نام تپه یه چیقوب صوت بلند ایله وقعہ بی مدینه
اهالیسنه اسماع و غارتکراتی تعقیب ایلمکده ایکن
رسول الله علیه السلام بعض ابطال و رجال مسلمین ایله
ارقه رینه دوشوب غارت اولن ان حیوانلر استرداد
اولندی وقوع بولان محاربه ده اسلامدن یالکز محرزن
نضله شهید اولوب عینہ و اتباعی فرار ایلدیلر .

✽ غزوه بنی المصطلق ✽

حرث بن ابو ضرار بنی المصطلق ایله برابر اسلامه
سوء قصد ایچون حاضر اتمقده اولدیغی سمع
رسول الله و اصل اولغله هجرتک التجی سنه سی
شوالنده لزومی قدر عساکر اسلام ایله مدینه دن
نہضت و بنی المصطلق استیصاله عزیمت ایلدیلر .
فریقین مریمع نام محل جوارنده محاربه یه طوتیلوب
بنی المصطلق مغلوب و پریشان اولدیلر اسلام طرفندن
سبی اولنان نسادن بریمی حرث بن ابو ضرارک قیرنی
جویریہ اولوب ثابت بن قیسک سهمنه اصابت
ایتمکله رسول الله علیه السلام مشار الیهایی اشترا و آزاد
ایتد کدن صکره تزوج ایتدیلر بناء علیه سبایا یدنده
بولنان اقربا نیک کافه سی رسول الله علیه السلامه
اکراما و تعظیما صاحب لری جانبندن آزاد اولوب
یوزدن زیاده اسیر تحریر اولمشدر بوخلالده انصار
و مهاجریندن ایکی کشی یدنده بعض منازعه
وقوعندن عبدالله بن ابی بن سلول کو کره یوب اطلاق
لسان هذیان ایتدیکی رسول الله علیه السلامک
سموعلری اولوب آینه صور غیبیه اولان قلب
مبارک لری مکدر اولدیغی مر قوم عبدالله بن ابی

او غلی عبد اللهك سمعنی تخدیش ایتكله حضور ساطع
النور رسالته چیقوب پدر مدن وقوع بولان بو خیانتدن
طولانی مدیندن طردینی فرمان ایدرسه کز مدینه یه
دخولدن منع ایدرز دیدی و پدری عبد اللهی کوروب
رسول الله علیه السلام اذن و یرمدکجه مدینه یه
کیر میجکسن دیدی اندن صکره اذن پیغمبری ایله مدینه یه
کیردکده او غلی عبد الله تکرار حضور سعادتده مشول
اولوب پدرمک سعایتی قتلنی ایجاب ایدرسه بکا امر
ایدکز کندو الله باشنی کسر کتوررم بشقه سنک ایله
قتل اولنورسه قورقارمکه بر مشرکی قتل ایدن
بر مؤمنک قتلنه حیت بنی سوق ایدرده بر جنایت
عظیمه یه دوچار اولورم دیدی بوسوزی باعث تلطیفی
اولوب پدرکه کزند ایر شمز دیدیلر .

✽ عمره حیدیه ✽

هجرت سنیه نك النجی سنه سی ذی القعدة سنه
رسول الله علیه السلام زیارت کعبه مکرمه قصد یله
احرام بند اولوب اطراف مدینه ده اولان قبائل مسلمان
معیت سنیه لرنده بولمغه تشویق ایلدیلر سه ده یالکز بیك
بشیوز قدر کشی حاضر انوب و مهاجرین و انصار شد
رحل ایدوب صورت مسالمتکاریده حرکت ایلد کیری

قریشک مسموعی اولدقده خالد بن ولیدی بر مقدار
عسکر ایله ممانعته مأمور ایلدیلر بو خبر سمع
رسول الله علیه السلام و اصل اولدقده یولدن انحراف
ایله حدیده یه وصول و خالد دخی مکه یه قفول ایلدی
بعده قریش ایله اسلام بیننده بو خصوص ایچون
سفر اتردد ایدوب عثمان بن عفان رضی الله تعالی
عنه مکه یه سفارتله کوندلدی . بوخلالده
اسلام صومزلقدن رسول الله علیه السلام شکایت
ایتكله تبرکشلرندن براوق چیقاروب یره صاپلاملرینی
امر ایتدکلرنده بر محله صاپلایوب اوقی چیقاردقارنده
صوفشقردی و حیوان و انسانه کفایت ایده جک
قدر آقادی رسول الله علیه السلام صله رجه اولان
اشتیاقی تسکین ایچون قریش مکه یه کیر مکلکمه ممانعت
ایتسدلر ایستدکلری حالده کوندوزینه بر خطیه
تصرف حقوقنی و یرردم دیدیلر بوار القده قریشه
سفارتله کیدن عثمان بن عفانک قتل اولندیغی مسموع
اولمغله معیت رسول الله علیه السلام بوانانلر بر اغاج آلتنده تجمع
ایدوب بواغورده جله سی اولنجیه ده ک قریشه هجوم
ایده جکلرینه عهد و میثاق و رسول الله علیه السلام
بیعت ایدرک بوکا بیعة الرضوان تسمیه اولندی .
اندن صکره بو خبرک کذبی تبین ایدرک و سهیل بن

عمر و مکه دن سفارتله کاهرك عمره خصوصى مذاکره
اولندی اسلامدن قریشه هجرت ایدنلر اعاده
اولنماق و قریشدن اسلامه دخالت ایلینلر رد اولنق
اوزره سنه آتیه ده سائر اسلامه ترك اولنه رق یالکر قلیجیله
کلوب زیارت اولنغه قرار ویرلدى . و صحیفه عهدك
تحریری علی بن ابو طالبه امر اولندی افتتاح
عهده محمد رسول الله صلى الله عليه وسلم ایله سهیل
ابن عمرو بیننده ویریلان قرار بودر یازدقده سهیل بن
عمرو سنك رسول الله اولدیغکی تصدیق ایتمش اولیدق
اختلاف واقع اولور میدی دیدی رسول الله علیه السلام
بوفقره نك محوینی علی کرم الله وجهه به اشارت
ایتمش لر سده قبول ایتدکلرندن صحیفه عهدی
ید مبارک لرینه آلوب او فقره یرینه محمد بن عبدالله
یازدیله بو عهده کلمجه رسول الله علیه السلامك
بر حرف یازدق لرینی کیمسه لر کور مامش ایدی ایشه
بو صورتله اسلام و قریش بیننده قرار ویرلدى .
اشبو عهدك ظاهری اسلامه موجب اسف اولوب
بعض قیل وقال وقوع بواس ایکن کبار اصحاب
رسول الله علیه السلام ایشنی سزدن ایو بیلور
نتیجه سی خیر لو اوله جغنده اشنباه اولنمز دیوب قلیلری
مکدر اولان اهل اسلامك حزنی ازاله ایتدیله و اسلامه

هجرت ایدن بعض ملتجیلر قریشه رد اولنوب اسلامدن
قریشه کیدنلر طلب اولنمادیسه ده عهددن صکره
اسلام و مشرک لر امنیتله اختلاط و مناظره ایدوب
ظهور اسلامدن عهدك عقدی کوننه دك اهتدا
ایدنلر دن زیاده خلاق بو ایکی سنه ظرفته دایره اسلامه
دخول ایلدیله .

✽ اسلامه دعوت ایچون ملوک سفر اارپالی ✽

حدیثیه صلحیه رسول الله علیه السلامك دنیایی ترك
ایتدکلری زمانه دك اسلامه دعوت ایچون ملوک
اطرافه نامه لرله ایلچیلر کوندر دیله . قسطنطنیه
پادشاهی هر قلیوس و مصر یکی مقوقس نامه
سعادتق حسن تلقی ایدوب کمال تعظیم و توقیر ایله
جواب یازوب ایلچیلری مطیبا اعاده ایلدیله و مقوقس
بعض هدایا دخی تقدیم ایلدی و حبش ملکی اسلامی
قبول ایله رسول الله علیه السلامه بیان محبت و عبودیت
ضممنده جواب یازدی و یمنده اولان اکثر ملوک التزام
ادبله مقابله ایلدیله انجق ایران شاهی پرویز و دمشق
شام صاحبی شمر الغسانی اسائت ادب ایدوب پرویز
نامه سعادتق یرتدی و شمر مخالف جواب ویردی پك
آز مدت مرورنده پرویزی اوغلی شیرویه قتل ایتدی

و وقوعی کجبه سی که هجرتک یدنجی سینه سی
 جهادی الاولی سنک اوتنجی کجبه سیدی پرویز امریه
 یمنده کسری و کیلی اولان باذان طرفندن تهدید
 ایچون کلان بانویه و خرخره نام مأمورلری
 رسول الله علیه السلام نزد همایونلرینه جلب ایدوب
 بو کجبه شیرویه پدیری پرویزی قتل ایلدی کیدکز
 سزی کوندرنه خبر وبرکز قریبا زیر حکمنده اولان
 ایران ممالکی دخی اسلام الله کچه جکد را کر باذان
 جناب حقک وحدانیتنه و بنم رسول الله اولدیفمه
 ایمان ایدرسه و کالتله اداره ایتدیکی مملکتی کندوسنه
 توجیه ایدرم دیوب و مرقوم مأمورلره جائزه لر
 احسان ایدوب اعانه ایتدیلر . و صوللرنده باذانه
 امر رسول اللهی تبلیغ ایتدیلر چوق کچمدن بیان
 اولنان صورت عینیه و وقتیه باذانه شاه جرید
 شیرویه طرفندن اعلام اولمغله مخبر صادق ایمان
 ایتکله قح یمنده اداره سنده اولان مملکت وفاتنه دک
 کندوسنه ابقا قلندی و اما شهر مخالفی جزاسنه
 اوغرایوب اداره ایتدیکی الکا از زمان ایچمنده ید
 اسلامه کچدی .

« بورایه کنبجه انظار اهل انصافه بر مبحث عظیم »
 « کشادینه قلم حقایق رقه رخصت جولان و یرمک »
 « صره سی کلدی »

کتب سیر رسول اللهی مطالعه ایدنلره معلومدر که
 ملوک کوندریلان محرراتدن یالکز حبش ملکی
 نجاشی یازیلان نامه سعات انواع لطف و نوازشی
 حاوی اولوب سائر ملوک کوندریلان نامه لرده دین
 اسلامه دخوله مسارعیت ایتیانلر انذار و وعید ایله
 تهدید اولمش و دین اسلام و یاخود جزیه بی قبول
 ایتیانلره اعلان حرب قلمشیدی مکه مکرمدن مدینه
 منوره یه نقل ایدن مهاجرین و انلری قبول و ایوا
 ایدن انصاردن حل سلاحه مقتدر اولانلرک عددی
 نه درجده قلیل اولدیفنه غزوه ابواده معسکر اسلام
 یالکز ایکیوز کشیدن عبارت اولوب واحد محاربه سینه
 زیاده اعتنا اولمش ایکن عسکر اسلام یدی یوز نفری
 تجاوز ایدمه مدیکی دلالت ایدر .

ایشته رسول الله علیه السلام عدد و عددی قلیل
 و ناقص اولان بو کوچک اردویی ذات مقدسلرینه
 و دین مبینلرینه مخالفت ایدن عشیرتک و سائر اقوام
 عربیه نک اوزرینه سوق ایلوب از وقت ایچمنده
 بر قاصبیک کشویه بالغ اولان عسکرینی دخی فرس

وروم دولتری علیه نه تعبیه ایدوب طرف طرف
سوق و اعمال و قبول دین و یا خود جزیه اعطاسندن
امتناع ایدنری جبرا و قهرا دائرة اطاعته ادخال
ایلدیلر و اون سنه ظرفنده جزیره العرب و اطراف
شام و عراقه مستولی اوله رقی لوای سعادت التوای
اسلام هر طرفه نشر انوار وحدانیت ایدرک انتقال
رسول الله علیه السلام دن از صکره مشارق و مغارب
زمینه ضیای آفتاب کبی لمعان ایلدی حاصلی هجرت
سنیه نك طقسان ایکنجی سنه سنه دك کاشغردن یعنی
اقصای مشرقدن بحر محیط غربی به و شمالدن تا
قسطه طینیه به دك عساکر اسلام نائل نصرت الهیه
اولوب فتح ایتدکلری ممالکه نشر عدالت و عالم
بدویتدن محاسن مدینتی اقطار عالم کتوروب جمیع
بلادی قوانین عادله و محاسن اخلاق انسانیه ایله
تریه ایدوب آداب و معارف فائقه و اصول و قواعد
رائقه ایله تأسیس دولت و ملت ایتدیلر .
تاریخ ضبط اولندیغی وقتدن بو آنه دك روی زمینده
وقتاً بوقت ظهور ایدن دول عظیمه و یا خود اقوام
کیره ملوک و رؤسایانک بوکا بکزر و قوای و ارمیدر
برکره مطالع و تفکر و دنیاده مشتهر ارلان ملوک
عظامک و سعت قدرتی و حال و مسلک و دولترک نتیجه

حالی بیان ایدلم انصاف ایدنر اسلامک شرف
و عزیزی و مؤسس دین اسلام اولان ذات مقدسک
مبعوث بالحق اولدیغی اعتراف و تصدیق ایده جکئی
مأمول ایدرم .

برنجیسی واک اسکیمی فراعنه مصردن رمسیس
ثانی که یونان قدیم بیننده سزوستریس دیملکه
معروفدر ایکنجیسی نمارده دن بخت نصر در اوچنجیسی
اسکندر یونانی و یا خود اسکندر ذوالقرنین در
در دنجیسی تاتار رؤسایان اتلادر بشنجیسی روملردن
سزارددر التنجیسی مغول اقوامی ملکی جنکیر خاندن
یدنجیسی اتراکدن بورددر .

رمسیس ثانی فراعنه مصردن اون طقوزنجی سلاله
ملوکندن اولوب دولتنک استفحالی زماننده بوندن
اوچبیک اوچیوز او توز سنه مقدم برجسیم اردوایله
چیقوب واردیغی ممالکی خراب ایدرک فرات ایله
شط العرب بیننده اولان (مسوپوتامیا) یعنی جزیره ابن
عمره دك کیتدی و بر روایتده اناطولینک بعض
سواحله دخی مستولی اولوب فتح ایتدیکی ممالک
اهالیسنی مصر اصولنجه بت پرستلکه اجبار ایدوب
و پک از زمانده اهالی ظلم بویندریغی صیروب
مصریلرک جور و اعسافندن قورتلدی .

بخت نصر بودند ایکی بیک در تیوز سکسان سنه اول
بابلدن عظیم بر عسکرله چیقوب سوریه دیارینی
پایمال ظلم ایدرک بنی اسرائیلی استلحام و قدسی و مسجد
شریفی خراب ایدوب علما و کبار بنی اسرائیلک کافه سنی
زنجیر بند اوله رق بابله نقل ایتدکدن صکره مرور
ایلدیکی دیاری یاقه رق ییقه رق مصرک اراضی
سه فلا سنه دک استیلا و آثار و عمرانی خراب ایدوب
کتابخانه لری دخی یاقه رق سکر سنه قدر انواع ظلم و غدر
ایله اهالی مصری دوچار مضیق اضطراب ایلدکده
اهالی ظلم طاقت فرسادن بیقوب عقد اتحاد و مر قومی
قهرأ مصردن ابعاد ایتدیلر چوق کچمدن علت جنونه
اوغرایوب عزم داربوار ایلدی .

اسکندر ذوالقرنین بودند ایکی بیک یوز سنه اول
ماکیدونیا ملکی آمنا سک اوغلی پدری فیلیپوس
وفاتنده اجدادندن موروث ماکیدونیا تختنه اون
طقوز یاشنده جلوس ایلدی تراکیا یعنی شرقی روم
ایلی و بولوپوتسیا یعنی موره و اتقای یعنی آتینا سنجاغی
وسائر روم ایلینک بعض جهاتی اهالیسی اسکندری
استخفاف و پدری فیلیپوسه قهرا ایتدککری اطاعتی
عصیانیه تبدیل ایلدیلر بو کج پادشاه آتش طغیانی
از زمان ظرفند، بنو ندرب و روم الی اهالیسی یکیدن

فحت اطاعته الدی و دارای اخیره پدرینک اعطایه
مکلف اولدیغی ویرکوبی کسوب پدری مذکور فیلیپوس
طرز جدیدده تعلیم ایلدیکی ماکیدونیا عسکرندن
بر قرقبیک قدر عسکرله مصری فتح ایدرک برق
خاطف و ریح عاصف کی ممالک شرقیه یه کچوب دارایی
قتل و ممالک ایران و تورانی ضبط ایله هنده دخی تجاوز
و بابله عودتنده اوتوز ایکی یاشنده جهای محرقه دن
وفات ایلدی نعلشی عظیم آلا ایله اسمنه منسوب اولان
مصر اسکندر یه سنه نقل اولنوب الیوم قبری معلوم
دکدر

بویادشاه مدت حیاتنده محاسندن هیچ برایشه موفق
اوله میوب فتح ایتدیکی ممالک و اسعه بی خراب و ویران
ایدوب ایران کتابخانه لرینی یاقدی علوم و تواریح قدیمه
شرقیه دن جهانی محروم ایتدی اواخر عهدنده
مدمن خراولمغله سرآمدان دولتندن بعضیلرینی حالت
سکرده کندو ایله قتل ایلدی و بت پرستلر اعتقادنده
اله کبیر عد ایتدککری مشتری یلدیزینک اوغلی
اولدیغی ادعا ایدوب برقه هیکنده اولان مشتری
تمثالی ایکی بوینوزلی انسان صورتنده تصویر
اولندیغندن کندوسی دخی تاجنه ایکی بوینوز شکلی
قویوب تاله ایتدی حاصلی سرکرم جنون صهبا

اوله رق اقبالیله برابر کندی معیتند بولنان امرای
عسکریه ترك ایتدیکی اوغلی آداسی اسکندری
نابدید ایدرك بولندقلری محللرده هر بریسی آبرو آبرو
نائل استقلال و فتح ایتدیکی دیار بیلندده منقسم
اوله رق رومالورک ظهوریله پایمال اولدیله .
مزار بوندن بیک سکر یوز سکسان سنه اول روما
جمهوریتی بوزوب شاهنشاه و عقبینده مقتول اولوب
عمری تباه اولدی انجق بو آدم یدییوز ییلدنبرو تأسس
ایدوب قوانینه مراعاتله جهانگیر اولان جمهوریتی
بوزوب شاهنشاهلق نامیله کندرسندن صکره تسلطن
ایدن اخلافندن تیر یوس ونیرون و قزاقالا
و خرسیتانلغه نصرت بولنده بلا استثناء قتل نفوسه
انهماک ایدن ثوذوسیوس وامثالی شاهنشاهلر روما
دولتنی باتروب عالم مدینتی خراب ایتدیله .
اتلا تاتارستاندن برسوری سواریه چیقوب صاعقه
کبی المان و فرانسه دیارینی کهرک روما شهرینی یاقدی
و عودتند فرانسه دیارنده طالعی معکوس ولواسی
منکوس اولوب عسکریله برابر محو و تلف اولدی .
هجرت سنیه ک قرن سادسده جنکیز خان و قرن تاسعک
اوانلنده تیمور کورکان بلاد شرقیه پی پایمال و دماء
بشریه پی استلال ایدرك استیلا ایتدکلی ممالک

اهالیسنی بلا استثناء قتل ایلدیله و نیچه بیک بیکنه
و معصومک قانیله قیامتده کین دامن شهر تیرینی لکه دار
ایدوب سمت عقبایه انلری قانلی کتدیله .
ایشته جهانک اک عظمتی جهانگیر پادشاهلرینک حالی
و نتیجه اعمالی مختصراً بیان اولندیغی اوزره اولمغه
بولنرك نامی السنه اناامده مثل سائر کبی دائر اولوب
تواریخ روزکارده اعقل نوع بنی آدم عد اولمشلردر .
بولنرك هر بری یار بیوک خاندان سلطنت اعضاسندن
ویا خود بر قوم کبیرک رؤساسندن اولوب تشبث
ایتدکلی امورک اجراسنه مباشرت ایتدکلرند
خرائن مملکتلرینک ثروتی و ممالک و اسعدلرند عساکر
و عونهنک کثرتی تمشیت مقصدلرینه کافی ایدی .
مصطفی علیه السلام دنیایی قدوم مبارکلیله تشریف
ایتمزدن اول پدری وفات ایتکله یتیم قالدی عملری
ابوطالبک کفالتند ایلدیله ابوطالب کثرت عیال سببیه
کچنمک جهنده عسرت چکردی و رسول الله علیه السلام
دخی مال دنیادن تهی دست ایدیلر انجق دنیا و مافیهای
دکر خلقت پسندیده و اخلاق برکزیده ایله میان بنی
نوعنده لیله مظلمده تورکبی تعین ایدردی سن تمیزه
وصوللرند قوم و قبیله سی اراسنده صدق و استقامتله
معروف اولوب اوراق سالفده بیان اولندیغی اوزره

امین تسمیه ایتشلردی و طنلری اولان ارض حجاز ایسه
 حلیه عمار و مدینتدن خالی و اهالیسی جهل و فقر ایچنده
 امرار روزگار ایدردی مصطفی علیه السلام وحی
 و نبوتله مشرف اولوب عشیرتنی توحید جناب بارییه
 دعوت ایتدکلرنده کافه سی کتدوسندن اعراض
 ایدرک ذات مقدسارینه اولان محبتلری دفعه عداوته
 منقلب اولدی تتابع معجزات و تواتر آیات بینات
 ایله موئید اولدقجه اهل عقل و انصاف اولانلر
 طوعاً دین اسلامه دخوله شتاب ایدوب از وقت
 ایچنده جمعیتلری کثرت بولدی صکره دن سائر قبائل
 عربیه دخی ایمان ایتکله جمیع مللی اسلامه دعوت
 ایتدیلر فقط جمله نك معلومی اولدیغی اوزره قرآن
 شریفده دینی قبول ایچون عباد الاهی اجبار ایتک
 آیت کریمه ایله ممنوع اولدیغندن اهالی بلاد دین
 و یاخود جزیه قبولی بپشنده تخیر اولنه رق جزیه
 اعطاسنه مخالفت ایدنلره اعلان حرب اولنوردی
 چونکه هیئت اسلامیه نك اداره سی قوه مالیه یه محتاج
 اولدی جهاند ه هیچ بر شکل حکومت یوقدر که
 مالسز اداره اولنسوز بو خصوص بر امر ضروری
 حکمنده در چونکه هیئتی محافظه ایچون اتخاذ
 اولنه جق اسباب صرف ماله متوقفدر بناء علیه بوکا

مخالفت ایدنلره جبر یوزی کوستریلوردی موافقت
 ایدنلر هر نه دینده بولنورسه بولنسوز حقوق مدینه ده
 اسلام ایله همعنان اولورلردی حاصلی دین ایچون
 اسلامده بردامله قان دو کلمک حرامدر چونکه بروجه
 بیان سالف قرآن شریف نزولیه جناب حق اسلامی
 بویله بر فعلدن منع ایلدیله . مبدأ ظهور اسلامدن
 هجرت سنیه نك قرقجی سنه سنه نك خلقای راشدین
 یعنی ابو بکر و عمر و عثمان و علی رضی الله تعالی
 عنهم قانون الاهییه و سنت رسول اللهیه توفیق
 حرکت ایتدکلرندن اسلام جهانگیر اولدی و مدینت
 و عمران نیچه بیک سنه دنبرو مفقود اولان برچولدن
 بلاد معموره یه کتورلدی ایشته رسول الله علیه
 السلامک و تعداد اولتان اخلافنک حال و شانی
 بوموال اوزره کچدی و جهان نور عدالتله طولدی نتیجه
 سطور سالفده اوتوز درت قرندنبرو جهاند ولوله
 انداز عظمت اولان حکمدارانک حرکتی بوکا بکرری
 قیاس قبول ایدرمی اویله اولنجه محمد علیه السلامک
 جهانه کوستردیکی طرز اداره نوع بشرک اوزمانه نك
 اجراسنه بحسب الخلقه قادر اوله مدقلری بر طرز
 مقدس اولغله بوکا جهان طور دقچه اثری ظاهر
 بر معجزه دیسه نك اهل عقولدن مخالف بوله میر زیرا

معلومدر که خلقت بشریه حیوانیت و انسانیت جامع
بر کیفیت در کلوب یکمیش اولان پادشاهان جهان
بو ترکیب طبیعتدن خارج اولماغله زیر حکمرانده
بولنان عباداللهه گاه صفت حیوانیه ایله معامله ایدوب
غدر و اعتساف و گاه انسانیتله حرکت ایدوب لطف
و انصاف ایدرلر بناء علیه صرف انسانیتله حرکت
ایتمک مطلقا اصطفا اولمش انبیای عظامه مخصوص
اولغله مدت سعادتلری ادارهسی الی قیام الساعه
معجزه باهره در منکر معجزات اولان قرا یورکلوری
حد تواتره وارمیان معجزات ایله اقناع ایتمک قابل
اولمجه الی یومنا والی آخر الزمان حکمی ظاهر اولان
بو معجزه یه ایمان ایتملری لازم کلور بو کاده قناعت
ایتمانلر بولنورسه طرز طبیعت انسانیه دن خارجدر
والله ذوالفضل العظیم . بزسیاق تاریخه کلام :

غزوه خیبر *

رسول الله علیه السلام هجرتک یدنجی سنه سی
محرمی او اخرنده ایکیوز آتلی و بیک درتیوز یایا
عسکر ایله خیبر اوزرینه توجه ایدوب نمیه
ابن عبد اللهی مدینه ده وکیل براقیدیلر (رسول الله
علیه السلام غزایه چیقدقجه اصحاب کرامدن
برینی مدینه ده وکیل براقورلدی) و صهبا طریقله

رجیعه طوغری کیدوب غطفان ایله خیبرک اراسنه
کبردیلر زیرا غطفان خلقنک خیبر یهودیلرینه امداد
ایده جکری مسموع اولمشیدی رسول الله علیه السلام
رجیعه وارنجه غطفان قبیله سی خوفلندن کپرو
دوندیلر اندن صکره خیبر استحقاکلرینی برر برر قححه
اقدام ایدوب علی کرم الله وجهه دخی بو اراقده
اردوی اسلامه یتشوب لوای سعادتی اکا دیردیلر و سائر
حصون قححه موفق اولدیلر کپروده قالان قلاع
اهالیسی دخی استیمان ایتمکله هر سنه محصولاتک نصفی
بیت الماله ادا اولتمق و هر نه وقت که رسول الله علیه السلام
ترک دیار ایتملرینی امر ایدرلرسه اراضی بی اسلامه ترک
ایتمک شرطیله کندولرینه امان ویرلدی و تا عمر بن
الخطابک زمان خلافتلرینه دک مملکتلرنده اقامت
ایتدیلر بوخلالده زینب بنت الحارث پشمش مسموم
برقوزی رسول الله علیه السلام هدیه ایدوب اثنای
طعامده برلقمه الوب فم سعادتلرینه قویدقلرنده
مسموم اولدیغی وحی اولماغله لقمه بی توکروب
بو قوزی مسمومدر دیدیلر انجق (بشر بن براء) برلکده
طعام ایتمکده ایکن الدیغی لقمه بی یوتمش اولدیغی
جهتله در آن مسموما وفات ایتدیکندن زینبه مقتضای
شرع اوزره معامله اولندی بو اثناده حبشه ده قالش

اولان بعض مهاجرین دخی عودت ایلوب جعفر بن
ابی طالب آنلرک ایچنده اولغله موجب انشراح قلب
رسول الله علیه السلام اولوب وجعفری قوجاقلوب
ایکی کوزینک اراسنی تقیل و (ما ادری بایهما انا
أسر بفتح خیبر ام بقدم جعفر) یعنی بيلم خیبرک
فتحیه یاخود جعفرک قدومیه می مسرور اولیم
دیدیلر .

✽ فکر و وادی القرائت فقی ✽

خیبرک فتحنده فدک اهلایسی استیمان ایتکله قبول اولوب
ذات مقدسارینه عائد اولغله حاصلاتی مسافر خانیه
تخصیص و وادی القرائت عنوة فتح اولغله اسلام
یاشنده تقسیم و شهر صفرده مدینه منورهیه عودت
ایلدیلر .

✽ عمره قضی ✽

رسول الله علیه السلام خیبر فتحندن شوالک نهایتندک
مدینهده اختیار اقامت ایتدیلر حدیده صلحنامه سی
مقتضاسنجه کعبه معظمه بی زیارت ایچون ذی القعدةده
مکه مکرمهیه توجه ایتدیلر توجهلرینی قریش خبر
الدقه میانلرنده ذات پاک همایونلرینه عداوتی شدید

اولان برقاج کشی مکهدن چیقوب تباعد ایتدیلر
رسول الله علیه السلام مکده وصوللرنده یتیم عدد
دوه قربان ایدوب بیت شریفه دخول ایلدکلرنده
ید یمنالرینی احرامدر چیفاروب رکن سعادت استلام
ایتدکلن صکره ذات همایونلری و معیت سنیهلرنده
اولان اصحاب اتکلری سورینه رک بیت عتیقندن
خروج و مکدهده اوچ کون اقامت ایتدکلرنده قریشک
تعجیلنه مبنی عودت ایتدیلر .

✽ غزوه حبش الامر ✽

(عمرو بن العاصی) قریش طرفندن مهاجرینی ایستک
ایچون حبشه سفارتله کتدکده نجاشی قریشک التماسی
رد ایلش و عمروک قلبنده نور ایمان لمعان ایتش اولغله
اسلامنی کتم ایلوب مکده عودتنده خالد بن الولیده
ملاق اولوب انلر دخی بو امنیه شریفهیه موافقت
ایتدکلرندن ایکسی برابر نزد رسول الله
کیدوب اعلان ایمان ایتدیلر عثمان بن طلحه دخی
هنوز اهتدا ایتدیکلندن کبرای قریشدن بو اوچ
کشینک اسلامه هجرتی جله موحدینه باعث مسرت
اولدی . رسول الله علیه السلام بو اثناده بر شامه
روملرک اوزرینه سوق ایتک ایچون اوچ بیک نفر دن

مرکب بر عسکر ترتیب ایلیوب زید بن حارثه بن
امیر الجیش نصب ایلمشردی خالد بن ولید دخی مسلمان
مدینه به کلدکده آنی دخی زید بن حارثه به ترفیق ایلدیلر
زیده قدر الهی اصابت ایدرسه جعفر بن ابن طالب
واول دخی شهید اولورسه عبد الله بن ابی رواحه
امیر جیش اولمسنی واکا دخی امرحق واقع اولورسه
عساکر اسلام استدیکنی امیر جیش نصب ایلمرینی وصیت
وعساکری تشیع ایدوب وداع ایتدیلر عساکر اسلام
یوله روان اولوب ارض شامدن معانه وصوللرنده
هرقل یوز بیک نفر روم و بر شامده متوطن لحم
وجذام وسائر قبائل عربدن بر او قدر عسکرله بلقا
ملقاتندن موابه کلدیکی خبری معسکر اسلامه
واصل اولدقده ایکی کیجه معانده اقامت ورومک
حالی رسول الله علیه السلامه اشعار ایله طلب امداد
واعانت خصوصنده مشاوره ایدرلرکن عبدالله بن ابی
رواحه خطابت ایدوب ای معشر اسلام سز کثرت
عدد وانتظام عدد ایله محاربه به کلدیکز سزک سلاح
وقوتکز دین اسلامدر شهید اولمغه کلدیکز دیجه
همان عسکر اسلام حرکت ومونه نام قریه ده متحشد
اولان روم عسکری علیهنه میمنه و میسره جیشی
ترتیب ایله هجوم ایتدکلرنده زید بن حارثه دشمن

او قترینی صدر یله تالق ایدوب شهید اولمجه
جعفر بن ابی طالب رایت سعادت صاغ الله الوب
بر مدت سواری اوله رق جنک ایلدی و صکره اسبنی
تلف ایدوب میدان حربده شیر ژیان کبی هجوملر
ایدرکن الله بر قلیج اصابتله قوی کسلدکده رایتی
صول الله الوب حربه دوام ایلدی صول الی دخی
کسلوب سکساندن زیاده جرح ایله متأثرا شهید
اولدقده لوای نصرت التوایی عبد الله بن رواحه
آلدی اول دخی عرصه کبرودارده پیر بیابان کبی
دوران ایدرکن شهید اولدقده رایتی ثابت بن الاقرم
الوب اتفاق مجاهدین اسلام ایله خالد بن ولیده تسلیم
ایلدی اول دخی اسلافندن زیاده جهاده توغل ایتمش
ایسده عسکر اسلام میدان حربدن چکلمکی مناسب
کوردکلرندن مدینه به عودته قرار و یردیلر اتفاق
اهل روایتله ثابت اولمشد رکه یوم واقعه ده رسول الله
علیه السلام صلاته ندا ایتدروب اسلامی جمع ایتدیلر
وامرای جیشک شهادتنی صره سیمه بیان ایلیوب
هربری ایچون آبرو آبرو جناب حقندن استدعای
مغفرت ایلدیلر و جعفرک صبی اوغلنی حضور
سعادتلرینه جلب ایدوب بکا و ترجم و انواع لطف
و نوازشله مشرف ایتدکلر صکره جعفرک اقر باسنه

ضیافت و یرلمنی جعفرک خانه سنه امر ایلدیلر و عسکر
اسلام مدینه یه توجه ایدوب تقرب ایلدکلرنده
استقبالرینه چیقوب مدح و ستایش ایتدیلر .

فتح مکة

رسول الله علیه السلام حدیبیه صلحی عقد ایلدکده
خراعه قبیله سندن مؤمن و کافری کتدو عقدینه
داخل ایلدکاری کی قریش دخی بنی بکر بن عبد مناف
ابن کنانه یی کندو عقدلرینه ادخال ایلشاردی انجق
بنی خراعه ایله بنی بکر بن منات بینده جاهلیتده قان
ادعاری اولوب اسلامک ظهوری اخذ ناردن
بونلری مشغول ایلوب حدیبیه صلحده بر مدت مشغله
اسلامدن خالی قالدقلرندن خراعه نک انتقام یولنده
جاهلیتده قتل ایتش اولدقلری بنی کنانه اشرافندن
اوج کشینک یرینه حدیبیه صلحندن صکره خراعه
وتیر نام صویک جوارنده ایکن بنی بکر انتقامه اقیحام
ایدوب خراعه اوزرینه هجوم ایتدکلرنده قریش
اشرافندن صفوان بن امیه و عکرمة بن ابی جهل
وسهل بن عمرو دخی بنی بکرک امدادینه خفیا کتدکاری
تحقق ایلوب بوبابده بنی خراعه رسول الله علیه
السلامه بث شکایت ایتلریله قریشک نقض عهد ایلدیکی

بعد الثبوت قبائل اسلامدن ومهاجرین وانصاردن
اون بیک کشیدن مرکب براردو ترتیب ایدوب قریشدن
کتم اولمسنی امر ایلشار ایکن حاطب بن ابی بلتعہ
قریشی خبردار ایلک قصدیله بریولجی قادینه مکتوب
ویردیکی معلوم اولغله قادینی تفتیش ایچون مأمورلر
کوندروب مکتوبی صاچنک ایچنده صاقلامش اولدیغی
حالده اظهاره مجبور اولدی مکتوب ید رسول الله
واصل اولدقده حاطبه اراؤه ایلوب عمر رضی الله تعالی
عنه قتلنی استیذان ایلدی انجق حاطب بعض اعذار
سردیله مرحمت رسول الله دخالت ایتکله عفو
اولته رق حدیبیه صلحک ایکنجی وهجرت سنیه نک
سکرنجی سنه سی رمضانک اونجی کوننده مکة فتحنه
توجه و حرکت ایلدیلر حر الظهران نام موقعه
وصولرنده حرکت رسول الله دن مکة اهالیسی بیخبر
اولدقلرندن شاید امان و یرلمدن اول عسکر اسلام
قریشیلره تصادف ایدرسه حالری تباہ اولور خوفیله
عباس رضی الله تعالی عنه مقتضای شفقت وغیرت
قراپتله رسول الله علیه السلامک رهوارینه بینوب
قریشی استیمايه تشویقه کندولرندن بر آدم بولوب
کوندرمک ایچون مکة مکرمه یه طوغری کیدرکن
ابوسفیان و بدیل بن ورقا و حکیم بن حزامه تصادف

ایمکه استیمانه تجیل ایللرینی بیان و ابوسفیان الوب
ممسکر همایونه کلدی اثنای راهده عمر بن الخطاب
رضی الله تعالی عنده ملاقی اولدوقده ابوسفیان خطابا
ای اللهک دشمنی بلا امان کلدیکک بجا اولدی دیوب
قتلنی استیذان ایچون رسول الله علیه السلامک جهته
شتاب ایلدی عباس دخی سرعت ایمکه رسول اللهک
حضورینه برابر کیردکلرنده عمر یار رسول الله حق تعالی نک
دشمنی بلا امان کلدی رخصت ویرکز بویغنی کسهیم
دیدکده عباس حسن مدافعه ایلدی اندن رسول الله
علیه السلام عباس رضی الله تعالی عنده ابوسفیان
بو کیجه سنک مسافر کدر یارین صباحلین برابر کلکز
دیوب کتدیله ایرتسی وقت صبحده حضور سعاده
دخول ایلدکلرنده رسول الله ابوسفیان خطابا اللهدن
غیری اله اولدیغنی بئک خاطرینه کلزمی دیدیلر
ابوسفیان تعظیم و ثنادن صکره نیچون بیلم دیگر بر اله
دخی اولیدی بزه یاردم ایدردی دیدی اندن بنم
رسول الله اولدیغنی اعتراف ایتزمیسین دیدکلرنده
بونده براز شهیم واردردی بجه عباس اسلامی قبول
ایله زیرا جنایات سابقه کل مجازاتی کوررسین دیدکده
قبول اسلام ایلدی وانک ایله برابر اشرافدن بدیل بن
ورقا و حکیم بن حزامه مسلمان اولدیلر اندن صکره

عباس یار رسول الله ابوسفیان فخری سور آدمدر اکا
امتیار ویرسه کز دیوب ابوسفیانک خانه سنه التجا ایدنلر
امنیتده درنر دیدیلر واقربا و همشهریلرینه مرحمت
ایدوب قیوسنی قیایان و مسجد شریفه صیغمانلر امین
اولسونلر دیدیلر و عباس رضی الله تعالی عنده امر
ایتدیله که عسکر اسلام مکهیه طوغری حرکت
ایتدکلرنده ابوسفیان ایله یول اوزرنده طورکز سیر
ایتسون قبائل اسلام فوج فوج کچرلرکن ابوسفیان
عباسه بو پادشاهلق اولدی دیدی پادشاهلق دکلدر
نبوتدر دیهرک جواب ویرنجه اویله در دیدی وقتاکه
مهاجرین و انصار کافه سی بیاض زرهار ایله مروره
باشلدیلر بونلر کیملردر دیدی رسول الله علیه السلامک
عساکر خاصه سیدر ذات همایونلری دخی بونلرله
برابر درلر دیو جواب ویردی .

اندن صکره عباس ابوسفیان مکهیه ینش قومکی تأمین
ایله دیدی ابوسفیان همان مکهیه دخول ایدوب محمد
مقاومه قادر اوله میه جغکز بر قوتله کلیور دیو مکده
ندا ایلدی اهالی سن نه کتوردک دیدیلر ابوسفیانک
خانه سنه بیت الله دخالت ایدنلره حاصلی جنود اسلام
مکهیه کیررکن اولرینک قیولرینی چکوب چیقمانلره
امان ویرلشدر دیدی او حالده رسول الله عسکری

ترتيب ايدوب مقدمة الجيشه ابو عبيدة بن الجراح
وصاغ جناحه خالد بن وليد وغفار ومزينة وجهينه
وصول جناحه زبير وعلى رضى الله تعالى عنهم نصب
اولنوب رايت سعادت سعد بن عباديه تسليم اولنمشيدى
سعدك « اليوم يوم المحممه اليوم تستحل الحرمه »
يعنى بوكون قاتلى جنك كونيدر بوكون ممنوع
اولان حلالدرديديكى سمع رول الله واصل اولغله
بوالفاظ شديده دن جاني صيقلوب لوايى على بن ابو
طالبه و بر روايتده زبيره تسليم ايدوب و نى طوى
يولندن كيديلوب مكه يه كيرمكه امر ايلديلىر خالد بن
وليد شهر ك اشاغيستندن وزير يوقار يستندن كيروب
مقاومت وقوع بولم دقجه اعمال سلاح اولما مسنى توصيه
ايشلردى انجق عكرمة بن ابو جهل و صفوان بن اميه
وسهيل بن عمرو جمع ايتمش اولدقلىرى بزمقدار عسكرله
خالده قارشو چيقوب طرفيندن برقاج كشي مقتول
اولدقده مخالفين فرار ايلوب عسكر اسلام رمضانك
يكر منجى كوني مكه يه كيروب فتح ايلديلىر رسول الله
عليه السلام سائر اهالى يه دخی امان ويروب جنسايات
كبيره اصحابندن برقاج كشينك دمنى هدر ايتمشلر سده
اكثريسى شفاعت اصحاب ايله عفو اولنديلىر بونلرك
بريسى عكرمة بن ابو جهل اولوب فرار ايتمش ايكن

زوجده سى ارقه سندن يتشوب تبشير عفو رسول الله
ايله اعاده ايلدى وحضور رسول الله مثل اولوب
قبول اسلام ايلد كده موجب مسرت اولدى اندن صكره
رسول الله عليه السلام مسجد شريفه كيروب كعبه نك
داخل وخارجنده اولان اصنامى ازاله ايلدى و بلاه
امر ايدوب اذان او قودى ويكىدن بعض شرايع
الهييه يى اعلان ايلوب عادات جاهليه يى كلياً منع
ايلديلىر و ديديلر كه آبا واجداديله مفاخرتى حق تعالى
يساغ ايلدى زيرا جمله من آدم اولاديزو آدم طوپراقدن
خلق اولمشدر انجق حجاجك سقايتنى و حجابت بيتى
متوليلرى ينده ابقا ايلوب بو كونه دك حجابت بيت
عتيق (شبيه) اولادينك النده در فتحك ايكنجى كوني
باب كعبه ده طوروب اهالى مكه رجالى بيعت ايتديلىر
وعمر بن الخطاب رضى الله تعالى عنه امر ايدوب
نسادن بيعت الدى و صكره مكه حواليسنده اولان قرا
وقبائل اوزرينه طاقم عسكر سوق ايدوب قتاله
رخصت ويرمديلىر خالد بن وليد بنى جذيمه بن عامر
قبيله سى اوزرينه مأمور اولمش ايدى هر نصل ايسه
بعض قتال وقوع بولديغندن خالد مؤاخذه اولمش
وصكره على رضى الله تعالى عنه ارسال ايديلوب سلب
اولنان اشيا اعاد و قتل اولنانلرك دمنى ديتله اسقاط

اولندی و عندندة فضله قالان مال دخی احتیاطاً
کندولرینه ویرلدی .

* غزوه خنین *

رسول الله علیه السلام مکة فتحه حاضرلنورکن
هوازن قبيله سی حقیقت حاله واقف اولمدقلری
جهتله کندو علیهلرینه حرکت اولنه جقدر ظنیله
هوادار و متفقلرندن مالک بن عوف و بنی نصر و بنی
جشم و بنی سعد و بنی هلال رجالدن برفرقه و احلاف
و بنی مالک بن ثقیف قبائلله حنینده اجتماع ایدوب
عسکر اسلامک مقابله سنه متهی ایکن رسول الله علیه
السلامک مکة اوزرینه توجه ایدوب فتح ایتدیکی
خبری شایع اولنجه جمع و ترتیب ایتدکلری اردولرینی
مکه نك استردادینه سوق ایتکی تصمیم ایلدکلری سمع
رسول الله علیه السلامه واصل اولغله حربی کندو
دیارلرنده ایتکی ترجیح ایدوب مکة یه عتاب بن اسیدی
وکیل براقوب اون ایکی پیک عسکرله حنین اوزرینه
حرکت ایلدیلر هجرت سنیه نك سکرنجی سنه سی
شوالنک ابتداسنده صبح اولده حنین بوغازینک
اورته سنهدک عسکر اسلام قطع طریق ایدرکن بوغازک
ایکی طرفنده کینده اولان هوازن جمعیتلری بردن برة

اسلام اوزرینه هجوم ایتلریله عسکر اسلام کیرولیوب
رسول الله علیه السلام و ابو بکر و عمر و علی و عباس
و ابو سفیان بن الحارث و سایر بعض اصحاب محاصرندة ثبات
و مقاومت ایدوب رسول الله علیه السلام کیرولین
عسکر اسلامه رجعت ایچون ندا ایلشله ايسه ده کارکر
اولمیوب عم مکرملری عباس جهیرالصوت اولدیغندن
ندا ایتلرینی امر ایلدیلر عباسک سسی مسموعلری
اولدقدہ رجعتہ شتاب ایتشلر سده ازدهامدن
حیوانلرینی چویرمک صعوبتلی اولدیغندن بریوز قدر
کشی سوکوب ملحق اولدیلر بوخلالده هوازن
رسول الله علیه السلام اوزرینه شدتله برهجوم
کوستروب کوردکلری شدید مقاومتہ تاب آور ثبات
اوله میوب رجعت کوسترملریله رسول الله التحاقه
شتاب ایدن عسکردن دخی پرخیلیسی یتشوب تعقیبه
بارقه هدایت کبی شتاب ایلدیکندن دشمن جمعیتلری
پریشان و فراره شتابان اولدیلر بروطرفدن جیوش
اسلام عقبیکیرلکه دوام ایدرک التی یک کشی اسیر و اموان
و اشیارینی اغتنام ایلدیلر بو محاربه ده دشمندن برچوق
اشخاص تلف اولوب یالکز بنی مالکدن یتمش نفرقتل
اولندی سیدلری ذوالخمار و برادری عثمان بونلرک
عدادندن ایدی و هوازن سیدی درید دخی مقتول

اولوب اسلام اشرافندن ابو موسی الاشعرینک غمی
عمر الاشعری شهید اولدی .

﴿ طائفه محاصره وقتی ﴾

حنین محار به سنده بنی ثقیف سائر قبائل ایله منهزم
اولدقدده طائفه طوغری فرار ایدوب تحصن ایتمکله
رسول الله علیه السلام همان ارقه لرندن یتشوب طائفی
محاصره ایلدی و منجیقارله حصارلری تضییق ایتدی
اوخلالده طائف جوارنده بولنان اهالی طاقم طاقم
کلوب مسلمان اولدیلر طائف حصارینی براون بش
کون قدر محاصره دن صکره طائفه کیردیلر بو محار به ده
اشرافندن سعید بن سعید بن العاصی و زوجات طاهراتدن
ام سلمه نك برادری عبد الله بن امیه بن المغیره و عبد الله
ابن عامر بن ربیع و سائرلردن دخی سکر ذات شهید
اولوب جمله شهدا اون ایکی کشی به بالغ اولدی که
دردی انصاردن ایدی .

اندن صکره رسول الله علیه السلام جعرانه یولندن
حرکت ایلدکرنده بنی هوازن قبیله سی مبعوثلری
نزد رسول الله کلوب قبول اسلام ایلدکرنده
عسکر اسلام النده اولان اسیرلری هر بر طائفه آبرو
آبرو رسول الله علیه السلامه هبه ایدوب جمله سنی

قبیله لرینه رد و احسان ایتدی رسول الله علیه
السلامک سود همشیره سی شیمادخی بواسیرلک داخلنده
اولوب اعزاز و اکرام ایله قبیله سنه کوندردی
مال غنایم تقسیم اولنورکن حصه رسول الله عائد
اولان خمس خسدن قرق قدر کشی به یوزر دوه
ویرلمکله انصاردن بعض کنجیلر بزرده انلر کی ایسترز
دیدکلی سمع همایونلرینه واصل اولدقدده انصاری
جمع ایدوب هر کس دوه و قیون ایله وطنلرینه عودت
ایدرکن سز پیغمبر کزله وطنکرزه عودت ایدرسکرانلره
زیاده ویردیکم اسلامده یکی اولدقلری جهته قلیلرینی
تألیف ایچوندردیدیلر انصار رسول الله کندو وطنی
اولان مکه ده قالور ظننده ایکن بوسوزی اشتدکرنده
مسرور اولوب طاغلدیلر و زیاده حصه آلان قرق
کشی مؤلفه القلوب تسمیه اواندیلر که ابوسفیان و اوغلی
معاویه انلردن ایدی .

رسول الله علیه السلام جعرانه مترلده زیارت کعبه به
نیت ایدوب کعبه به عودت و عتاب بن اسیدی مکه
والیسی نصب ایلدیلر انن مدینه منوره به حرکت
ایدرک هجرت سنیه لرینک سکرنجی سنه سی ذی القعده
سنک یکرمی دردنجی کونی واصل اولدیلر مشار ایله
عتاب سنی هنوز یکرمی بی تجاوز ایتش بر کج ایکن

زهد و ورعده و عقل و دهاده مثلی از بولنوردی اوسنه
 ادای حجه اسلامه پیشوا اولوب برنجی امیر الحاج
 اولق شرفنه نائل اولمشدر و معاذ بن جبلی قرآن شریفی
 تعلیم و دیانتی تفهیم ایچون مکعبه مأمور ایتدیلر .
 و عمرو بن العاصی عثمانه ارسال ایدوب ازدیلردن جعفر
 و عبد ابنی الجندی قبیله لری انقیاد و مطاوعت ایتدیلر
 و مالک بن عوفی کندو قومندن مسلمان اولنله و ثقیف
 قبیله سیله طائف و جوارینه والی نصب ایدوب انلر
 دخی دائرة اسلامه داخل اولدیلر و کعب بن زهیر
 فعل سابقندن تائب اولدیغی حالد رسول الله علیه
 السلامک عفو و مرجته دخالت و مدح رسول اللهده
 انشا ایتیش اولدیغی مشهور قصیده بی حضور لامع
 النور لرنده قرائت ایدوب مساس وجود مقدس
 همایونلریله اطلس چرخه طراز شرف اولان برده
 نور بفت سعادت قعبه اکسا ایدوب ابنای بشر بیننده
 مقامی اعلا ایلدیلر او جهته قصیده مذکوره الی یومنا
 هذا (قصیده برده) نامیله مشهور اولمشدر . معاویه
 ابن ابوسفیان برده سعادت کعبدن اشترایه بذل مال
 کثیر ایتیش ایسه ده اله میوب کعبک وفاتنده والده سندن
 اشترا ایدرک خلفای بنی امیه واحدا بعد واحد مواسم
 مبارکده زیور دوش اقتخار ایدرلردی بنی عباس

خروج ایدوب امویه دولتی محو ایتدکلرنده خلفای
 بنی امیه نك آخری اولان مروان ثالث مصره فرار
 ایتدی تعقیبه مأمور اولانلر مصر قراستندن ابوصیر
 نام قریبه ده مروانی قتل و برده سعادت سلب ایدوب
 خلفای عباسیه الله کچدی بشیوز یگرمی اوچ سنه
 زمان خلفای مشار الیه هم دخی بومیراث شرف اراث
 ایلله مفتخر و مباهی ایکن اولاد جنکیزدن هولاکو
 بغدادی فتح ایدوب مستعصم خلیفه بی قتل ایتدکده
 کندوسی بت پرست اولدیغی جهته بو اثر مبارکک
 قدرینی بیلیوب کفرا و عنادا حرق ایلدی جزاه الله
 بما فعل .

هجرت سنیه نك طقوزنجی سنه سنده بنی اسد رسول الله
 علیه السلامک نزیه کیدوب مسلمان اولدیلر
 و دعوتسز کلدکلرینی معرض امتانده سویلیوب
 آیت کریمه نزولیه توبیح اولندیلر .

✽ غزوه تبوک ✽

رسول الله علیه السلام مکهدن ذی الحجه ده عودت
 و هجرت سنیه لرنک طقوزنجی سنه سی رجب نك
 مدینه منوره ده سعادتله اقامت ایلوب روم اوزرینه
 اعلان غزا ایدرک تهیی امر ایتدیلر حرب اصولجه

سائر غزو و لرده جهت توجه همایونلرینی کتم ایدرلردی
انجق مسافه نك بعدی و رومك قوتی و موسم
صیف اولوب حرارتك شدتی و میوه فصلنك کچوب
اردوی اسلامك کچه جـکی یوللرك اشجاردن
خلوی جهتیه کولکه نك اولماسی شدائد سفریه دن
اولغله اعلاند ه اسلام ایچون فائده ملاحظه ایلدیلر که
هر کس بو سفرک حاله کوره حاضرلنسون
او حالده منافقلر اسلامك قلبنه ایراث فتور ایتکه
مبادرت ایدرک مفسدرك بر فرقه سی بر یهودك
خانه سنده عقد جمعیتله مفسدته مباشرتلی سمع
رسول الله علیه السلامه واصل اولغله طلحه بن
عبید الله امر اولوب مذکور خانه هدم اولندی
بنی سلمه قبیله سندن ابن قیس مدینه ده قالمغه استیدان
ایتمکله اذن و یروب اندن اعراض ایتدیلر انجق
معاشر اسلامیه بو غزایه زیاده اعتنا ایدوب بذل مال
و اعداد لوازم حرب وجدالده مسابقت ایدرک عثمان
ابن عفان رضی الله تعالی عنہک بو بابده خدمتی جمله دن
زیاده ایدی طقوز یوز دوه و یوز رأس اسب و بیت
عدد دینار ایشار ایلدیلر و اسلامدن ایکی کشی رسول الله
علیه السلامدن بیتك طلب ایدوب بولمادیغی جهتله
بکایتد کلرینی کورن بعض اهل غیرت تدارك ایدوب

و یردیلر و عربادن بعضیلری سفردن اعتذار ایتکله
عذرلری قبول اولندی اندن صکره رسول الله علیه السلام
تبوك اوزرینه حرکت ایلوب موطن قوم ثموده
وصوللرنده یالکز بئرناقه صوینك اکل و شربه
استعملانی امر ایدوب دیگر صولردن و مساکن قوم
ثموده دخولدن عساکر اسلامی منع ایلدیلر اثنای
راهنده رکوب همایونلرینه مخصوص اولان دوهلری
غائب اولغله منافقلردن و بنی قینقاعدن زید بن
الصصیت نام شخص محمد اسرار سمسواتدن خبر
و یررکن دوه سسنگ نره ده اولدیغنی بیلیمور دیدیکنی
رسول الله علیه السلام ایشیدوب حق تعالی بکا
ییلدر منجه نه بیلیم دیدکدن صکره قلب همایونلرینه
وحی نازل اولوب دوه م فلان محله در دیدیلر کیدنلر
دوه نك یولاری بر اغاج دالنه صارلدیغندن قورتلوب
کله مدیکنی کورنجه چوزوب کتوردیلر دینلور که
منافق مذکور بوندن صکره تائب و مستغفر اولدی .
رسول الله علیه السلام تبوكه وصولنده ابله صاحبی
یحیینه بن رؤبه و جرباء و اذرح اهالیسی کلوب جزیه
قبولیه مصالحه ایتدیلر و هر برینه شروط صلحی
مبین وثیقه و یرلیدی بعده خالد بن ولیدی دوه الجندل
صاحبی نصارادن اکیدره کوندردیلر اکیدر بیان

صغری صید ایدرکن اخذ اولوب حضور رسول الله
کوندرلدی و وصولنده جرمی عفو اولوب جزیه به
ربط اولنده رق مملکتنه اعاده اولندی رسول الله
علیه السلام یکرمی کون تبو کده اقامتدن صکره مدینه
منوره به عودته قرار و یروب اثنای راهده وادی
مشقده قینیان وانجق کونده ایکی نفر آتلویه کفایت
ایدن صودن موکب اسلام و ارجیه دک کیمسه استعمال
ایلماسی امر اولمش ایکن بعض منافقار اوغرایوب
تراکم ایدن صوبی استعمال و استهلاک ایتلریله اردوی
اسلام و وصولنده ایچه جک صوبوله مدقلرندن رسول الله
علیه السلامه شکایت ایلدکلرنده هر قوملره نفرین
ایدوب صویک باشنه کتدیله و ید مبارکلرینی صویک
چیقدیغی قیانتک الته صوقوب پرازده صودو کدیله
همان منبعک کوزی آچلوب عسکر اسلامه کفایت
ایده جک قدر صوآقدی اردوی اسلام اورادن حرکت
ایدوب مدینه به بر ساعت مسافه قالدقده رسول الله
علیه السلام مالک بن دحشم و معن بن عدی نام ذاتلری
ایلرو کوندروب مجمع نفاق و فساد اولق ایچون
منافقلرک بنا ایتش اولدقلری معجد ضراری تخریب
ایتدیله .

تبوک غزاسندن بلا عذر تخلف ایدن رجال اوتوز

بو قدر کشتی اولوب رسول الله علیه السلام مدینه منوره به
وصولرنده حضور سعادتلرینه حقیقه رق درلو درلو
عذرلر بیان و یمین و قسملر ایتان ایدرک مظهر عفو
اولدیله مدینه به وصولری هجرتک طقوزنجی سنه سی
رمضاننده ایدی .

﴿ ثقیف قبیله سنک اسلامی ولات معبدینک یدی ﴾

رسول الله علیه السلام طائفدن عودتده ایکن ثقیف
قبیله سی شیخی عروه بن مسعود اثنای راهده یتشوب
اهتدا ایلش و قبیله سنه عودت ایتدکده اعلان اسلام
ایدرک سائرلرینی دخی قبول اسلامه دعوت ایتمکله اهالی
غلو ایدوب قتل ایلدیله مجروح ایکن وفات ایدرسه
دیتی نه صورتله استیفا اولانه جخی لاقردیسی اولدقده
شهدانک دیتی اولمز وفاتده بنی طائف محاربه سنه
شهید اولان اسلامک مقبره سنه دفن ایدکز دیوب
وفات ایلدی و شهدا مقبره سنه دفن اولندی اندن
صکره اوغلی ابو ملیح و قارب بن الاسود مسلمان اولوب
طائف والیسی مالک بن عوف دخی بنی ثقیفک فعلنه
شدتله مقابله ایدوب و رسول الله علیه السلام تبو کدن
عودت ایدوب مخالفتنک ثمره سی اولیه جغنی درک
ایلدکلرندن بنی ثقیف رمضانده کلوب اعلان اسلام
ایلدیله . ولات معبدی هدمنک اوج سنه تأخیرینی

وصلاتك عفويني رجا ايتدكلرنده صلاتي اولمين ديتك
خيري اولمز ديديلر ولاتك هدمنه مأمورلر تعيين
اولنوب هدم اولنوركن قادينلر شيون و فرياد ايتديلر
وابوسفيار كلوب امر رسول الله اوزره معبدك زيناتي
سلب و بيع ايدوب عروه واسودك ديتني اودهدي.

✽ عرب قيله اريتك طاقم طاقم كلوب ✽

✽ وائره اسلامه دخوللر ✽

رسول الله عليه السلام تبوك غزوه سندن موقتاً غودت
ايليوب بني ثقيفك دين اسلامي قبوللري و مقدمه مکه فتح
اولنوب زمان قدیم نبر و عربيه رياست ايدن و نسب و حسب
جهتيله اقوام عربك جمله سنه فائق اولان قریشك دائرة
اسلامه دخوللري اسلامك استقرارينه شبهه براقديغندن
سائر قبائل عرب اسلام ايله اتحاد باعث نجات اولديغني
تعقل ايدرك جزيره العربك هر جانندن طاقم طاقم
كلوب مسلمان اولديلر ابتدا بني تمیم كبار مشايخي خطيب
وشاعرزيله كلوب مسجده كيرديلر و رسول الله عليه
السلامي اسميله چاغروب اسلامي قبوله و مغاخرته كلدك
ديديلر اعلاي صوت ايله رسول الله چاغرمق اسائت ادب
ايكن كال حلم و لطفلرندن قصورلرندن اغماض اولنوب
مسجد شريفه چيقديلر و خطابت و انشايه رخصت

ويرديلر انلردن عطار د و الاقرع نام خطيبلر بليغ
خطبه نر اوقيوب شاعرزري زبرقان دخی بر قصيده
فخریه اوقودی رسول الله عليه السلام دخی خطبادن
ثابت بن قيسه خطابت ايتديروب حسان بن ثابت
دخی بر قصيده بليغه ارتجالا انشا و قرائت ايلدي
جمله سي تحسين ايدوب خطيبكز خطيبزدن و شاعر كز
شاعر مزدن اعلادر ديوب بعده اعلان اسلام ايلديلر
رسول الله عليه السلام جمله سنی تطيف و تطيب
ايدوب عادتلي اوزره جائزملر احسان و مخصوص
چادرلر قورديروب مدينه ده اولدقلري زمانده اطعام
و اكرام ايلديلر و عودتلرنده دخی نجمير ايتديلر
بونلردن صكره يمن ملاكري و نصراني و وثنی عربلر
فوج فوج كلوب اسلام ايله مشرف اولديلر و بعض
ملوكدن ايلچيلر كلوب و دين اسلامه كيردكلريني
اخبار و اعلان ايدوب جواب الوب عودت ايتديلر
و ملوكدن وائل اشتياق ايله كلوب حضور
رسول اللهده اعلان دين اسلام ايتدكده رسول الله
عليه السلام مسرور اوله رق مؤذنلره صلات عامه ايله
ندا ايللريني امر ايلديلر و وائل باشندن اوخشايب
خير دعا ايلديلر و طی قيله سي شيخني عدي بن حاتم
علي بن ابی طالبك سطوتندن فرار ايدوب همشيرهي

سبایا ایله برابر مدینه یه کلدکده رسول الله علیه
السلامدن تحریرینی استدعا ایتدکده قبول ایدوب
ودیار کزدن برامین آدم بولنجه صبر ایدکز دیوب
اکرام واحترام ایلدیلر وطلبی اوزرینه برادری جهته
کوندردی عدی بن حاتم نصرانی اولدیغی جهته
نصارای عربدن دیار شامده اولان بنی قضاعه یه النجا
ایتمشیدی همشیره سی و صوانده رسول الله علیه السلامک
مکارم اخلاقندن واحوال شریفه سندن بحث ایدرک
مدینه یه کیمسینی تنسیب ایتدکده همان اورادن حرکت
وجانب رسول الله توجیه ایلدی و صوانده اسلامی
قبول ایتدیکنی بیان ایدوب زیاده حرمت ولطفه نائل
اولدی .

رسول الله علیه السلام کلکده اولان وفوده تعلیم دین
ایتمک ایچون فقها تعین ایلوب اصحاب کرامندن
بعضیلرینی یمنه وسائر جهاته بوامنیه ایچون کوندردیلر
وقبائلک طلبلریله بعض جهاته والیلر کوندروب
قواعد شرعیه موجبنجه ترتیب حکومت ایتدیلر
وهریره تکالیف شرعیه بی وضع و اصول مدنی
تأسیس ایلدیلر .

وبوسنده نجد مبعوثلری کلوب سیدلری عامر بن
طغیل برابر ایدی رسول الله علیه السلام ایله ملاقاتنده

خلافت کندوسنه قالمق اوزره اسلام دینی قبول
ایده جکنی بیان ایتدکده سکا کرکز دیدیلر صکره
بادیه نک اداره سی کندوسنده وقرا ومداین حکمی
رسول اللهده اولمقلخی شرط ایتدکده بوده اولمز انجق
سن فارس بر آدم اولدیغکن سوار ی عسکرینک
امارتنی سکا ویررم دیدیلر عامر انفعال ایله قالقوب
مملکتنی سوار ی وپیاده ایله طولدررم دیهرک عودت
ایلدی رسول الله بوسوزدن متأثر اولوب یارب عامرک
شرندن بزی محافظه ایله دیدیلر عامر اثنای راهده
مطعون اولوب مختالب اجله دوشدی وبرادری اربده
صاعقه اصابت ایدوب هلاک اولدی واسلامده
شرزندن قورتلدی .

بوخلالده دعوا ی نبوتله ظهور ایدن مسیله طرفندن
رسول الله علیه السلامه مکتوب کلدی ماکنده نبوت
شریکی مسیله دن رسول الله محمده انها اولنور که بن
رسالته سزه شریک اولدم ممالکک نصفی بکا ونصف
دیگری قریشه راجعدر لکن قریش عدالت ایتمز
دید ی .

رسول الله علیه السلامدن جواب یازیلوب « رسول الله
محمد علیه الصلاة والسلامدن یلانجی مسیله یه : ممالک
الله تعالی نکدر عبادندن مراد ایتدیکنی وارث ایدر

حسن عاقبت حق تعالیٰ نك رضا سنده اولانلر ایچوندر
والسلام .

﴿ حجة الوداع ﴾

رسول الله عليه السلام هجرت سنیه لاینگ اوئنجی
سنه سی ذی القعدة سنك عشر اخیری وسطنده وداع
حجی ایچون مدینه منوره دن چیقوب ذی الحجة نك در دنده
مکه مکرمه یه واردیلر علی کرم الله وجهه دخی نجر اندن
کلور کن یولده تصادف ایدوب براز حج ایتدیلر عرفه ده
عمومه خطابت ایدوب جناب حقه جد وئنادن صکره
سوزمی دکله یکر بیلم اما بلکه بوسنه دن صکره بو محله
سزه بردخی قاوشه میه جغم ای انسانلر جناب حقه ملاقی
اولنجیه دک بو آیکرک و بو کونکرک حرمتی کی قانلر کر
ومالکر کر سزه حرامدر و قریباً ربکره ملاقی اوله جقسکر
وسزدن ایشلر کر می سوال اید، جکدر بن شمعی به دک
سزه حلال و حرامی بیانده سعی نهایته ایردر دم گیمده
امانت اشیا وار ایسه امنیت ایدنلره رد اولتسون اگر
اچه ربحی ایسه یساع اولمشدر انجق مالکرک باشی
سزه عاندر ظلم ایتیمکر ظلم کورمز سکر جناب حق
اچه ربحی منع ایلدی عباس بن عبدالمطلب ربحی
تماماً منع اولمشدر و جاهلیته اولان قان حقلری طلب

اولنیه جقدر آرانمیدجق قانک برنجیسی ربیعه بن الحرث
ابن عبدالمطلب قانیدر (ابتدا بطانه یتنک او مقوله
حقلر بنی اسقاط ایلدیلر) خطبه مذکوره مطول
اولوب کتب سیرده عینیه ثبت اولمشدر بر فقره سنده
دخی سوزمی دکلیکر سزه بیان اولنه جق شیلری تمامیه
سویلدم و سزه اللهک کتابی و پیغمبرینک سنتی ترک
ایلدم اکاتمک ایتدیکر حالده ابدی یا کز سکر دیوب
بر فقره سنده ده نسیابه حسن معامله اولمشنی توصیه
ایتمشلر در بو خطبه ده دار آخرته قریباً انتقال ایده جکلرینی
تصریح ایلدکلرندن عموماً اسلامه و خصوصاً
اصحاب کرامه باعث حزن کثیر اولوب اغلاشدیلر
و بو حجه حجة الوداع و حجة البلاغ نسیمه اولندی .

﴿ رسول الله عليه السلامک نواجی به نصب ﴾

﴿ ایتدکلر می عمال ﴾

سطور سه سالفه ده بیان اولندیغی اوزره باذان وزیر
اداره سنده اولان یمن اهالیسی قبول اسلام ایتدکلرنده
باذان وفات ایدنجه قدر یمن ولایتنده ابقا اولنوب مستقلاً
یمنه والیاک ایلدی حجة الوداع دن عودت اولندیغی
اثنا ده ارنحالی خبری کلکله اوغلی شهر بن باذان یالکر
صنعا به والی نصب اولنوب دیگر سنجاقلره اصحابدن

عاملر تعیین او اندی مارب سنجاغی ابو موسی
الاشعری به و سر عسکرک یعلی بن امیه به توجیه قلندی
و همدان عامر بن شهره و عک طاهر بن ابی هاله به
و نجران ایله زمع وزید مابنی خالد بن سعید بن العاصی به
و نفس نجران عمرو بن حزمه و حضر موت دیاری زیاد
ابن لبیده و سکاسک ایله سکون عکاشه بن ثوره و معاویه
ابن کنده جماعتی اداره سی عبدالله المهاجر بن ابی امیه به
توجیه اولوب عبدالله خسته لندیکندن حضر موت
دیاری عاملی زیاد بن ابید و کالت ایلدی و معاذ بن
جبلی فقه و قرآن شریفک تعلیمه نظارت ایتک ایچون
یعن و حضر موته تعیین ایلدیلر وعدی بن حاتم طی
واسد قبیله لرینک صدقه لرینی جمعه بونلردن اول
تعیین اولمشیدی و مالک بن نویره بنی حنظله و علاء بن
الحضرمی بحرین و علی بن ابی طالب نجران صدقه
و جزیه لرینک جباینه کوندلمشیدی علی کرم الله
وجهه مأموریتنی ایفا ایتمش و حجة الوداعه یتشمش
ایدی .

رسول الله علیه السلامک حجة الوداعدن صکره
من اجلری منحرف اولوب کیدرک مشتد اولدیغی
اطرافه شیوع بولمغله ایکی اوچ آیدنبرو اسود العنسی
و مسئلة الکذاب و طلیحه نام یلانچیلر خروج

ایدوب اسود العنسی یمنده و مسئلة یمامه ده و طلیحه
بنی اسد دیارنده ادعای نبوت ایدرک هنوز مسلمان
اولمش اهلینک اکثر یسنی شعبه بازلق ایله اغفال
ایدوب جمعیتلری کثرت بولمغله اکثر والیر مقاومتدن
عاجز قالوب مدینه به عودت ایلدکلرنده رسول الله
علیه السلام شدت مرضلرنده دخی بونلرک کید
و مضرتندن اسلامی محافظه به سعی بلیغ ایدوب
مسلمانلرده ثبات ایدن قبائله و یمنده قالان والیره
امر نامه لر کوندردیلر اسود العنسینک جمعیتی کثیر
اولدیغندن حرباً غلبه قابل اولمامغله غیله قتل اولنه رقی
اسلامی شرنندن قورتاردیلر دیکر لرینک استیصالنه
دخی هر طرفدن همت و غیرت اولنمده ایدی .

شام اراضیسینده متوطن اولان خرسیتیان عربلردن
قضاعه قبیله سنک اوزرینه دخی اردو ترتیب اولوب
موالی رسول الله بن زید بن حارثه امیر الجیش
نصب اولمش و کبار اصحابدن بعضیلری معیتنه تعیین
قلمش ایدی اسامه نک امارتنه بعض اهل غرض
اعتراض ایلدکلری سمع رسول الله علیه السلامه
واصل اولوب پدری زید حقنده دخی اعتراض
اولنمشیدی حالبوکه زید نصب اولندیغی ایشه لیاقتی
اولدیغی کبی اسامه نک دخی بو ایشه اقتداری واردر

دیوب همان مأمور بتلرینه توجه ایتملر بنی امر ایلدیله
انجق دوچار اولدقلری مرض کرکی کبی قوت
بولوب شاید امر حق واقع اولورسه مقر خلافتی
محافظه ایچون عسکرک متأنیانه حرکتی اسامه نزدنده
تصویب اولنوب کبار اصحاب دخی موافقت ایتمشلدی
هجرت سنیهک اوننجی سنه سی ربیع الاولک اون
ایکنجی کونی رسول الله علیه السلام عایشه رضی الله
تعالی عنهانک خانه سنده ارتحال دار بقا ایلدیله مشار
الیهادن نقل ایله روایت اولنور که آخر نفسده « الرفیق
الاعلی من الجنة » دهرک شهباز لامکان آشیانه روح
مقدسلی قفس بدنن مفارقت ایلدی .

اوحالده ارتحال رسول اللهی منادیله اعلان ایتمکله
عمر بن الخطاب مجمع فاسه ینشوب محمد اولدی موسی کبی
مناجاته کیتدی قریباً عودت ایدر و بونی اعلان ایدن
منافقلری مؤاخذه ایدرل دهرک خطابت ایدرکن
ابو بکر بن قحافه رضی الله تعالی عنه ینشوب عمری
کمال تأثرندن کندوسندن کپوب خطابت ایتمکده
اولدیغنی کوردکده « انصت یا عمر » یعنی سکوت ایله
دیدیسده تحیرندن ابو بکرک امری قولاغنه دکیوب
خطابته دوام ایدنجه ابو بکر دخی بر طرفدن خطابته
آغاز ایلدی عمر رضی الله تعالی عنھک اطرافنده

اولانلر طاغلوب ابوبکره توجه ایتدیله حق تعالی به
حمد و ثنلادن صکره اهالی به خطاب ایدوب ایچکرده
محمد پرستش ایدنلر وار ایسه محمد ارتحال دار بقا
ایتمشدر الله عبادت ایده یورسه کز حق تعالی الی الابد
باقیدر دیدکدن صکره * و ما محمد الرسول قد خلت
من قبله الرسل افان مات او قتل انقلبتم علی اعقابکم
ومن ینقلب علی عقبیه فلن ینضر الله شیئاً و سيجزى الله
الشاکرین * آیت کریمه سنی قرائت ایلدی مفهوم
شریفی محمد انجق پیغمبردر اندن اول پیغمبرل دنیایه
کلوب یکمشدر محمد اولور یاخود قتل اولنورسه
اسکی دینکره دوزمیسکر اکر ارتداد ایدرسه کز حق
تعالی به ضرر ویره مزسکر ابتلی زماننده بیلله الله شکر
ایدنلره حسن جزا انعام ایدر دیمکدر ابوبکر رضی الله
تعالی عنه بوآیت کریمه یی تلاوت ایتدکده عرک
عقلی رجعت ایدوب محمد علیه السلامک ارتحالنی
بیلدی ودر آن اعصابنه ضعف کلوب یره دوشدی .
ارتحال رسول الله خبری مکیه واردقده اهالی بیننده
گفتکو چوغالوب ارتداد اماره لری کورنمکه باشلدقده
حدیدیه عهدنامه سی یازیلورکن محمد رسول الله فقره سنی
قبول ایتمین سهیل بن عمرو کعبهک قیوسنده طوروب
واهالی یی دعوت ایدوب طوبلادی بعده ای مکه

اهالیسی الک صکره ایمان ایدنلردن واک اول مرتد
اولانلردن اولمیکز رسول الله علیه السلام بیوردقلری
کبی حق تعالی بوایشی حد کماله ایرشدیره جکدر زیرا
بونیتم طور دیغم محله رسول الله علیه السلام یالکز
طوروب ای مکه اهالیسی بنم کبی لاله الا الله دییکز
عرب سزه اطاعت ایده جک و سائر امم سزه جزیه
ویره جکدر و کسری و قیصر خزینده لری بودینک
نصرتنه صرف اوانه جقدر دیدیلر ایشه کوردیکز که
بیوردقلری سوزلر حیر حصول بولد یغی کبی کیروده
قالان و عدلر دخی مرکز اجرایه موصول اوله جقدر
دینجه اهالینک هیجانی سکونت بولوب ارتداددن نکول
ایتدیلر « دین اسلام فصل انکار اولنور که بودینک الک
قوی دشمنلری اسلامه کیروب حقایق دینی ییلد کده
جان فدا ایدرک حمایه ایدرلردی » .

رسول الله علیه السلام مرضی مشدد اولدیغنده
اصحاب کرامی جمع ایدوب جمله سنه چوق خیر دعا
ایدرک حق تعالی نک رضاسنه مخالفتدن احتراز ایدکز
اللهک ملکنده عباد اللهه تکبر ایتیکز زیرا سزه و بکا
بیورمشلردر که آیت ﴿ تِلْكَ الدَّارُ الْآخِرَةُ نَجْعَلُهَا
لِلَّذِينَ لَا يُرِيدُونَ عُلُوًّا فِي الْأَرْضِ وَلَا فُسَادًا وَالْعَاقِبَةُ
لِلْمُتَّقِينَ ﴾ معنای شریفی نعیم دار آخرتی دنیاده تکبر

و فساددن اتقا ایدنلره و حسن عاقبتی متقیلره احسان
ایلدک دییکدر بودن صکره مفارقتی ایما ایدر سوزلر
سویلدیلر ابوبکر رضی الله تعالی عنه اکلایوب بکا ایلدی
وجهه اصحاب بکا ایلدیلر رسول الله علیه السلام دخی
انلرک بکاسنه تحمل ایده میوب چشمه بحر وحدانیت
اولان دیده حقایق بینلرندن قطرات حزن و رفت
ریزان اولدی بوجهیتده بکا کاغد و دوات ویرکز
سزه یازایم بندن صکره الی الابد اهتدا ایده سکر دیوب
اصحاب بیننده گفتکو اولدی و بعضیسی شدت مرصدن
کندوسنه مالک دکلدر دیه رک و یرمدیلر و دیگر
اوطه یه چیقوب تکرار حضور سعادت لرینه کیرد کلرنده
وصیت ایتلرینی تکرار بتکرار ملخانه رجا ایتشلر سده
ارتق بنی ترک ایدکز زیرا بنم بولندیغم حال بکا تکلیف
ایتدیککز شیدن احسندر دیدیلر .

اشبو وصیت ماده سی کتب سیر رسول اللهک همان
جمله سنده ذکر اولنمش ابسه ده رأی عاجزانه مه کوره
بوراسی جای تأملدر بکا کاغد و دوات ویرکز دید کلرنده
بعض اصحاب « ان رسول الله یهجر » دیوب حضور
سعادت لرنده نزاع اولدی انبیا حضورنده نزاع اولر
دینجه اصحاب دیگر محله چیقوب بعده ملخانه طلب
وصیت ایتدیلر دیو کتب سیرده یازمشدر و گویا

بوسوزی دیان عمر رضی الله تعالی عنه ایمش بوبخشد
 برقاج وجهله اطراد وتناسب کورنمز بلکه بعض
 محله تنافض دخی عیاندر برنجیسی آنفا تحریر اولنان
 حجة الوداعده نیجه بیک کشینک مواجهه سنده عامه
 حجاجک حضورنده قرائت ایلدکلی خطبه ده کلام
 الهی وسنت رسول الهی سزه سراج طریق هدایت
 ایتدم تمسک ایدرسه کز ابدایولی شاشرمز سکر دیمش
 ایدیلر بونک عقیبنده دیگر وصیته حاجت قالمش
 ایدی خصوصاً حجة الوداع خطبه سنی تلاوت
 ایدرزکن عامه حجاجک مسموعی اولق ایچسون
 صوت عالیلری ایردیکی محلدن اصحاب الوب دها
 اوتیه ایصال ایدرلردی که عرفده اولان جمله
 حجاجک مسموعی اولسون او جهته حجة الوداع
 خطبه سی بزه متواترا کلوب صحنده هیچ برشبهه من
 یوقدر ایکنجیسی کتب معتبره و اخبار موثوقه ایله
 ثابتدر که اصحاب کرام نزد سعادت لرنده اول درجه ده
 ادب و محویتده ایدیلر که وجه سعادت لرنه بیله
 امعان نظر ایده مزلردی بناء علیه حضور سعادت لرنده
 نزاع ایتک اوله ییلورمیدی او چنجیسی ایستدکلی
 کاغد و دواتی و یرمه که مخالفت ایتدکن صکره مصره
 وصیت طلب ایتلر یدر بونده تنافض ظاهر دکلیدر

عمر رضی الله تعالی عنه بویله برقبا حرکتی اسناد
 یاقشورمی عمرک ذات همایونلرنه اولان صدق
 و محبتی بر درجه ده ایدیکه ارتحاللری خبری شیوعنده
 کندوسندن کچوب محمد اولدی دیو اصرار ایلدی
 و ابو بکر رضی الله تعالی عنه ارتحاللری بی اعلان ایدنجه
 عمر بایلوب یره دوشمیدی بونده محققین سیر متفق
 الکلمه در بوصفته اولان ذات رسول الله علیه السلام
 آخر نفسنده آحاد ناس مواجهه سنده سو یلمیه جک
 برسوزی سویلرمی بو تعقل اولنورمی او یله ایسه
 بوبخشد غرض واردر کویا وصیت علی کرم الله
 تعالی وجهه نك خلافتی ایچون اوله جقمشده اصحاب
 بونده قیل وقال ایتدیلر دینلش اکر بو صحیح اولسه
 مؤخرایچون طلب وصیته اصرار اولنسون بونده
 دخی نظر و بحث واردر فرض ایدملکه رسول الله
 علیه السلام بوسوزی سویلش اولسونلر بونده علی به
 خلافت وصیتی تعقل اولنمز سزه برشی یازایمکه
 بندن صکره ابدایولی شاشرمز سکر دیمش
 علی رضی الله تعالی عنه ابدی دکل ایدیکه امته الی الابد
 رهنا اولسون ثقیفه جمعیتنده ابو بکر رضی الله تعالی
 عنه بیعت اولندقدن صکره ابو سفیان علی بن ابوطالبک
 بانه کیدوب کل سکا بیعت ایدلم اکر مخالفت اولنورسه

مکدی سواری و پیاده ایله طولدررم دیدکده انفعال
ایدوب سنک غرضک اسلام بیننه تفرقه قویمقدر
دیه رک ابوسفیاندن اعراض ایتدیلر رسول الله
علیه السلام مرضلری مشته اولدیغنده عباس
رضی الله تعالی عنه علی کرم الله وجهه یه کندوسندن
صکره خلافت ایدجهک کیم اولدیغنی رسول الله
سؤال ایله دیدی بن بونی صورم زیرا بزه وصیت
ایتمدهک اولورسه ابد بزه خلافتی و یرمز لر دیدی
ابو بکره بیعت اولمقدده اولدیغنی علی خبر الدقده
کیجهک البسه ایله مستعجلا خانه سندن چیقوب
بیعتدن صکره ارقه سندن کوندریلان البسه سنی
ثقیفه ده کیدکلی ابن اثیرک الکامل نام تاریخنده
مذکوردر رسول الله علیه السلام کیمسه یه خلافتی
وصیت ایتدکلی متواتردر انجق مرض موتلرنده
نمازه چیقه مدقجه ابو بکری صلاته استخلاف ایلدکلی
دخی متواتردر محقق مورخلرک قولنجه ابو بکر اون
یدی دفعه نماز قیلدریلر مرضلری شدت بولدیغنی
کونده حضور سعادتلرنده اولان اصحابه دیدیلر که
ابو بکره امر ایدیکز نمازی قیلدرسون زوجلری عایشه
بنت ابو بکر خدمت سعادتلرنده ایدی پدرم اینجه
یورکلدر مقامکرده طوروب قیلدره من دینجه تکرار

ابو بکره امر ایدیکز نمازی قیلدرسون دیدیلر عایشه
ینه پدرم بوکا تحمل ایده من دیدی خاطر رسول الله
علیه السلام تغیر ایدوب « انکن صواحب
یوسف » یعنی من قادیلر یوسفک دوستلریسکن
دیه رک عایشه بی تکدیر ایدوب « مروا ابابکر فلیصل »
باناس « دیدیلر ابو بکر رضی الله تعالی عنه امتک
بیعتنه سبب اولان ماده لرک برنجیسی بو ایدی
و علی کرم الله وجهه دخی شیخینه اتباعدن بر آن
استنکاف ایتدکلی سیاق اخبار و وقایع روزکاردن
صراحة معلومدر بونک خلافتده سوز سویلیانلر
لغرض سویلشلردر . اسلام بیننده اختلافی احداث
ایدن عباسیه در زیرا بونلر آل رسول المهک کویا
حقنی استحصال دعواسیله خروج ایدوب جهانی یلان
ایله طولدریلر و خلافتی آل رسول الله نامنه الدقن
صکره عترت طاهره یه نوجهله خیانت واهانت
ایتدکلی محمله ان شاء الله تعالی دلائل قطعیه
وشواهد یقینیله ایله اثبات ایدرم . ومن الله التوفیق

❖ بیعت یقینه ❖

رسول الله علیه السلام ارتحال دار بقیا ایتدکده آل
واصحاب بوبلیه نک تأثیریه مکدر و تجهیز رسول الله

ایله مشغول ایکن عمر کلوب ابوبکری کورمک ایستدی
رسول اللهک تجهیر یله مشغول اولدیغی اخبار
ایدکن دیدکده بر مهم ایش ایچون مطلقا کوره حکم
دیددی ابوبکر خانة رسول اللهدن چیقوب عمری
کوردکده سقیفه بنی ساعده یعنی بنی ساعده صفه سنده
انصار جمعیت ایدوب سعد بن عبادیه بیعت ایتکده
اولدقلرندن همان اورابه کیدلمزسه اسلام بینده
تفرقه وقوعندن قورقولور دیدی اوحالده ابوبکر
وعمر و ابوعبیده رضی الله عنهم اوچی برابر سقیفه یه
کتدیلر انصارک جمعیت ایدوب سعد بیعت ایتک
اوزره اولدقلرینی کورنجه ابوبکر خطابت ایلدوب
انصارک اسلامده قدمی ونصرت دینه فدای جان
ومال ایدرک سعیرینی مدح و ثنا ایتدکدن صکره بز
رسول اللهک قوم و عشیرتی اولدیغمز جهتله بز بو
ملتک امراسی وسر وزراسیسکن دیدیلر حباب بن
المذرسوزه آغاز ایدوب اعلائی دینده اولان فضل
وتقدملرندن بحث ایدرک « منا امیر ومنکم امیر »
یعنی اوس و خزرجدن بر وقریشدن بر امیر اولق
نصفتدر دینجه عمر ایکی امیر بر منصبده اجتماع ایده مز
امارت حق بزمدن زیرا رسول الله علیه السلام سزی
بزه وصیت ایتدی اگر سزدن امیر اولق ایستسه بز

سزه وصیت ایدردی بونی سزده یلورسکن دینجه
حباب ایله عمر بینده بر ایکی دفعه شدتلی مقاله لر کچوب
امین الله (ابوعبیده) اللهدن خشیت ایدکن دیوب
« انتم اول من نصر و آزر فلا تکنوا اول من بدل
و غیر » یعنی اسلامه قوت و یرن و دینه نصرت
ایدنلرک اولی سز ایکن تبدیل و تغیر ایدنلرک اولی
اولیکز دیدی . بونک اوزرینه انصاردن بشیر بن
سعد ایاغده قالقوب ای معشر انصار محمد قریشدن
اولدیغی جهتله امارته اولی و احق اولان قومیدر
بزم جهاد و نصرت سبقتز جهتله فضل انکار
اولنه مز انجق بوندن غرض اللهک و رسولنک
رضاسنی تحصیل ایدی بناء علیه نیل دنیا ایچون اهل
حقه تعرض لایق دکلدز دیدی حباب عمک اوغلی
سعدده مظاهرت ایتدک دیهرک باغردی « لا والله ولكن
کرهت ان انازع قوما حقهم » یعنی والله او یله
دکلدز انجق حققرینی غصب ایچون خلق ایله منازعه
ایتمکدن اکراه ایتدم دیدکده ابوبکر رضی الله تعالی
عنه عمره و یاخود ابوعبیده بیعت ایدکن دیو اشارت
ایلدی عمر سنک تقدیمکی رسول الله سنی نمازه خلیفه
ایتمکله بزه کوستردی سنک اوزریکه امارتی قبول
ایدرمیز الکی اوزات بیعت ایدیم دیدی بشیر بن سعد

مسابقته جمله دن اول بیعت ایدرک سائر ناس دخی طاقم
طاقم کلوب بیعت ایتدیلر .

ایرتسی کونی مسجد شریفده منبره چیقوب بیعت
عامه اجرا اواندی بعده خلیفه رسول الله خطابت
ایدوب حق تعالی به حمد و ثنای صکره ای ناس سزه
امیر اولدم انجق سزدن خیر لود کلم اگر امارتده حسن
حرکت ایدرسم بکا اعانه ایدرکز واسائت ایدرسم بنی
استقامته مجبور ایدرکز صدق امانت و کذب خیانتدر
ضعیفکرز عندمده قویدر زیرا حقنی قویدن تحصیل
ایدرم وقویکرز عندمده ضعیفدر زیرا ضعیفک حقنی
الندن البویررم ان شاء الله جهادی ترک ایتیمه جکسکرز
زیرا جهای ترک ایدنلری حق تعالی ذلیل ایدر بنی
الله و رسولنک رضا منده اولدقجه بکا اطاعت ایدرکز
الله و رسولنه عصیان ایدرسم بکا اطاعت ایتمک
سزک اوزر یکزه لازم کلز دیوب نمازوقتی حلول
ایتمکله نمازه قالفکرز حق تعالی رحم ایلسون دیدیلر .

کبار اصحاب رسول الله (علیه الصلاه والسلام) مصلحت
عامه ایله مشغول ایکن اهل بیت تجهیز و دفن رسول الله
خدمت مقدسه سنده بولندیلر ارمخائلرینک ایرتسی
کونی وصیت ایلدکلری اوزره تجهیز اولتوب وفات
ایتدکلری محله دفن اولندیلر شهر اقوال اوزره
التمش اوچ ییل معمر اولمشلردر .

شامل رسول الله علیه الصلاه والسلام *

رسول الله علیه الصلاه والسلام اورته بویلی بیوک
باشلی ایدی رنکلری آز اسمر و حرته مائل یوزی آز
چکمه کوزلری سیاه ایکی قاشنک آره سی کنیش صغالی
صیقی ایکی اموزینک آره سی کنش اموز باشلری
قالین صدرلری واسع انلری وایاقلری قانجه صاحلری
دوز کردانلری صاف ایدی بر طرفه انتفات ایتسدر
تکمیل وجودلریله دوزلردی یوررکن یوقشیدن
اشاغی اینزکی حرکت و سرعتله یوررلردی اکمل
بنی نوع ایدی صلی الله علیه وسلم .

بورایه کلنجه سیرت سنیه نبویه بی مجمل و تبرک یاردم
بنم مقصودم اسلام تاریخی استیعاب ایدرک یازمق
دکلدر انجق ظهور اسلامدن بوآنه دک اسلامه تأثیری
اولان مواد مهمه بی اسباب و حقایقیله بیان ایتکدر
ایمدی اولادین اسلامک حقیقتنی و اسلام پیننده عقائد
اسلامیه حقنده ظهور ایدن اختلافی و اهل سنت ایله
جبریه و معتزله مذهبلیرینک اصولنی بیان ایله بو ایکی
فرقه نکر رأیلرینی محاکمه ایدرز .

✽ اصول مذہب اہل سنت ✽

رسول الله عليه السلام من اسلام ندر سؤال اولندی
 « ان تشهد ان لا اله الا الله واني رسول الله وان تقيم
 الصلاة وتؤتي الزكاة وتصوم شهر رمضان وتحج
 البيت ان استطعت اليه سبيلا » يعني اللهك بولكنه
 و بنم رسول الله اولديغيمه شهادت ايتك وصلات
 مفروضي ادا ايتك ومالك ذكاتني ويرمك ورمضان
 اينده اوروج طوتمق واستطاعتك اولورسه بيته حج
 ايتكدر . بعده ايمان ندر سؤال اولندی ديديلر كه
 « ان تؤمن بالله وملائكته وكتبه ورسله واليوم الآخر
 وان تؤمن بالقدر خيره وشره » يعني اللهه وملاكريته
 وكتب منزله سنه ورسولارينده و آخرت كونه اينانق
 وقدره وقدرك خير وشرينه اينانمقدر . بعده احسان
 ندر سؤال اولندی ديديلر كه « ان تعبد الله كانك تراه
 فان لم تكن تراه فانه يراك » يعني اللهي كوزكله كورر كي
 عبادت ايده سين هر نقدر سن اني كور مرسهك
 الله سني كوررلر . قدره وقدرك خير وشرينه اينانق
 نه ديمك اولديغني حقيله اكلاميانلردن اهل اسلام
 بيننده ايكي فرقه ظهور ايلدي بريسي جبريه
 و ديكرى بونك ضد كاملي اولان معتزله در بونلرك
 دخی هر بریسی برقچ فرقهیه منقسم اولوب هر

فرقه سنی آيرو آيرو بيان ايلك صدد تأليفمدن خارج
 اولغله جبر صرف اصحابيله اختيار صرف اصحابك
 مذهبلريني ذكر ايدرز كه بونلر باشلي واساسلي فرقه لر در

✽ جبريه ✽

جبريه انسان افعالنده مجبور در افعالي اختياري دكلدر
 ديديلر و انساني جماد منزله سنه ايندر ديلر بونلر
 رسول الله عليه السلام ايماني شرح و بيان ايدرلركن
 « وان تؤمن بالقدر خيره وشره » حديث شريفنه وابن
 مسعود رضي الله عنهدن منقول اولان (السعيد من سعد
 في بطن امه والشقي من شقي في بطن امه) حديث شريفنه
 استناد ايلديلر مفهوم منيفي اهل سعادت واهل شقاوت
 انالرينك قرننده ايكن متخلق اولوب اويله طوغرلر
 ديمكدر رسول الله عليه السلامك قدر وقدرك خير
 وشرنه يعني مقدور الهی اولان خير وشره اينانق
 وسعادت وشقاوت طوغشنده در ديدكلرينك معنای
 حقيقيسي بيلديلر رسول الله عليه السلامك مرادلري
 خلقتك خلقه تأثيريني بياندن عبارتدر جبريلر بوندن
 غفلت ايدوب تعطيل حدود الهييهي ايجاب ايدر
 غريب بر مذهب ايجاد ايتديلر چونكه انسان فعلنده
 مجبور اولورسه حدود ساقط اولور انتظام احوال

بنی آدم بوزیلور بوايسه حکمت بالغه الهیه مخالفدر
 زیرا بقای عالم انتظام احواله مربوطدر احوال
 و حوادث کائناته نظر امعان ایله باقلورسه متسلسل
 نظامات ایله جمله سی بر برینه مربوط اولوب ذره قدر
 مخالف برشی کوريله مز بزه فائده سی اولان نسنه یه
 خیر و ضرری اولان نسنه یه شر بز تسمیه ایتدک
 حالبوکه بوعوم حقنده صحیح اوله مز زیرا یریوزی
 اقوام و ملل مختلفه ایله مسکون اولوب بر قومه خیر
 اولان نسنه دیگر قومه شر و بر قومک مصیبتی دیگر
 قومه فائده در دیک اولور که جهانده خیر و شر مطلق
 دکلدر خیر شری و شر خیری متضمندر و یکدیگرینه
 نسبتله در بو حال سائر حیوان حقنده دخی بویله جاریدر
 چونکه جهانده موجود اولان اجسام هب آکل
 و مأکولدر یردن نبات و نباتدن حیوان تعیش ایدر
 نهایتده ینه یر انکله تغذی ایدر یره بدل مایتحمل اولور
 یعنی ویردیکنی کیر و الور جمله سی یکدیگرینی یردک
 دور ایدر هـ واده کی ذراتدن اک جسم حیوانه دک
 بوقاعد جاری اولوب یکدیگرینه ظلم ایدر ز دیمک
 اولور که بزم خیر و شر تسمیه ایتدیکمز بو ایکی صفتک
 وجودیله بقای انواع و اجناس مخلوقات حاصل اولور
 و انسانک بقاسیله مطلوب الهی اولان تعارف حاصل

اولور (حدیث قدسی) « کنت کنزاً مخفياً فاحییت
 ان اعرف فخلقت الخلق لاعرف » مقصدی حصول
 بولور معنای شریفی بن کیرنی برخزینه ایدم بیلیمک
 مراد ایلدم خلقی یراتمکه بیلنه یم خلقتدن مراد
 انساندر زیرا حق تعالی نک وجود و قدرتی انسان
 تعقل ایدر سائر حیوان بیله مز نتیجه بو احوال عندالله
 شر دکلدر افعال الهیه یی ناقص اندازه ایله اولچدیگمز
 جهتله اکثر خطا ایدرز (اللهم ارنا الحق حقاً نتبعه
 وارنا الباطل باطلاً نجتبه) .

ایندی اشو بیان اولنان احوال عمومیه حق تعالی نک
 بقای سلسله مخلوقات ایچون تقدیر ایلدیکی قوانین
 عمومیه اولوب حیوانده حس و ادراک و حرکت
 و انسانده سائر حیواندن زیاده نطق و ترقی احوال
 عمومیه دندر انجیق حواسک استعمالی حیوانک
 اراده سنه موقوفدر سوء استعمال ایدوب هم جنسنه
 تعدی ایدر سه شر و حسن استعمال ایدوب دیگرینه
 لطف ایدر ايسه خیر اولور و بو ایکی نوع صفتی
 متضمن اولان حرکتندن دنیا و عقبا ده مجازات کورر
 یعنی خیره خیر و شره شر مجازاتی کورر نتیجه حدیث
 شریفده قدر و خیر و شرک مقدر اولدیغنک معنای
 شریفی احوال عمومیه ده جاری اولدیغنی جبریه تعقل

ایده مدکرندن انسان احوال خصوصیه سنده مجبور
اولدیغنه ذاهب اوله رق ضلالتده بولندیلر فاما
احوال عمومیه مجبوریدر وقدر دخی بو دیمکدر .

﴿ معتزله ﴾

اصولیه و صکره دن معتزله تسمیه اولنان طائفه انسان احوال
خصوصیه سنده مختار اولوب قدرتنی محاسبه صرف
ایدرسه مثاب و قباخه صرف ایلر سه مغاتب اولور دیدیلر
انجق شرعا منهی اولان کبائری ارتکاب ایدنه عقباده
عذابده خلود یله حکم ایدوب دنیا ده مقیاس محسوس
اولان حدود شرعیه ایله عقاب آخرتی بر خد تناسبده
طو تمیوب افراطه کتدیلر و مصباح هدایت اولان
کبار اصحاب رسول الله دن بعضیلرینی تخطئه ایدرک
عقبا ده دوام عذاب ایله حکم ایتدیلر امویه و عباسیه
خلفاسنه مداهنه ایله تعین ایتک ایچون سلب صفات
و خلق قرآن مسئله سنده مظاهرت ایدرک اهل سنت
و جماعته اهانتلر و اصحاب کرامه افترا ل ایدرک نیجه
فساد لره سبب اولدیلر و معتزله دن ال قوتلی اولان
نظامیه طائفه سی حق تعالی بی خلق شر دن تزیه
ایدوب شر قبح فکر دن حاصل اولور حق تعالی
بوندن منزهدر دیوب انلر دخی خیر و شرک خیر
حقیقی سندن تباعد ایلیرک مانی زندیقک مذهبنه

تقرب ایلدیلر حتی رسول الله علیه السلام اصولیه
ایچون اسلامک مجوسیدر لر دیدیلر .

﴿ خلافت ابو بکر الصدیق رضی الله تعالی عنه ﴾

هجرتک اونجی سنه سی تمامنده رسول الله علیه السلام
دار علیینه انتقال ایلدکر نده کذار شپذیر خامه بیان
اولدیغی اوزره مهاجرین و انصار ابو بکر رضی الله
تعالی عنیه بیعت ایتکله اجماع اسلام ایله خلیفه
رسول الله اولدیلر عمر رضی الله تعالی عنه اسامه بن
زید معیتله قضاعه اوزرینه عقد اولنان لوای
سعادت سایه سنده بولمشر سده مقرر خلافته ملازمتری
مشار الیه اسامه جانبندن تصویب اولمغله خلیفه
رسول الله دانشیق ایچون کوندریلورکن صنادید
انصار دن بعضیلری اسامه نک حدایت سنندن بحث
ایدرک اندن یاشلی بر ذاتک سر عسکر لکه تعیینی
خلیفه رسول الله عرض اولمغنی تنسیب ایتلریله
عمر رضی الله تعالی عنه دیگر خصوصی بیان ایتدکدن
صکره بونی دخی عرض و تبلیغ ایلدکده خلیفه
رسول الله یرندن قلقوب موسی علیه السلام مناجاتدن
عودتنده بنی اسرائیل بیتمده ظهور ایدن اختلافدن
طولانی برادری هارون علیه السلامی صقالندن

طو توب مؤاخذہ ایتدیکی کی ابو بکر رضی اللہ تعالیٰ
 عنه دخی عمری مبارک لحیہ سندن طو توب یا عمر
 رسول اللہ علیہ السلامک امارت جیشہ تعیین ایلد کیری
 ذاتی تبدیل ایتک استیانلرک سوزینی بکا نصل سو یلیه
 یلورسین دیوب تکرار اوتوردیلر اندن صکره
 کندولرینک مقر خلافتده بولملرینک محاسنی تصدیق
 ایدوب مدینه جوارنده جرف نام محله ه مجتمع اولان
 اسلام اردوسنه همان متوجه اولوب اسامه ایله ملاقات
 ایلدی وجهه عسکره خطاب ایدوب کیره جککز مملکتده
 چوجق و قادیلرک وعموما پیرلرک ومناستر زده عبادتله
 مشغول اولانلرک حیاتی محافظه ایده جکسکر و مأکول
 اولان هر نوع دیشی حیوانی ضرورت اولد قجه کسمیه
 جکسکر و اغاجلری کسوب یاقیه جقسکر بو امر لریمی
 محافظه اید **==** ز دیوب عسکری حرکت قویدی
 واسامه بی ماشیا تشیع ایلوب یا اسامه رسول اللهک سکا
 اولان امر لرینی تمامیه انفاذ ایده سین بر حرفندن غفلت
 ایتیه سین دیدیلر اسامه خلیفه نک ماشیا تشیعندن
 خجل و مضطرب اولوب یاسر سوار اولکر یا خود بکا
 رخصت ویرکز پیاده اولیم دید کلرنده اللهک یولنده
 بو قدرده می خدمت ایتیم دهرک بر خیلی مسافه
 یوریدکن صکره اسامه دن اذن استیوب عمر رضی الله

تعالیٰ عنه ایله برابر مدینه یه عودت ایتدیلر .
 رسول الله علیه السلام دار دنیا دن مفارقت ایتد کلرنده
 کرک آخر زمان سعادت لرنده ظهور ایله جزیره العرب
 اهالیسنی ارتداده اغرا ایدن سالف الذکر طلیحه
 و مستله و سجاح نام یلانجی پیغمبرلرک و کرک سائر
 ارتداد ایدن قبائل و طوائف غریبه نک استیصال
 و اصلاحی اسباب نک اتخاذینه همان اوساعتدن تشبث
 ایدرک اصحاب کرام ایله مشورت ایتدیلر قبائل عربک
 بر طاقی عموما و بعض قبائلک فروعی ارتداد ایدوب
 یالکر قریش ایله بنی ثقیف اسلامده ثبات ایتدیلر سده
 اسلامک عددی مخالفله نسبتله آز اولدیغندن اصحاب
 اعمال شدت اسلام ایچون مخاطره لی اولدیغنی بیان
 ایتد کلرنده رسول الله زماننده تعیین اولنان ویرکودن
 بردوه یولاری نقصان ویررلر سده انلرله محاربه ایدرم
 دیوب اسباب نک استحصالده قرار ویردیلر .

بوخلالده اسامه بن زید دخی شامدن عودت ایتکله
 مدینه اوزرینه کلمش اولان عبس و کنانه و ذبیان
 قبیله لرینی استیصال ایچون انصار و مهاجرین ایله
 کندوسی چیقوب ابرق نام محله غلبه ایدرک جله سنی
 پریشان ایتدکن صکره مدینه یه عودت وفوت فرصت
 ایتیه رک جوار مدینه ده نجد جهتنده اولان ذی القصه

نام محله توجه ایلوب اهل ارتدادی اصلاح ایچون
اون بر فرقه عسکر ترتیب ایله خالد بن ولیدی یلانجی
پیغمبر طلیحه و عکرمه بن ابی جهلی و ارقه سندن یتشمک
اوزره شرحبیلی دیگر یلانجی مسیله و عمرو بن العاصی
قضاعه مرتدلی و خالد بن سعید بن العاصی شام
اطرافنه سوق اولنه جق فرقه لره و سائر طاقلره اهل
کفایت اولان رجالدن برر رئیس نصب و مملکتک
محافظه سنه کافی عسکر تعبیه ایدرک هر برینک وظیفه سنی
تعیین و یکدیگرینه معاونت و مظاهرت ایدوب برینک
ایشی تمام اولدوقده قنغی فرقه یه التحاق ایده جکرینی
متسلسل و متناسب بر صورتده تبیین ایلدی و جمله سنک الله
اس حرکت اوله جق صورتی مبین عهد نامه لر و یروب
عدل و انصفتی رهبر ایللرینی اکیدا اشعار ایدرک و تأمین
مراسلات ایچون ایجاب ایدن احتیاط فرقه لرینی ترتیب
ایلیه رک مذکور فرقه لری همان سوق ایدوب مدینه
منوره یه قفول ایتدیلر .
بو فرقه لر همان الویه نصرتی آچوب سیل عرم واجل
مبرم کبی مأمور اولدقلری جهتلره شتاب ایدوب
خالد بن ولید رضی الله تعالی عنه یمنه یتشوب طلیحه
ایله عقد مصاف ایتدکده اغفال ایتدیکی طوائف
کذب و تزویرینه واقف اولوب باشندن
طاغلقلرنده فرار ایچون تهیئه ایتدیکی اسبنه

زوجی خاتونی ردیف ایدوب قضاعه قبیله سی
فروغندن بنی کلب سمته فرار ایلدی و دینلور که
قضاعه قبول اسلام ایتدیکنده بودخی اهتدا ایلش
و عمر رضی الله تعالی عنه خلافتنه زیارت کعبه
معظمه یه کلوب بیعت ایتدکده خلیفه رسول الله
لطیفه یولنده کهانتدن برشی قالدیمی دیدیلر دهابر
ایکی شی واردر دیدی و برمدت صکره روم محاربه لرنده
مأمور اولدیغنده اسلامه حسن خدمتی واقع اولدی «
عکرمه دخی یمامه یه یتشوب یلانجی مسیله ایله حرب
طوتشدی انجق بنی حنیفه نك قرق ییک قدر محارب
رجالی اولوب عکرمه نك فرقه سی کفایتده اولدیغی
جهتله شرحبیل یتشجه متائبایه طور انق لازم ایکن
کمال غیرت و شجاعتدن استعجال ایدوب بوزلدی و بر
طرفه چکلوب صورت هزیمتی خلیفه رسول الله
یازدقدده صاقنوب عودت ایتده اسلامه ضعف کلور
همان عمان اوزرینه مأمور اولان حذیفه و عرفجه
فرقه لرینه التحاق ایله دیو جواب یازدیلر شرحبیل
دخی اندن صکره یمامه یه واروب اودخی عکرمه کبی
حرکت ایتدیکندن بوزیلوب چکلدی و فتح مکده
بیان اولندیغی اوزره عکرمه بن ابوجهل و سهیل بن
عمر واک زیاده اظهار خصومت ایدنلردن ایکن اسلامده

الك زياده غيرت و حيت ايدنلردن اولديلر عكرمه آتیده
 بيان اولنه جغی اوزره یرموک محاربہ سنده دشمنه
 ارسلان کبی هجوملر ایدوب شهید اولدی دین اسلامه
 داخل اولانلر هب بویولده حرکت ایدرلر اسلام ندر
 بیلمینجه قیمتی تقدیر اولنه من « خالد بن ولید فرقه سنده
 خطاً وقوع بولان مالک بن نویره قتلندن طولایی
 مسؤل و نزد خلیفه رسول الله کیمکه مجبور اولوب
 تبرئه ذمته مقتولک دیتی بیت المالدن آسویه اولندقدن
 صکره مسئله اوزرینه مأمور اولوب صاعقه کبی
 یتشدی و بر قاج دفعه غالب و مغلوب اوله رق عاقبت
 مسئله و بنی حنیفه برباغ ایچنده تحصنه مجبور اولغله
 عسکر اسلام باغی صاروب درونه کیردیلر دشمن
 اغاجلری سپر ایدوب شدید محاربہ اولدی مسئله کمال
 غیظندن بت بی جان کبی طوروب ثبات ایتمکده ایکن
 یوم احوده عمر رسول الله حمزه رضی الله تعالی عنہی غیله
 قتل ایدن وحشی نام زنجی مسئله نک اوزرینه یلدرم
 کبی دوشوب قتل ایلدی کورن عربلر « قتله الاسود »
 یعنی سیاه انی قتل ایتدی دیهرک باغردقلرنده دشمنه
 ضعف و فتور کلوب فرار و اسلام تعقیبه شتاب ایدرک
 بنی حنیفه دن یکر می بیکدن زیاده مقتول دوشوب غلبه
 اسلامه میسر اولدی طرفیندن زیاده مقاومت اولغله

مهاجرین و انصاردن یدییوز کشیدن زیاده و تابعیندن
 خیلی شهید دوشدی خالد رضی الله تعالی عنه فتح
 مبین خبرینی خلیفه رسول الله بیلدردی انجق بو
 محاربده جمله قرآن شریفدن خیلی ذات شهید
 اولغله قرآن شریفک ضبط و تحریری لازم کله رک
 امر خلیفه ایله باقی قالان حفاظ جمع اولنه رق نازل
 اولدیغی کبی ضبط و تحریر اولندی الی وقتنا هذا
 متواتراً بزه و اصل اولمشدر .
 جزیره عربدن بنی ثعلب قبیله سندن ثورین و سالفة
 الذکر سجاح نام یلانجی پیغمبر خاتون دخی اغفال
 ایتدیکی طوائف عربیه و بنی تمیم قبیله سیله مدینه
 اوزرینه یور یوب جرف نام محله دک کلدی بنی تمیم
 فرقه لری پیننده ظهور ایدن شقاق سبب افتراق اولغله
 بلا محاربہ متشتت و پریشان اوله رق عودت ایتدکلرنده
 مسئله ایله کوریشوب وحی و الهام یارشلری ایدرک
 نهایت الامر نبی و نبیه مرجکی فرونه و یروب پینلرنده
 مراوده و بلا صداق مز اوجه وقوع بولدی اوچ کون
 صکره سجاح خاتون هوا دارلری نزدینه عودت
 ایتدکده صداق سز زوجیت اولمز دیوب یمامه یه مسئله
 نزدینه اعاده ایتدکلرنده مسئله محمدک فرض ایتدیکی
 بش وقت نمازدن صباح و عشا نمازینی عفو ایتدیکی

منادیلرله اعلان و صداق اولق اوزره یمامه نك بیت
ماله عائد اولان وارداتنك نصفنی و جزیره العربك نصفنی
کندوسنه و نصف دیگرى سجاحه عائد اولمسنه و حى
کادیکنى بیان ایدوب یمامه نك نصف حاصلاتنى سجاحه
تسلیم ايله محله رجوع ایلدى و مسیله نك حالى تباه
اولوب اکثر اهل ارتداد تکرار اهتدا ایتلریله سجاح
دخی جزیره دونوب قبيله سى بنى ثعلبه ملحق اولدى
بعض مورخلر سجاح معاویه زمانه دك بر حیات
اولدیغنى و نائب و مستغفر اولغله حسن عاقبتیه مظهریتنى
یازمشلردر .

خالد رضی الله تعالی عنه بنى حنیفه ایشنى همان بر مقاوله
نامه یه باغلا یوب تصدیق ایچون خلیفه یه کوندردی
و بربرده قرار ایتیب ابر رحمت کبی حرکت و سائر
فرقه لره اعانت ایدرك طلیحه و مسیله نك نکبتی اکثر اهل
ارتدادك طوعا اطاعتنه باعث اولوب حین ارتدادده
اسلامك قتلنه اجترایدن اشخاصدن ماعدا جمله سى
مظهر عفو اولغله از وقت ایچنده جزیره العرب
و ملحقاتی مشکلاتی بر طرف اوله رق اتحاد اسلام حاصل
و هر طرفه عاملر نصب اولندیغندن بیت الماله عائد
اولان واردات مدینه یه و اصل اولدى و یار غار شفیق
ابوبکر الصدیق رضی الله تعالی عنهمک دین مملنه
خدمتلى باعث احیای اسلام اولدى .

رسول الله علیه الصلاة والسلامك فقدانيله اصحاب
کرام و سائر اسلام ليله مظلمه ده یاغموره طوتلش قیون
سوریسی کبی متحیر و بی مجال قاش ایکن خلیفه
مقدسك مجرد رأى صوابی و همت و اقدامی رهبر
توفیق الهی ايله همعنان اوله رق دین مبین یکیدن تازه
حیات بولسی صدیق اکبرك سائر اصحاب کرامه
رضی الله تعالی عنهم رجحانه دلیل کافی ایکن ارتق
بر طاقم انصافسز اهل غرضك تعامی و جهلنه قولاق
اصمق محض ضلالت دکلیدر خلیفه رسول الله بروجیه
بیان سالف (ذی القصة) نام موقعه ده اهل ارتداد
اوزرینه تعیین اولدیکی فرقه لك لوالرینی عقد ایدوب
کندوسی دخی عسکرله برابر کیمکه عزم ایتشلر ایکن
علی کرم الله وجهه ابوبکر آتک یولارینه صاریلوب
سکا محاربه ده امرحق واقع اولورسه اسلام محو
اولور دیه رك یولاری محکم طوتوب مدینه یه عودته
ارضا ایتدکلری کذار شپذر خامه اهل تحقیقدر ایشه
جمله کبار مورخین و اهل سیر اولان محققین وقایع
مذکورهی بروجیه بیان سالف ضبط ایتشلردر .

☆ استطراد ☆

فرض ایدهلکه اصحاب پیشنده حاشا دیدکاری رقابت

و مخالفت اولسون برنجی انلر اسلامك انتشارينه
 بنل جان و مال ایتماش اولیدیلر اجدادمن اسکی
 دیتلرنده قالمق لازم کلوب بودعوالری کیم میدان لعب
 و هوایه ایصال ایده جکدی برقاج کشی بیننده دعوای
 خلافت سورلورکن مصطفی علیه السلامی کورمش
 نائل شرف صحبت و ذات همایونلرینه مقرب اولمش
 نیجه بیک ذاتلر موجود ایدی و بوایشلر انلره عائد
 ایدی بو قدر قرن صکره بزه بودعوانک فصلنی کیم
 اصمارلدی . قرآن شریفده و احادیث مشهورده
 بو واهی دعوالره دائر بزه بروصیت وارمیدر
 البته یوقدر او یله ایسه بزم بومقوله شیلره وجود
 و بروب اسلام بیننده تفرقه و شقاقه باعث اولماز
 البته که حق تعالی نك و رسولنك رضاسنه مخالفدر
 و آخرتده موجب عقوبت اولدیغی کبی دنیاسده
 دخی باعث کسر شوکت اسلامدر اگر اصحاب
 کرام حاشا هوای نفسلرینه او یوبده حق کتم
 ایتمازلرسه الله و رسولی البته روز جزاده انلری
 مسؤل ایده جکدر بزم بویله دعوالری ایتمه من هم
 خدمزدن خارجدر و همده امر الهی ايله قرنداش
 اولان اسلام بیننده القای فتنه ایتکله دنیا و آخرت
 تباہ اولور . ای دین قرنداشلر کلکز بودعوایی

اولوقتده حاضر اولان و طوغری بی بزدن ابو بیلان
 اصحاب کرامك ذمتنه براغدهلمده بزبزی مسلمان ایدن
 و توحید کبی معقول و حق بردینه سوق ایدن اسلاف
 کرامه قارشیمهلم و اخوت مزه قوت و یرهم البته دارینده
 سعید اولورز ز یرا حق تعالی هرکسی کندو فعلیله
 مسؤل ایده جکدر اصحاب کرامك خطا و صوابنه
 وارث دکلز انلره عائد شیلردر .

صده رجوع ایدهلم : ارتداد ایشلری تسویه اولنوب
 اسلام سعادت اتحاد ايله قوت بولنجه خلیفه رسول الله
 عراقده بولنوب اولوقتده فارس حکومتنه تابع اولان
 قبائل عربیه نك اتحاد و جمعنه لزیم کورمکله خالد بن
 ولید یمندن عودت ایتدن مثنی به امر ایدوب سکر
 بیک سواری ايله عراق الیکاسنه غزا ايله مشغول
 ایکن خالد بن ولید رضی الله تعالی عنه یمندن کلوب
 هجرت سنیه نك اون ایکنجی سنه سی محرمنده اون بیک
 سواری ايله عراق فتحنه مأمور اولوب ايله نام محمد بن
 عراقه کیرمسی و مثنی بن حارثیه سائر رؤسا و معینی
 عسکر یله خالد التحاق ایلمسی امر اولندی خالد مدینه
 منوره دن چیقوب عراقه توجه ایلدی بانقیایه وصولنده
 بانقیایه و سوما امیری جابان اون بیک دینار ايله مصالحه
 ایدوب خالد اچقه بی قبض ایتدکن صکره حیره سمته

حرکت ایلدی حیره جوارینه وصولنده اشراف اهالی
ایله حیره امیری قبیصة الطائی استقباله چیتوب
طقسان بیک درهم جزیه به مصالحه اولندی اندن صکره
خالد ایله سمته توجه ایدوب حفیر نام محله بولششق
اوزره مثنی و سائر رؤسایه امر نامه لر یازدی ایران
شاهی اردشیر طرفندن ایله وانیسی اولان هرمز
خالد دن اول حفیر موقعی طوتد بگندن خالد کاظمه
طرفنه میل ایله مثنی بن حارثه یی برجی وقعقاع نام
ذاتی ایکنجی مقدمه الجیشه امیر نصب ایدوب
کندوسی ایکی فرقه نک اراسنده یوریه رک و هرمز
عسکر یله اوراده اولان برصویک کنارینه کله رک صو
ایله خالدک اراسنه کیرد کده خالد عسکره صوی
ضبط ایتمک محاربه ده زیاده صبر ایدن عسکره مبسر
اولور دیدی و او کیجه یاغفور یاغوب دفع احتیاج
ایدرك مقابله دشمنه ترتیب صفوف حرب ایلوب
هرمزی مبارزه دعوت و او ده اجابت ایتمکله خالد
عادی اوزره هرمز اوزرینه هجوم ایدی ب اسیر
ایلد کده هرمزک عسکری خالد غدر قصد ایلمکله
خالد هرمزی قتل وقعقاع خالده هجوم ایدنلری
قلیجیله منع ایلدی بونک اوزرینه فارس عسکری بوزلمغله
مثنی تعقیبه مأمور ایدوب کندوسی بصره طرفنه

میل ایلدی اردشیرک هرمزه امداد ایچون تعیین
ایلدیکی عسکر کلکده ایکن فرار یلره تصادف ایدوب
امرای عسکر دن قباد ایله انوشجان دخی مذکور
فرار یلره برابر اولوب کلان امداد عسکر یله برلشوب
خالد اوزرینه کلکده اولد قلری خبری واصل اولد قدده
خالد استقباله چیتوب یکیدن محاربه به ابتدار ایتد کلرنده
قباد ایله انوشجان مقتول اولوب و فارس عسکری
بوزیلوب اسلام شدتله هجوم و تعقیب ایدرك
صولده غرق اولانلردن ماعدا اوتوز بیک قدر مقتول
براقدیلر بعضی نهرن دخی حیلولت ایتدیکی جهتله
اسلام تعقیب دن فارغ اولوب بو غلبه عظیمه یی
خلیفه یه اشعار و خمس غنایمی ارسال ایدوب ابو بکر
تنبیهی اوزره اهل فلاحته تعرض ایتیه رک ذمه
و جزیه به ربط و حالرینه ترک ایلدیلر .

بوندن صکره ایران شاهی بهمن نام امیر معیتنده پک
جسیم بر اردو دخی تهیته ایدوب خالدک اوزرینه
تعیین ایلدی و عراقده ساکن اولان عرب نصاراسی
قبائلنی دخی قالدروب اسلام علیهنه جمع ایلدی
و امداد ایچون بازان نام امیر معیتنده دخی بر عسکر
حاضر لیوب یوله چیقاردی خالد بازان ایله بهمن اراسنه
کیروب ترتیب مصاف و عادی اوزره مبارزه استیوب

عربدن مالک بن قیس مبارزه به چیققدده یقاسندن
طوتوب قتل ایلدی و طرفین محار به ده ثبات ایتمکله
عسکر فرس و عربدن یتیش بیک کشی قدر مقتول
اولوب فارس اردوسی پریشان اولدی ونهره آتلان
جته نرک قانندن صولر قزاروب محار به مذکوره به
نهر الدم تسمیه اولندی بوندن صکره امیشیا بلده سنه
غزا ایدوب بلده بی تخریب ایلدی .
حیره نرک صلحا قحی و ایران اردولریله عرب متصره نرک
مغلوبیتی اهل عراقک اعصابنه ایراث فتور ایدرک
همان جمله سی اطاعتله جزیه کنار اولدیله بو خلالده
ایران شاهی اردشیر ثالث دخی فوت اولوب تخته لایق
اولاد ملوکدن کیمسه بولنماغله ایرانده قییل وقال
و شورش و اختلال ظهوریله عاقبت فرخزاد نام
خاتونی تخت سلطنته اجلاس ایلدیله رسده افتراق
و اختلال دوام ایتمکله خالد رضی الله تعالی عنه انبار
وعین الثمر و حیره توابعی حاصلی جمیع عراقی الی کون
ظرفنده ضبط ایدوب ثغور و مواقعه اهل کفایتدن
مأمورلر نصب ایلدی و خراجی جبایت ایدوب امور
واقعه بی خلیفه رسول الله ه عرض ایلدی خالدک
مکتوبی خلیفه به واصل اولدقه قرائت ایدوب
خالد کی برار طوغرمغه قادیلر عاجزدر دیدیلر .

تمهید امور مملکت ایچون خالد رضی الله تعالی عنه بریل
قدر عراقده اقامت و ایران مأمورلرینه و شاهه آرو
آرو مکتوبلر یازوب اسلامه تبعیت دعوت ایلدی
شاهه یازدیغی مکتوبده قبول اسلام و جزیه بیننده
تخیر ایدرک امتناع ایدرسن سنک حیاته اولان محبتک
قدر موته حریص اولان اسلام عسکرینی کوندیرم
طوعا راضی اولدیغک تکلیفلی جبرا اجرا ایدرسین
دیدی .

☆ اسطراد ☆

اسلام عراقی ضبط ایدوب عسکر مداینه دک « قدیم
اسمی تیسفوندر » غزا و غارت ایدرکن ایران کباری
یکدیگرینک علیهته اعمال دسایس و حیل و تبدیل
سلطنته انهماک ایدرلردی دولت و نبوت اسلامیه نرک
ظهورندن یزدجردک قتلله ایران حکومتی اسلامه
نصیب اولدیغی زمانه دک که تقریبا بیکرمی ییل قدر
مدتدر اون درت شاه یکدیگرینی متعاقبا تخت
سلطنتدن کچوب ایران حکومتی پایانه ینشوب حال
و شانلری السنه ناسده داستان اولدی ایران کبارینک
اختلافندن بویله بر نتیجه نرک ظهوری عاقبت بین اولان
اهل علم و ادراک نزدند، البته ظاهر ایدی و منعه سعی
ایتملردی انجق هر دولت انحطاطه میل ایتدیکی زمانده

اصحاب تملق و نفاق اولان رجال ملو که کسب تقریبه
استحصال منافع ذاتیه لایچون تسویلات نفسانیه
و دسائس شیطانیه لرینی قالب مزور حقانیتیه
دو کوب ملو کی اغفال و نامشروع اولان اعماله
سوق ایدرک نظام و قوانینی اخلاص ایدوب بادی
اضحیال و کندوری دخی سوء صنیع لرینک جزاسنی
بوله رق جمله ایله برابر پایمال اولورلر . انتهى .

بر شامده عرب متصرفه نقض عهد ایتدیکی خبری
دومة الجندل سمته ده بولنان اسلام فرقه سی رئیس
عیاض بن غنم جانیندن اشعار اولمغله خالد رضی الله
تعالی عنه همان او طرفه طوغری توجه ایدوب
دومة الجندل اوزرینه ایندی عیاض بر طرفدن و خالد
او بر طرفدن استحکاملره هجوم ایدوب دومة الجندله
کیردیله دومة الجندل و نواحیسی اکیدر وجودی نام
ایکی رئیس بینده منقسم اولوب بونلر فتنه بی برابر
او یاندرمش ایکن مؤخر اکیدر نکول ایتش ایسه ده
عذری مقبول اولمادیغندن اکیدری خارجده وجودی بی
دومة الجندل ایچنده قتل ایله فسادی باصردی انجق
خالد بونلره مشغول ایکن فرس و عرب طائفه لری
عراقده یکیدن ایقاد نأره قتال ایدوب خالدک عراقده
خلیفه سی مثنی ایله اوغراشورکن خالد یلدرم کی

عراقه یتشوب ایران و عرب عسگرینی پریشان ایدرک
آسایشی تمهید ایتدکدن صکره خلیفه دن اذنسر خفیاً
حج ایلوب عودت ایلدکده اکثر ناس بوندن بخبر
ایدی و خلیفه نک سمعنه و اصل اولدقده خالد عتاب
ایلیوب بر شامده آچماش اولان روم محاربه لرینه تعیین
ایتدی روملر عرب متصرفه دن بر شامده بولنان
قبائلی اغرا و تحریک ایلوب اسلام علیه نه سوق
ایلدکلرندن خالد رضی الله تعالی عنه یتشوب بونلر
عقد محاربه و غلبه ایدرک صورت اضمحلا لرینی خلیفه
رسول الله غرض ایلدکده محاربه ده ایلرولمسنی امر
ایدوب ماهان نام امیرک معیتنده اولان روم اردوسی
اوزرینه اقتحام ایدرک بونلری دخی منهزم ایدوب
خلیفه یه اشعار و روملرک کثرتی بیان ایله استمداد ایلدی
بوخلالده یمندن روم محاربه سیچون ترتیب اولنان
عسکرک مدینه یه وصولنه تصادف ایدوب عکرمه بن
ابو جهلی معینی عسکر یله و حیر رئیس ذوالکلاعی
حیر عسکر یله و بونلره برابر کلان سائر رؤسا دخی
معیتلرنده بولنان عسکرله همان خالد یتشملری امر
اولندی .

خالد بن ولید عراقه مأمور اولوب ازوقت ایچنده اهل
عراق و ایران جانبندن کلان اردولره غلبه ایدنجه

روم اوزرینه دخی فتح باب محاربه صره سی کلکله
 خلیفه رسول الله خالد بن سعیدی بر مقدار عسکرله
 شام اوزرینه تعیین ایدوب ارقه سندن عمرو بن العاصی
 دخی بر فرقه عسکرله کوندروب امداد ایلدی و عقبه
 وایدن عقبه و زیاد بن ابو سفیان بر فرقه ایله تعیین
 ایلوب ولیدی اردن و عمرو بن العاصی فلسطین
 محاربه سنه نصب ایلوب زیاد بن ابو سفیان فرقه لک
 ریاسته و ابو عبیده بن الجراح جله سنه نظارت ایتکه
 مأمور ایلوب حص استیلا سنه کوندردی بیان
 اولندیغی اوزره عراق تمامیه فتح اولمغله خالد بن
 ولیدی دخی ارقه نندن سر عسکر لکله کوندروب بعده
 آنفاً بیان اولندیغی وجهله یمندن کلان رؤسا معیتلی
 عسکر یله امداده تعیین اولمغله تحشد ایدن عسکر اسلام
 قرق بیت نفره بالغ اولوب التی بیک کشی دخی خط
 رجعتی تأمین ایچون تعبیه اولمشیدی .

روم شهنشاهی هرقلیوس عربک کوندن کونه قوتی
 زیاد ایدرک عراقی فتح ایتدکاری و شام دیارینه دخی
 منتشر اولدقلرینی استماع ایتد کجه بواصر مهمک چاره
 اندفاعنی تفکرله قسطنطنیه دن سوریه دیارینه کچوب
 عرب متصرفه دن و روم خلقتدن ایکیوز سکسان بیک قدر
 عسکر تهیه ایدرک طاقم طاقم آروب کندوسی حصه

ایندی برادری (تراقوس ثوذورس) طفسان بیک
 کشیله عمرو بن العاصک جهته ارض فلسطینه
 ونوزرک اوغلی یورغسی یزید بن ابو سفیان
 (ثوذورس) نام امیری اردن فرقه سی امیری شرحبیل
 ابن حسنه و کیکیلایوس نام امیری التمش بیک نفرله ابو
 عبیده بن الجراح رضی الله تعالی عنه جهته سوق
 ایدوب امرای اسلام رومک کثرتندن احتیاطه مجبور
 اوله رق جله سی (یرموک) نام موقع مستحکمه اجتماع
 ایدوب بر طرفلرنده یرموک اوچرمنی و دیگر طرفدن
 (واقوصه) اوچرمنی سپر ایدوب خالد بن ولید رضی الله
 تعالی عنه واصل اولنجیه دک اوچ آی قدر روملرله
 قارشو قارشویه طور دیلر اسلام عسکری یرموکده
 اجتماع ایدنجه روملر دخی فرقه لری برلشدر دیلر
 خالدک وصولنده بوجه بیان سالف عسکر اسلام
 قرق التمش نفره بالغ اولمغله التمش نفری عکرمة بن
 ابو جهل ایله خط رجعتی تأمین ایچون تعبیه اولندی
 ابن اثیر علیه انرحه کامل التوار یخنده دیدیکه خالد
 ابن ولید امرای عسکر اسلامه خطابا ایلک محاربه نک
 اداره سنی بوکون بکا تفویض ایدر سه کز بلکه
 بندن صکره هر برکز بر کره نوبته سر عسکر
 اوله جقسکز دیدی « رومک قوتی پک زیاده اولدیغندن

شهادتله تبدلی ایما ایلدی « جله سی متفقاً سر عسکر لکی
 خالده مناسب کوردیلر خالد رضی الله تعالی عنه
 عراقدن سوریه ده اولان عساکر اسلامک کافه سنه
 امارت منصبیه جانب خلافت اسلامیه دن کوندلش
 ایکن محاربه نک اداره سنی امر دن طلب ایلسی تعقل
 اولمز یرموک محاربه سنک وقوعی هجرتک اونیشنده
 عهد خلافت فاروقده اولدیغنی بیان ایدنلردن فتوح
 الشام صاحبی ازدی بوفقره بی بوضورتله یازمسی
 خلافت فاروقده عزل اولندیغنی جهتله یرموکده
 اختلاف آرایه قارشو اداره جیشی ابو عبیده دن طلب
 ایدوب انلردخی او محاربه نک اداره سنی خالده تفویض
 و امرینه اطاعت ایملرینی امر ای عسکره امر ایلدیکنی
 و خالدک محاربه ده کفایتی بیاندن عبارت اولوب این
 اثر بوندن غفلت ایدرک ایکی عهد خلافتی و امارت
 مطلقه ایله خالدک امارت مقیده سنی یکس دیگریته
 قارشدردی خالد عسکر اسلامی بیکر بیکر آیروب قرق
 آلائی ترتیب و مناسب محلاره تعبیه ایلدی بوخلالده
 روم امیرلردن یورغوس خالد بن ولید ایله ملاقات
 ایتدکده اسلامک حالنی و نبوتک کیفیتنی خالددن سؤال
 ایله الدیغنی جوابلر قلبنی اسلامه چویروب اهتدا
 ایلدی و بونک اسلامی روملره سبب ضعیف اولدی خالد

عراقده ایران عسکر یله چوق محاربه نر ایتدیکی جهتله
 متمدن عسکر محاربه سنک اصولنی بالتجربه تحصیل
 ایلمش اولدیغندن عسکر اسلامی برکوزل تعبیه ایدوب
 روم عسکری اوزرینه هجوم ایتدکده محاربه شدتله
 دوام ایلدی عاقبة الامر ده روملر شدائد حربیه تحمل
 ایده میوب یوز چویردکلرنده عسکر اسلام تعقیبه
 زیاده اقدام ایدرک میدان محاربه ده قتل اولنان روملرک
 و واقوصه وادیسنه دوشوب تلف اولانلرک عددی
 طقسان بیکه بالغ اولدیغنی اکثر محققین بیان ایتمشلردر
 روم عسکری امر اسندن پک چوق کشی تلف اولوب
 هر قلیوسک برادری ثوؤورس دخی مقتول اولانلردن
 ایدی اسلام امر اسندن دخی عکرمة بن ابوجهل
 و یکی مسلمان یورغوس و عکرمة نک اوغلی عمرو و سلمه
 ابن هشام و سعیدک ایکی اوغلی عمرو و ابان و هشام بن
 العاصی و هبار بن سفیان و طفیل بن عمر و خالد بن سعید
 شهید اولدیلر خالد بن سعیدک نعشی بو انندیغنی جهتله
 محل شهادتنده اختلاف واردر بعضیلری مرج
 الصفرده شهید اولدی دیدیلر ابو سفیانک دخی
 بو محاربه ده همت و اقدامی موفور اولوب برکوزی اوق
 اصابتیه معطل اولمشدر .
 بو مظفریتدن صکره امر ای عسکر اسلام فوت وقت

ایتمه رك طوغری بصری الشام اوزرینه توجه ایدوب
حرباً فتح ایلدیلر بعض مورخین بصرینك فتحی
یرموکدن اول اولدیغنه ذاهب اولمشلر سده ارقه لر نه
رومك جسیم اردوسنی براقوب بصری بی محاصره
ایتمك قاعده حربك خلافتده اولمغه قول اول مر جدر
اجنادین محاربه سنده دخی اسلام روم عسکر بنی منہزم
ایلیوب روملردن بیک کشی تلف اولمشدر بو محاربه نك
حقنه دخی اختلاف اولنوب کیمسی یرموکدن اول
و کیمسی صکره دیشدر .

امرای عسا کر اسلام روملره محاربه یه طو تشمش
ایکن ابو بکر رضی الله تعالی عنہک وفاتیه عمر
رضی الله تعالی عنہ خلافته یکدیگی خبری هجرت
سنیه نك اون اوچنجی سنه سی جهادی الاخره سنك
یکرمی ایکپسنده اردویه واصل اولمش ایسه ده محاربه
تمام اولنجه به دك مکتوم طوتلدی .

☆ اسطراو ☆

آنفا بیان اولندیغی اوزره خالد بن ولید عراقی فتح
ایتمکده ایکن ایران حکومتی مالا یعنی ایله اشتغال
ایدوب شقاق و فساد ممالك ایرانده دوام ایتمکده
اولدیغی کبی روملر دخی فساد اخلاق علنی ساییله

زیر حکملرنده اولان ممالك واسعه ده همان عموماً اهالی یه
جور و اعتسافلری خددن آشمش ایدی حتی سوریه ده
اسلامه مقاومت ایچون جمع ایتمککاری اردولرده انواع
فحش و قبیاح مباح و شایع و اهالی نك عرض و مالاته
تسلطلری متوالیا واقع اولوب بئ شکوا ایدنلره
روئسای عسکر و ولات التفات و اعتنا ایتمککارندن
ماعدای امرای عسکر دخی آروجه کسر ناموسی
اهالی یه جسارت ایدرلردی . تفصیل احوال از دینك
فتوح الشام نام تاریخنده مذکوردر از شاء الله تعالی
آئیده بیان ایده جکمز وجهله اکر بلاد حاره اهالی سندن
اولان عسکر اسلامه شماك برودت هواسی مقاومت
ایتماش اولیدی از وقت ایچنده قسطنطنیه حکومتی
ایادی اسلامه یکم شیردی . صحف سالفه ده اشعار
اولندیغی اوزره هجرتدن برقرن زمان یکم بدن اول
شرقدن کاشغره و غربدن بحر محیط ساحلنه دك اسلام
فتح ممالك ایلدی عربك شماله توغل ایلماسی مألوف
اولمدقلری هوانك مقاومتندن نشأت ایلدی نوبت ترك
اسلامنه کلدکده دولت عثمانیه عسکری آوستریا دولتی
پایتختی ویانه به دك کتدیله .

بر صده رجوع ایدلم : خلیفه رسول الله ابو بکر
رضی الله تعالی عنہ هجرت سنیه نك اوننجی سنه سی

ربیع الاولندہ مسند مقدس خلافتہ یکدی ہجرتک اون
 اوچنجی سنہ سنہ جمادی الآخرہ نک یکرمی ایکیسندہ
 دار آخرتہ ارتحال ایلدی ایکی ییل اوچ آی مسند
 خلافتہ طوروب حق خلافتی تمامیلہ ایفا و بوندت
 ایچندہ اهل ارتدادی اصلاح واز وقتہ عراقی فتح
 ایتدی و سوریه و فلسطیندہ روم اردولرینی پایمال
 ایدوب اندن صکرہ وقوع بولان فتوحات عظیمہ نک
 مقدماتنی تأسیس و بڈیان حکومت اسلامیہ بی تحکیم
 و تشبید ایلدی وفاتندن از اول مقصد اصلی اولان
 حکومت عادله و مدنیت فاضلہ نک اقطار دنیاہ نشرینہ
 کفایتی جملہ انام بیندہ مسلم اولان عمر بن الخطابی
 خلافتہ لایق کوردی و بو خصوص حقندہ کبار
 اصحاب رسول اللہہ دانشوب رأیلرینی الدفدن صکرہ
 وصیتنامہ تحریرینہ قرار و یروب عثمان بن عفانہ املا
 ایلہ یازدردی .

✽ صورت وصیتنہ ✽

بسم الله الرحمن الرحيم هذا ما عهد به ابو بكر خليفة
 محمد رسول الله صلى الله عليه وسلم عند آخر عهده
 بالدنيا واول عهده بالآخرة في الحال التي يؤمن فيها
 الكافر و يوقن فيها الفاجر اني استعملت عليكم عمر

ابن الخطاب ولم آل لكم خيراً فان صبر وعدل فذلك
 علمي به و رأيي فيه وان جار و يدل فلا علم لي بالغيب
 والخير اردت ولكل امرئ ما اكتسب و سيعلم الذين
 ظلموا اي منقلب يتقلبون . مفهوم شریفی « بو اول
 عهددر که انی محمد رسول الله صلی الله علیه و سلمک
 خلیفہ سی ابو بکر دنیادن مفارقت ایدرکن و آخرت
 دارینہ کیر کن ایتشدر بر حالده که کافر او حالده ایمانہ
 وفاجر ایقانه کلور سزہ خیرلی اولق ایچون عمر بن
 الخطابی خلافتہ نصب ایلدم اگر صبر و عدالت ایدر سہ
 بنی تصدیق ایتش اولور و اگر تبدیل مسلك ایدر دہ
 جور ایلر سہ غیبی ییلدیکم جهتله بکا عتاب ایتیمہ سکر
 بن سزک ایچون خیر مراد ایتدم هر کس کندی عملنک
 جزاسنی بولور و ظلم ایدنلر نہ حالہ گرفتار ارلہ جقلرینی
 قریبا بیلورلر دیمکدر .

بو عهدی اصحابدن برینہ و یروب مجمع ناسدہ او قودی
 جملہ سی طوعاً قبول ایدوب ایتشدک و قبول ایتشدک دیو
 باغردیلر .

✽ عزل خالد و فتح دمشق ✽

عمر رضی الله تعالی عنه مسند خلافتہ یکدی کیده اجر آتشدک
 برنجیسی خالد بن ولیدک عزلله ابو عبیدہ نک صکر

اسلامه امير نصب اولمسی ایدی زیرا صحف سالفه ده
بیان اولندیغی اوزره یمنده مالک بن نویره نك خطاً
قتل اولندیغنه قلبی مطمین دکل ایدی انجق ابو عبیده
بوتدی محاربه ائناسنده کتم ایدرب یرموک محاربه سنده
مظفر اولدقدن صکره بصری اوزرینه کتیدیلر
بصری قتح ایدنجه دمشق اوزرینه یوریدیلر دمشق
یتش کون محاصره دن صکره خالد بن ولید رضی الله
تعالی عنه بر کیمجه روملر غفلتده ایکن بعض دلاوران
اسلام ايله زربان قوروب بغته دمشق ایچنه کیردی
و کند و سمته اولان قلعه قیوسنی ضبط ایدنجه صوت
بلند ايله تکبیر ایتدیلر خارجده اولان اسلام تکبیری
ایشیدوب دمشق نواحی اربعه سندن هجوم ایتکله
داخلده اولان روم عسکری و امیرلری آنتشاش
شامروب اسلام عنوة دمشق قتح و مقاومت ایدنلری
قتل ایلدیلر بو قول ابن اثیر و ابن خلدون معتقدی
اولوب از دینک فتوح الشام نام تاریخنده یالکیز
بر قیوسندن خالد عنوة کیروب جهات سائرہ صلحاً
فتح اولندی دیشدر .

بو خلalde حصه اولان روملر دمشقده امداده
مسارعت ایتشلسده حصه ايله دمشق اراسنده امداده
خیلوت ایتک ایچون تعبیه اولمش اولان جیش اسلام

امداده کلنلری استیصال ایتدیکندن امدادلری نتیجه سز
قالدی .

دمشق قتحندن صکره ابو عبیده بن الجراح خالد بن
ولیدک عزلنی و کند و سنک امیرالجیش اولدیغنی اعلان
ایدوب خالد مدینه منوره یه مقام خلافتده کتدی
و امرای اسلام فحل نام محله مجتمع اولان رومک
جسیم اردوسنک اوزرینه کیدوب حرب به طوتشدیلر
روم عسکرینک عددی کثیر و جمعیتلری کیر ایشه ده
قیون سور یسی کبی بیماک اولدقلندن سکسان بیسک
روم بو محاربه ده مقتول اولوب بقیة السیوف
فرار ایلدیلر بو محاربه ده اسلام عسکرینک رئیس
شرحبیل اولوب فحل مظفرینی عتیمبنده معیتی
عسکريله بیسان اوزرینه کیدوب عنوة قتح ایلادکن
صکره دمشق و بیسانک قتحی نواحی شامیه اهالیسنی
صلحه مجبور ایتکله حوران و تدمر و طبریه سنجاقلری
و سائر اردن نواحیسی صلحه طالب اولوب قبول
اولمغله طرف اسلامدن جهات مذکوریه عمال و امن
نصب اولندی دمشق شامه یزید بن ابی سفیان و تدمره
دحیه الکلبی و حورانده ابو الازهر القشیری تعیین اولنهرق
فتوحاتی خلیفه رسول الله عمر رضی الله عنیه اشعار
ایلدیلر .

خالد بن ولید مدینه به وصول ایدوب خلیفه عدالت
 پرور یعنی عمر رضی الله عنہ ملاقات ایلد کده عمر ک قلیبده
 اولان عتده بی حل ایدوب و ابو عبیده نك معیتده بولنق
 اوزره روم محاربه لرینه مأمور اولوب دیار شامه عودت
 ایلدی سوریه ده روملرک جمعیتلری پریشان اولدیغندن
 مواقع مهمه عسکریه ید اسلامه یکدی عراقدن خالد بن
 ولید معیتله سوریه اردوسنه امداده کلان عسکرله
 رؤساک عراق اردوسنه عودتنه خلیفه رسول اللهدن
 امر اولنوب قعقاع و سائر رؤسا عراقه عودته مأذون
 اولدیلر .

ابوبکر رضی الله تعالی عنہک امریله خالد بن الولید
 شامه روم محاربه سیله مشغول اولان اسلام اوزرینه
 امیر اولوب عراق اردوسنک بر قسیمیله چیقوب
 سوریه به توجه ایلد کده عسکرک قسم ثانیسنی مثنی
 ابن حارثه معیتده براقشیدی خالد سوریه ده دشمن
 اردولرینک استیصالیله مشغول ایکن ایران تبدیل
 سلطنتله اوغراشوب بعده شهریراز بن شیرین بن
 شهریارک سلطنتنه قرار و یروب اختلاله سکونت
 کلد کده فیروز نام امیر معیتله اسلام اوزرینه برجسیم
 اردو تعیین اولنوب هجرتک اون اوچنجی سنه سی
 ضراء جوارنده ایکی عسکر یلینده بر مقالمه شدید

وقوع بولدی ایران عسکرینک ایچنده بر فیل بولمغله
 اسلام سواریلرینک آنلری اورکوب تعبیه جیشده خلال
 کلامک ایچون مثنی برقاج کشیله برابر فیله هجوم ایدوب
 قتل و دشمنه هجوم ایدوب بوزد قلدند، شهره طوغری
 فرار و تحصن ایلدیلر بو خلالده شهریراز فوت اولوب
 ساسانیان عالمه سنندن بر شاه انتخابنده ینه بر چوق
 اختلافلر ظهوریله اهلینک بر طاقی آرمیدخت نام
 خاتونک و بر قسمی شاپور نام شهرزاده نك سلطنتنه قرار
 و یروب اختلاف ایتدیلر قوت شاپور طرفنده بولمغله
 آرمیدختی خلع ورؤسادن فرخزاده جبرا تزویجه
 مباشرت ایلد کده آرمیدخت اعظم رؤسادن سیاوش
 نام ذاتدن استعانه ایلدی سیارش قبول ایلمسنی اشعار
 و زفاف کیجه سننده بغته برفرقه عسکرله کلوب
 فرخزادی اخذ و قتل و شاپوری بر مدت محاصره ایدوب
 بعده آنی دخی اخذ و قتل ایتکله تکرار آرمیدختی
 تخت سلطنتنه اجلاس ایلدی . ایران اهلینک
 بو مشغولیتندن اسلام استفاده ایدوب فراتک بری طرقی
 کافه اسلام الله یکدی بو خلالده مدینه منوره دن
 خبرک انقطاعی مثنی بی استخباره مجبور ایتکله بانفس
 مدینه به توجه ایدوب بشیر بن الحصاصیه بی وکیل ایلدی
 مدینه به وصولنده خلیفه رسول الله ابوبکر رضی الله

تعالی عنہی جان اوستندہ بولدی کہ ابوبکر امر خلافتی
 عمر رضی اللہ تعالیٰ عنہ وصیت ایتشیدی ابوبکر مثنیٰ نك
 کلدیکی خبر الدقده عمر رضی اللہ عنہی نزدینہ جلب
 ایدوب کفایت مقداری عسکرله مثنیٰ بی همان ایران
 محاربه سنہ اعاده و عراقدن شامه امداده کیدن فرقه نك
 عراقه عودتنی امر ایدوب خالد بن ولیدی ذکر ایلدی

✽ ابو عبید بن مسعود ک عراقه والی نصب ✽

✽ اولدینی ✽

عمر رضی اللہ تعالیٰ عنہ مسند خلافتہ یکدکده ایران
 محاربه سنہ اعتنا ایدوب مثنیٰ بن حارثه بی یکیدن تنظیم
 ایتدیکی برفرقه عسکرله خلافتك دردنجی کونی یوله
 چیقاروب کوندردی حتی بیعت عامه کوننده خطابت
 ایدوب حجاز سزه مقر دکلدر حجازك الکزده
 استقراری سفرله اولور ای مهاجرلر نرده سکر حق
 تعالیٰ نك سزه کتابنده وعد ایتدیکی مملکتك استیلا سنہ
 کیدک کتاب کریمنده دین اسلامی سائر ادیانہ غالب
 ایدہ جکنی وعد ایلدی حق تعالیٰ دینی اظهار و دین
 حقه نصرت ایدنلری برخوردار ایدر مخالفت ایدن
 امترك مملکتلرینه سزی وارث ایتشدر ای امك

صلحاسی نرده سکر دینجه ابو عبید بن مسعود ثقفی و مسند
 ابن عبید انصاری و سلیط بن قیس آیر یلوب سچلدیلر
 ابو عبید ثقفی خالد بن ولیدیرینه امارت جیش و ولایت
 عراقه تعیین ایدوب سعد و سلیط نام امیرلری دخی برر
 فرقه عسکرله معیننه ویردی بعده ای ابو عبید پیغمبر
 علیه السلام اصحابی رأینہ مراجعت ایلہ و نصیحتلرینه
 تشکر ایلہ صاقنوب رأیده تفرد ایلہ و بی جا عجله دن اتقا
 ایدوب فرصتی دخی قاچر مه بو محاربه در بونده تأنی
 و عجله نك وقتنی بین اهل عقل و تمکین قازانور بن
 سلیطی امارت جیشه مناسب کوردم انجق عجول
 و سریع اولسی تأخر نه سبب اولمشدر .

مثنیٰ حیره یه و اصل اولوب متعاقبا ابو عبید و سلیط
 دخی عراقه کیروب اتفاقلری اوزره فرائك اشاعه سنده
 اجتماع ایلدیلر مثنیٰ نك عراقدن غیابنده ینہ ایرانده
 بر طاقم اختلاار ظهور یله (بوران دخت) خراسان
 والیسی رستمه مکاتبه ایدرک رستم بر طاقم عسکرله
 خراساندن چیقوب آزر می دخت طرف کیرنرینی استیصال
 ایدرک مداینه دک کلدی و قهرأ شهره کیردی سیاوشی
 قتل و آزر می دختی خلع ایدوب کوزنرینه میل چکدی
 و بوران دختی تخت شاهیی به اجلاس ایدوب تفرد
 ایلدی بوران دخت حامیسی رستمی اتابك سلطنت اتخا

ایلیوب رستمک امرینه اطاعت ایتملرینی امرای عسکر
وامنای مملکت یازدی رستم همان هر طرفه مأمورلر
کوندزک اسلام علیهنه حرکت اهلای بی اجبار ایلدی
وجابان نام امیری برفرقه عسکرله ابو عبید اردوسته
قارشو کوندردی مثنی خط رجعتی تأمین ایچون
حیره دن چیقوب آنفا بیان اولندیغی ارزره فراتک
جانب اسفلنده ابو عبید ایله برلشدی عسکر اسلامی
تعبیه ایلیوب وجابان بر جمعیت عظیمه ایله عمارق
موقعی طوتوب طرفین نائرة حربی ایقصاد و ترتیب
صفوف جهاد ایلیوب شدیداً جنک ایلدکلرنده
فصرت وظفر اسلامه میسر اولمغله جابان اسیر اولدی
وعسکر اسلام کسکر ناحیه سنهدک دشمنی تعیب ایلدی
نرسی کسکرده منهرملری جمع ایلیوب کسکرده اولان
ایران اردوسته قاتدی وعسکرینی تعبیه ایلیوب عائله
اکاسره دن بسطامک اوغللری نقدیه وشیره نام
ایکی امیری معیتلری عسکرله جناحینه تعیین ایلیوب
کندوسی وسطده بولندی یوراز دخت جابانک انهرامی
خبرینی الدقه نرسی به امداد ایچون جالنوس نام
امیری برفرقه عسکرله کوندردیکنی ابو عبید استخبار
ایلدکه امداد یتشمدن کندوسی امداد عسکرینک
ارزینه یوریوب ایکی عسکرک اراسنه کیردی ونرسی

اوزینه مثنی کوندروب حربی تعجیل ایلدی مثنی
نرسی بی وابو عبید جالنوسی مغلوب ومقهور
ایلیوب عسکرلرینی بریشان ایلدیلر وسواد عراقک
جزیه سنی جبایت ایدرک ابو عبید حیره به عودت
وخمس غنایمی مدینه به کوندروب خبر فتحی خلیفه
رسول الله عرض ایلدی .

جالنوس هزیمتدن صکره مدینه عودت وصورت
واقعه بی رستمه بیان ایلیوب درفش کاریان دینلان
مشهور سنجانی چیقاروب اکابر رؤسای فرسدن
حادویه نام امیره تسلیم وعظیم بر اردو جمع ایلیوب
مخاربه به تعیین ایلدی بو خبر ابو عبیدک مسموعی اولدقه
اول دخی حیره دن عسکر اسلام ایله چیقوب فرات کنارنده
ناطف موقعنده اجتماع ایدن فرس اردوسنک قارشو سنده
فراتک بری طرفنده عسکری تعبیه ایلدی وبرقاج کون
اقامت ایلیوب طرفیندن فرات اوزینه ایکی جسر
تمدید اولنه رق ابو عبید کوپریدن مرور ایله حایمک
اردوسنه مقابل یرطودی اندن صکره عسکرینی
ترتیب وتنظیم ایله مخاربه به کیردی فرس عسکری
ایچنده معلم فیلار بولمغله اسلام عسکرینک آتلی
اورکوب تعبیه به خلل کاه جکنی ابو عبید کورمکه
عسکر اسلامی پیانه شکانه قویوب قلیجله قتال وفیلاره

هجوم ایدرك سكرزینی و خرطوملرینی كسرك ابو
عبید بالنفس بر فیلی اولدروب اوزرند، کی محاربلی
یره دوشردی انجق دشمنك كترتی و فیلار دن سوارینك
تعطیلی تعبیهك نظامنی بوزدی و عسکر اسلام بوزیلوب
جسردن مروره شتاب ایلدگری كورلكله مثنی بن
حارثه اسلامدن برقاج کشیله جسرك باشنه قوشوب
هدم ایلدی و عبوره كلانله ناموسكزله محاربه ده
اولمسه كز غریقا اوله جكسكز دیهرك عسكری
چورمكه غیرت ایتدیسه ده بوزغون عسرك اوكنه
كچمك پك كوچ اولدیغندن بر چوق كشی فراته
دوشوب بوغلدی و ابو عبید بر فیلك ایاغی اتنده شهید
اولوب اندن صكره رایت اسلامی الی كشی واحدا
بعد واحد آلوب شهید اولدی و اك صكره قهرمان
مثنی دخی رایت النده ایكن مجروح اولدی بو محاربه ده
اسلامدن درت بیک كشی جریحا و غریقا شهید اولدی
وایکی بیک كشی فراتك اوتیه یقاسنه كچدی و رؤسای
عسکر اسلامدن برقاج ذات دخی نائل رتبه شهادت
اولدی و انجق مثنی اوچ بیک كشیله ثبات ایدرك اشراف
عربدن عروه بن زید و ابو محجن ثقفی و ابو زید الطائی
شدیدا محاربه ایلدی و اوزید نصرانی ایسه ده حمیت قومیه
ایله محاربه ایلدی اندن صكره مثنی براوجی كسلش اولان

جسرك باشنده موقع طوتوب فراتی كچنله ایشته بن
دشمنله سرك اراكزه كیردم عودت ایدك جسرك
كسیلان طرفنی تعمیر ایدكز صكره جله من منتظما
قارشویه كچه رز دیدی قارشو یقه یه كچنلر دونوب
جسری باغلادیلر اوتیه یقه ده بولنان عسکر منتظما
كچجه مثنی دشمنه مقاومت ایلدی و اك صكره كندوسی
دخی معینده اولان بهادرلره كچدی ایران عسكری
قارشویه كچوب اسلام عسکرینی تعقیب ایچون
حاضرلنش ایكن ایرانده رستم علیهنده بر اختلال
ظهوری خبری حادویه كلكله مصالحه یه طالب
و اسلام دخی بر مقتضای حال بو كا راغب اولغله
عقد صلح اولوب صورت راقعه یی ملیفه رسول الله
عمر رضی الله تعالی عنیه اشمار ایلدی بو محاربه ده ایران
عسکرندن دخی اوچ بیک كشی میدان محاربه ده مقتول
اولدی .

ابو عبید بن مسعودك **ك** و پری باشنده نهزمی
امیر المؤمنین عمر رضی الله عنیهك سمعنه واصل اولدقه
اظهار حزن و اسف ایدوب مثنی بن حارثه یه مدد رسالیله
مشغول اولدی زمان سعادت اقتران نبویه جریر بن
عبدالله حضور لامع النور مصطفی علیه السلامده
ایكن سارقبائل ایچنده متفرق اولان بجمیله قبیله سنی

جمع ایدرسن سنی انلره امیرایدرم دیمشیر ایدی .
 جریر دخی امر رسول اللهی اجرا ایدوب خلافت
 ابو بکر رضی الله تعالی عنده و عدك اجراسنی طلب
 ایلدکده ارتداد ایدنلرک اصلا حیلله مشغول اولدقلری
 جهته وقت آخره تهیلانی جریردن التماس ایلشیدی
 ابو بکر چوق یکمدن ارنحال داربقا ایلدیکندن
 وعد شریفک انفاذی عمرک خلافتی زمانه قالوب
 اشبو کوپری هزیمتی اوزرینه جریری بجیلله قبیلله سنه
 امیر نصب ایدوب مثنیه امداده کوندردی کذلک
 عصمة بن عبدالله ضبی بی برفرقه عسکرله جریره ردیف
 ایلوب اهل ارتداده دخی بو خصوص ایچون
 امر نامدل کوندردی او بر طرفدن قهرمان مثنی
 عراق جوارنده اولان قبائلی امداده دعوت ایلدیکندن
 از وقت ایچنده تعیین اولنان محللرده عسکر اسلام
 کلیتله کلوب اجتماع ایلدیکی کی نصارای غربدن نمر
 قبیلله سی دخی حیت قومیه سبیلله انس بن هلال معیتنده
 کلوب عسکر اسلامه التحاق ایلدیلر .

✽ انبار و یا خود اعشار و قهسی ✽

عربك بيوك بر قوتله حرب به تهیئلری اتابك عجم رستمک
 معلومی اولنجه اکابر امرای ایراندن مهرانی عساکر

وافیه ایلله اسلام اوزرینه حیره طرفنه سوق ایلدی
 مثنی بوخلالده قادیسیه ایلله خفان پیننده بوانوب کوفه
 جهته عذیب طرفنه اجتماع ایللرینی مشار الیهما
 جریر و عصمت نام امیرلره اشعار ایلوب همان محل
 مرقومه کلدکارنده مهران قارشو یقهده حذارنده
 قونمش ونهر اوزرینه کوپری قورمش ایدی اسلام
 عسکری کلور کلز ایرانیلر جسری عبور ایلله جریر
 و عصمت اوزرینه هجوملر ایدرکن مثنی مهرانک
 بولندیغی جناحه طوغری حرکت ایدرب محاربهیه
 طوتشدی و شدیداً هجوملر ایدوب مهرانی یرندن
 اویناندی و جریر و عصمت مردان شاهک جناحنه
 دوشوب انی بوزنجه قهرمان مثنی قلبه هجوم ایلله
 پریشان ایتدی و جسری ضبط ایدوب ایران عسکرینک
 خطر رجعتی کسیدی فرار ایدن فرس عسکری عبوره
 یول بولینجه اشاغی یوقاری شتاب ایدرک شاشردیلر
 او حالده اسلام سوار یلری بونلری احاطه ایدرک
 بر درجدد، قیردیلر که میدان محاربهده یوز بیکن
 زیاده فرس لاشهلری تعداد اولندی بو محاربهده
 مثنی نک برادری مسعود شهید اولدی بو محاربهده یوز
 کشتی اوزر ایرانلی قتل ایلدیکی جهته بو جنکه
 (وقعة الاعشار) و موقع مناسبتله (وقعة الانبار) نسیبه

ایتدیلر بهسار مثنی فرصتی فوت ایتیهرك اطراف
واکنافه عسکر فرقه نری تمین ایدوب فرات ایله دجله
مابیننی تمامیه ضبط ایلدی وارنق اسلامك مهابتی ایران
اهالیسنك قلبنده تمکن ایتدی .

❖ قاضیه محاربه سی ❖

ابوعبید بن مسعودك شهادتی و اسلام عسکرینك
كو پری باشنده، انهرامی فرس عسکرینك فراقی كچوب
عسکر اسلامه تسلطه بر فرصت ایکن ایرانده ظهور
ایدن اختلاف حادویهی مصالحهیه الجا ایلدیکی بیان
اولمشیدی . شویله که ایران کبارینك بر طاقی بوزان
دختك اتاك سلطنتی رستمه و دیگر طاقی فیروزان
نام امیره طرفگیر اولغله رؤسا واهالی بیننده شقاق
ونفاق و اختلاف و افتراق حدیثیه مصالح دولت
مختل خصوصاً اسلامك آچدیغی مهول بز محاربهك
اداره سی ناقابل اولوب مهران اردوسنك همان کلیا
محو اولمی کویا ایران رؤساسنك انتباهنی موجب
اوله رق مداینده عقد جمعیت ایدوب عائله سلطنتدن
برشهرزاده بی تخت حکومته اجلاس ایله تنظیم امور
مملکتیه اتفاق ایلدیلر بعد رستم ایله مهرانه خطابا
سز بویله برزمانده ایران حکومتی تحت آرا و اختلافه

دوشهردیگر و بزی معرض هلاك واضعجلال ایتدیگر
یا اتفاق ایدرسکز یاخود سزکله جنك ایدرز دیوب
ایکیسنیده اخافه ایتدکلرندن ترك محاصمه ایدوب
جمعیتك رأینه اتباع ایتدیلر .

بوندن صکره رستم و فیروزان بوران دختك نزدینه
کیدرك اولاد ملوکدن برینه دلالت ایلسنی تکلیف
و بیان ایتلریله خسرو پرویزك مستقرشهرینی جمع
ایدوب برشهرزاده استدیلر شیرویه خسرو پرویزی
قتل ایتدکدن صکره برادرلرینی دخی تلف ایلدیکی جهته
شهرزاده لدن کیمسه قالدیغنی قادیلر بیان ایتشلر سده
جمعیه قناعت کلدیکندن قادیلری تضییق و تعذیب
ایتلریله یزدجرد نامنده شهرزاده لدن بریسی اقربالری
نزدنده اخفا اولندیغنی اناسی اقرار و محلی ارائه و اخبار
ایلدی یزدجردی بولندیغنی محلدن جلب ایدرك یکر می
برباشنده ایکن تخت سلطنت ایرانه اقعاد و تنظیم امور
اتحاد ایدوب جهه ایران کباری یکنل ارلشجه سنه
اسلامك غائله سنی دفع ایچون بیوک اردولر ترتیب
و تسلیم و طرف طرف عراق اوزرینه سوقه تثبث
ایلدیلر مثنی ایرانك تشبثاتی خلیفهیه یازوب جوابه
منتظر ایکن عراق اهالیسنك اکثریسی ارتداد ایدرك
عصیان ایلدکلرندن مثنی اسلام عسکرینی بر محله جمع

ایدوب ذی قار موقعنده اردو قوردی بو خبر امیر
المؤمنین عمر رضی الله تعالی عنهما واصل اولدوقده
همان بالنفس عراقه حرکتیه قرار ویروب عامه به اعلام
وترتیب لوازم حربیه قیام ایدرک علی بن ابی طالبی
رضی الله تعالی عنه مدینه ده وکیل براقوب خارج
مدینه ده صرار نام محلی اردوگاه اتخاذ وعسکرک جمع
وترتیبیه مبادرت ایلدی خلیفه نیک بالنفس حربیه حرکتیه
عامه ناس قبول ایلله برابر کتمکه حاضر انقدده ایدی
انجق اصحاب کرام خلیفه نیک مقر خلافتدن تبعاعدنی
مناسب کور مامشله ایشه ده بونی عمر رضی الله تعالی
عنهما عرض ایتکه بر کیمسه جسارت ایدمزدی
خلیفه رسول الله قلمرو حکومت اسلامیه ده اولان
رؤسایه ایشک اهمیتینی بیان و کبار و فرسان و اهل رأی
واذعان اولان اسلامک بو محاربه ده حاضر اولمیرینی امر
ایلدی وحج وقتی حملول ایتکه همان مکه مکرمه به
کیدوب وحج ایدوب عودت ایلدکلرنده طلحه بن
مقدمه الجیشه وزیر و عبدالرحمانی جناحینه امیر نصب
ایدوب عراقه قریب اولان اسلامه عراق اردو سنده
مثنی نیک معیتنده اجتماع ایتلرینی امر ایلدیلر .
عثمان بن عفان رضی الله تعالی عنهما نزد خلیفه
رسول الله ده وقع و خاطری زیاده مرعی اولدیغی

جهتله اصحاب کرام عثمانک نزدینه کیدوب عمرک
بالنفس محاربه به کیمسنی مناسب کور مدکلرینی بیان
ایلله بو خصوصده توسطی رجا ایللریله عثمان حضور
شریفلرینه کیدرک اصحابک رأینی بیان و تصدیق
ایتدیکندن اصحابی جمع ایدوب استشاره ایلدی سعد
ابن ابی وقاصک امارت جیشه تعیینی متفقاً قرار کیر
اولغله هوازن صدقاتی جمعه مأمور ایکن جلب اولنوب
عراق اردوسنه امیر نصب اولندی و همان حرکتیه
مأمور ایدوب ای سعد رسول الله علیه السلامک شرف
قرابت و صحبتی سنی مغرور ایتلر سون زیرا حق تعالی
سیناتی حسنات ایلله محو ایدر الله ایلله خلق بیننده
مناسبت انجق طاعتنده اولغله اولور اللهک دیننده
هر کس مساویدر الله صاحبیلری و انلر قوللریدر خدامک
یکدیگرندن فضل و مزیتی عفتله در و حق تعالی نیک
لطفته طاعتله نائل اولورلر سن پیغمبر علیه السلامدن
کوردیکک کی حرکت و مشاققه صبر ایلله دیوب
درت بیک بهادرله سعدی یوله قویدی و ارقه سنندن
ایکی بیک یمنلی و ایکی بیک نجدلی عسکر کوندروب
امداد ایلدی مثنی نیک معیتنده دخی سکر بیک عسکر
بولنوب سائر جهتلردن دعوت اولنان بخود کلوب
جمله سی او توز درت بیک نفره بالغ اولدقلری و بونلرک

اوچ بیکی بنی اسد دن اولدیغی روایت اولمشدر سعد بن
ابی وقاص بزود نام موقعه وصولنده مثنی نک نکس
ایدن بر یاره تأثیرندن اولدیکی خبری کلوب اردوده
بولنان عساکر اسلامه موجب حزن اولدی مثنی
رحمة الله علیه وفاتنی درک ایدنجه کبار اسلامدن بشیر
ابن الخصاصیه بنی استخلاف ایلدی و برادری مهنی به
سعد رضی الله تعالی عنہک وصولنده محاربه بنی فرائک
بری یوزنده قبول ایلدیکی حالد غلبه اسلامه میسر
اولورسه اوت طرفک استیلاسی سهل و قضیه بر عکس
اولورسه ارض عربده بارغق قابل اولور بو وصیتی
کندوسنه عرض ایله دیدی و عمر رضی الله تعالی عنه
عینی بو صورتله حرکتی سعد بن ابی وقاصه وصیت
ایتدیکی جهتله مثنی نک رأیی جمله رؤسای عربک
تخصیصه مقرون اولوب مهنی به برادری مثنی نک
وظیفه سی ویرلدی بوندن صکره سعد سیراف نام محله
عسکر بنی تعبیه ایدوب طلیعه و جناح لری و مقدمه
الجیش و ساق و احتیاطی ترتیب و تقسیم و لواری
شجعان اسلامدن قدمی اولانلره تسلیم ایلدی بونلرک
جمله سی خلیفه رسول اللهک تعلیماته تطبیقا تنظیم
اولانلرک مقدمه الجیشه اصحاب کرامدن زهره بن
عبداللهی تعیین ایدوب عذیب نام محله کوندردی

و جناح ایمنه بنه اصحابدن عبدالله بن المعتری و جناح
ایسره شرحبیل بن السمطی و کندوسنه امر حق
واقع اولورسه خلافت امارته خالد بن عرفطه بنی
وعسکرک ساقنه عاصم بن عمرو و طلیعه لر اداره سنه
سواد بن مالکی و خفیف سواری به سلمان الباهلی بنی
و آغر سواری به عبدالله ذی السهمین و پیاده به جمال
ابن مانک الاسدی بنی نصب ایلدی و خلیفه رسول الله
طرفندن قاضی عسکر لکه و تقسیم غنائمه عبدالرحمن
ابن ربیع و دشمنک احوالی و مواقعک کیفیتنی تحقیقه
سلمان فارسی و کتابت عسکریه به زیاد بن ابی سفیان
تعیین قلمشیدی بواردوده بدریلردن طقسان طقوز
و اصحابدن اوچ یوز اون یدی و فتح مکده بولنانلردن
اوچ یوز و اولاد اصحاب کرامدن یدیوز کشی موجود
ایدی .

سعد بن ابی وقاص رضی الله تعالی عنه اردوسنی شو
صورتله ترتیب و تنظیم ایتدکن صکره سیرافدن
قالقوب عذیب نام محله و اورادن دخی حرکتله
قادسیه به کیدوب عتیق ایله خندق اراسنه جسرک
حذاسنه قوندی و آقجی فرقه لری ترتیب ایدوب
اطرافه صالدردی و برآی قدر زمان کچوب ایران
طرفندن هیچ بر حرکت ظهور ایلدی اسلام آقجیلرینک

شدند اهل قرازيه مضطرب اولمغله حمایه
اولمغه جقلسه اسلامه تبعیت ایده جکرینی ایران
دواته اعلام ایلمریله یزدجرد رستمی جلب ایدوب
برآن اول کافی عسکرله اسلام اوزرینه حرکت ایلمسني
امر ایلدی رستم پای تختدن مفارقتی استمدیکندن
حقه شبیه بر طاق مغالطه ایرادیلد کندوسی مداینده
قالوب جالینوسک سردار نصبیلله ارسالی مراد
ایتدیسده یزدجرد اصرار ایدوب رستمی بر بیوک
اردو ایله یوله چیقاردی رستم مدایندن منفعل
چیقوب ساباط نام محله ایندی و یزدجرده عرضحال
یازوب تکرار استعفا ایتدیسده قبول ایلدی
بو خبر سعد بن ابی وقاصه واصل اولدقد ایرانک
احوال و تشبثاتی امیر المؤمنین عمر رضی الله تعالی
عنه یازدی امیر المؤمنین سعدک مکتوبی الوب احواله
واقف اولدی رأی و شجاعت اصحابندن عادت
عدالت اسلام اوزده برقاج ذاتک مداینه سفارته
کوندربلوب قبول اسلام و جزیه بیننده ایرانیاک تخیر
اولمغرینی مناسب کوروب سعه بو صورتله جواب
یازدی سعد خلیفهک امرینی الدقده نعمان بن مقرن
ویسر بن ابی رهم و حمله بن حویه و حنظله بن الربیع
و فرات بن حیان و عدی بن سهیل و عطار بن حاجب

وقیس بن زراره و الاشعث بن قیس و الحارث
ابن حسان و عاصم بن عمر و عمرو بن معدی کرب
و المغیره بن شعبه و المهنی بن حارثه نام ذوات فحاشی
انتخاب و یزدجرد جانبده ارسال ایلدی .
بونلر مداینه وصوللرنده اهالی یکیدرینه چیقوب
آتلاک حسننه و لباسلرینک ساده لکنه نظر ایدرزدی
وصوللری یزدجرده تبلیغ اولندقد و زراسنی جمع
ورستمی ساباط موقعندن اعانه ایلوب و سفرای اسلامی
بر محله ایندروب اختلاطدن منع ایلدیلر .
یزدجردو کلاسیله استشاره دن صکره سفرای حضورینه
قبول ایدوب ترجانه انلره دیکه ممالکمره تسلطلرینه
سیب ندر یزم داخلی مشغولیتزمی کندولرینه باعث
جرأت اولشدر ترجان شاهک سوزینی سویلدکده
نعمان بن مقرن رفیق لرنندن اذن الوب حق تعالی ک عربه
لطف و مرحتندن بزه پیغمبر ارسال ایلدی رسول الله
بزه دین حق بیان و اسلامه دعوت ایدوب وعد
الهی بی تبشیر ایلدی عربک بعضیسی طوعا اسلامی
قبول ایلمکله شرفی زیاده لندی و کیمیسی کرها اتباع
ایلدیسده صکره دن حسن حال کسب ایتدی و بزی
یکدیگر مرزه تلق و تعبددن قورناروب جهله مز حق
تعالی به عابد و حریت کامله و سعادت دنیویه و اخروییه

نازل اولدق و دین و جزیه دن برینی قبولدن استنکاف
ایدن لرله طاعته کلنجیه دک محاربه ایلمه مزی و سائر اممی
عدل و انصافه و دین حقّه دعوت ایتمیزی امر و وصیت
ایدوب بزه منهاج هدایت و نجات و سراج طریق رشد
و فلاح اولق ایچون کندوسنه وحی اولنان کتاب
الهی بی ترک ایلدی اگر سزده بزم کبی قبول دین اسلام
ایدرسه کز کتاب الیهک احکام شریفه سی مملکت کزده
اجرا اولنجیه دک بعضی ایرانده قالوب عسکر مزی
چکرز بونی قبولدن امتناع ایدرسه کز جزیه بی قبول
و کمال تواضعه ادا ایدرسه کز او حالده جزیه بی استیفا
ایچون مأمورلر براقوب ینه کیدرز و سزه بر طرفدن
تسلط اولندیغی حالده کلور اعانه ایلر جزیه بی دخی
قبول ایتمدیگیز حالده سزگه حرب ایدرز مألنده سوز
سویلدی شاه ایران بو سوزلردن متهور اولوب عربک
فقر و مذلتدن و حین احتیاجده کندوزینه ینه جک
ویرلدیکندن بحث و امتنان ایدوب دهانجه غلیظ
سوزلر سویلدکن صکره ینه بویه بر احتیاجدن طولای
کلشلسه افچه و کسوه و ماکولات ویره جکنی
و کندولرینه رفق و مرحمت ایده جک بر ملک نصب
ایلیه جکنی بیان و ایراد ایلدی بو ترهاتک عقبنده قیس
ابن زراره کلامه آغاز ایدوب ای ملک بزم ماسبق حانز

عینی دیدیکیز کبی ایدی لکن جهان بر حالده طور مز
هر ملتک بر طور اقبالی وارد حق تعالی بزه مرحمت
ایلدی رسول الهی بزه کوندردی حانزی اصلاح
ایلدی اسکی بیلدیگیز کبی دکلز بو او طور انلر اشرف
عربدر اشرف اشرافدن حیا ایدوب سویلزلر ایشته
حقیقت حالی بن سویلیهیم آنلر شهادت اینسونلر سزک
ایچون اوچ خالده برینی قبول کر کدر یادین اسلامی
یا خود جزیه بی بونلر اولمرسه او چنجیه سی قلیچدر
دیوب و همان نعمان بن مقرن کبی بر نطق ایراد ایدوب
انجق تعمیریزی دهان شدید و مؤثر ایدی یزدجرد
بو ایکنجی سوزلردن زیاده طارلوب اگر بزدن اول
کلان پادشاهلردن بر یسی سفرایی قتل ایتش بولفسه
بن ایکنجی اولوب سزی قتل ایدردم اگر مملکت کزه
عودت ایتمز ایسه کز رستمه امر ایدرم جهله کزی
قادسیه خندقنده دفن ایدر و شاپور ذی الاکتافدن
زیاده سزه معامله شدیده اجرا ایدر دیدی و بر زنبیل
طوپراق کتیروب تحقیر ایچون بونی ایچکرده هر کیم
بیوک ایسه یو کلنوب رئیسکزه کوتورسون دیدی عاصم
بن جهله سندن شریفم دیوب زنبیلی اموزینه الدی و آتلیینه
بینوب کیتدیلر اردویه و صوللرنده عاصم سعد بن ابی
وقاصه صوت بلندایله یا سعد استبشار ایله ایران مملکتک

طوپراغنی ایاغنه کتیردم دیدی عامم طوپراغنی آموزینه
آلدقده یزدجرد رستمه بونلرک الکیوکی الحقلریدر
دیدی رستم بو آدم الحق دکلدر انحق حسن تفأل
ایلدی دیدی .

سفرای عرب مداینده ایکن اسلام آقنجیلری طرف
طرف غارته چیقوب اسلام اردوسنه ذبح ایچون حیوان
کتورلردی زیرا اردوده سائر ما کولات کفایت
درجده اولوب انحق ات بولمزدی .

بوندن صکره رستم تکرار ساباطه کیدوب اردوسنی
تعبیه ایلدی قرق بیک عسکرله مقدمه ایلشی ترتیب
ایدوب جالینوسی امیر ایلدی و التمش بیک کشی کندو
اداره سنده قالوب جناحینه مهران وفیروزانی امیر
نصب و یکریمی بیک کشی ساقه تعیین و او توز اوچ
فیل تجهیز ایدوب اون سکرنی قلبه و اون بشتی جناحینه
تخصیص ایلدی و کوئی نام محله طوغری حرکت
ایدوب کیدرکن ایرانیلر برعربی اسیرالوب رستمک
حضورینه کتوردیلر رستم عربه مقصدکزن ندر
دیدی حق تعالی تک بزه وعده ایتدیکی اراضینک
استخلاصنه کلدک دیو جواب ویری اکر سزی
مقصدکزه ایرمدن قتل ایدرسهک نه اولور دیدی
قتل اولان جنته کیدر قالانلره حق تعالی وعدهینی ایفا

ایدر دیدی رستم او یله ایسه الله بزی سزه تسلیم ایلدی
دیدی عرب سزی بزه تسلیم ایدن سوءافه الکر در اطر افتده
اجتماع ایدن عسکری کوروب مغرور اولمه سز انسانلره
او غراشمیور سکر قضا و قدره قارشو کیده یورسکر دینجه
رستم تهوور ایدوب عربی قتل ایلدی و کوئیدن قالقوب
برس نام موقعه ایندی و اثنای راهده جابانه قارشوب
ایکیسی دخی منجم اولدقلرندن احکام نجوم مدن بحث
و برطاقم خرافه ایراد ایلوب ایرانک نتیجه احوالی وخیم
اولد یغنه قرار و یزدیلر بر سده مدت اقامتلرنده ایران
عسکری اطرافه یایلوب اهالی بی یغما و غارت و عرض
و ناموسلرینی کسر ایدوب انواع ظلم و خسارت
ایتمکده اولدقلری رستمک مسموعی اولدی و انلردن
بعضیسنی طوتدیروب قتل ایله مجازات ایتدکدن صکره
کمال تأثرله مقتول عربک سوزلرینی یاد ایدوک پک
طوغری سویلش ایدی دیدی بر سدن دخی قالقوب
حیره به کلدی و وجوه اهالی بی جمع ایله عربه مقاومت
ایده مدکارمچون تویخ ایلدکده سز رعایاکزی محافظه به
بورجلوسکر وظیفه کزده قصور ایدرده بزه لوم
و عتاب ایدرسه کز بونصل ایشدر دیدیلر .

اسلامک طلیعه لری اوته بری الغار ایلدکری رستمه
اعلام اولدقده مقابله لینه بر مقدار عسکر تعیین

ایتدیکي امیر الجیش سعد بن ابی وقاصك سمعنه واروب
عاصم بن عمری امداده کوندردی ایران فرقه سی عاصمی
کورنجه رجعت ایلکله عاصم غنایله اردویه دوندی
اندن صکره سعد عمرو بن معدی کربی و طلیحه الاسدی بی
دشمنك حالی تفتیشه کوندروب بر فرسخدن
زیاده جه مسافه قطع ایلدکلرند، ایران اردوسنه تصادف
ایتملرله عمرو خبر ویرمکه رجعت و طلیحه کیمه لیوب
دشمن اردوسنده بر ایکی چادرک ایپلرینی کسدرک
بر قاج آن سوروب اردویه طوغری کیسدرکن
ایرانلردن بر قاج سواری طلیحه بی تعقیبه کیدوب
اوزر زینه رجعت ایتدیکجه ایکی کشی بی قتل و برینی
اسیر ایدرک سعد، کوتوردی اسیر اولان کشی قبول
دین اسلام ایتمکله سعد اتی مسلم تسمیه ایلدی .

بوندن صکره رستم جالینوس و حادویه نام امیر زره
تعلیمات و یروب جالینوسی کوپرینک اشا غیسنده
زهره یه و حادویه تیر ناباد نام محله قونوب رستم
خراره یه ایندی واندن قالقوب مدایندن خروجنک
دردنچی آینده قادسیه یه واصل اولدی بوندن غرضی
یولده وقت کچروب اسلامی بقدر مقایدی اگر یزدجرد
پیدر پی تعجیل ایتماش اولیدی دهها بر چوق زمان
یوللرده امرار وقت ایتمک نیتده ایدی زیرارستمک

رأی اسلامی کندو اوزر زینه چکمک ایلدی عمر
رضی الله تعالی عنه خدع و دقایق حربیه واقف
اولدیغندن سعد تانی و مطاوله ایله امر ایتمشیدی رستم
شاهك ابرامندن عاجز قالوب رأینك خلافتده حرکت
مجبور اولدی و آئیده بیان اولنه جغی اوزره قورقدیغنه
اوغرادی .

رستم قادسیه یه وصولنده عتیق صوینده سعد بن
ابی وقاصك قارشوسنده اردوسنی تعبیه ایدوب فیلاری
بر وجه بیان سالف فرقه لره تقسیم ایلدی ایرتسی کونی
عتیق بوینده حرکتله اسلام عسکرینک منتهاسی
اولان خفانه دك کتدی و اورادن یوقاری یه طوغری
یور یوب کوپری باشنه ایندی جسرك محلی یوکسك
اولدیغندن عسکر اسلامی کشف ایلدی و زهره نام
امیره ملاقات ایچون خبر کوندروب قبول ایلکله
کورشدیلر و شره طنی بیان ایتمه رك بر مصالحه نك
عقدینی زهره یه تکلیف ایدوب بز سزکله قونشو
ایدك و حین حاجتده سزه اعانه ایدردك و سزك حالکز
شویله ایدی بویله ایدی دیهرک یزدجردك سفرایه
ایتدیکي غلیظ امتنانلری ملایم الفاظ ایله یاد ایلدی
انجق زهره بوسوزلره ذره قدر اهمیت ویرمیوب یالکز
شمیدی احوالده دکلز دیوب نبوتك شانندن و دین اسلامک

فضل و مزیندن و مأموریتلری امر الهی ایله محدود
اولغله اندن انحراف ایده میه جکرندن بحث ایدوب
سائر رؤسای اسلام کی اسلام و یا خود جزیه و یا خود
حرب بینده، تخییر ایلدکده اسلامک اساس اعتقادی
رستم سؤال ایلدی بودینک دیرکی کله شهادت اولدیغنی
سو یلدی رستم دهانه وارد دیدی بریسیده ناسی
قولاره طایمقدن قورتاروب اللهه پرستشه حصر
ایتمکدر زیرا آدم و حوانک اولادی اولدیغمن جهته
لاب و ام جمله مزقنداشن دییجه رستم نه کوزل دیندر
قومله برابر دینکزی قبول ایدرسه ک بورادن کیدرمیسکن
دیدى ای والله کیدرز دیدى .

بو سوزک اوزرینه رستم معیتده بوانان رؤسای جمع
ایدوب دین اسلامی قبول هم غائله حربه نك اندفاعنه
و هم قدیماً مبتلی اولدقلری سوء احوال و ذلتک
ارتفاعنه سبب اوله جغنی بیان ایلش ایسه ده اسلام عادتى
اوزره ملکک اداره سی اخلاقی فاسد اولاش کبار قومک
کبر و تعظمنه خلل ویره جکنی ییلدکلرندن دین
اسلامی قبولدن استنکاف و استکبار و عربک حالى
ازدرا و احتقار ایلدیلر رستم سنر ظاهر بین
آدملر سکن بونلرک لباس و متاعنه نظر ایدرسکن
بو آدمک سو یلدیکی سوزله باقکن بزم ممالکده

بویله قیلمی سوزلر ایشدکرمی دیه رک اقتناعه
چالشمش ایسه ده کارکر اولیوب زهره یه عودت
ایچون رخصت ویردی واندن صکره مکالمه ایچون
سعد بن ابی وقاصدن بر سفیرک ارسالنی طلب ایلکله
سفارته بر قاج کشی انتخاب خصوصنده رؤسای اسلام
ایلله عتمد مشورت ایلدی ربیع بن عامر یالکز بر آدمک
ارسالند، تأثیر زیاده اولور دیوب ربیع بی سفارته تعیین
ایلدی ربیع اسبنه سوار اولوب جسری هرور
ایتدکده توقیف اولنوب رستمه خبر ویرلدى سفیره
نمایش ایچون رستم بر مزین اوتاق قوروب التون ایلله
قابلمش بر سریره قعود ایلله ربیعنک جلبنه آدم
کوندردی ربیع مسلحا اسبنه رکوبه مبادرتده ایکن
سلاحک ترکی کندوسنه تکلیف اولندقدنه بن سزی
آرزو ایدوب کقدم سنر ایسته دکر دیدی رستمه خبر
ویرادکده مسلحا قبوله راضی اولدی ربیع چادرک
اوکنه دک سوار اوله رق کلوب آندن ایندی و اسبک
یولارینی چادرک ایپکلی طنابنه باغلا یوب قارغیسنه
طیانه رق تقدم ویر اوزرینه اوتوروب زینتلی قالچهلری
تحقیر ایلدی رستمک حضورنده اولانلر قالچه اوزرینه
اوتورمسنی تکلیف ایلدکلرنده اویله مزین و مز رکش
شیلر اوزرینه اوتورمق اسلامده جائز اولدیغنی بیان

ایله استنکاف ایلدی رستم حیره اهاالیسندن عبود
نامنده اولان ترجانه سفیره سؤال ایله نیچون بوراره
کلدیله ترجان بونی ربعی به سویلد کده عبادانلههی
مضایقه دن وسعتد وجور ادیان باطله دن عدل دین
اسلامه ادخال ایچون بزی الله کوندردی دینجه
رستم سوزیکزی ایشتدک بونک ایچون وکلای دولت
ایله مکاتبه مهل ویرمیسکر دیدی سنت رسول الله
اوچ کون مهل ویرمکدر بواوچ کونک اراسنده یادین
ویا خود جزیه ویا خود حرب قبولی بیننده مخیرسکر
دیدی رستم سن اسلامک رئیسین دیدی رئیس دکل
لکن اسلام یك وجوددر بریسنک قرار ویردیکی شیشه
جمله سی کفیلدر بزده کوچک بیوک یوقدر جمله من
قرنداشز دیدی بوندن صکره رستم اوراده بولسان
امرای فرسی جمع ایدوب ربعی نک شروطنی بیان
ایلدی او یله برحقیر آدمک دیننه فصل اتباع ارلنور
البسه و قیافتنی کورمدکزی دیدیله رستم بونلرک
ساده لکنه نظر ایقیز عرب زینت و حشمته اعتبار ایلز
سوزینک قیمته وثبات و حرکتنه باقکر دیدی ربعینک
سفارتی برشیئی مفید اولمجه عودت ایلدی ایرتسی
کونی رستم ربعی نک اعادسنی سعددن استدی حذیفه بی
کوندردی بودخی ربعینک زی و قیافتنده کلوب انجق

رستم چادری قپوسند، آت اوزرنده طوردی رستم
نیچون ربعی کلدی دیدی امیر مز شدت ورخاده بیمنزده
عدالت ایدر بوکون نوبت بئدر دیدی رستم مهلک
تمدیدنی استیوب دوندن بدأ ایله اوچکوندردی
اندن صکره رستم امرایه خطاب ایدوب دوت کلان
سفیرک سوزینی ایشتدکز و معامله سنی کوردکز ایشه
بودخی عینی اوتته کی کپی سویلیور و کندی مملکت مزده
بزی تحقیر ایده یور حتی اسبندن ایتکه بیله تنزل ایتدی
دیوب حذیفه بی اعاه ایلدی ویردیگرینی ایستدی
سعد بن ابی وقاص مغیره بی کوندردی رستم اولکیدن
زیاده اظهار حشمت وزینت ایلوب امرای عسکرک
جمله سی آخر صرمه لی البسه ایله کینوب نمایش ایلدیله
مغیره کلوب رستمک اوتوردیغی سریر اوزرینه یاننده
اوتور مق استدی معیت مأمور زری منع ایدوب برکوستردیلر
مغیره نک جائی صیقلوب بز فارس کبارینک روئالرینی
ایشیدردک عرب قومی یکدیگرینه تعبد ایتدکلری
جهتله سزک بودر جهده سفیه اولدیغکر کیمسه سزک
خاطرینه کلورشی دکلدی سزی مغلوب و ذلیل ایدن
بواحوالکزدرد بویله کبر و غرور ایله هیچ برملکک
حالی استقامت بوله من دینجه اوتاغک اطرافنده بولنان
آحاد ناس بوسوزلردن ممنون اولدقلری یوزلرنده

کور نور و کبارك متاأذی اولدیغی اکلا شیلوردی
 مغیره نك شدید لساندن رستمك طورى تغیر ایدوب
 عربك حال سابقنى محقرانه یاد و کندو احسانلرینی
 امتنان و تقریر یولنده ایراد ایدرك یزدجردك سفر ایه
 قوللاندیغی غلیظ طورى کوستردی مغیره حق تعالی یه
 حمد و ثنادن صکره اسکیدن واقعاً سوء احوال ایله
 مبتلى ایدك انجق الله تعالی بزه مرحمت ایدوب احوالکزی
 اصلاح ایچون پیغمبرینی کوندردی و بزی طریق
 حقه ارشاد ایلدیلر احسن حاله نائل اولدق الله
 تعالی نك لطف و احسانه تشکرله کوندن کونه سعادت
 و عزتمز متراید اولدی سز خدا نك نعمته لایق اولان
 شکری ایفا ایتدیککزدن مستحق نعمت و نیکال الهی
 اولدیکز مألند، سوزلر سویلیوب دیگر سفیرلر کی
 دین و جزیه و یاخود حرب بینده تخیر ایلدی انجق
 مغیره شرعاً پیانده مکلف اولدیغی معانی بی مقامه
 مناسب مؤثر و زهرلی قوالب الفاظه در کدیکی جهته
 رستم زیاده غضبناک اولوب عربك فقر و احتیاجندن
 و فرسك سوابق نعمتندن و حالا فرسك قوت و عظمتندن
 بحث ایدرك البته سزی بوفاسد امنیه لره سوق ایدن
 ینه احتیاج در افراد کزه برر مقدار خرما و ارپه و ریسه کزه
 يك درهمله بررأس قاطر و البسه و یرهم محمل کزه

رجعت ایدکز دینجه مغیره الله تعالی و تبارك قوالرینك
 رازقیدر سز کفران نعمته حقیر و ضعیف اولدیکز
 حالکزی بیلیورسکز بززسی سزدن ابو ییلورز دیدی
 بوندن رستم اولکیدن زیاده متغیر و منفعل اوله رق
 وار محله عودت ایله جمله کزی قتل ایده حکم و امیر کزه
 بندن سویله اگر جسری کسر سه کوزینی باطلا دیرم
 مغیره اردویه رجعتله سعه صورت مکالمه بی ورستمك
 هزیانی تبلیغ ایتدکده بکا ظفر و موفقیتی تبشیر ایتدک
 غرور ایله نصرت اجتماع ایتز دیدی و جسری
 قلیجمرله ضبط ایتدک انلره اورادن یول و یرمه یردیوب
 صوک تکلیفی ایراد و جسر خصوصنی تبلیغ ایچون
 امرای اسلامدن سرقاچ کشی کوندردی بونلر رستمه
 ملاقات ایدوب عادت عدالت اسلام اوزره مکلف
 اولدقلری مسائل معلومه ثلاثه بی تکرار بتکرار بیان
 و وخامت عاقبتدن تحذیر ایلدیلر سده رستم بوش
 مفاخره ز و تأثیری چوقدنبرو زائل اولمش تهدیدلره
 سفرایی اعاده و کافه عربی قتل ایتدکجه قبول صلح
 ایتیه جکنی متهورانه بیان ایدرك عربك ضعفه مثال
 اولمق اوزره برتلیکی حکایه سی سویلیدی کویا تلیکینك
 بری باغ دیوارینك بردلیکندن کیروب باغچی کوردکده
 بوتلیکی ندر دیمش تلیکیده کیدرب دیگر تلیکیلره خبر

ویرمش تلکیلر طارلوب کثرت ارزره باغنه کیرمشلر
 باغچی دیوارک دلیکنی قیایوب تلکیلری جمله هلاک
 ایتمش سزک حالکز بوکا بکزر دیدکدن صکره ایش
 کوزه لکه دونوب بوکا شبیه فاره و سمنک مثلری
 سو یلدی سفرای بویله هذیان قولا قی آصمیوب
 تکرار بتکرار دین و جزیه دن برینی قبول بیننده
 تخیر و حربک نتایج مضره سنی و صلحک فوائدینی بیان
 ایله مملکتلرینک خرابی و دوکیله جک قانک مسئولیتی
 منحصر اکنندولرینه عائد اوله جغنی ایراد ایلدیلر رستم
 اذکیادن برآدم اولمغله سوء نتیجه بی تفرس ایلر ایدی
 انجق مست غفلت اولان فرس امراسنه حق اکلتمق
 قابل اولمدیغنه اول بیان ایتدیکی محذورله قولا قی
 آصمقلری جهته متیقن اولوب خواه و ناخواه سفرای
 اعاده ایلدی زیرا رستم برقاچ دفعه ده کلان سفرایه
 شدتلی لسان قوللانمیده ده دائما امرای فرسه حقیقت
 حالی بیاندن کیر و طور مزیدی .

سفرای اسلام اردویه رجعت ایدوب حرب وقوعی
 تحقق ایلد **کده** سعد بن ابی وقاص امرای عسکر
 اسلامی جمع ایدوب هر کس یرلو یرنده تعبیه سی ارزرنده
 بولمسنی امر ایلدی ایران عسکری کیجه عتیق اوزرینه
 جسر قورمقله مشغول اولوب ایرتسی کونی وقت

ظهرده جسرک عملیه سی تمام اولمغله طاق طاق مرور
 ایلدیلر بونلر پکرکن عسکر اسلام مروره حائل
 اولمیلر عسکر فرس تمامیه کچوب اردولرینی تعبیه
 وفیلارینی مقدم ترتیب ایتدکلری وجهله فرقه لره
 تقسیم ایلایوب طور دیلر .

ایکی اردو موقعلرنده قرار ایتدکدن صکره سعد بن ابی
 وقاص رضی الله تعالی عنه اصحاب رأی و شجاعتدن
 مغیره و عاصم و طلحه و حذیفه و قیس و غالب و عمرو
 کبی کباری و شعرای بنامدن شماخ و الحطیئة و العبدی
 و غیرلرینی عسکر اسلامی حربه تشویق و تہجج ایتک
 ایچون فرقه نره تعیین ایلدی و کندوسی وجودنه
 عارض اولان چبانلردن رکوب و نزوله مقتدر
 اولمدیغندن ارتقاعی جهته ایکی طرفک اردولرینی
 کشف ایچون بنا ایتدیکی قصرک طامنه چیقوب خالد
 ابن عرفطه بی خلافت امارته تعیین ایلدی و اردو ایچنده
 ظهور ایدن بعض اهل نفاق حبس ایدوب سورہ
 انفاک صوت بلند ایله قرائت اولمسنی امر ایلدی
 (سورہ انفال سورہ جهاد دخی تسمیه اوانور)
 قراء سورہ شریفی اتمام ایدنجه هر کسک قلبنده
 ثبات و سکینه و جهاده شوق جدید حاصل اولوب
 فوز و نصرتله مبشر اولدیلر بعده سعد قصر طامنندن

عسکر اسلامه خطاب ایدوب صلات ظهر دن صکره
هر کس یرلو یرنده طورسون بن درت کره تکبیر
ایده جکم اولکی تکبیرله جمله کن تکبیر ایدوب حاضر
طور کن ایکنجی تکبیرده سلاح کزی طاقنکر اوچنجی
تکبیرده میدانه آت سوروب نشاط و شجاعت و یریحی
اشعار او قویکن دردنجیسنده سزدخی تکبیر ایدکن
ولاحول ولا قوه الا بالله دهرک همان دشمن اوزرینه
هجوم ایدکن دیو امر ایتدیله اوکله نوازندن صکره
اوچنجی تکبیرده فرسان اسلام میدانه آت سوروب
دشمنله مبارزه اولدی ایران خانلرندن فیروز میدان
اقترانده غالب بن عبداللهک الینه اسیر دوشمنکله سعد
کو توروب تسلیم ایلدی اندن صکره اعظم فرسدن
برسی آت سوروب مبارزه ایستدی قبائلنه عمرو بن
معدی کرب چیقدی وایاغی الله آلوب قتل ایلدی
همان دشمن جانبدن فیل سواریلری فیلاری سوروب
اسلامک میمنه و میسرهنه هجوم ایلدیله عربستانده
نامالوف اولان شکلرندن سواریلرک آتلی اورکوب
تعبییه خلل کله جکنی سعد رضی الله تعالی عنه کوروب
فیللرک بر چاره سنه باقلمسنی یادرلرینک برینی کوندروب
بنی اسده امر ایلدی بی اسد فیللره هجوم و بعضیلرینی
او قتلره اوروب مجروح و مقتول ایلدکلرندن فیللره

برابر هجوم ایدن فرس عسکرینی محللرندن اوینادوب
موقعلرینه دک سوردیله بناء علیه فرس عسکری بنی سعد
اوزرینه کلیمله هجوم ایدرک بنی سعد جوع فرس ایلله
او غراشمتده اولسون سعد دردنجی تکبیری چکوب
عسکر اسلام جمله شدیدله ایلله فرس اوزرینه دوشوب
طرفیندن نأره حرب و قتال مشته اوله رق فیللر اسلام
صفلرینی بوزهرق تعبیه خلل ویرمکده اولدیغنی
ینه کوردکده امرای عسکر اسلامدن عاصم بن عمره
بریاور کوندروب فیللرک چاره سنه باقلمسنی امر ایلدکده
عاصم مهره تیراندازاندن برکروه آیروب فیللره تسلیم
ایلدی آتقلری او قتلرک اکثریسی اصابت ایتمکله تیغ
زنلر دخی بر طرفدن هجوم ایدرک فیللرک زرهلرینی
وبعضا سکر و خرطوملرینی کسه رک فیللردن سوارینک
میدانی تیرلیوب وقت عشایه دک محاربه ممتد اولوب
حیلولت ظلمت ایلله ایکی عسکر یرلرینه رجعت ایلدیله
و بو کونک محاربه سنه یوم الرماه یعنی تیراندازلر کونی
تسمیه ایلدیله ایرتسی کونی علی الصباح سعدک امریله
شهدا دفن اولنوب یاره لور مداوات ایچون اردوده
بولنان طائفه نسایه تسلیم اولندیله بنی سعد قبیله سندن
بشیوز کشی قدر میدان حربده مقتول قالمشیدی
ایکنجی کون قهرمان آتشین مزاج خورشید کین

خوردن یوز کوستوب و لشکر بیشمار اخترانه نیره
 اشعه ظلام سوز ايله هجوم ايدوب میدان دارو کیری
 مستغرق انوار ایلدکده ایکی طرف عسکری صحرای
 حربه چیتوب اشعال نأرة جنک و بهادران بازار
 کیرودار متاع کرانقدر اعماری صائمق ایچون بی قرار
 و بی درنک ایکن بر شامده روملرله جهاد ایلدکده اولوب
 خلیفه رسول الله عمرک امریله عراقه عودته مأمور
 اولدقلری سطور سالفده بیان اولنان عسکر اسلامک
 امیری هاشم بن عتبه قعقاع نام بهادری مقدمه الجیش
 ايله کوندروب کندوسی بر فرسخ مسافه کیرودن کلور
 ایدی قعقاع معیتی عسکری یکدیگرینی ولی ایدرک
 طاقم طاقم کلوب میدان حربه کیردکجه اسلامه
 قوة الظهر و دشمنه باعث ضعف و فتور اولمقده اولوب
 قهرمان قعقاع میدان مبارزه ده کبار امرای فرسندن
 فیروزانی و متعاقبا حادویه ذوالخاجی قتل ایلوب
 فیلارک بر طاقی دخی مجروح و بیحال اولدیغندن
 و دیگر فیلارک اوز لرلنده کی صندوقلر قردیغندن میدان
 حربدن توقیف اولندیغی جهنله عرب فارسلی
 فرس طوائفی هر طرفده قتل و استیصال ایلیدرک
 کجه نك نصفه دك حرب دوام ایلدی و کبرای فرسندن
 سجستان حاکمی شهر باد دخی قتل اولندی و بو کونک

جنکنه عرب یوم الاغوات تسیمیه ایتدیلر که امداد لر
 کونی دیمکدر .
 او چنجی کونی علی الصباح شهدا دفن اولنوب جرحا
 مداوات ایچون قادینلره تسلیم اولندی بو محاربه ده
 اسلامدن ایکی بیک شهید و مجروح و فرسندن اون بیک
 کشتی میدان محاربه ده قتل اولوب اسلام شهداسی
 دفن اولندی و فارس عسکری مقتوللری میدان حربده
 خالدی بهادر قعقاع کیروده قلان عسکرینه کجه
 یتشوب انلری دخی طاقم طاقم ترتیب و طرفین جنکه
 باشلا دقده یکدیگرینی متعاقبا امداده کلرینی امر ایدوب
 امیر الجیش هاشم دخی میدان حربه تقرب ایتدکده اول
 دخی بو اصولده حرکت ایلسنی خبر ویرمت ایچون
 بر مأمور براقوب اردویه عودت ایلدی .
 او چنجی کون محاربه سی قوشلق زماننده باشلا یوب
 بو **ک**ونده فرس اردوسنده بقیه قلان فیلار
 تجهیز اولنوب محافظه سنه پیاده و پیاده بی صیانت
 ایچون سواری عسکر ترتیب اولنهرق طرفین شدید
 محاربه یه دوام ایتدکده ایکن قعقاعک کیروده قالش
 اولان سواریسی طاقم طاقم امداده یتشمکده و اسلام
 عسکرینه شوق جدید ویرمکده اولوب بونلرک ارقه سی
 النجه هاشمک سواریلری عقیننده یتشوب انلر دخی

فرقه فرقه اسلام اردوسنه التحاق وقهرمان هاشم
همان فرس عسکرینک قلبنه هجوم وصفلری بر برینه
قاتوب شیر زیان و پیل دمان کی صالدر مقده ایدی
اوبر طرفدن فیللر اسکیزی کی اسلام صفلرینه
قویلوب زیان و یرمکده اولدیغنی سردار اسلام سعد
ابن ابی وقاصک منظوری اولدقد، اک زیاده خسارت
و یرن بیاض و بوز فیللک چاره سنه باقمسنی قعقاع
و برادری عاصمه و محمل ایله ذمیل نام رئیس لره امر
ایلدکده قعقاع ایله عاصم برفرقه عسکرله حذارنده
اولان فیل سفید فرقه سنه صالوب پریشان ایلدی وفیلی
قتل ایلدیلر محمل و ذمیل دخی بوز فیللک فرقه سنه هجوم
ایلیوب بوزدی و بوز فیللک ارقله کوزینی سوزدروب
برقاچ یرندن مجروح ایلدیلر فیل یاره لک آجیسنندن
شاشیروب اشاغی یوقاری قوشمقده ایدی قهرمان
قعقاع بوخلالده کندوسنه او یغون اوتوز نفر سواری
آیروب ایران اردوسی رؤسائنک قصدینه اوتوز کره
هجوم ایلدی و اکثر رؤسای استیصال ایلدیکندن
و بوز فیل اضطرابندن عتیقی آشوب سائر فیللرک
پیشواسی اولغله دیگرلری دخی تعقیب ایدوب ایران
اردوسی صفلرینی چکنیه رک مداین جانبنه رجعت
ایلدیلر بو محاربه ده مشاهیر اسلامدن قیس بن المکشوح

وعمر و بن معدی کرب شهید اولدیلر و بو محاربه یه
یوم العم اس تسمیه اولندی قوی و شدید آدملرک
کونی یعنی قهرمانلرک کونی دیمکدر محاربه اخشامه دک
ممتد اولوب آیرلدیلر براز صکره فرس و عرب یکدیگرینه
شدیدا هجوملر ایلوب کیجه دخی محاربه ایلدیلر
و بو کیجه نک جنکنه عرب وقعه لیلله اله ریر تسمیه
ایلدیلر زیرا صویک چیغلدیسی کی سنسلزلردی
باغر مزلردی .

بوخلالده سکر نام موقعک اشاغیسننده صویک کچید
و یردیکی موقعی طوتمق ایچون سعد بن ابی وقاص
طلیحه ایله عمروی کوندردی زیرا ایران عسکری
اسلام اردوسنک ارقه سنی المق ایچون مذکور کچیدن
کچرلر قورقوسی و ارایدی طلیحه ایله عمرو وافی عسکر
ایله موقع مذکوری طوتمقدن صکره ینلرنده مشورت
ایدوب قارشویه کچهرک ایران اردوسنک ارقه سنی المغه
قرار و یرملریله طلیحه قارشویه کچیدی و ایران
عسکرینک ارقه سنی الوب جمله سی بردن تکبیر ایدنجه
ایرانلر نه اوغرادقلرینی بلیوب شاشردیلر تکبیری
ایشدنجه کچید موقعنده بولنان عمرو کچیدک اشاغیسننده
اولان ایران فرقه سنه هجوم ایلدی بو نک اوزرینه
سعددن مأذونیده وقت قالدوب بغته عسکر اسلام

ایرانیه لره طرف طرف صالیدیلر بهادر قعقاع
سواریلرله صالوب عقینده بنو اسد و صکره بجیله
وبعده کند، قبیله لری هجوم ایدوب سعد بن ابی وقاص
بونلری قصرک طامندن کوروب هربری آبرو ابرو
هجوم ایتد کجه اللهم اغفر لهم وانصرهم دیر ایدی
بو حال یاتسو نمازینه دک دوام ایلد کدن صکره ایکی
اردو بربرینه کچوب قلیح ونیره لرک چقلدیسی صباحه دک
ممتد ونائرة حرب و قتال کتد کجه مشد اولوب قعقاع
وسائر رؤسای عرب بردن قلبه هجوم ایلوب سسلری
سعد بن ابی وقاص رضی الله تعالی عنهم سمعنه و اصل
اولد قجه الله تعالی به مناجاب ایله طلب نصرت ایلردی
بو حال دهشتمال ناقوشلق زمانه دک اوزاری و بر قاصرغه
اسوب رستمک چادرینی باشنه کیدرجه چادر دن
جیقوب یوک قاطرلرینک اراسنه کیردی و قعقاع
رستمک سریرینه دک کیدوب رستمی بوله مامش ایهده
هلال بن علقمه رستمی بولوب قتل ایلد کدن صکره
رستمک سریرینه جیقوب « قتلست رستم ورب الکعبة
الی الی » معناسی کعبه صاحبی نامنه یمین ایدرم رستمی
قتل ایلدم یانمه کلکز کلکز دیدی عسکر اسلام هلاک
اطرافنی صاروب تکیر ایلدیلر .
رستمک قتلیله ایران اردوسی کلیاً پریشان اولوب ایران

اردوسنک زنجیری عسکرینی جالنوس استصحاب
ایدرك عتیقك اوته یقه سنه کچمکده ایکن عسکر اسلام
اوزلرینه هجوم ایدوب جله سنی قتل ایلدیلر
بونلرک عددی اوتوز بیک کشی به بالغ اولدینی روایت
اولمشدر بونلرک اضحلالیله ایران اردوسنک حالی
تپاه اولوب درفش کاویان دیملکه شهیر اولان دزی
بایراغی ضرار بن الخطاب اله کچروب بعض ترصیعات
ایله مزین اولدیغدن خس غنائمه قاتلوب مقر خلافته
کوندردی و بر روایتده ایکی ملیون درهم قیمتی وار
ایکن بدانه اوتوز بیک درهم النهرق ثمنی مال غنائمه
قالدی .

بو هزیمتک اوزرینه سعد بن ابی وقاص قعقاع
و شرحبیلی فراریلرک تعقیبنه کوندروب و بعض رؤسا
دخی کندولکندن کتشدی زهره بن خیره اوچیوز
آتلو ایلله ایلغار ایدوب ایران فراریلرینی جمع ایدرکن
امرادن سالف الذکر جالنوسه چاتوب قتل ایلدی
و عتیکیرلر خارره ایلله سلیمین و نجف اراسنده
فراریلری تعقیب و تسلیم اولنلری اسیر ایدوب عودت
ایلد کلرنده ایران امراسندن بعضیلری عار فراری
ارتکابدن استکبار ایدوب تألیف ایتد کلری فرقه لره
محرار به ده ثبات ایلدیلر اسلام رؤسای دخی هر فرقه به

آیرو آیرو هجوملر ایدوب اکثر یسی قتل ایلدیلر بو
فرقه لردن مؤخر افرار ایدنلر معدود اشخاص ایدی
حاصلی بو محاربه ده یوزیکرمی بیک کشیدن عبارت
اولان ایران اردوسنک اکثر یسی تلف اولوب عددی
اوتوز درت بیک نفره انجق باغ اولان اسلام عسکرندن
اون بیک کشی و ذکری سبقت ایلان رؤسا شهید
اولدیلر بو محاربه نك تاریخ وقوعه عئده اختلاف
وارایسه ده اشهر اقوالده هجرت سنیه نك اون دردیجی
سنه سنده در .

استطرا و

اوائل عهد هجرتده بیان اولنان غزوه ابواء ايله بو
محاربه نك بیننده یالکز اون درت ییل زمان کچوب
آنفاً تفصیل اولنان قادیسیه جیشنک تعبیه و ترتیبه
نظر امعان ايله باقلورسه تقدم زمان ايله فنونک ترقی
ایلدیکی زمانده یعنی بولندیغمر قرنده تعبیه اولنان
اردوزدن انجق تغیر ایدن اسلحه نك حاله کوره
استحکاملرک وضعندن و اکا کوره بعض حرکاتک
تناسبندن بشقه برفرق کورلر ایشته رسول الله محمد
علیه السلامک حجاز خرابه مند و وحشتزار اولان
دیاردن بواز زمان ایچنده چیقاروب جهانیانه موجب

عبرت و باعث انتباه و بصیرت اولان مدنیت فاضله آثاری
اصحاب وقومنک افعال و حرکاتنده کون کی ظاهر
اولوردی بو فیض و سعادت کتاب الله و سنت
رسول الله اتباعدن حاصل اولدیغنه بر کیمسه اعتراض
ایلمسه صحیحاً کونشک نورینی یارصه نك بر قنادیله
ستر ایتک قبیلندندر . اندن اول کچمش اولان ملوک
عظام و وقتا بوقت تاج و هاج نبوتله سرافراز اولان
ذوات فخرسامک آثاری کتب تاریخ و صحف مقدسده
مذکر درر بوکا شبیه طرز بر اداره و حریت کامله
کورلمشیدر اهل عالمدن انصاف ایسترم .

برصده رجعت ایدلم قادیسیه محاربه سنده رونما اولان
فوز و نصرتک خبرینی سعد بن ابی وقاص رضی الله
تعالی عنه امیر المؤمنین عمر رضی الله تعالی عنه یازوب
جواب کانجیه دک قادیسیه ده جیش اسلام ايله شرف
افزای موقع استراحت اولدیلر .

عمر رضی الله تعالی عنه نك حسن اخلاقنه شهادت ایدن
ماده لرک بری مقامه مناسب اولمغله اهمالنی جائز کورمدم
شویله که قادیسیه دن کله جک خبره اولتدر انتظارده
ایدیلر که همان هر کون خارج مدینه یه چیقوب بریده
منتظر اولورلردی عاقبه الامر ده مرده جی سعدک
محرراتیله کلوب یولده قارشیدیلر قادیسیه دن خبر

سؤال ایلدکلرنده اسلام مظفر و مشرکلر مدمر
اولدی دیرک سرعتله مدینه، یه طوغری کیدر
و خلیفه رسول الله بشیرک بینکنک حرکته اویهرق
برابر قوشوب بعض تفصیلات طلب ایدرلردی
مدینه قیوسندن برابر کیردکلرنده اهالینک جله سی
قیام ایله سلامه منتظر اولدقلرینی کوردکده، عمر
سکا فدا اراسون نیچون کندیک ییلدرمدک دیوب
راجله سندن ایندی خلیفه رسول الله « لا بأس علیک
المؤمنون اخوة » یعنی سکا بونده بأس یوقدر مؤمنلر
قرنداشدر دیدیلر بعده محرراتی عمر رضی الله تعالی
عنه و یروب نامه فتح مبین مجامع ناسده چهارا
قرائت اولندی .

اوراق سالفده بیان ایتدیکم وجهله بو تاریخ
تألیفندن مقصد عاجزانهم استیعاب اخبار اولیوب
اسلامک استفحال و انحطاطنه باعث اولان احوالی
و شمدی یه دك حکومت ایدن دول عظیمه اسلامیه نك
نصورتله کسب اقتدار ایدوب نه اسباب ایله منقرض
اولدیغنی حاصلی دول عظیمه اسلامیه نك تعالی و تدلیسنه
تأثیری اولان احوالک بیانی اولوب بونکله برابر
وقتاً بوقت ظهور ایدن نوادر حوادث دخی ترك
اولمیه جقدر تفصیل وقوعات ماضیه یه کسب اطلاع

مراد ایلینلره قناعت و یره جک تواریح عمومیه
و خصوصیه بک چوقدر هر کس حال و شاننه کوره
سیراب معلومات اوله جق قدر ینابیع غزیره موجوددر
خذ ما صفا دع ما کدر .

﴿ مدائن و جوار لاک فقی ﴾

« مدائن بغداد جوارنده یدی شهرک مجتمعا اسمی ایدی
بر یسی اردشیردر تعریب اولنوب بهر سیر دیتشدر
بو کون ایواندن غیری برشی کورلمز »

ایران اردوسی قادیسیده بوزلدقدن صکره فرار ایدنلر
بابله یتشوب محصن ایلدیلر سعد بن ابی وقاص رضی الله
تعالی عنه قادیسیده ایکی آی مقداری اقامتله نقصانی
اکمال و حرب تجاوزی یه مقتضی اولان اسباب و مهمات
و عساکر کافیه استحصال ایدکده امر امیر المؤمنین
ایله مدائن فتحنه عزیمت و حرکت ایلدی بایلمده بقایای
رؤسای فرسدن نخر جان واهوازلی مهران وهرمز ان
وسار بعض امر امدافعه ایچون ترتیب لوازم ایلدکده،
ایکن امرای اسلامدن زهره بن الحویه و شرحبیل بن
السمط و عبدالله بن المعتمر مقدمده یوله چیقوب سعد بن
ابی وقاص دخی آغرلغی عتیقه ترک ایلوب محافظه سنه
وافی عسکر تعیین ایدرک اسلام اردوسیله حرکت

ایلدی جیش اسلام مقدمه سی اثنای راهده رست
 نام محله ایران عسکرندن برفرقه یه تصادف ایتدیلر
 دشمن بر مقدار مقاومتدن صکره منهزما بابل فرار ایلدیلر
 عسکر اسلام ارقه لرندن شتاب ایدوب بابل و وصولرنده
 سعد دخی اردو ایله یتشدی ایران عسکری حصاردن
 چیتوب جنکه طوتشدیلر وعاقبت پریشان اولوب
 برفرقه سی هرمران ایله اهواز و دیگر فرقه سی
 فیروزان ایله نهانده صاوشدیلر بابل شهری منعه دن
 خالی قالمغه عسکر اسلام شهره کیروب ضبط ایلدیلر .
 کتب تاریخده امرای فرس اسماسنده التباس واختلاف
 پک چوق اولوب تصحیحنه هر نقدر سعی ایتدمسده
 اطمینان ویره جک درجه یه دک کتیره مدم مهران ایله
 فیروزان قادیسیه محاربه سنده قعقاع ایله مبارزه ایدرکن
 مقتول اولدقلری امهات کتب تاریخک همان جله سنده
 مذکور ایکن بابل محاربه سنده بواسمه ایکی کشی دخی
 تاریخلرده ذکر اولمش وقادیسیه محاربه سی بقایاسندن
 اولدقلری تصریح قلمشدر بو غلطی تصحیح قابل
 اولدی . صده کلام بونلر آنفاً بیان اولد یغنی اوزره
 اهواز ونهانده کیدوب ونخیرجان ومهران مداینه
 طوغری توجه ایلوب جسری قردیلر ومداینه وصول
 ایله اردشیرده محصن ایلدیلر .

سعد بن ابی وقاص رضی الله عنه زهره بی مقدمه الجیش
 ایله کوندروب کندوسی امرادن بکیر بن عبدالله و کثیر
 ابن شهاب ایله برابر اردو ایله حرکت ایلوب دجله
 نهرینی عبور ایلدی اثنای راهده تصادف ایلدکلری
 ایران منعه سی استیصال ایدرک کوئی یه وصول بولدیلر
 کوئی محافظی اولان شهریار مدافعه یه قیام ایلدیسده
 عسکری منهزم و کندوسی مقتول اولوب متشت
 اولدیلر .

بو حربدن صکره زهره ساباط اوزرینه یوریوب
 اوراده بولنان برفرقه ایران عسکرینی استیصال ایلد کده
 ساباط اهالیسی جزیه بی قبول ایله مصالحه ایتدیلر
 بووقعه عقینده عسکر اسلام فرقه لری اجتماع ایلوب
 جله سی برابر اردشیر اوزرینه توجه ایلدیلر شهره
 تقرب ایلدکلرنده کسراک ایوانی کوروب لسان
 رسول الله ایله قحی موعود اولدیغنی یاد وجهه عسکر
 تکبیر ایدوب قح مبینه اجتهاد ایلدیلر هجرت سنیه نک
 اون بشجی سنه سی ذی الحجه سنده قلعه بی صاروب
 منجیق و دیابله تضييق و اوج آی محاصره ایدرک
 عنوة قح ایتدیلر .

عسکر اسلامک قسم اعظمی قلعه نک قحیه مشغول
 ایکن بر قاق طاق سواری فرقه لری داخل ممالک

ایرانده جولان ایلوب خلیفه رسول الله امری
اوزره استیمان ایدن اهل قرایه تأمینات کافیه و یروب
هرکس فلاح و صنعتیه مشغول ارله رق مظهر
عدالت اسلامیه اولور زردی و مخالفت ایدنلر استیصال
اولور دی .

اردشیر قلعه سی عنوة فتح اولندقدن سعد بن ابی
وقاص رضی الله تعالی عنه شهره کیردی اکثر ناس
سرایی شاهلی قلعه سنده تحصن ایلوب اوچ کون
قدر اردشیرده اقامتدن صکره سرای قلعه سنی محاصره
ایلدکارنده اهالی جزیه اعطاسی شرطیه صلح ایلوب
عسکر اسلام حصاری ضبط ایلدیلر سعد همان سرای
شاهی یه کیروب حکومت متعلق اولان اتمعه و اشیای ضبط
دفتر ایدرک فراریلرک تعیینه سواریلر تعیین اولنوب
شاهه متعلق بعض مرصعات و اسلحه کرازهها
قاچرلورکن طر تلدی بونلرک ایچنده ایران و روم و یمن
ملکرینه نسبت اولمش قدیم قلیچلر بولندیغی روایت
اولنور خزان حکومتده اوچ بیک قنطار التون قیمتده
نقود بولنوب خمس سائر غنائمک خسیله برابر مدینه یه
کوندریلوب قلیچلرک بریسی قهرمان ققعاغه هدیه
اولندی و نقودک دت خمس علی ما فرض عسکر
اسلامه تقسیم اولنوب سواری یه اون ایکیک درهم

اصابت ایلدی و عسکر اسلامک جمله سی سواری
اولوب عدلری التمش بیکه بالغ ایدی .
سعد بن ابی وقاص ایچ قلعه بی فتح ایله سرای شاهلی یه
کیردکده * کم ترکوا من جنات و عیون و کنوز و مقام
کریم و نعمة کانوا فیها فاکهین * آیت کریمه سنی
قرائت و بعده ایوان کسری یه کیروب فاصله سز
سکز رکعت نماز قحی ادادن صکره ایوانی نماز گاه
اتخاذ ایلدی و ایچنده بولغان تماشلی حالیه براقوب
وضع قدیمه طوقندی .

ایران شاهلی یزدجرد مدایندن فرار ایلدکده حلوانه
گمشیدی و حلوان قلعه سی مستحکم اولدیغندن بعض
نفایس و نوادر اشیا و شاهک متعلقاتی اورایه نقل
اولمشیدی مداین قیچندن صکره جلولا اوزرینه
یوریوب حلوانک قحی رؤسای اسلام مناسب کوره رک
سعد خلیفه دن استیذان ایلدی مدایندن فرار ایدن
ایران عسکری دخی اوراده اجتماع ایلشردی زیرا جلولا
موقعی ایران ممالکنک یولارینک باشی اولوب اورادن
فارس و آذربایجان و شروانک ممری اولوب باب تسمیه
اولنسان دربند و طاغستان طرفلرینه یورمک اسلام
ایچون سهولتلی ایدی عمر رضى الله تعالی عنه سعد
ابن ابی وقاصک مکتوبنی الدقده یالکز اون ایکیک

سواری ایله هاشمی حلوانك استیلاسنه کوندروب
 قعقاعی مقدمه الجیشه امیر ایلسنی و حلوانك قتلندن
 صکره قعقاعی سواد عراق ایله طاعستان اراسنده
 برفرقه عسکرله ابقا ایلسنی یازد قلمری جوابده امر
 و توصیه ایلدیلر عسکر مداینندن حرکت ایلیوب
 جلولا بوینده حلوان اوزرینه کتد کلرنده مهران رازی
 ایران اردوسیه عسکر اسلامه تعرض ایلد کده اسلام
 غلبه ایلیوب ایران عسکری حلوان قلعه سنه النجا
 ایلدیلر ایشك نتیجه سی یمان اوله جغنی ایران شاهی
 یزدجرد تفرس ایدوب ری جانبده صاوشدی عسکر
 اسلام حلوانی احاطه ایلیوب سکسان کون قدر تضییق
 ایلدیلر بوخلالده ایران عسکری نیچه کره حصاردن
 چیقوب محارب به ایلدیلر سده به جهله سنده مغلوب
 اولمشلردی قهرمان قعقاع قلعه نك قیوسی حذاسنده
 اولان خندق طولدروب مرور ایلد کده عسکره هجوم
 امرینی و یروب قسم اعظمی بردن قیویه هجوم
 ایلدیلر عسکرک بر قسمی دخی یوللری وجسرلری
 ضبط ایلیوب بری طرفندن قلعه جبرا وقهرا ضبط
 اولندقدن ایرانلر فراره شتاب ایلدیلر سده یوللر
 طوتلش اولدیغندن برمقداری قورتلوب دیگرلری
 تمامیه اتلاف اولندی روایت اولندیغنه نظرا

بو محاربده ایرانلودن قتل اولانلرک عددی یوزیکه
 بالغ اولمشیدی .
 حلوانده حکومت اموالی اغتنام اولنوب برخسی عادت
 اوزره زیاد بن ابی سفیان ایله بیت المساله مدینه به
 کوندریلوب درت قسمی عسکره تقسیم اولندقدن
 هر سواری به طقوز بیک درهم اصابت ایلدی هاشم
 جلولا دن مدینه عودت ایلد کده ادین نام امیر ایرانلودن
 برخیلی عسکر ایله ماهبسان طرفنده اووهده اسلامه
 تعرض صدندده اولدیغی هاشمه اخبار اولمغله ضرار بن
 الخطابی برفرقه عسکرله ادین اوزرینه تعیین ایدوب
 مقانله به طوتشدیلر عسکر اسلام عاتلری اوزره
 میدان محاربده ثبات ایتد کلرندن دشمن مقاومتدن
 عاجز قالوب فرار ایلملریله ضرار ماهبسانه دک تعقیب
 ایلیوب ادینی قتل و ماهبسانی تضییق و عنوة قح
 ایلدی .

✽ عتبة بن غزوانك بصره یه والی اولسی ✽

امیر المؤمنین عمر رضی الله تعالی عنه مشنی عراق
 اردوسنه امداد ایله اعاده ایتدیکنده قطبة بن قتاده بی
 بصره به بر مقدار عسکرله کوندرمشیدی و طلبنه مبنی
 شریح بن عامری دخی امدادینه ارسال ایتمشیدی قطبه

بصره دن ایران حکمنده اولان ممالکه اقبیله بایشلیوب
 اهواز اوزرینه کیدرکن ایرانک بر فرقه عسکرینه
 تصادف ایدوب محاربه به طو تشددده شهید اولغله
 عتبه بن غزوانی بصره به والی کوندردی و عرفجه بن
 هرشه بی امدادینه کوندروسی علاء بن الحضرمی به
 یازوب اسر ایلدی و ایران ایله عرب اراضیسی حد و دنده
 اقامت ایلدنی عتبه به اشعار ایتدی عتبه فراتک جسر
 باشنه کوچک اردوسنی تعبیه ایدوب اقامت ایلد یکنی
 ایران حکومتی طرفندن فرات بوی محافظه سنه مأمور
 اولان فرقه رئیس استخبار ایلد کده درت بیسک
 عسکرله عتبه به تعرض ایلدی عتبه به براز کیرویه
 چکلوب ایران عسکرینی اوزرینه چکدی و معیتنده
 اولان بشیوز قدر محاربه مقابله ایدوب و ممری
 طوتوب جمله سنی قتل و امیرلرینی اسیر ایلدی سنه
 هجریه نك اون بشنده بصره بی تخطیط و مسجدی بنا
 ایلدیلر انجق اولری قامشدن یابدقاری سببیه محترق
 اولوب کر پیچدن بناسنی خلیفه دن استیذان ایلد کلرنده
 ترف و اسرافدن نحاشی ایدرک او یاملرینه رخصت
 و یردی او خلالد، ابله شهرینی فتح و اغتنام و الب
 پیکان نام امیرله اوزرلرینه کلان عسکره دخی غلبه
 و الب پیکانی قتل ایلوب خلیفه به وقوعاتی عرض

ایلدیلر عتبه الی آق قدر بصره ولایتنده حکومت
 ایلوب اندن صکره مغیره بصره به والی کوندروسی
 ایسده افترایه اوغرا دیغندن عزل اولوب محاکمه
 شاهدلرک اختلافیه تبرئه ذمت ایلددر .

✽ مرج الروم و قعسی و سوریه شهرلرینک فتحی ✽

فحل نام موقعده روم عسکری منهزم اولدقدن صکره
 ابو عبیده و خالد حص اوزرینه کیدوب اثنای راهده
 ذی الکلاعه قارشوب جمله سی مرج الرومده اجتماع
 ایلدیلر روم امر اسندن ثوذور خالدک خدا سنده
 و یانس نام امیر ابو عبیده نك قارشوسنده کجه لیوب
 صباح اولجه ثوذور فرقه سیله برابر دمشق اوزرینه
 کتدیکی تحقق ایلکله خالد رضی الله تعالی عنه ارقه سندن
 یوریدی و دمشق محافظی یزید بن ابوسفیان دمشقدن
 چیقوب قارشولدی ثوذور ایکی فرقه عسکرک اراسنده
 قالمغله محاربه ده کلی تلفات ایله منهزم و پریشان اولوب
 فراره یول بولاندردن بشقه سی قورتلمدی و یانس
 ابو عبیده رضی الله تعالی عنه ایله جنکه مباردت ایلوب
 مغلوب و مقتول اولدی و خالد محاربه بی قزاندقدن
 صکره دونوب ابو عبیده به یتشدی و حص دیوارینه دک
 مرجه بوزیلان روم عسکرینی تعقیب و تلف ایلدیلر .

مرج از روم محاربه سنده اسلامك مظفر اولديغى خبرى
 روم شهنشاهی هرقلك مسوعى اولدقده حصص بطریقینه
 امداد ایدوب محاربهیه مأمور و کندوسی رها جانینه
 توجه ایلدی ابو عبیده حصص محاصره ایدوب تضییق
 ایتکده ایکن هرقل جزیره اهالیسندن ترتیب عسکر
 ایلوب حصص امدادینه تعیین ایلدیکی سعدین ابی
 وقاص رضی الله تعالی عنہک مسوعی اولدقده
 برفرقه عسکر آروب جزیره هیت وقار قیسیانك
 فتحنه کوندر مکه جزیره اهالیسی عودته مجبور و حصص
 سکنه سی امداددن مأیوس اولغله دمشق شام صلی
 شروطیله صلحه رغبت ایلوب ابو عبیده قبول
 و حصص محافظه سنده منع ترتیب ایلوب حایه توجه
 ایلدی انلر دخی عدالت اسلامیه به صغوب
 نفسلر یچون جزیره و اراضیلر یچون خراج و یرمک
 شرطیله مصالحه ایلایلر اندن صکره شیرز و معرة
 النعمانی کذاک صلح ایله الایلر بعده لادقیه پی و صکره
 سلمیه پی عنوة فتح ایلوب بوندن صکره ابو عبیده خالد
 این ولیدی قنسرین فتحنه کوندر و ب عظمتی رومدن
 میناس معیتنده بر عسکر کشیفه تصادف ایلوب
 مصادمه وقوعنده میناس مقتول و عسکر روم مغلوب
 او اوب پک چوغی قتل اولنه رق خالد قنسرینی محاصره

وعنوة فتح ایلوب تخریب ایلدی و اندن قلقوب
 هرقلك اوزرینه یوریدی و عیاض بن غنم دخی خالده
 امداده کلدی و روسای اسلام هر طرفدن روم اوزرینه
 طاقم طاقم یور یوب هرقل بر حال مخاطره ده قالدی
 و ارتق سوریه ده طور مق قابل اولدیغندن انتا کیددن
 رحلت و ساحل بحر سفیده واردقده ارقه سنده نظر
 ایدرک ای سوریه ارتق سکا و داع ایدرم دیوب کی به
 بیلدی و قسطنطنیه جانینه کتدی بو فتوحات عظیمه
 و خالد بن ولیدك محاربه لرده کفایتی خبری خلیفه
 رسول الله عمره و اصل اولدقده ابوبکر رضی الله تعالی
 عنہه الله رحمت ایلسون رجاك قدرینی بندن ابی
 یلوردی ایشته خالد کندو کندوسی تأمیر ایلدی
 دیوب خالدی عزل ایتدیکنه اظهار ندامتله امارت
 جیشه اعاده ایلدی « خالد بن ولیدك یمن مرتد لرینك
 اصلاحنده و متعاقبا عراق و بر شام محاربه لرنده
 کوستردیکی کفایتنه عموماً اهل اسلام و خصوصاً
 ایران و روم خلقی شاهد و معترف ایکن بعضاً خلیفه
 رسول الله عمر رضی الله تعالی عنہدن ستم کوردیکنه
 کیمسه معنی و یره مزدی بعضیسی جسارت ایدوب سؤال
 ایلد کلرنده خالدك کفایتنه اتحاد افکار بولمنسی شاید
 خالده سبب غرور اولورده اسلام اراستنده اختلاف

تحدث ايدر احتياطيله خالك نفسى قيردم ديديلر
 قنسرین فتحندن صکره ابو عبیده حلبه طوغری
 حرکت ایلدکده اثنای راهده نصارای عربدن بعض
 قبائل اسلام اردوسنه التحاق ايله مسلمان اولدیلر
 بوخلالده قنسرین اهالیسی نقض عهد ایلدیکی خبری
 کلکله سمط الکندی اداره سنده برفرقه عسکر
 کوندروب تکرار قنسرینی فتح وعصاتی تأدیپ
 ایلدی و حلب اوزرینه یوریوب عیاض بن غنم مقدمه
 الجیش ايله اول واردقده وحلی محاصره ایلدکده
 صلحه مجبور اولدقلرندن عیاض مصالحه بی عتد
 ایلوب ابو عبیده قبول وانجاز ایلدی حلبدن قالقوب
 انتاکیه اوزرینه گتدی اثنای راهده روم عسکری
 فرقه لری تعرضه جسارت ایلدکلرنده چله سنی پریشان
 ایدوب انتاکیه بی محاصره ایلدی قنسرین و سائر
 محارده بوزیلان روم عسکری فراریلرندن انتاکیه ده
 برخیلی محارب اجتماع ایتش ايسه ده قویون سوریمی
 کی بیجبال اولدقلرندن مدافعه دن اظهار عجزله
 متشبث دامان امان اولرله ابو عبیده رضی الله
 تعالی عنه التجارینی قبول و جزیه یه ربط ایدوب
 خبر قحی خلیفه رسول الله عرض ایلدی کلان جوابده
 موقعک مهم اولدیغی بیان اولنه رق محافظه سنده

مقدار کافی منعه تعیین و مرتباتک بلا انقطاع عسکره
 ایصالی توصیه اولندی بوندن صکره ابو عبیده انتاکیه
 نواحیسنه و عینتاب و مرعشه فرقه لر تعیین ایلوب
 تافراته دک حصون و نواحی بی صلحا و بعضا قهرا فتح
 ایلوب ایجانبه کوره هر طرفه اداره مأمورلری و محافظه
 ایچون موقعلرک حالنه کوره عسکر تعیین ایلوب
 میسرة بن مسروق العبسی نام امیری تفلس اوزرینه
 کوندردی و دربنده وارمدن بروم فرقه سنده تصادف
 ایلکله محاربه وقوع بولوب عسکر اسلام مظفر اولدی
 وروملر مغلوب و مقهور اوله رق خیلی عسکرلری
 تلف اولدی و ساحل بحر شامیده قیساریه نام موقع
 مهمک فتحنه برادر معاریه بی تعیین ایلسنی امیر المؤمنین
 عمر یزید بن ابی سفیان امر اباش وایروجه معاویه یه
 دخی یازمش اولدیغندن لزومی قدر عسکرله معاویه
 کیدوب تضییق ایلدی و قیساریه عسکر و اهالیسی
 مقاومت ثبات کوسه تردکلرندن دشمندن سکسان یک
 کشتی مقتول اوله رق فتح اولندی و روم عسکری امیری
 ارتبون قدسه فرار ایلدی مرج الروم محاربه سندن بدأ
 ايله فراته دک واقع اولان جنگلرده روم عسکرلرندن یک
 چوق کشتی تلف اولوب اسلامک ضایعاتی نسبتله یک
 آز اولدیغی روایت اولمشدر ابو عبیده بویله جه ایشنی

یولنه قویدقدن صکره ارض فلسطینه دوندی .

✽ اردن و بیت المقدسک فتحی ✽

ابوعبیده و خالد مرج الروم وقعه سندن صکره حص
اوزرینه کیتدکارنده عمرو بن العاص اردن اهالیسیله
صلح ایلدی اوراردن چکیلان روم عسکری غزه
وقدسه اجتماع ایلدکارندن عمرو اردنه ابو الاعور
السلی نام امیری براقوب غزیه کیتدی غزه بی و متعاقبا
سبسطیه و نابلسی فتح ایلوب جزیه به ربط ایلدی
لد و عمواس و بیت حیرین و یافا و سائر اردن قصبه
و شهرلرینی فتح ایتدکن صکره قدسه متحصن اولان
روم عسکری امیری ارتبونه خبر کوندروب صلحه
دعوت ایلدی قدس کبار اهالیسی خلیفه رسول الله
عمر بن الخطاب رضی الله تعالی عنہک بالنفس عقد
صلحه تشریفلرینی آرزو واستدعا ایلدکارندن کیفیت
ابوعبیده و عمرو طرفندن عرض اولمغله بیت مقدسه
حرمة مشاغل جسیمة خلافتی علی کرم الله وجهه به
ترك ایلوب مدینه دن حرکت ایلدی اعمال شامدن
جایه نام قصبه به کلدکده امرای اسلام استقبالنه
چیقديلر لباسلری زینتلی اولدیغنه جانی صقلدی ازدی
فتوح الشامه دیر که جایه به وصولنده آتندن اینوب

برده اوتورمش ایلدی امرأ مزین البسه و رختلرایله
تقرب ایلدکارنده یردن برقاج طاش آلوب انلره اتدی
و پولباس ندر دیو تو بیخ ایلدکده مدیتده بولندقلرینی
بیان ایله اعتذار ایلدیلر سکوت ایلدی بعده قالقوب
عقد صلح ایچون قدسه کیتک مراد ایلدکده برقات
لباس ایله بررأس اسب تقدیم ایلدیلر لباسی کیمکن
استنکاف ایلوب اسبه سوار اولدی انجق یرلی اویناق
برآت اولدیغندن خوشلمندی ایندی کندو اسبنه پینوب
قدسه وصولنده روم طرفندن قدسه عسکر امیری
اولان سالف النکر ارتبون صلحی قبول ایتمیانلره مصره
صاوشدیلر بعض روایت کوره مصر قمتندن ارتبون مقتول
اولدی و بعضلری مؤخر اسوریه ده وقوع بولان محاربه لرده
تلف اولدی دیدیلر قدس اهالیسی جزیه بی قبول ایله
مصاحبه ایلدیلر عقد اولنان صلحنامه جبل طورده اولان
مناسرده حالا محفوظ اولدیغی روایت اولنور رمله
اهالیسی دخی صلحه طالب اولمغله جزیه و یرمک
شرطیله صلح اولندی بوندن صکره خلیفه رسول الله
عمر رضی الله تعالی عنه صخرة الیهی سوپرندیدن
تطهیر و مسجدک بناسنی امر ایلدی و ارض فلسطینی
ایکی سنجاغه تقسیم ایلوب نصفی رمله به الحاق ایله
علی بن حکیم و نصف دیگرینی قدسه الحاق ایله

علقه بن مجرزه توجیه ایلدیکه هجرت سنیه نك اون
بشنجی سنه سی ایدی .

عمر رضی الله تعالی عنه ایلیا ورمه صلحی عقد و امرای
اسلامه تعلیمات شفاهیة اعطادن صکره مدینه منوره یه
عودت ایلیمم ممالک اسلامک توسعی یکیدن بر طاقم
نظام وقانون اتخاذه لزوم کوستردیکندن ترتیب
مراتب و تعیین وظائف خصوصنی اصحاب رسول الله
ایله استشاره ایلدی علی کرم الله وجهه ابتدا کندی
نفسکدن باشله دیدی ابتدا عم رسول الله عباسدن بدأ
ایدرک اهل قرابت و صحابت و اسلامده صاحب قدم
و قدم اولنله بولندقلری حیثیت و درجه یه کوره
بش درت اوچ ایکی بیک بشیوز ایکی بیک بشیوز
بیک یالکز بشیوز اوچیوز ایکیوز الی ایکیوز
درهم شهری وظیفه لر تخصیص ایلیمم زوجات
رسول الله اونریک درهم وعایشه یه اون ایکی بیک
درهم تعیین ایلدی و نسایه آروجه مراتب تخصیص
ایدوب اهل بدره درجه لرینه کوره آیده بشیوز درتیوز
اوچیوز ایکیوز و صبیانه یوزر درهم وظیفه ترتیب
ایلدی و محتاجین و فقرا یه شهری ایکی جریب تقریبا
ایکی بچق کیله بغدادی ترتیب ایلدیلر بعد بیت المال
مسلمیندن کندوسنه دخی نفقه تعیینی اصحابدن استدی

المغه اذن و یردیلر و کریمه سی حفصه زوج رسول الله
نزدینه کیدوب پدرک بیت المالدن یالکز قوت ضروری
درجه سنده شی الیور جمله بی بالغامابلغ ترفیه و اقدار
ایتدیکی حالد کندیوسی نیچون بو درجه ده ضرورت
چکسون بولایق دکلدر جمله مز رفاه حالی آرزو و تمنی
ایدرز بونی پدرک عرض ایله انجق رجا ایدرز بزم
رأیمز اولدیغنی سویله زیر ایزه انفعال ایدر دیلر حفصه
پدر عالیلری عمره تبلیغ ایلدکده سکا بونی کیملر سویلدی
بیان ایله دیدیسه ده اصحاب رسول الله رجا آیده یورلر
دیوب اسملرینی تصریح ایلدی بعد حفصه یه زوجک
رسول الله نه صورتله تعیش ایدردی بکا سویله دیدی
اوده معیشتده اولان اقتصاد و قناعتی تعریف ایلدکده
بن دوستم رسول الله و خلیفه سی ابو بکرک اثرینه
کیدجه حکم که انلره واصل اولهیم زیاده یوکلر منزله
کیدرسم انلره بنشدهم وار انلره او یله جواب و یردیدی
وارتحال ایتدکلری ساعته دک قوت ضروریدن بشقه
بیت المالدن بر حبه زیاده آلدیغنی متفق فیه در رحمة الله علیه
ورضی الله تعالی عنه .

سوریه ده حال بیان اولغان منوال اوزره جاری ایکن
بو سنه ده یعنی هجرت سنیه نك اون بشنجی سنه سی
جهادی الاولاسنده جزیره ده تکریت فتح اولندی

شویله که روم طرفندن تکریت محافظی اولان
 شخصک نزدنده عرب متنصره دن ایاد و تغلب
 والخرقیله لری وسائر روم عسکری اجتماع ایلوب
 جزیره یی محافظه قصدنده بواندیلر سعد بن ابی وقاص
 خلیفه نك امریله عراق اردوسی کاتبی عبدالله بن
 المعتمری برفرقه عسکرله کوندروب ربعی بن الافکلی
 مقدمه ایلیشه و عرفجه بن هرثمه یی سواری یه امیر
 ایلدی عسکر تکریت واصل اولوب قرق کون قدر
 حصاری تضییق ایلدکارنده روم عسکری عربدن
 اولان شیعه و عونه لریله دجله اوزرندن قایقلره فرار
 اید جکرینی اسلامه میل ایدن عرب جانبندن خبر کلوب
 استیمان ایلدیلر قبول اسلام شرطیله ان ویریلوب
 روملر تابعلری عربله دجله دن فرار ایدرلرکن اوکلرینه
 حیقوب تکبیر ایللری دخی مشروط اولمغله بونلر
 قایقلره بنوب فرار ایدرلرکن استیمان ایدن عربلر
 تکبیر ایلدکارنده اسلام عسکری یولی طوتدی ظنیله
 رجعت ایلدکارنده قلیجک اورتیه سنده قالوب اسلامه
 دخالت ایدن عربدن غیری برفرد قورتلدی .
 بوخلالد عبدالله بن المعتمر ربعی یی کوندروب فرانک
 غربی و شرقی سنده کائن نینوا و موصل نام شهرلری
 فتح ایلدی نینوا عنوة و موصل خراج و یرمک شرطیله

صلحا فتح اولوب کرد داغی و سائر موصل نواحیسی
 دخی تمامیله اسلام اداره سنده کیردی برروایتده هجرتک
 یکرمنجی سنده سنده فتح اولمشلردر .

✽ جزیره وارمنستانک فتحی ✽

جزیره ایله ارمنستانک فتحی خصوصنده روایات
 مختلف اولوب اکثر روات ابو عبیده برفرقه عسکر
 کوندروب خالد بن ولید دخی برابر بولندیغی حالده
 فتح اولندیغی اعتقادنده در انجق ابن اسحق سعد بن
 ابی وقاص طرفندن کوندریلان عسکر مباشرتیله فتح
 اولندیغی ایرادایتش ایسه ده آتیده بیان اولنه جغی اوزره
 خالد بن ولیدک عزلی اسبابندن بری دیار بکر جامنده خر
 ایله مطبوخ برعلاجی بدنه دلك ایلسی اولمغله و خالد
 ابو عبیده طرفنده بولمغله جزیره وارمنیه نك فتحی
 ابو عبیده عسکری ایله اولدیغنه و بوماده ده روایاتک
 اکثریتی بولمغله مبنی ظاهر حاله نظرا شق اول
 ایچون وحه ترجیح بولنورسده ده بوقحده عراق
 و سوریه اردوریتک فرقه لری برابر مباشرت ایلدیکی
 سیاق اخباردن معلوم اولور زیرا ابو عبیده خالد ایله
 برابر حص اوزرینه کیدرکن جزیره اهالیسنک امداده
 کتملری روم شهنشاهی هرقل طرفندن امر اولندیغی

امیر المؤمنین عمر ك مسموعی اولدوقده، جزیره ده کی روم
عسکرینی اشغال ایچون برفرقه عسکر ك تکریت اوزرینه
ارسالنی سعد بن ابی وقاصه امر ایدوب اولوجهله
حرکت ایلدکده، جزیره اهالیسی وطنلرینی محافظه
ایچون جزیره یه عودت ایلدکاری سطور سالقه ده بیان
اولمشیدی بوتدیرك حسن تأثیری ابو عبیده نك موفقیتنه
سبب اوله رق سوریه ده روملره غلبه تامه یه مظهر
اولدوقده جزیره غائله سنك دفعیله روملرك عراق
وادیسندن دخی طردی ایران استیلاسنه ایراث سهولت
ایده جگگندن حسب المصلحه جزیره یه سوریه اردوسندن
برفرقه کوندروب تکریت ونصیبین و آمد و دیار بکر
ومیا فارقین وماردین حاصلی جزیره یی لواحقیه فتح
ایتدکدن صکره ارزن رومی فتح ایلیوب تفایس
در بندینه دك ارمنستانی دخی جزیه وخراج شرطیله
صلحا فتح ایلدی .

بوخلالده عرب متصرفه دن ایاد قبیله سی روم حکومتی
اراضیسنه نقل ایلدیکی عمر رضی الله تعالی عنیهك
مسموعی اولدوقده قوم عربك اتحادنده اولان فائده یی
ترك ایتمك ایچون روم مملکتنه نقل ایدن عربلری
اعاده ایتمدیكك حالده خرس تیانلرك کافه سنی ممالک
اسلامیه دن طرد ایدرم ماکنده هرقله مکتوب

کوندرومکه اعاده اولندیلر بونلردن بر دت بیک کشی
قبائل عرب بیلنده متفرق اولوب دیگر نری ابو عبیده نك
جانبده کیتدکارنده دین اسلامی قبوله اجبار ایلسنی
خلیفه رسول الله دن استیذان ایلدی دینده اکراه
یوقدر دیو جواب یازدی بعده بونلرك رئیس لری
خلیفه نك نزد سعادت لری نه کیدوب جزیه لفظنك صدقه
نامنه تبدیلیله ویرکویه ربط اولملرینی استمدعا ایتدیلر
ایکی قات صدقه ویرمك شرطیله قبول یوردیلر
امیرلر نك شدندن دخی اشتکا ایلیوب امیر نری ولید بن
عقبه یی عزل ایله فرات بن خیسان وهند بن عمری
هر برینی بر قسمة رئیس نصب ایلدی .

خلیفه رسول الله عمر هجرتك اون یدنجی سنه سندن،
سوریه دن مدینه منوره یه عودت ایلدیلر حصده ابو
عبیده وقنس سرینده خالد بن ولید و دمشقه یزید بن ابی
سفیان وارد زده معاویه و فلسطین ده علامه بن مجرز
وساحل بحر شامید، عبدالله بن قیس اداره ملك
وعسکره مأمور اولوب جله سنك امیری ابو عبیده بن
الجرّاح ایدی خالد بن ولیدك حروب و مغازیده کورنن
کفایتی باعث اعتلای شان و شهرتی اولغله بلغای عرب
مدحیه لر نظم و انشا ایدوب اشعث بن قیسبه تقدیم ایتمش
اولدیغی بر قصیده ایچون اون بیک درهم جائزه

ویردیکی خلیفه عمر رضی الله تعالی عنهما واصل
اولدقده آنفاً بیان اولدیغی اوزره دیار بکر جامنده
استعمال ایتمش اولدیغی خمرله مخلوط علاج تهمتندن
طولایی خلیفه نك خالد حقنه ایلشکی دخی بولندیغندن
ابو عبیده حضور عامه ده خالدی نزدینه جلب ایله
اشه ویردیکی اون بیک درهمی کندی مالندن ویرمش
ایسه اسراف ایتمش اوله جغندن عزلیله اکتفا ایله
واکر بیت المالدن اعطا ایتمش ایسه باشنده کی عمامه ایله
قوللرینی باغله بکا کوندر ما آئنده مکتوب کوندروب
امر امیر المؤمنین اوزره خالدی احضار و محاکمه ابیتدار
ایلیوب کندی مالندن ویرمش اولدیغی ثابت اولغله
عزلیله اکتفا ایلدی .

✽ بحرین جانبدن فارس محاربه سی ✽

دکز محاربه - نه عربك الفتسزلیکی مناسبتیه ابو بکر
وعمر رضی الله تعالی عنهما تجویز ایتمزردی انجق
حربه مأمور اولان رجالك درایت و کفایت جهتیه
ایجاب حالك اجر اسنه مرخص اولدقلرینه و بصره
والیسی علاء بن الحضرمینك یمین مرتدلی محاربه لرنده
کسب ایتدیکی شانی تذیل وسعد بن ابی وقاصك قادسیه
مظفریتنه بر نظیره اولق ایچون فارس اوزرینه کیمک

اوزره اسلامی خلیفه دن اذنسز محاربه ده دعوت
ایلیوب اجابت ایلدکلی جهتله امرادن جارود بن
المعلی والسوار بن همام و خلید بن المنذر پیننده عسکری
اوج فرقه ده تقسیم ایلیوب خلیدی جله ده امیر نصب
ایلدی و بحر فارسی کچوب اصطخره طوغری
کیتدیله فارس عسکری کیمکرله اسلامك اراسنه
کیروب طاوس نام محله قتل عظیم اولدی
جارود والسوار محاربه ده شهید اولغله خلید عسکری
پیاده ایلیوب حربه دوام وبصره نی نقطه استناد اتخاذا
ایلیوب حرب تدافعی ده قرار ویردکه اقوام فرسیه
هر طرفدن یور یوب اسلامی احاطه ایلدکلی
عمر رضی الله تعالی عنهما مسموعی اولدقده امداد
ایچون عتبه ده امر ایلیوب اون ایکی بیک عسکرله امداد
ایلدی بو عسکر ایچنده مشاهیر امرادن عاصم بن عمرو
وعرفجة بن هرثمه والاحنف بن قیس کی رجال موجود
وجله سنه ابو سبره ابن ابی رهم رئیس ایدی بونلر
خلیده ابر رحمت کی امداده بتشوب وفرسك جموع
کثیره سنه ارسلانلر کی هجوم ایلیوب فرسك اردولری
پریشان ونتیجه حالری السنه ایامده داستان اولدی
بوندن صکره عتبه جه خلیفه دن رخصت استعفا ایلمکله
اذن ویرلدی جدن صکره بصره والیلکندن استعفا

ایلدیسه ده قبول او انم دیغندن عودتده اثنای راهده
 بطن نخله نام محله دار بقایه ارتحال ایلدی رحمة الله علیه
 انک یرینه ابوسبره بصره یه والی نصب اولندی .
 عربک حاله بصره و کوفه سمترینک آب و هواسی
 موافق اولدیغی جهته ایکی شهرک تخطیط و انشاسی
 خلیفه دن استیذان اولمغله ابنیه ده تکلف اولمغلق
 شرطیله تأسیسه رخصت و یروب هجرتک اون یدنجی
 سنه سنه بصره و کوفه بناسنه مباشرت اولندی
 بصره یه ابوالمحرب عاصم بن الدلف و کوفه یه ابو هیاج
 ابن مالک عامل نصب اولندی کوفه یه تابع اولان حدود
 قصبه لری درت عدد ایدی حلوان محافظی قعقاع
 و ماهسان محافظی ضرار بن الخطاب و قر قیسیا محافظی
 عمر بن مالک و موصل محافظی عبد الله بن المعمر
 ایدی .

✽ اهواز قحی ✽

قادیسه محاربه سندن صکره ایران عسکری هرمزان
 اهوازک کرسی مملکتی اولان خوزستان طرفنه کچوب
 نهر تیری و منادر طرفندن بصره اعماله مسلط اولمغله
 عتبه بن غزوان سعد بن ابی وقاصدن استمداد ایدوب
 نعیم بن مقرن و نعیم بن مسعودی بر مقدار عسکرله

کوندردی بونلر بصره ایله اهواز سرحدلری اراسنه
 کیروب ایران عسکر یله جنکه مبادرت ایلدیلر عتبه
 دخی جمع ایلدیکی عسکرله بصره ایله میسمان بینده
 حیلولت ایدوب نهر تیری و منادر اوزرنده بولشلق
 اوزره امداده کلان سالف الذکر امرایله اتفاق
 ایللریله موعده اجتماع ایلدیلر سائر قبائل اسلامدن
 دخی امداد کلمکه ایکن عتبه بن غزوان نهر تیری
 و منادری قح ایلدوب ایران عسکرینی منهزم ایدرک
 تا دجیل کنارینه دک تعقیب ایلدیلر هرمزان سوق
 الاهواز جسرندن کچوب دجیل صوبی طرفینه ک
 بیننده حد فاصل قالدی بوندن صکره هرمزان صلحه
 طالب اولمغله اهوازک تمامی ایران النده قالوب نهر تیری
 و منادر عنوة قح اولمغله اسلامه قالدق اوزره عقد
 صلح اولمشیدی چوق کچمدن هرمزان نقض عهد
 ایدوب یکیدن محاربه قیوسی آچلیدی و اگر ایدن ایران
 اردوسنه امداد کلمکه هرمزان قوت بولدی بونک
 اوزرینه عتبه بن غزوان حرقوص نام امیری هرمزه
 قارشو کوندروب شدید محاربه دن صکره حرقوص
 سوق الاهوازی عنوة قح ایدوب تا تسترده دک جمیع
 اهالی ایرانی جزیه یه ربط ایدرک اسلامه تبعیت ایلدیلر
 و هرمزان راءهرمز جانبده کتدی حرقوص ارقه سنی

بوشلامیوب جزء بن معاویہ پی بر فرقه عسکرله تعقیبه
 مأمور ایلدی جزء شجر ناحیه سنه و صکره دورق نام
 محله دك کیدوب ضبط ایله اوراده اقامت واهالی پی
 تأمین ایدوب خراب اولان کوپلرینه عودتله هرکس ایشیله
 مشغول اولدی وهرمز ان صلحه طالب اولوب حرقوص
 اهواز طاغنده عسکرینی تعییله ایلدی ایران شاه پی یزدجرد
 مروده اقامت ایدوب قلمرو حکمنده اولان ممالکدن
 انقطاعسز عسکر فرقه نری ترتیب واهواز اهالیسنی
 تشویق ایدوب جسم فرقه لر جمع ایتکده اولدیغی
 حرب به مأمور اولان مشار الیه حرقوص و جزء و سلمی
 وحرمله نك مسموعلمی اولدقده امیر المؤمنین عمر دن
 استمداد ایتلر یله نعمان بن مقرن معیتنده بیوک بر فرقه
 عسکرله اسلامه امداد ایلسنی سعد بن ابی وقاصه
 یازوب و ابو موسی یه دخی عینیله امر ایدوب
 کوندره جکی فرقه یه سعد بن عدی پی رئیس ایلسنی
 وبراء بن مالك و مجزاة بن ثور ایله عرفجة بن هرثه
 و سائر تسیمیه ایلدیکی بعض امرا دخی برابر بولمسنی
 و بو ایکی فرقه نك امیری ابوسبرة بن ابی رهم اولسنی
 اراده ایلدی بونلر یوله چیقوب رامهرمز واصل
 و حرقوصه قوه الظهر اولدقلرینی ایران سرعسکری
 هرمزان استخبار ایلدکده همان سرعت وشدتله

اوزرلرینه کیدوب عقد مصاف کیرودار ایلدکده
 مقاومتله تاب آور اوله میوب تستره طوغری فرار ایلدی
 عسکر اسلام دخی ارقه لرندن کیدوب و متعاقباً
 بصرمه دن مأمور اولان عسکر امیر نری نعمانه یتشوب
 جمله سی تسترده اجتماع ایلدی لر ایران عسکری دخی
 تسترده تحصن ایلوب سکسان دفعه استحکاملردن
 چیقوب محاربه لر ایتشلر سده اکثر یسنده مغلوب و صوک
 محاربه ده کایا منهزم اوله رق استحکاملرده قیاندیلر
 اسلام فرقه نری دخی کیفما یشاء تستری احاطه و تضییق
 ایدرک دشمن جانبنده بولنان بعض اشخاصک دلالتیله صو
 طریقندن یول بولوب بر مقدار عسکر تستره کیردکده
 مستحفظلمی استیصال ایدوب اهالی اطاعته مجبور اولدی
 وهرمز ان ایچ قلعه یه تحصن ایلکله عسکر اسلام ایچ
 قلعه پی دخی شدتله تضییق و محاصره ایلدکلرندن امیر
 المؤمنین عمرک حکمنه راضی اوله رق هرمزان بلا شرط
 استیمان ایلدی و هجرتک اون یدنجی سالنده قلعه فتح
 اولندی اندن صکره مال غنایم تقسیم اولنوب سوار یه
 اوچبیک و پیاده یه بیک درهم حصه اصابت ایدرک خمس
 مفرزی بر فرقه عسکرله مدینه یه ارسال ایلدکلری خلاصه
 هرمز انی دخی امیر المؤمنینک نزدینه کوندر دیلر
 هرمزان حضور خلیفه یه چیققدقه ای هرمزان

کرارا و مرارا نقض عهد ایلدک غدرك شامتني
کوردنی دیوب توبخ ایلدکدن صکره جنایاتی عفو
وشهری ایکیک درهم مرتبه مدینه ده اقامتی امر
ایلدی .

ایران امر اواهالیسنک متمادیا نقض عهد ایلاری
امیر المؤمنین موجب شبه اولمغله هرمران ايله کلان
رؤسایه غالباً مستأمنلره جور اولنیور که عهدلرنده
طور میورلر دیدیلر احنف بن قیس بزعهدی محافظه
ایده یورز انجق بونلرک ملکری قالدقجه امیدلری منقطع
اولیور ایرانک هرطرفنی فتح ایچون عسکر اسلام طاقم
طاقم ممالکه یایلوب حکومتلرینی محو ایتک خصوصنی
سزدن استیدان ایتشیدک رخصت ویرمدکز شمعی
بوصورتی قبول ایدرسه کز بونلرک غائله سی ازوقت
ظرفنده برطرف اولور دیدی ایشه شمعی صره سی
کلدی دیدیلر .

چونکه امر ایران ممالکنه یایلق استدکاری زمانده
حکومت ایرانیه ده ها بومرته ده ضعف کلامش
اولدیغندن خلیفه رسول الله عمر اسلام عسکرینک
متفرق اوله رق حرب ایللرینه راضی دکل ایدی انجق
مؤخرًا مهم اولان موقعلر اسلام الله یکدی وایرانک
جسیم اردولری پایمال اولدی بناء علیه متفرقا

حرکتلرینه رخصت ویروب بصره والیسی ابو
موسی الاشعری یه یازدیکه عسکرله بصره دن اوزاق
اولمیان بر محله چیق و امر مه منتظر اول اندن صکره
فرقه لری ترتیب و الویه نصرتی عقد ایلوب سهیل
ابن عدی ايله ابو موسی یه کوندردی خراسانه احنف بن
قیسی وارد شیر خره ايله شاپوره مجاشع بن مسعودی
واصلخره عثمان بن ابی العاصی وفسا ايله درابکرده
ساریه بن زبئی و کرمانه سهیل بن عدی بی و سجستانه
عاصم بن عمروی و مکرانه حکم بن عمیری تعیین و تخصیص
ایلیوب لوارک اولوجهله توزیعنی هجرتک اون
سکرانجی سنه سنده امر ایلدی .

سوس قحی *

عسکر اسلام ابی سبره معیتند مجتعا سوس قحینه
کیدوب ابو موسی و مقترب و نعمان سوسی محاصره
و تضییق ایدرلرکن (ذر) چندیشاپوری محاصره ایتشیدی
و نعمانک نهاوند محاربه سنه تعیینی خلیفه طرفندن امر
اولمشیدی انجق همدانه کتمدن جمله سی متفقاً سوس
قلعه سنی تضییق ایلوب قیوسنی قیردیلر عسکر اسلام
همان ایچرویه کیرمکه شتاب ایدرکن اهالی صلح صلح
دیو باغرشد قلرنده عنوة فتح اولمش ایکن اسلام

صلحاً کیر دیلر اندن صکره امرای اسلام ممانک ایرانه
توغل ایدوب آتیده ذکر ایده جکمز فتوحات عظیمه به
موفق اولدیلر .

بوسنده جزیره العربده فط عظیم اولوب بارانک
انقطاعدن اراضی قوریوب کل کبی اولدیغندن
(عام الرماد) تسمیه اولندی که کل سنه سی دیمکدر
انجق امیر المؤمنین عمر رضی الله تعالی عنہک حسن
تدبیر یله مصر و سوریه دن کلی ذخیره نقل اولمغله
اهالینک اضطرابی تخفیف اولندی و یاغور لر یاغوب
خلق دفع احتیاج ایتمینجه عمر رضی الله تعالی عنہ
اهالینک اکل ایتدیکی طعامدن غیری برسنه تناول
ایلدی .

وینه بوسنده شام اعمالندن عمواس نام قریه دن شدید
طاعون خسته کی ظهور ایدرک اطرافه سرایتله پک
چوق کشی بی اتلاف ایلدی و کبار اصحاب و امرای
اسلامدن خیلی ذاتلر دار بقایه انتقال ایلدیلر سوریه ده
امیر اولان ابو عیبه بن الجراح و فقهای اسلامدن
معاذ بن جبل و یزید بن ابی سفیان و حارث بن هشام
و سهیل بن عمرو و عتبہ بن سهیل و عامر بن غیلان
و بونلر کی اصحاب و امرادن خیلی ذات وفات ایلدی
و نیجه بیک خانلر سونوب یأس و ماتم عمومی اولدی

بوخلالده امیر المؤمنین عمر رضی الله تعالی عنہ شامه
کیتک اوزره مدینه دن چیقوب حدود شامده واقع
سرغ قریه سنه واصل اولدقده سوریه امراسی
استقبانه کلمش اولدقلرندن اوراده کورشدیلر شامده
و بانک شدتنی بیان ایدوب امیر المؤمنینک و بالی یرلره
دخولنی اکثر امرأ تجویز ایتدیکنندن رجعت ایلدی
و عبدالرحمن بن عوفه رسول الله علیه السلامک و بالی
محله دخوادن منع ایلدکلرینی بیان ایله صحیحینده ثبت
اولنه ان حدیث معلومی روایت ایلدی و دار عقبایه
ارتحال ایدن امرایرلرینه دیکر لرینی نصب و تعیین
ایلیوب و بامر تفعیل اولدقندن صکره مصاب اوللره تعزیه
و مواریت ایتامی اللهک رض ایتدیکی اوزره تقسیم
ایلمک و سوریه نک احوالی تفتیش ایتک ایچون مدینه دن
تکرار چیقوب سوریه بی تشریف و اهالینک کدرینی
حسن تسلی ایله تخفیف ایدرک مدینه به عود و قفول
ایله مکده کیدوب حج ایلدیلر و بوسنده یعنی اون
سکرنجی سنده کوفه به مشهور قاضی شریحی
و بصره به کعب بن سواری حاکم نصب ایلدی .

فتح مصر

امیر المؤمنین عمر بیت مقدسه ایکن عمرو بن العاصی

مصرک فتحی خصوصنی استیذان ایلش اولدیغندن
 اشهر اقوالده هجرتک یکر منجی سنه سنه ده مصره
 طوغری حرکت ایلدکده خلیفه زبیر بن العوامی همان
 ارقه سندن امداده تعین ایلوب لسان قدیمده بابلیون
 تسمیه اولنوب بعده فسطاط و بوکون مصر قدیم دیمکله
 معروف اولان محلی فتح ایلدیله بوخلالده مصر و کیلی
 اولان مقوقس رؤسای دیندن ابو مریمی و دیگر
 بر اسقفی ایلچی کوندروب طلب صلح ایلدکده هر
 اوچ آید بر ثنی ادا اولمق اوزره سنه ده الی ملیون
 درهم جزیه اداسی شرطیله صلح قبول اولمش ایکن
 روملر طرفندن امیر الجیش اولان ارطبون نام شخص
 صلحی قبولدن امتناع و بردن بزه عسکر اسلامه بر هجوم
 ایلش ایسه ده منهزم و پریشان اولغله بر چوق اموال
 و اسرا اغتنام اولندی و ایلوبولس « بوکون قاهره
 جوارنده بر خرابه اولوب مطریه تسمیه اولنور »
 قحنه بر فرقه عسکر کوندربلوب اسکندریه قحنه
 عوف بن مالکی و فرما قحنه ابرهه بن الصباحی
 کوندروب محاصره ایلدیله روم عسکرینک آنفاً بیان
 اولنان هزیمتی اهالی مصرک راغب اولدیغی صلحک
 آنفازینه باعث اولارق بوجه بیان سالف الی ملیون
 جزیه بدلنه و سائر شروط ایله صلح اولنوب صلحنامه بی

عمر و بن العاصی امضالیوب زبیر بن العوام و ایکی
 اوغلی شاهد یازدیله و صلحنامه بی یازان وردان نام
 کاتب دخی وضع امضا ایلدی و اسکندریه اوچ آی
 محاصره دن صکره اون ایکی بیک دینار بدل صلح ایله
 مصالحه یه ربط اولندی اندن صکره مقوقس محاربده
 اسیر اولانلرک ردینی طلب ایلوب عمر و بن العاصی
 محاربده ده هر نه اغتنام اولندیسه رد اولمز دیش
 ایسه ده خلیفه عمرک مسموعی اولدقده ردینی امر
 ایلوب رسول الله علیه السلامک « انکم مفتتحون
 مصر فاستوصوا باهلها خیراً ان لهم رجلاً و صهراً »
 حدیث شریفنک حکمنی محافظه ایلدیله یعنی سز
 البته مصری فتح ایده جکسکرز اهالیسنه خیر ایدینکرز
 زیرا حرمت رحم و صهریت صاحببار یدرنر دیمکدر
 مقوقسک رسول الله هدیه ایتش اولدیغی ماریه نام
 جاریه دن اوغلی ابراهیم تولد ایتشیدی حرمت رحم
 و صهریت بوندن عبارتدر بوندن صکره عمر و نوبه
 اوزرینه بر فرقه عسکر کوندرمش ایسه ده نتیجه سز
 عودت ایتدیله .

✽ نهانند و قصی و بعده سده ان و سار شهر ✽

✽ و صکرک فتحی ✽

اهواز قحنه دن صکره یزدجرد اسلامه یالکر مقاومت

ایده میه جگنی تیقن ایلدیکندن اطراف ملوکندن
و ترکستان خاقانندن استمداد و انده قلان ملکندن
کوجی یتدیکی قدر عسکر جمع ایلوب نه-اوننده
اجتماع ایلدیلر بو خبر سعد بن ابی وقاصک مسموعی
ارلدقه خلیفه یه اعلام ایلدی بو خلایده سعد بن
ابی وقاص رضی الله تعالی عنہک علیهنده بعض
شکایتلر دخی ظهور ایلکله اسباب شکایتی تحقیق
ایچون عموم ولایات مفتشی محمد بن مسلمدی تعیین ایلدی
محمد عراقه کیدوب سعدک احوالی تفتیش ایلدکده
شکایتک واهی اولدیغنی تحقیق ایلدی مشکی جراح
این سنان ایله رفیق لرینی و سعدی الوب مدینه یه کلدی
اوراده دخی اسباب بی اصل و اساس بر طاقم مقدماتدن
عبارت اولدیغنی تحقیق ایلکله اسلام پیوک محاربه لاله
مشغول ایکن اختلافک ظهورینه خلیفه نک جانی
صقلدی بعده بو امر مهمک چاره سنه باقلمق ایچون
اصحاب کرامی جمع ایلوب عقد مشورت ایلدی بعده
سعدی احضار و کیمی وکیل براقدیغنی استفسار ایلدی
عبدالله بن عتبانی وکیل ایتدم دیدکده استحسان وابقا
ایلدی اندن صکره سعد کوفه اهالیسنک اقتضایه طاقم
طاقم چیقمغه آرزو ایلدکلرینی بیان و تحریرا اشعار
ایلدیکی نهوند تدارکاتی و شاهک یوز الی بیک قدر

عسکر جمع ایلوب امداده دعوت ایلدیکی ملوک دخی
اجابتی بیان ایلدکده عمر رضی الله تعالی عنہ بو محاربه یه
بالنفس کیدوب اسلامدن جلبنه قادر اوله بیلدیکم
قدر عسکرله امداد ایلکی آرزو ایدرم دیدیلر مجلس
مشورته اسن اولان طلحه بن عبدالله ایاغه قالقوب
یا امیر المؤمنین تجربه نک کثرتی وجهک تقلباتی سنی انسان
کامل ایتشدیر اصابت امر کده در همان هر نه صورتله
بیوررسه کز اطاعت مسارعت ایدرز همان بیورکز
دیوب اوتوردی بعده خلیفه حضاره سز نه دیرسکز
دیددی عثمان بن عفان ایاغه قالقوب شامده ویمده اولان
اسلامه یازکز مملکتی محافظه ایده جک قدر عسکر
براقوب چیقسونلر سزده حرمین اهالیسیله حرکت
ایدکز بصره ایله کوفه اراسنده کیف بر اردو قورکز
ایجابنه کوره عسکری تعبیه و امداد ایدکز ایشی کندی
کوز کزله کورکز بو ایشیده اوزاق بولمیکز زیرا
بو صوک محاربه دکدر بوندن صکره دخی وقوعات
اوله جتدر دیوب اوتوردی خلیفه ینه حضاره سز نه
دیرسکز دیددی علی بن ابی طالب قالقوب شامدن عسکر
چیقارسه روم یکیدن محاربه آچر یتنده قوت عسکریه
ازالورسه حبش حکومتی ینه طمع ایلر سز حرمین
اهالیسیله کیدوب مقر خلافتدن تبعاعد ایدرسه کز عرب

نقض عهد ایلر ارقه کزده کی ایشلر او ککرده کی
ایشلردن مهم اولور بصره اهالیسنه یازکز رجاك برتلی
عائله لك مصالحنی کورمکه وبرتلی معاهدری
محافظه یه قالسون وبرتلی کوفه عسکرینه امداد ایلسون
بزظهور مزدن برو کثرت عددله محاربه ایلمدك نصرت
لهیه یه اعتمادا جنك ایتدك انلك کثرتی مانع فوز
ونصرت دکلدر ماآنده ایراد رأی ایلدی عمر رأی بودر
دیوب سعدبن ابی وقاصك یرینه کیمی نصب ایدیم
بکایسان ایدکز دیدی رجاك حالنی سز بزدن ایلو
یلورسکز هر کیمی نصب ایدرسه کز اصابت آنده در
دیدیلر نعمان بن مقرنی مناسب کوررم دیدیلر جله سی
بوايشك اهلیدر دیوب کفایتنی تصدیق ایلدیلر نعمان
اوارالقه کوفه عسکرندن برفرقه ایله چند یشاپور
وسوس شهرینی فتح ایلشیدی مأموریت جدیده سنی
خلیفه تحریرا بیان ایدوب ماه نام موقعده عسکرک
اجتماع ایلمسنی امر ایلدی بوامر اوزرینه اطرافدن
عسکر اسلام ماه طرفه شتاب ایدرك هر کسدن زیاده
الراود عشیرتی محاربه یه متشوق ایدی از وقت ایچنده
عسکر اسلام ماه موقعنده طویلا تعلقه نعمان عسکری
تعبیه و ترتیب ایلوب نهاوند اوزرینه کتدی ایران
سر عسکری فیروزان دخی معیتنده اولان عسکرینی

دیزوب دمیردن بر دیواره بکرتدی ایکی عسکر قارشو
قارشویه طوروب محاربه یه باشلدیلر ایکی کون شدیدا
جنك اولوب طرفین ثبات ایلدیلر اوچنجی کونی فرس
عسکری قلعه ده قیاقوب چیقمدیلر بر مدت بو حال اوزره
مرور ایدنجه فرس لشکرینی میدان محاربه سنه چیقارمق
ایچون چاره ازارلردی نعمان آتلو عسکری فرقه سی
امیری قهرمان قعقاعی احضار ایلوب فرس عسکرینی
حربه دعوت ایچون مأمور ایلدی قعقاع فرقه سنی ترتیب
ایلوب نهاونده یاقلاشدی نعمان پیاده یی عارضه لی بر محله
تعبیه ایلوب ظهور ایده جك حاله متروپ اوله رق
وردی قعقاع نهاوند پیشگاهنده ایران عسکرینی
شوق وغیره کتیره جك حرکتلر ایلوب عاقبه الامر
استعداد تام ایله ایران اردوسی استحکاملرندن چیقوب
ترتیب مصاف و استحکام ایله اردو اراسنه ثباته سبب
اولق ایچون عربنده (حسك) تغیر اولنان
دمیردن معمول کرپی شکنده چتاللی برطاقم آلات
براقوب عسکری رجعتدن اخافه ایلدیلر قعقاع حربیه
کیریشوب برقاج دفعه هجوم کوسترمش ایکن جعلی
بوزغونلق کوستروب تدریجاً چکلدیکه ایران عسکری
استحکاملرندن مباعدت و امید نصرته شدتله محاربه یه
کیرشدیلر بهادر قعقاع دها بر مقدار کیرولوب بعده

صاعقه کبی رجعت ایلدکده کینده اولان اسلام پیاده سی دخی سرعت تامه ایله ایران اردوسنه هجوم ایدرک طرفین حربه ثبات و غیرت ایلدی نعمانه براوق اصابت ایلوب شهید اولدی برادری نعیم جنازه بی اورتوب شهادتی عسکر اسلامدن کتم ایلدیلر نعمان حربه کیرمدن بن شهید اولورسم امیرکز حذیفه در و ه شهید اولورسه فلان فلان دهرک یدنجیسی منیره دریدی اوچالده حذیفه رایتی انه آلوب محاربه مشد و وقت ظهر دن ظلام لیله دک ممد اولدی رعایت فرس اردوسی کلیاً بوزلوب رجعت شتاب ایلکله برچوغی دمیر چتالر اوزرینه دوشوب واندن قورتیلانلر خنق قله دوریلوب میدان حربده مقتول اولانلرک ایکی مثلی دمیر چتالرده و خندقلر ایچنده تلف اوله رق بو محاربه ده ایران وعونه سی عسکرندن یوز بیکدن زیاده کشی تلف اولدیغی مضبوط توارنج روزکاردر .

بو فتح مبین برید مخصوص ایله عمر رضی الله تعالی عنیه اخبار اولندقدن نعمانک شهادتندن زیاده مکدر و چشم حقایق بیندن قطرات سرشک حزن واسف مدرار ابر بهار کبی متوالی و منهد اولدی بو محاربه ده اغتنام اولنان اموال دن بعد الخمس سواری به التی

و پیاده یه ایکیک درهم اصابت ایلدی و برآ تشکده ده مدخر اولان بعض مجوهراتی سندنه معبدک رئیس اولان موبدان و سبیله امان اولمق اوزره امیرالجیش حذیفه یه کتیروب تسلیم ایلدکده بیت الماله عائد اولان خسی تقسیم غنائم کاتبی السائب بن الاقرع ایله کوندروب جواهری دخی عسکر طرفندن بیت الماله هدیه اوله رق ارسال ایلدی خمس غنائم بیت الماله وضع اولنوب جواهر مذکوره بیع اولنوب حاصلی عسکر اسلام بیننده تقسیم اولمق اوزره اردویه اعاده ایلدیلر ایکی ملیون درهمه صاتلوب تقسیم اولدی واشترا ایدن کشی دخی مؤخرأ بیع ایلوب ایکی ملیون درهم ربح و تجارت ایلدی .

نهایند فتحندن صکره ایران حکومتنک شیرازه انتظامی کسسته و عسکرک حالی متغیر و برکشته اولوب بر دخی بر قوتلی اردو جمعی ایرانیانه میسر اوله مدیغندن اسلام نهایند فتحنی فتح الفتوح تسمیه ایلدیلر .

اسلامک اوکنده ارتق حائل اوله جق بر قوت قالدیغندن سطور سالفه ده بیان اولندیغی اوزره مقر خلافتک قرار و تنسیبیه عسکر اسلام فرقه فرقه

آبرلوب هر بر طاقی بر امیر معیتند، ممالک ایران استیلا سنه
توغل ایتدیلر .

✽ دینور و صیمره و سیروان قحی ✽

ابو موسی نهاننددن آبرلوب دینور اوزرینه توجه
و بش کون محاصره ایدوب جزیه و یرمک شرطیله
اهالی ایله مصالحه ایلدی بعده سیروان طرفنه کتدکده
اهالیسی دینور صلحنه مماثل صلح ایلدیلر و السائب
ابن الاقرعی صیمره اوزرینه کوندروب اهالیسی دیگر لری
کی صلحی اغتنام ایلدیلر .

✽ همدان و ماهین و دیگر بعض مملکت قحی ✽

نهاننده و سائر جهاتده منهزم و پریشان اولان عسکر
ایران همدانه التجا ایلدکلرندن نعیم بن مقرن و بهادر
قعقاع همدانه کتدیلر همدان محافظی خشر شنوم
مقاومتدن عجز بنی بیلوب استیمان ایلدکده قبول ایلدیلر
ماهین اهالیسی دخی بو اثره اقتفا و حذیفه دن امان
استدعا ایدوب انلر دخی امین و مستریج اولدقلری
خبری نواحیه منتشر اولغله اوجهتک دره بکلری
و ملوکی کافه استیمان ایلکله بر نهج شرع شریف
مسؤلری مقبول و مصالحه اولغله نواحیه متفرق

اولان اهالی عودت ایلوب امن و راحتله هر کس
ایشیله مشغول اولدی .

✽ اصفهان و کرمان قحی ✽

کبار اصحاب رسول الله بن عثمان معیت
عسکر یله جی و یاخود اصفهان قحینه توجه ایدوب
اصفهان بکی الغاذوسفان ابتدا مخالفت ایتدیسسه ده
شدت و تضییقه تاب آور اوله مدیغندن جزیه بی قبول
فقط عنوة النان بعض نواحی اهالیسی اراضی صاحب لری
وطنلرینه عودت ایتدکلری حالده اراضیلری
کندوزینه رد اولنوب جزیه به ربط اولنلرینی شرط
ایلکله عبد الله رضی الله تعالی عنه موافقت ایلدیلر
اندن صکره امیر المؤمنین عمر رضی الله تعالی عنه دن
کلان امر موجبجه اصفهان السائبی محافظ نصب
ایدوب هجرت سنیه نک یکر می ایکنجی سالنده کرمانه
متوجه اولدقده سهیل بن عدی ایله کرمان جوارنده
ملاقات ایلوب یکر می اوچنجی سنه هجریه ده کرمانی
حرباً فتح ایلدیلر .

✽ هجرت سنیه نک یکر می ایکنجی سالنده اولان ✽

✽ فتوحات و وقایع ✽

اولجه بیان اولندیغی اوزره نعیم بن مقرن و قعقاع

همدانی فتح ایلشردی مؤخر اهای قنص عهد
ایتمکله نعیم تکرار همدان و ملحقاتی صلحا استرداد
ایدوب یکیدن جزیه به ربط ایلدی بعده آذربایجان ایله
دیلم اهایسنی اطاعته دعوت ایلدوب ابا ایلدیلر قادیسیه ده
قتل اوانان رستم برادری اسفندیار آذربایجان وزینی
نام امیرری اهایسیله نعیمه مقابله قصدیله واجرود نام
محلده اردو ترتیب ایلدکلی نعیمه اخبار اولمغله همدانه
یزید بن قیسی وکیل ایدوب ایرانیلر اوزرینه حرکت
ایلدی واجروده تقابل فریقین وقوعیله فرس
طوائفی منهزم و مضحیل اولدی کوفه والیسی مغیره دخی
برادین عازی قزوین فتحه تعیین ایلکله ابهر اوزرینه
کیدوب کوچک بر محاربه دن صکره اهای صلحه طالب
اولدقلرندن صلحی عقد ایلدوب قزوینه کندی قزوین
اهالیسی دیلمدن امید ایتدکلی مدد کله مدیکندن
آنلر دخی صلح ایلدیلر اندن صکره دیلم اوزرینه توجه
ایدوب قهراً دیلمه بی جزیه به ربط ایله کیلان و طیلسان
سجاقلرینی پایمال ایدرک زنجانی عنوة فتح ایلدی .
(براء) دیلم دیارینی فتح ایتدکه ایکن نعیم واجروددن
حرکت ایلدوب ری طرفه کتیدی ری ملاکی سیاوش
دنباوند و طبرستان و قومس و کرکان اهایسنندن
استمداد ایدوب اوزرینه کلمکده اولان سیل رحته

سد چکمک خولیا سیله سیاوشه یاردم ایتدیلر سده ری
طاغنک اتکنده وقوع بولان محاربه ده اسلام مظفر
اولوب اسلامه میل ایتش اولان زبیدی نام امیرک
دلاتیله ری یلده سی دخی عنوة فتح اولنه رق اموال
کثیره اغتنام اولنوب خمینی بیت الماله کوندردیلر
وری ولایتک اداره سنی سالف الذکر زبیدی نام امیره
توجیه ایدوب انلرک اسکی مملکتلرینی هدم و تخریب
و محلنده حالا ری تسمیه اولنان بلده بی بنا ایتک ایچون
زبیدی به امر ایلدیلر .

نعیم بن مقرن ری ولایتک ایشلرینی تنظیم و اهای
مملکتی تأمین ایلدکن صکره قومس و کرکان
و طبرستانک فتحه شد نطاق عزیت ایلدوب خلیفه نک
امریله برادری سوید بن مقرنی خلیفه طرفندن تسمیه
ارلنان سائر امر ایله برابر قومس فتحه کوندردی
سوید قومس ستمنه وصولنده اهای سلم و مصافاته
رغبت ایدوب و طبرستانه التجا ایدن طوائف فرس
و اهای دخی صلحه راغب اولدقلرینی سویده اشعار
ایملر یله مسؤلرینی قبول ایدوب جزیه تأدیه سی
شرطیله عقد صلح ایلدی سوید قومس دن دخی حرکت
ایلدوب کرکان ستمنه توجه ایلدی و کرکان خانی
زرنانه مکتوب کوندروب اطاعته دعوت ایلدی زرنان

مملکتک اداره سی کند و سنده قالمق و کرکان ملحقاتی
جزیه به ربط ایدرکن مخالفت ایدنلر بولنورسه سوید
طرفدن کند و سنده عسکرله اعانه اولمق شرطیله
صلحه رغبت ایلدیکنی جواباً اشعار ایلوب التماسی
قرین قبول اولغله زرنان معسکر اسلامه کلوب سوید
ایله برابر بسطامه ایندیله سوید بسطامده اردو
قوروب آرام و جزیه بی جایت ایدوب زرنان معیتند،
اولوب اهالی بی اطاعته اجبار ایدن عسکری جزیه دن
معفو ایلدی .

بوسنده عمرو بن العاصی بلاد غربیه دن چیقوب برقهیه
واردقده قدیم اول طرفده ساکن اولان بربر قومندن
لوانه طوائفه سنده اون اوچ بیک دینار جزیه
ویرمک شرطیله مصالحه ایلدی اندن طرابلس
اوزرینه کیدوب برآی محاصره ایتدکن صکره دکر
کنارندن بریول کشف ایدوب بغته شهره کیردکلرنده
اهالیدن بعضیلری لیسانده بولنان کیله سبکیار کیروب
دکزه طوغری آچلدیلر عسکر طرابلسه کیروب
شهری استیلادن صکره برمدنبرو محاصره ده اولان
سبره نام قلعهیه دخی یول بولوب کیردیلر طرابلس
وسبره نیک فتحی غرب ممالکنک استیلاسنی تسهیل ایلکله
ازمدت ایچنده روملرک حکومتی افریقا قطعده سندن

دخی زائل و اوجهانکیر دولتک شمس اقبالی سمت افوله
مائل اولدی سنه الله فی عبادہ .

✽ فتح آذربایجان و شهر زور و صامغان ✽

آذربایجانک استیلاسنه امرادن بکیر بن عبدالله مأمور
اولوب ماهرود محاربه سنده فرار ایدن فرخزادک اوغلی
وقادسیه ده مقتول اولان رستمک برادری اسفندیار
نزدنده تحشد ایدن برطاقم اوباش ایله طاغلرده اردو
عقد ایلدیکی جهتله بکیر بن عبداللهه مقابلهیه چیققدقه
عسکری مغلوب و کندوسی اسیر اولمشیدی شکرانه
سلامت اولق اوزره آذربایجان نواحیسنک صلحا قحنی
تعهد ایلوب بکیر موافقت ایلدیکندن قلاعدن ماعدا
آذربایجان ولایتک کافه قراسی قبول جزیه ایله استیمان
ایلدیلر انجق قلاعک قحنی امداده محتاج اولدیغی
نزد خلیفه ده تحقق ایتدیکندن ری قحندن صکره سماک
ابن خرشته بی بر مقدار عسکرله بکیره امداد ایچون
کوندرمسنی نعیمه تحریر ایتکله همان خرشته بی کوندروب
بکیره ملاقی اولدقده حصونک قحنه اقدام ایدرک
کندو ستملرند، اولان قلاعی فتح ایتدکری کی عتبه
دخی کندو ستمنده بولنان معاقلی کینی صلحا و کینی
عنوة فتح ایلدی ایش بواسلوبده جریان ایدرکن

عنه طرفنده بر مقدار عسکرله متعرض اولان بهرام
ابن فرخزاد دخی طاقيله منهزم و پریشان اولمغله
آذربيجان ولایتك كافه قرا و حصونی ید اسلامه
كچمكه عته سماكى بكيرك فتح ايتديكى جهاته عامل
نصب ايلوب اندن صكره عته بن فرقد شهر زور
وصامنانی فتح ايلوب مقابله به نصدى ایدن اكرادی
استیصال ايدرك آذر بيجان قطعه سنك تمامی فتحی
بكير ايله برابر خليفه به اشعار و خمس غنایى تسيار
ايلدير عمر رضی الله تعالى عننه خبر فتوح وصولنده
عته نك آذربيجانه و هرثه بن عرفجه نك موصله والى
اولمرينه امر مطاعلى شرفسنوح ايلدى .

✽ موقانك فتحی و اسپهك تركستان اقوامنه ✽

✽ فتح باب غزا ايلد كلى ✽

سراقة تفليس دربندینی ضبط ايلد كدن صكره ارمنستانى
احاطه ایدن طاغلك استیلاسنه مباشرت ايلوب
بكبرى موقانه و حبيب بن مسلمه بى تفلیسه و حذیفه بن
اليمان لان طاغلرينه و سلمان بن ربيع بى سائر جهاتك
فتحنه مأمور ايدوب امير المؤمنين اشعار ايلدى موقانك
مناعتنه و اراضينك وسعتنه نظرا كوندريلان قوتك
كافى اولمديغى جهته يالكز بكير موفق اولوب موقانى

فتح ايلدى و ديكر لرینك مأموریتی نتیجه سز قالدى
و عبدالرحمن بن ربيعة امر خليفه ايله دربندى تجارز
ايدوب اقوام تركيددن بلنجر قبائلى پايمال ايتد كدن
صكره بلنجر دن ايكوز فرسخ قدر مسافه ايجرويه
طوغرى توغل و خيلى غنایله دربند، عودت ايدرك
عثمان بن عفان زمانه نك تركستانه غزا ايلدى انجق
اقوام تركيه يكديكريله اتحاد ايدوب قوتلى مزدا
اولدقده شديدا مقارمت ايلريله عبدالرحمن شهيد
اولوب رايست اسلامى برادری سلمان آلدى و سائر امرا
ايله برابر كيلان ارزندن كرگانه ايندى .

✽ خراسانك فتحی ✽

سطور سالفه ده بيان اولنديغى اوزره اسلام ايله فرس
بينده واقع اولان جنگلرده ايران اردزرى منهزم
و پریشان و پادشاهلى يزجرد بر موقعدن ديكر
موقعه فراره شتبان اوله رق اقوام فرسيه بى
محاربه به اغرا و تشويق و بعضيلر بى نقض عهده مجبور
ايتديكندن ايران حكومتك كلياً ازاله سنه حضور
خليفه ده عتد اولنان مجلس مشورتد، قرار و يرملكه
عسكر اسلامك طرف طرف ايران ممالكنه هجوم
ايلدى امر اوله رق امرای اسلام ايچون الويه

نصرت آچلش وهربری بر جهته تعیین قلند شدی
 بو صر زده احنف بن قیس خراسان جهت شده بولمغله
 خراسانك ققنه توغل ایدرك هراتی عنوة فتح ایتدکن
 صکره صهار نام امیری محافظ نصب ایدوب مرو
 شاهجانه توجه و مطرف بن عبد اللهی نیشابوره
 و حرث بن حسانی سرخس ققنه مأمور ایلوب
 کندوسی مرو شاهجانی فتح ایلدی و حارثه بن نعمانی
 شاهجان محافظد سنه بر اقدرق آدن مروالرود طرفنه
 کیدرکن کوفه دن تعیین اولنان امداد یتشوب
 مروالرودی دخی آلوب حدود ترکستانده نهر اوزرنده
 اولان بلخده شاهک جمع ایلدیکی اقوام مختلفه اوزرینه
 یوریه رک ویزدجرد ایله شدید بر محاربه ایدرك شاهی
 نهر جیحوندن ترکستانه فراره مجبور ایلدی شاهک
 انهرامی طخارستان ایله نیشابور مایینده خراسان
 ولایتک ایدی اسلامه کچمسنه باعث اولمغله احنف بن
 قیس جهاته عمال و امانا نصب ایلوب مروالروده عودت
 واقامت ایلوب فتوحاتی خلیفه یه یازدی آئیده بیان
 اولد جغی اوزره بحرین طرفندن دخی فارس اقلیمه تجاوز
 ایدن عسکر اسلام ققنه موفق اولدقلرندن عمر رضی الله
 تعالی عنه صلاة عامه اذانی اوقوتدی اهالی مسجد
 رسول المهدیه اجتماع ایلدکارنده کلان مکتوبی قرائت

و فتوحات جلیله بی اشاعت ایتدکن صکره منبره
 چیتوب ای اهالی بوکون فرس دولتی ممالک ایرانده
 بر قارش یره مالک دکلدر رسولز محمد علیه السلام
 واسطه سیله اللهک بزه وعد ایتدیکی فتوحاته نائل
 اولدق بز اللهک امرینه و رسولنک سنتنه اتباع
 ایتدکجه بو حال سعادتاً لدوام ایده جکنه شبهه یوقدر
 تبدیل اخلاق ایدرسه کز الکزده اولان مملکتلر ائم
 سائره الله کچر ایشته قورقه جـق شی بودر دیوب
 ﴿ ان الله لا یغیر ما بقوم حتی یغیروا ما بانفسهم ﴾
 آیت کریمه سنک مال حکمت اشتمالنک بیان مفهومیه
 حضارک مسامعنی تشنیف و مفهوم خطاب ربانی ایله
 جمله نک قلبی تنویر ایلدیلر ونهری تجاوز ایلماستی
 یازدقلری جوابده احنف بن قیسه امر ایلدیلر .
 یزدجرد مروالروده ایکن صغد ملکندن و ترکستان
 خاقانندن و چین پادشاهندن استمداد ایتشیدی بلخده
 منهزم اولوب نهری کچدکده خاقان بر مقدار ترک
 عسکر یله و فرغانه اهالی سیله و صغد حاکی بر طاقم
 عسکرله امداد ایدوب بلخ کلدیلر چین پادشاهی
 احوال اسلامی بعدالتحقیق صلحه تشویقی مشعر جواب
 یازوب یزدجردک سفیرینی اعاده ایلدی اقوام ترکیه
 بلخه وصوللرنده عسکر اسلام مروالروده درنوب

احنفه اعلام حال ایلد کلرنده یکر می یک نفر عسکر
ایله بلخه رجعت ایلوب طاغک اتکنده یرطوتدی
و طرفین عسکری استخاکامره کیروب یکتلر
مبارزه به چیقديلر ترکردن اوچ کشی عسکردن
آیریلوب برر برر احنفله اقتران ایلد کلرنده یکدیگرینی
متعاقباً اوچی دخی احنفک قلیجیله مقتول اولنجد
احنف اردویه رجعت ایلدی خاقان بوندن
تشم ایتکله اوکیجه عسکر یله قارشویه کچوب
یزدجردی ترک ایلدی یزدجرد دخی ایراندن استصحاب
ایلمش اولدیغی نقود و اشیای نفیسه بی باغلا یوب
قارشویه مرور قصدنده ایکن معیتنده اولان اعیان
اهالی و اکابر دولت اعتراض ایدوب اسلام ایله
مصالحه نک عاقبتی محمود اوله جغنی دلائل سردیله بیان
ایدوب کیده جکی دیار خلقتک سوء اخلاقندن بحث
ایتدیلسده کارکر ایلوب نهری مروره اصرار
ایلدیکندن خزائن و اموالی جبرا یزدجردک الندن
آلدیلر سبکبار اوله رق نهری کچوب خاقانک تعیین
ایلدیکی محله اختیار اقامتله عثمان بن عفانک خلافتنده ک
ترکستانده قالدی کندوسندن روگردان اولان اکابر
احنفله عقد صلح ایلوب جزیه بی قبول و یزدجرددن
اتخلاص ایلد کیری اموال و اشیای احنفه تسلیم

ایلدیلر احنف بلخه برار اقامت ایلوب غنایمی تقسیم
و کوفه عسکرینی محال مناسبه به تعبیه و تنظیم ایدوب
مروارود طرفنه عود و قفول ایلدیلر .

سطور سالفه ده اشارت اولندیغی اوزره امرای اسلام
ایران جهاتنه توغل ایتکله قرار و یرلدکده امرای
اسلام فارس اقلینه دخی تجاوز ایدوب مقارمت
ایچون تجمع ایدن ایران اردوسی حرب تدافعی به
قرار و یز مکله موافقه تقسیم اولدیلر امرادن
محاشع بن مسعود شاپور و اردشیر خره طرفنه کیمکده
ایکن توجده اولان فرس عسکری تعرضه ایتدار
ایتملر یله محاشع اوزرلرینه هجوم ایدوب توجه التجا
ایلدیلر سده برشیی مفید اولیوب عسکر اسلام
بودفعه دخی توجی عنوة فتح ایلوب محارب لری شدیداً
مؤاخذه و استلحام براه جوار اهالیسی جزیه قبول
ایلد کلرندن عقد صلح اولندی « طارس موقعی
محارب به سنده علاء الحضرمی توجی معدا فتح ایتمش
اولدیغی تحریر اولمشیدی » .

امرادن عثمان بن العاصی اصطخر فتحنه توجه و جورده
راست کلدیکی ایران فرقه عسکریه سنی بریشان ایلوب
جوری بعده اصطخری عنوة فتح ایلدی اندر قلقوب
کازرون و نوبندجانه استیلا ایلدی و ابو موسی امداده

كلوب شیراز وارجانی برابر فتح ایلدوب خراج ر بط
ایلدیلر اندن عثمان جنبه اوزرینه کیدوب فتح ایلدی
وجهرم سمته بولدیغی ایران فرقه سنی منهزم
ایلیوب جهرمی دخی فتح ایلدی و امرادن ساریه بن
ز نیم بساودارا بکرد اوزرینه کیدوب محاصره ایلدی
اهالی فارس کردلردن استمداد ایللریله کردلر کلیلی
کالدگرنده صحرا ده عقد محاربه ایلدیلر خلیفه
رسول الله عمر مسجد شریفده منبرده خطابت ایدرکن
اسلاط موقعی قلت عددنری جهتیه ناخاسب
اولدیغی قلب منورلرینه عکس ایدجیه «یاساریه الجبل
الجبل» دهرک سیاق خطابتدن چیقیدیلر صوت
مقدسلمی ساریه نك سمعه واصل اولوب طاغک اتکته
چکلدیکی حد تو اتره وارمشدر ساریه موقعی تبدیل
ایتدکن صکره دشمنه غلبه ایلدوب اغتنام ایلدگلری
اشیا اراستنده برچکجهده جواهر ثمنه بولمغله عسکر
طرفندن بیت الماله اهدا ایلدخس ایلد برابر کوندلش
ایسهده بین المحاربین تقسیم اولمق اوزره خلیفه
طرفندن اعاده اولندی امرادن سهیل بن ندی کرمان
فتحنه توجه ایلدی و عبدالله بن عبدالله بن عتبان معیتی
عسکر یله امداده یتشدی ایراک بریوک فرقه سنه
تصادفله اورانک وادیسنده عقد مصاف اولوب

شدید محاربه اولدی اسلام یوللری طوتدقلردن فرس
قچاقلری جای نجات بوله میوب اکثریسی تلف اولدی
ونسیر بن عمرو جیرفت ضبطنه کیدرکن اثنای راهده
کرمان محافظنی قتل وبعده جیرفته کیردی بعض
مورخین کرمانک فاتحی عبدالله بن بدیلدر دیدیلر
بو اختلاف اسمده اولان التباسدن نشأت ایتشددر
امرادن عاصم بن عمرو سجستان فتحنه کیدوب اراضی
سفلاسنده ایران عسکر یله محاربه و غلبه ایدرک دشمن
زرنج استحکامنه کیردی بری طرفدن اسلام زرنجی
حصرو تضییق ایدوب عاقبه الامر اراضیدن خراج
ویرمک شرط یله مصالحه اولندی سجستان ولایتی
خراساندن واسع برایت اولوب اهالیسی چوق کره
ترکستان طوائفیله مقاتله ایدرلردی الحکم بن عمر والتغلی
دخی مکران سمته توجه ایدوب و امرای اسلامدن
عبدالله بن عبدالله و شهاب بن المخارق و سهیل بن
عدی امداده یتشوب وسند اهالیسندن مکرانه امداد
كلوب قتال عظیم اولدی و تانهرک کنارینه دك دشمنی
طرد و تعقیب ایدرک اسلام نائل فوز و نصرت اوله رق
اندن مکرانه دونوب خبر فتحی خلیفه یه اشعار
ومکرانه برمدت اقامتی اختیار ایلدیلر
امرای عسکر اسلام طرف طرف ایران فتحنه مأمور

اولدق قلمری زمانده عمر رضی الله تعالی عنه بصره
حدودینک نهایتنه دک کیدوب اسلام فرقه لرینه ایجاب
حالده امداد واعانه ایچون ابوموسی یه امر ایتش
اولدیفندن مقدار کان عسکرله بیرون سمتنه توجه
ایلدکده نهر تیزی ایله منادر پیننده اهواز اهالیسندن
پک چوق خلق تحشد ایدوب اکثریسی کردنر ایدی
ابوموسی بوجعیتلره تصادفله طرفیندن مهاجره
ومقاتله اولنوب رؤسایان مهاجرین زیاد شهید
اولدی انجق اسلام عسکری عاتلری اوزره نصرت
الهییه اعتماده ایله جهادده صبر ایلدکارندن دشمن
منهزم ویریشان ارلرق بعضی مواقع منعه یه تحصن
ایلدیلر ابوموسی بردخی اقتحامه محالری قالدیغنی
کورجه اولوقته اصفهان قحنه کیدن فرقه یه امداد
گتمش و برادری ربیع بن زیادی محصور کردلری
استیصاله براقشیدی اصفهان قحندن صکره ابوموسی
بصره یه عودت ایلوب برادری ربیع دخی بیره
حصنی قح واکرادی جزیه یه ربط ایلوب برادری
ابوموسی نزدینه بصره یه کیدوب خمس غنایمی قح
خبرله مدینه یه کوندردیلر ضبة بن محضر بر ماده دن
طولای ابوموسی یه طارلوب مدینه یه کتدی وعمره
شکایت ایتدی بیان ایتدیکی قلملری تحقیق ایچون عمر

رضی الله تعالی عنه ابوموسی بی مدینه یه دعوت ایلوب
کلدکده تبرئه ذمت ایتکله منصبنه اعاده ایلدی
شکایتلردن بری زیاد بن ابی سفیانک مصالح حکومتده
استخدام اولمسی اولمغله آنی دخی جلب ایدوب فرط
ذکامی وعلم ودهاسی نزد امیر المؤمنینده تحقیق ایتکله
آنی دخی مأموریتنه اعاده ایلوب ضبه نک کذبی تشهیر
ایلدی .

✽ بومقاله حزن کلامه عمر رضی الله تعالی عنک ✽

✽ شهادتیه شورانک صورت جریانی و عثمان ✽

✽ ابن عفان رضی الله تعالی عنک خلافتی ✽

✽ بیاننده ✽

مغیره بن شعبه نک ابولؤلؤه استنده عجم نصرانیلردن
آزادلی برکولهسی رارایدی چارشوده برکون عمره راست
کلدی کونده ایکی درهم ویرکوک کثرتدن شکایت
ایلدی صنعتک ندر سوال ایتدیلر دمر چیانک دولکرلک
نقاشلق دیدی بوضعیله نسبتله ویرکوک چوق دکلر
وایشتمکه یل دکرمنی بنا ایدوبیلورم دیمشسین بکا
بریل دکرمنی انشا ایدر میسین دیدیلر سکا بریل دکرمنی
بانه یکه مشرق و مغرب اهالیسینک جمله سی بکنسون

دیوب صاوشد قد عمر کوله بنی تهمید اید یور دیدی
 ایرتعی کونی مسجد شریفده صباح نمازینی قیلر کن لؤلوه
 ایکی باشلی بر خنجرله الی یردن امیر المؤمنینی جرح و کلیب
 ابن ابی بکیری وابن اثیر قولنججه دها بر قاج کشی قتل
 ایلدی عمر رضی الله عنه تأثیر جر و حدن بیتاب اولوب
 مسجدده یاتدی و عبدالرحمن بن عوف رضی الله تعالی
 عنہی نمازه استخلاف ایتدی نمازدن صکره خلیفه بی
 خانه سنه نقل ایتدی لر الی یارمک بری کوبکی آلتده
 اولوب درین اولدیغندن خلیفه رسول الله حیاتدن
 نا امید اولغله استخلاف ایچون اصحاب رسول اللهدن
 الیقنی تفکر ایدرکن ابو عبیده بر حیات اولیدی اکا
 وصیت ایدردم دیدی و صکره عبدالرحمن بن عوف
 رضی الله تعالی عنہی جلب ایدوب خلافتی سکا ترک
 ایدیم دیدیلر عبدالرحمن خلافتی قبوله بکا نصیح
 ایدر میسکر دیدی ایدیم دیدیلر اویله ایسه بنده والله
 قبول ایتیم دینجه « فہبنی صمتا حتی اعہد الی نفر الذین
 توفی رسول الله صلی الله علیہ وسلم و هو عنہم
 راض » یعنی بنی بوسوزی سویلامش کی عد ایله
 تا کیم رسول الله علیہ السلام کندولرندن
 راضی و خوشنود اوله رق ارتحال ایتدی کی کشیلره
 بو خصوصی عہد ایدیم دیدیلر اندن صکره علی و عثمان

و تیر و سعدی دعوت ایلوب عبدالرحمن دخی انلرله
 برابر ایدی طلحه یه اوچ کون منتظر اولکز کلورسه
 فیہا کله مدیکی حالده خلافت ایچون سزدن بریسته
 قرار و یرکز سزدن مسند خلافتہ کچہ جت کشی افارینی
 ناسک رقبه سنه تحمیل ایتامکه الله ایله عہد ایتش
 اولسون مهاجرینی ایوا و اسلامه نصرت ایدن
 انصارک محسنه احسان و مسیئنه عفو ایله معامله
 اولسون دیدکدن صکره اسلامک ماده و مایه سی اولان
 قوم عریدن تحصیل اولته جق صدقه لری فقر استک
 انفاقنه صرف و رسول الله علیہ السلامک عہد لری
 محافظه و ایفا ایدلسون دیوب بعده ای خدا اسلامک
 اعلای شاننه و مصالح مملکتک اتقانه مبالغه ایلدم
 بندن صکره خلیفه اوله جق کشی کمال راحتده بر اقدم
 دیدیلر بعده اباطلحه الانصاری یه امر ایتدی لر که بونلری
 یعنی شوری ایچون انتخاب اولتان کشیلری بر او طه یه
 قیلسون و کندوسی قپوده طوروب بینلرندہ قرار
 و یرنجہ یدک کیمسه اولدقلری محله کیر مسون بعده
 او غلی عبید الله بنی کیم قتل ایتدی دیدیلر
 سنی قتل ایدن مغیره مک کوله سی ابو لؤلوه در
 دیدکده الله تعالی یه حمد ایدر مکہ بنم اولم الله بر کره
 سجده ایتش کشی التندن اولدی دیدی صکره

رسول الله و ابو بكر ياننده دفینه عایشه دن اندن
ایستدیلر انلرده قبول ایتدیلر بعده او علی عبد الله
اهل شوری اختلاف ایدورسه سن اکثر جانبند، و اگر
مساوات اولورسه عبد الرحمن بواندین طرفده اول
دیدیلر اندن صکره مهاجرین و انصاری حضور
شریفینه قبول ایلدیلر علی و عباس رضی الله تعالی
عنهم سمر سعادتلری اوچنده او طور ب جلب ایتدکلری
طبییه باقدر دیلر نجات اولمادیغنی کورنجه خلافتی و صیت
ایله دیدی ایتدم دیدیلر اندن صکره دنیا دن اعراض ایله
آخر نفسدک ذکر الله ایدرک هجرتک یکریمی اوچنجی
سنه سی ذی الحجه سنک یکریمی یدنجی چهارشنبه کونده
ورقاء بالا پرواز روح مقدسلری محبس قفس بندن
ساحه بی مساحه عالم قدسه ارتقا ایلدی رضی الله تعالی
عنه مدت خلافتلری اون ییل الی ایدر اندن صکره
وصیت موجنبه اصحاب کرآمدن ابو طلحه الانصاری
و مقداد کلوب خلافته مترشح بولنان و میانلرندن
برینی خلافته انتخاب ایللری خلیفه خلد مقام طرفندن
مأمور اولان ذاتلری مسور بن محزمه و بعض روایت
کوره عایشه رضی الله تعالی عنهانک خانه سنده جمع
ایلدی انتخاب اکثر آرایه تابع اولسی و یدیلرند،
اختلاف اولورسه عبد الله بن عمری حکم ایدرب انجق

امر خلافته داخل اولماسی و مساوات اولورسه
عبد الرحمن بن عوفک بولمادیغنی طرفده اولسی
و مشاوره و قرارک مهلی اوج کونی تجاوز ایتماسی
عمر رضی الله تعالی عنهنک وصیتی اولمغله موجنبه
حرکت اولندی انجق امر انتخابه اصحاب و امرا
یئینده رأیلر متشعب و مدینه ایچیده هیجان افکار رونما
اولمادیغندن اهل شورانک بعضیلری رفع قیل و قال
ایچون عبد الرحمن بن عوفه خلافتی قبول ایلمسینی رجا
ایلمشرسده قبول ایتدیکندن علی بن ابی طالب
و عثمان بن عفان یئینده امر خلافت متردد
قالدی اوچنجی کیجه عبد الرحمن بن عوف علی
و عثمانی کوروب صباح نمازینی قیلچیه دک برلکده
بولدیلر انجق سویلشد کلری سوزلر ظاهره
چیقمدی نمازدن صکره مهاجرین و انصار و امرای
اسلام مسجد شریفه دعوت اولتوب کلانلردن ازدحام
حاصل اولدی عبد الرحمن بن عوف جمعیه خطاب
ایدوب رأی ایستدی کیمسی علی و کیمی عثمان دیدی
وینه منافسه و مناقشه ظهور ایدرب فتنه وقوعی
مظنون اولمغله عبد الرحمن علی به سن کتاب الله و سنت
رسو الله و شیخینک یعنی ابو بکر و عمرک خلافته
سلوکنه اتباع ایدرمسین دیدی علی علم و وسعم

درجه سنده اجتهاد ایدرم دیو جواب ویردی
بعد عثمانه بوشوزلی عینیه سویلدی اویله قبول
ایدرم دیدکده باشنی مسجدك سفقنه طوغری
قالدروب یارب شاهد اول دیوب عثمانك النی طوتدی
بوینده اولان امانتی عثمانك بوینده آصدم دیدی اندن
صکره مسجدده اولانلر کافه بیعت ایلدیلر اوکون طلحه
رضی الله تعالی عنه دخی سفر دن کلوب خلیفه عثمان
رضی الله تعالی عنه ایله کورشدکده عثمان مراد
ایدرسه کن اعاده سی قایلدر دیدی سکا کافه سی بیعت
ایلدی دیدی اوت ایتدیلر دینجه اجماعدن ایرلام
بنده بیعت ایلرم دیوب و عثمانك النی طوتوب بیعت
ایلدی .

بوماده ده شجره روایات متشعبة الغصون اولوب هر بر
فرقه فکر نه اویغون برداله یا شمش ایسه ده صحت حال
و نتیجه مال وجه محرر اوزره اولدیغی تواریخ معتبره
نظر امعان ایله مطالعه اولنورسه تصدیق اولنه جغنی
مأمول ایدرم بن بومقاله یی ابن اثیر وابن خلدون
تاریخلرندن تلخیص ایلدم وسائر ائمه تاریخ کتابلرینه
مر اجعت ایدرم .

عمر رضی الله تعالی عنہک وفاتی عقیبنده عبدالرحمن بن
ابوبکر خلیفه شهیدك اوغلی عیداللهی کورمك

قصیدله خانه سندن چیقوب کلورکن اثنای راهده
قاتل ابو لؤلؤه ایله سطور سالقه ده صورت اسارت
وعفوی ویت المالدن آیده ایکی بیک درهم نفقه ایله
مدینه ده اقامتی خلیفه شهید جانبندن تنسیب اولندیغی
بیان اولنان فیروزانه وحیره نصاراسندن جفینه یه
راست کلوب عبدالرحمانی کوردکلرند، حالری متلاشی
اوله رق صاوشرکن ارانزدن ایکی باشلی بر خنجر یر
دوشدیکنی کوروب خلیفه نك قتلنده بو اوچ کشی
متفق اولدیغنه ذاهب اوله رق عیدالله بن عمری
کوردکده قضیه بی بیان ایتکله عیدالله همان بو اوچ
کشینك اوزرینه کیدوب اوچنی دخی قلیچله قتل ایلدیکی
صره ده سعد بن ابی وقاص رضی الله تعالی عنه محل
واقعه ده عیداللهی یقه سندن طوته رق خلیفه
رسول الله عثمان رضی الله تعالی عنه کورتوردی
وبو آدم قاتلدر دیهرک وقوع حالی بیان ایله قصاص
اولمنسنی رأی ایلوب عیدالله حبس اولندی بعده
علی کرم الله وجهه دخی کلوب عیداللهک قصاصاً
قتلنی مراد ایتدیسده، عمرو بن العاص خلیفه نك زدرینه
واروب یکن کون عمر و بوکون اوغلی قتل اولنسون
بو اوله مز دینجه خلیفه عثمان فیروزان ایله جفینه نك
ولیلری بنم بیت الماله دیتلرینی کندو مالدن ادا ایدرم

دیه رک عبیداللهی عفو و دینی بدندان بیت الماله تأدیه
ایلدی بو روایت دخی ابن ثیر و ابن خلدون
تاریخ نندن تلخیص اولمشدر انجق قاتل ابو لؤلؤه
عمر رضی الله تعالی عنہی جامعده مجمع اسلام اراستده
قتل ایش ایکن حکومت طرفندن توقیف و اخذ
و حبس اولمیش عبیدالله قلیجیله اتفاقده شبهه التند
بولنان فیروزان ایله دیگر رفیععلری جفینه نک قلی
خصوصی استغراب اولنور عبیدالله خلیفه مقتولک
ارغلی ایکن سعد بن ابی وقاص قتل تمثیله اخذ و حبس
ایلدیکی حالده ابو لؤلؤه مطلق العنان کزه بیلور میدی
سیاق حکایهده قصور وارد هر نه ایسه مجرد برطن
و شبهه ایله او ایکی کشتیک قلی اسلامده برنجی اعتساف
عد اولنور عینی تاریخنده عبد الرحمن بن ابی بکرک
بیان ایتدیکی شبهه اوزریه عبیدالله بن عمر قلقوب
فیروزان و جفینه بی بولور قتل ایلدیکی مذکور ایدینه
و ابو لؤلؤه به دائر برشی یازمده یغنه نظرا ابو لؤلؤه
حکومت طرفندن حین وقعهده اخذ و حبس اولمده یغنه
دلالت ایملکه سیاق اخبارهدها موافقدر علی کرم الله
وجهه مسند آرای خلافت اولدقده عبیدالله بن عمر
خوف قصاصدن فرار و معاویه به التجا ایدوب آند
قرار ایلدی مؤخر احراب صفینده مقتول اولدی .

عمر رضی الله تعالی عنہک صفی *

اوزون بویلی اعضاسی متناسب قوی البنیه بکری
حرته مائل و بیاض باشی صاحبسز و مبارک لویه سی
آق ایدی محار به زده شیدر آبی سدید عاقل و عادل
مهیپ و لطیف متقی و عقیف ایدی زمان خلافتلرند
حکومت اسلامیه شرقدن دمیر قیویه و جنوبدن
اصوانه و غربدن طرابلسه دک تمتد اولوب بیت المال
مساین کثرت اموال ایله مالی ایکن اولادر عیالی کفاف
نفسدن فضلده بر نسته یه مالک دکلر ایدی انجق
اسلامدن مستحق اولنلزه بیت المالك قیوی آچیق
اولوب هر کس استحقاقده کوره مرفه الحال ایدی .
عمر رضی الله تعالی عنہک وفاتنده بعض ایاتلر خلع
طاعت ایلوب عصیان ایلدیلر و روملر المرنندن چیقان
ممالکی استردادده تشبث ایلوب اسکندر یه خلقنی اغرا
ایدرک قالدردیلر و قسطنطنیه دن کیمرله امداد ایدوب
روم سرعسکری منویل عسکرله اسکندر یه ساحله
چیقوب مصره طوغری یوردیلر و آذربایجان ولایتیه
ارمنیه اقلیمی خلقی ربه اطاعتی رقبه نرندن صیروب
شقاقه تصدی ایلدیلر و اناطولی طرفندن روملر
برجسیم اردو ایله سوریه به کیردیلر مصره طوغری

یورپیان روم عسکرینه عمرو بن العاص قارشو چیتوب
 جله سنی پریشان واسکندریه به دك تعقیب ایدوب
 قلعه به طبقدی وقلعه بنی عنوة الوب اهل عصیانی
 وروم عسکر بنی استلحام ایلد کدن صکره اسکندریه
 حصار لر بنی بیقوب یرله یکسان ایلدی و هجرتک یکر می
 بشنجی سنه سنده عثمان بن عفان بیت المال دن وقوع بولان
 براستقراضدن طولانی سعدی کوفه دن عزل ایدوب
 ولید بن عقبه بنی نصب ایلدی و آذر بیجان وارمنیه ده
 نقض عهد ایدن اهلینک اوزرینه مأمور ایتدی ولید
 بر مقدار عسکرله چیقوب شریلی مقدمه ایش ایل
 کو ندردی بونلر آذر بیجانه کیدوب اهل عصیانه غلبه
 ایتلریله اهالی استیمان ایله صلح ایلدیلر بعده ارمنیه
 دیارینه کیروب اون ایکی بیک عسکرله سلمان بن ربه بنی
 اهل انتقاض اوزرینه تعیین ایلدی مخالفلر سطوت
 اسلامه طیانه میوب تاتفیس و شروانه دك عصاتی پایمال
 ایدرک کیدوب در بنده دك و اردی و حصون و دیاری
 عنوة و بعضاً صلماً فتح ایلوب امنیتی اعاده ایلد کدن
 صکره ولید جانبیه دوندی اورانده ایش قلمدیغدن
 ولید کوفه به عودت ایلکده ایکن اثنای راهده
 اناطولی طرفدن سوریه اوزرینه یوریمکده اولان
 سکسان بیک کشیدن مرکب جسیم اردویه مقاومت

ایچون شام والیسی معاویه خلیفه دن مدد طلب ایلدیکی
 جهته بر مقدار عسکرله امداد ایلسنی ولیده اشعار
 ایتکله موصله وصولنده سکر بیت عسکرله سلمان بن
 ربه بنی امداده کوندردی ربه شام دیارینه کیروب
 حبیب بن مسلم عسکر یله بر لشهرک اناطولی به روم دیارینه
 کیروب وسیل عرم کی آقوب روملری استیصال
 ونیمه قلعه لر قح ایلوب مظفر اولدیلر هجرتک
 یکر می بشنده عمرو بن العاص مصر دن عزل ایله مدینه به
 دعوت اولندی و یرینه عبدالله بن ابی سرح نصب اوانوب
 افریقیه فتحنه مأمور اولدی بطور سافنده اسلامک
 طرابلسه دك غریبه مظفر بنی بیان اولمشیدی بودفعه
 بلاد غریبه به توغل صره سی کلکله عقبه بن نافع بن
 عبدالقیس و عبدالله بن نافع بن الحرث اون بیک نفر
 عسکرله ایکی قولدن افریقیه تجاوز ایتدیلر سده
 عسکرک قلاتی سبیلله ایچرویه طوغری توغل
 ایده مد کلرندن عبدالله بن ابی سرح خلیفه دن استمداد
 ایلدی بو خبر مدینه به واصل اولدقه عثمان رضی الله
 تعالی عنه اصحاب رسول الله ایلد استشاره ایدوب
 امداد ارسالنه موافقت ایتد کلرندن لزومی قدر عسکر
 جمع ایدوب اصحاب رسول الله دن بعض ذوات کرام دخی
 مذکور اردو ایله برابر چیقدیلر که ابن عباس و ابن

جعفر و سبطین نجیین حسن و حسین و این عمر و ابن
عمر و بن العاص داخل عداد اصحاب ایدیلر هجرتک بکرمی
التیسندہ چیقوب صحاب رحمت کی مصره و اندن طرایلسه
واصل و همان برقاج قولدن افریقیه یه کیروب راست
کلدگری روم عسکرینه غلبه ایدرک مقر امارت اولان
سییطله شہرینه تقرب ایلدکلرندہ هرقل طرفندن
وکیل ولایت اولان جرجیر یوز بکرمی بیک عسکرله
سییطله دن ایکی مرحله مسافده عسکر اسلامه تعرض
ایلدی برقاج دفعه تلافی عسکرین واقع اولوب ایکی
طرف عسکری محاررندہ ثبات ایدیلر بونلر بو حالدہ ایکن
ابن زبیر برورقه عسکرله یتشوت معسکر اسلامه کیروی
بعده احرا عقد مشورت ایدوب حربک حرکاتی مداکره
ایلدکلرندہ ابن زبیر تنسییله عسکری ایکی فرقہ یه
آروب بر فرقہ سی دشمن عسکرینی اتعاب ایدجه یه دک
حرکتد بونلر دیگر فرقہ سی رجل واحد کی دفعه
هجوم کوسر دکلرندہ یورلمش روم عسکری حربہ
یکیدن کیرن عسکر اسلامک مهاجمات شدیده سته تاب
آور اریلوب منهزم و مقهور ایدیلر ابن زبیر
جرجیری قتل ایلوب روم اردوسنک چادرلینی
باشلرینه بقیدیلر بقیه السیوف سییطله یه التجایه شتاب
و عسکر اسلام تعقیبه اهتمام ایلوب افتان و خیران

استحکام لرینه کبر دیلر اندن صکره عبد الله بن ابی سرح
عسکر اسلامی تعبیه و ترتیب ایدوب سییطله بی عنوة
فتح ایتدکلرند صکره افریقیه نک داخلنه کیروب بر فرقہ
عسکر قفصه نام حصنه هجوم ایلہ فتح ایدوب دیگر
بر فرقہ عسکر اجم قلعه سنی تضییق ایتدکلرندہ استیمان
ایدوب تسلیم اولدیلر بوندن صکره افریقیه اہالیسی
عموما صلح طاب اوله رق ایکی بچق ملیون دینار بدل
صلح ایلہ دائره اطاعته داخل اولوب مستریع اولدیلر
و عبد الله بن ابی سرح افریقیه ده بریل اوچ آی جولاندن
صکره مصره عودت ایلدی بو خبر قسطنطنیہ یه
واصل اولدقده قسطنطنین بن هرقل افریقیه اہالیسنک
وضعنه حدت ایدوب اسلامه و پردکاری بدل صلح
قدر اقچه تحصیل طنجہ یه کیلرله عسکر کوندرمش
ایسده اہالی بزی محافظہ یه مقتدر اولیان پادشاهه
انقیاد بورجز دکادر دیه رک کلان مأمورری قہرا
طرد و ابعاد ایلدیلر بوندن صکره قسطنطنین
عساکر کشفہ ترتیب ایدرک التی یوز قطعہ کی
ایلہ بالنفس بحر سفیده چیقوب اسکندریہ مصر
اوزرینه توجه ایلدی و اوتوز بیک عسکر معاویہ
اوزرینه کوندردی معاویہ جلولاہ عسکر رومی
بوزوب تحصنه مجبور ایلدی و در عقب بر مقدار

عسکره دکره چیقوب عبدالله بن ابی اسرح دخی بر
 دوغما طونادوب ووزومی قدر عسکر ایندیروب
 قسطنطنینه مقابله به چیققدقه برشام دوغماسیله برلشوب
 معاویه ایله ملاقات ایلدکرنده امور حربی مذاکره
 و ترتیب ایلدیلر بوخلالده روم کیلری دخی ظهور
 ایلمکله اسلام دوغماسی ساحله یناشوب او کیجه دهر
 ارزنده بواندیلر علی الصباح فلک زریں رسن فلک
 چارمین افق قلعی رنک آسماندن ظهور ایله نشر نور
 ایلدکده جوارى منشآت اسلام فتح قلاع و اعلام
 نصرت وروی دریاده حرکت ایدرک روم دوغماسنه
 چاندیلر ویکرمی نه اول صوبی برداقده و بالخی طبقده
 کورن عرب طوائفی دکر ارسلانتری کبی دشمن کیلرینه
 هجوم ایدوب شدیداً محاربه و قتال ایدرک کیلرک
 اکثریسی خرق وروملری ازماریت بالغی کبی دکره
 دوکوب غرق ایلدیلر و قسطنطنین مجروح اولوب
 التده کی کی یورک اولدیغندن نیجه نیجه محن و مشاق
 ایله کندوسنی چچلیا اطه سنه آتوب گویا سلامت
 یقه سنه چیققدی انجق چچلیا اهالیسی دخی روم
 حکومتک ظلم و اعتسافندن بیغمش وایمراطوررک
 اوضاع نااهموارندن اوصانمش اولدقلرندن قسطنطنینی
 حامده باصوب بوغدیلهر بوواقع هجرتک اوتوز برنجی

سائده ظهوره کلدیکی روایت اولمشدر بو محاربه و موقع
 محاربه به عرب ذات السواری تسمیه ایتدیلر که کمی
 سرنلرینک کثرتندن کنایه در اسلامک متوالیا غلبه سی
 و بوسفرده بحرده دخی روغما اولان نصرتی روملری
 قسطنطنینه دن دخی ناامید ایشمش ایکن تشتت آرادن
 ظهور این خلافت نزاعلری اسلامک ترقیسی
 نه صورتله برمدت تأخیر ایلدیکنی ان شاء الله تعالی آتیده
 صره سنده بیان ایدرز .

اوراق سالفه ده بیان اولدیغی اوزره سوریه محاربه سی
 آچلادیغی زمانده یزید بن ابی سفیان دمشق سنجاغنه
 و برادری معاریه بن ابی سفیان اردن لواسنه تعیین
 اولمشیدی طاعون عمواسده ابو عبیده و اکثر امرانک
 ویزیدک وفاتی معاویه نک توسیع دائره ولایتنه سبب
 ارلهرق عثمان خلافتک ایکنجی سنه سنده همان
 سوریه نک تمامنه والی اولدی عمر رضی الله تعالی عنہک
 خلافتنده قبرسک فتحی ملحانه عرض ایش ایسه ده
 خلیفه دل آکا، دکر محاربه لرینه اسلامک ممارسه سی
 اولدیغندن معاویه نک طلبنه موافقت ایتمز و معاویه
 دخی بو داعیه دن کچمز ایدی عثمان خلافتنده دخی
 قبرسک برشامه قریتنی و موقعنک اهمیتنی بیان ایله
 فتحی مصرانه مراد ایلمکله بو محاربه به اسلامدن

استیان کیتسون اسلامی تخیر ایتک شرطیله قبول ایدرم
دیو جواب یازمش و شاید اسلام قبرس قتحی آرزو
ایدرده کیده جک اولور لر سه مصرده اولان عسکر
اسلامه دخی تبلیغ اولنسی عبدالله بن ابی سرحه اشعار
اولندیغندن بالنفس عبدالله و معاویه قبرس اوزرینه
دو نمار یله کیدوب سنه ده یددی بیک دینار و یرکو
و یرمک و بحراروم دولته محاربه آچیلق لازم کاورسه
اوراسی سفن اسلامه محل استناد اولق و روملرک
احوالندن اسلامی خیردار ایتک و اسلام دشمنلرینه
یاردم ایتماک شرطیله ودها بعض شره طله مصالحه
اولنوب برزمان اسلام کیمیری قبرس لیمانلرنده بارنوب
روم قورسانلرینه غزا ایدوب غلبه یدرلری حتی
امیر البحر عبدالله بن قیس قبرسده اقامت ایدوب الی
دفعه روم قورسانلرینه متوالیا غلبه ایدوب برکره
لواسی منکوس اولمدیغی روایت اولنور عاقبة الامر
روم ساحلرینک برنده غیلة قتل اولنوب یالکیز بندیکی
قایغک ملاحی فرار ایده یلادی قبرسک قتحی تاریخمده
روایتلر یکدیگرندن فرقلی اولوب هجرتک یکر می سکرنده
قتحی اعصح روایتدر .

* عبد الله بن عامر کت بصریه والی نصیله *
* نقض عهد ایدن فارس و خراسان *
* خطه اریتمک اصلاحی *

عثمان بن عفان خلافتنده بعض اوضاعدن طولایی
اسلام و خصوصاً اصحاب کرام بیننده گفتکو چو غالمغله
هنوز مسلمانلق تقرر ایتماش اولان ممالکده عصیان
وارتداد صورتلری کورینه رک و روم و فرس استرداد
ممالکه طمع ایلیرک آذربایجان و ارمنیه کبی جزیره
اگرادی و ایران اعلیسی عصیان و یکی مسلمانلر ارتداد
ایللیوب غوائل عظیمه ظهور ایلدی انجق بقایای
صحاب رسول الله بر ایکنجی قتحه همعنان عزیمت
اولوب آذربایجان و ارمنیه نک قتحنه و روملرک تنکیلنه
موفق اولدقلری کبی جزیره و ایران ممالکته برق
هدایت کبی یایلوب قتح ثانییه موفق اولدیلر بصره
والیسی ابو موسی الاشعری بصره عسکر یله چیقوب
جزیره اگرادینک اصلاحنه کیدرکن کندو اشیا سنی
فرق رأس قاطره یوکلندیکی موجب شکایت اولمغله
عزل اولنهرق خلیفه نک طایسی اوغلی عبدالله بن عامر
بصریه والی نصب اولندی عبدالله یکر می بش یاشنده
برکنج ایکن فرط عقل ودهی ایله فائق امائل اولمغله

همان بصره و عمان و بحرین عسکری بر لشدیر و
بر قاج فرقه به تقسیم و هر بر فرقه به اصحاب رأی
و تجربه دن بر ذات تعیین ایلوب اهل عصیان و خروج
اوزرینه کوندردی بو ذاتلر مقر خلافتده ظهور ایدن
قبل و قاله قولاق آصمیوب جمله سی اسلام اغورنده
یکیدن بدلجان و از زمان ایچنده اهل عصیان کیمنی
طوعار کیمینی قهرا دائرة اطاعته ادخال ایدرک ایران
و کردستانده اعاده آسایش و امنیت ایلدیلر .

بو کابیز هر نقدر وقایع مؤثره نیک محکمه سی و اسرار
حوادثک صورت مجسمه سی ایسه ده حکومت اسلامیه بی
تجدید ایدن بهادر ذاتلرک نامنی یاد ایتماک نامناسب
اولدیفندن و مطالعه ایدن اخوانی امهات کتبه مراجعت
زحمتدن وقایه لازم ایدو کندن مشار الیه مک سملرینی
بیان وجهت مأموریتلرینی اشعار ایدرز . شویله که
عبیدالله بن معمری خراسانین قالدروپ بر فرقه عسکرله
فارس اقلیمه کوندردی انک یرینه خراسانه عمیر بن عثمان
ابن سعدی والی ایدوب عمیر اهل عصیان و ارتداد
علیهنده حرکت ایلوب از زمان ایچنده تا فرغانه به دیک
کافه اهل عصیان اطاعته قهرا مجبور ایلدی
عبیدالله فارسده عصاته غلبه ایده میوب اصطخر
جانبنده وقوع بولان محاربه ده عسکری منهزم

و کندوشی مقتول اولدیفندن عبدالله بن عامر بصره
عسکريله بالنفس اصطخر اوزرینه ک میدوب فارس
عسکرینه شدتله هجوم ایدرک جمعیتلرینی متبیت
و اصطخر حصنه التما ایدلری حصر و تضییق ایلوب
اصطخری عنوة فتح ایتدکن صکره سائر فارس
دیارنده اولان معاقل منیعته نیک فتحته عزیمت و حرکت
ایلوب واردیغی محارک کافه سی فتح و تسخیر ایلدی
انجق اصطخر اهالیسی یکیدن عصیان ایتدکری
جهتله بر دخی اصطخر اوزرینه واروب قلعه بی دیابه
و منجیق قلعه بر مدت اوردقده هر طرفدن ثلله لر آجملغله
عسکر اسلام شکا فلردن کیروب حصاری ضبط
ایلدیلر اصطخر اهالیسی و اصطخرده اجتماع ایدن
فارس اقلیمی اعیانی متوالیا نقض عهد ایدرک انواع
فساده بادی اولدقفلردن اصحاب جرایمدن اولان کباری
قتل ایله مجازات ایلدی و فارس اقلیمی بر درجه ده
بی مجال ایلدی که چوق زمانلر حرکت و عصیانیه تاب
آور اوله مدیلر عبدالله و قایع فتح و ظفری خلافتده وقت
عثمان رضی الله تعالی عنیه اخبار ایلدکده فارس
و خراسان ممالکینی سنج اقلره تقسیم ایله هر بر سنجاغه
اسمنی تصریح ایلدیکی عمالی نصب ایلینی امر ایلوب
اولوجهله اجرا ایتدیسده عثمان بن عفانک قتل

زمانه دك ايرانده يرير اختلا لر ظهور ايدر ك عسكر اسلام مشغول حرب و جهاد اولدى عبدالله بن عامر بومحاربه لرده ضرورى اعمال شده مجبور اولمغله خليفه نك وفاتندن اول حجه اذن آلوب مكه مكرمه يه كندى و دونوب خليفه يه ملاقى اولدى .

﴿ مبداء نپاد و تشتت آراء ﴾

عثمان بن عفانك سن شريفلى درجه شيوخه ترقى اينجه اهل قرابته انقيادى تزايد ايتكله اكثر مناصبى اقرباسنه و اهل عشيرته توجيد ايلديكندن سائر امراى اسلامك قلى متغير اولوب مدينه منوره ده قيل وقال چوغالدى و اطراف ممالك اسلامه يالديغندن اهالى ييشده تشتت افكار و اختلاف و خليفه وقتى استخفاف اماره لى ظهوره باشلادى وليد بن عقبه هجرتك يكرمى بشنجى سنه سندن برو كوفه ده والى و جله حر كات و اطوارى مقبول اهالى ايكن مقر خلافتك اختلان احوالى كوفه كنجلريتك سر كشلكنه باعث اولمغله وليدك حر كاته اعتراض و حتى احوال خصوصيه سنه بيله مداخله يه جسارت ايدر ك احداث ايتدكلرى بر عربده دن طولايى ابن الحيسانى قتل ايتلميله قاتللىرى اخذ و حبس و لاحق اولان حكم شرعى موجبجه

خليفه دن بالاستيدان حكومت قوناغى قپوسى او كنده صلب ايلسى برقات دى غوغا جيلرك حدت و غضبته بادي اولارق حيل و دسائده تشبثله اختراع شكايات و مقر خلافته كيدر ب و ليدك سوء حالى و سر كرم صهبا ايكن نماز قلدرديغنى اثبات ايدوب هجرتك او توزنجى سنه سنده اجراى حد اولنهرق عزل اولندى و يرينه ظهور اسلامدن برو جمع خطوب عظيمه ده كفایت و اهليتى مشتهر اولان سعيد بن العاصى كوفه و اليسى نصب اولندى كوفه يه و وصولنده منبره چيقوب اتى اهالى بن كوفه يه كر ها كلدن مجرد امر خليفه يه مخالفت ايتماك ايچون اوزريكزه والى اولدم فساددن اتقا ايدكر اعمال شده بنى مجبور ايتيكز ديديسه ده كوفه اهالى سنك اخلاقى بوز يلوب اجلاف اشرافه غلبه ايلديكنى كورد كده احوالى خليفه يه يازدى هر طائفه يه درجه لرينه كوره معامله ايدوب اسلامده قدمى و بيت شرفده رسوخ قدمى اولنره حرمت و رعایت ايلسنى يازديغى جوابده امر و بيان ايلدى كلان مكتوبى حضور عامه ده قرائت ايلد كده كيمسه ده اثر قبول كورمديكندن فتنه نك دوامنى تيغن ايليوب تكرار خليفه يه اشعار ايلد كده اصحاب كرام و امراى اسلامى جمع ايليوب

جریان ایدن احوالی تبلیغ و عراقده مال و ملکی اولنله
اورادن قطع علاقه ایللرینی رأی ایلدی حضار
بوصورتک حصولی نوجهله اولور دیدکلرند، جزیره
اعربده مال و ملکی اولان اهل عراق ایله استبدال
صورتیله حاصل اولور دیدیلر جمله سی رأی خلیفه یی
قبول ایدرک مبادله اموال و املاک قرار و یروب
اولوجهله اجرا ایتدیلر « مرکزک اطراف اداره سنده
ضعفی بوتدیرک اتخاذهن ظاهر اولدی » بوسنده
سعید بن العاصی سبطین نجیبین حسن و حسین و ابن
عباس و ابن عمرو و زبیر و حذیفه بن الیمان و سائر بعض
اصحاب کرام معیتند اولدیغی حالد طبرستانک استیلا سنه
توجه ایلدی « عمر رضی الله تعالی عنہک زمان
سعادتلرنده طبرستانک بعض شروط ایله اطاعتی
یازمش ایدک » بونلر حدود طبرستانه وصوللرنده
صلحه رغبت ایدنلرک مسئولی قبول و مخالفت ایللرله
اجرا شدت ایلدیلر بوقعه عبدالله بن عامرک خراسان
قتلنه توجه ایتدیکی زمانه تصادف ایشیدی .

❖ بر قاج عد و مصحف شریفک استنساخی ❖

عبدالرحمانک ترک محاربه لرنده قتلندن صکره حذیفه
در بندن عودت ایلدکده جمله قرآن شریفک قرائتده

اختلافلرینی و بعض ایللرده بز فلان صحابیدن شو
صورتله قرائت ایلدک دهرک مخارج حروف و اعرابده
اختلافلر ظهور ایتدیکنی خلیفه یه عرض ایلدکده
اصحاب کرامی جمع ایله مشورت ایلدی نسخ شریفه تک
تکثیر یله محافظه سنه قرار و یرمکله اوراق سالفده
بیان اولدیغی اوزره یمامه محاربه سنده قرائدن برحق
ذاتک شهاتتی جهتیله عمر بن الخطابک رأیله جمع اولنان
نسخه شریفه ابوبکرک ارتحالنده عمرک و آنک انتقالنده
حفصه تک نزدنده حفظ اولمغله نسخه مذکوره
حفصه دن جلب اولنوب زید بن ثابت و عبدالله بن
الزبیر و سعید بن العاصی و عبدالرحمن بن الحارث بن
هشامه برقاج نسخه یازملرینی و قرائتده اختلاف
ایدلرله قرآن شریف قریش لسانی لهجه سنده نازل
اولمغله امر قرائتی اکا تطبیق ایللرینی امر ایلدی و نازل
اولدیغی کبی نسخ اولنوب نسخه یی تعدد ایتکله
هر دیاره برر نسخه شریفه کوندرلکله نسخ قرائت
اولندی .

❖ یزدجردک قتی ❖

اوراق سالفده ایران شاهی دردنجی یزدجردک
صورت هزیمتی و ایران ممالکک دولت اسلامیده

کیفیت انتقالی بیان و تفصیل اولمشیدی عمر رضی الله
عنہک انتقالند، فرصت بولوب اردشیر خره طرفند
جمع ایلدیکی برطاق عسکرله یکدن تشکیل حکومت
چالشورکن عبدالله بن عامر مجاشع نام امیری برمتدار
عسکرله ارزینه کوندروب خراسانه فرار ایلدی
مجاشع تعیب ایلدیسده زمان برودته تصادف
ایلدیکندن لشکر اسلام صفوقدن قریلوب انجق مجاشع
قورتلدی انجق ایران خلیق یزدجردک مقاومتی بی فائده
اولدیغنه متیقن اولنجه مشار الیهی ترک ایلله اسلامه
اطاعته مجبور اولملریله واطرافنده اولانلر دخی
کندرسنه عصیان ایتمکله یزدجرد ارتق برمحله
بارنه میوب شوراده بوراده متردد ویقرار اوله رق
(مصرع) جهانی ترکه کوکل برار دیاردیار فحوا سنجیه
مروده بر دکر منجینک اونده مختفی اولدیغی حالده
اوزرنده بولنان بعض قیلتی اشیایه طمعاً دکر منجینک
ایله قتل اولنوب نعشی بردرده بوانوب دفن اولندی
مشار الیه یزدجرد بکرمی سنه شاهلق ایدوب حکومت
ایتدیکی ممالک کوزی اوکنده ید آخره یکدی وهجرتک
اوتوزنجی سنه سنده بر دکر منجینک ید غدرنده قتل
اولنق کبی بیوک فلاکته دوچار اولدی .

اوراق سالفهده بیان اولندیغی اوزره ارمنیه والیسی

عبدالرحمانک ترک محاربه سنده شهید اولسی عشار
ترکیهک قیام وهیجانه باعث اولمغله هجرتک اوتوز
ایکنجی سنه سنده خراسانه والی نصب اولنان قیس بن
الهشتم درت بیک نفردن عبارت اولان برفرقه عسکرله
خراسان حدودنده قرق بیک ترک اوززینه بغته هجوم
ایدوب کافه سنی پریشان وتعتیب ایلوب اکثریسی
عرضه تیغ وسنان ایلدی .

* شمان رضی الله تعالی عنہک طاعتدن *

* ناسک خروجی مبدائی *

فتوحات عظیمه ایلله دائره ممالک اسلامیه کسب اتساع
وآسیاده سوریه وعراق وایران وکردستان وارمنیه
وافریقاده مصر وبرقه وطرابلس وملحماتی برطرفدن
در بند وار بر طرفدن نهر جیحون و بر جانبدن نوبه
ودیکر جانبدن تاسبته بوغازینه دک بولنان مملکتلر
اهالیسی طوعاً و قهراً خلافت اسلامیه یتباع ایلوب
هجرت سنیهک اوتوز ایکنجی سنه سنه دک بوداره
واسعه ایچنده بولنان عبادالله قانون عدالتله محکوم
اولوب ظلمه فرس ورومک سیاست مجنونانه واحکام
ظالمانه سندن قورتلدیلر ورشف ماء عذب انسیله شیرین

مذاق الفت و محبت اولوب اقوام مخالفه شير و شكر كي
 امتزاج ايدرك دولت اسلاميه كسب استقرار و عظمت
 ايلدي انجق حروب و مغازيده و عهد فاروقيده زبانه
 كش التهاب اولان (طاعون عواس) ده اكثر اصحاب
 و رؤسای ذوی الالباب اسلاميه دار آخرته انتقال ايلوب
 عنصر اسلام اولان بنی هاشم رجالتك اكثر يستك
 محلی خالی قالمغه محض قدسیت و فیض سعادت اولان
 عهد مصطفوی اكثر ناس پيئنده مذبی اولمغه عصبیت
 زمان جاهلیت رجعت ایلدی بنی بكر بن وائل و عبد
 القیسدن و ربیعك بر طاقی و «ازد» و «كنده»
 و «نیم» و «قضاعه» كي قبائلدن يك آز كشی نائل
 شرف صحبت نبوی اولوب بونلك اكثر یسی سادات
 مصاحبیدن بی نصیب اولوب نور محاسن اخلاق
 رسول اللهدن اقتباس فیض سعادت ایده میوب انجق
 شجاعت فطریه و كثرت عددلری جهتیله لوای
 اسلامك نصرتنه خدمتلی سبقت ایتدیكي جهته
 اجرای ریاسته كند رنجه قابایت و استحقاق كوروب
 مقام خلافت لایق اولان معامله ده قصور ایدوب ولات
 عظامی استخفافه و اداره مملكتده ایقاع مشكلاته
 انهماك ایدرك برقاج فرقه به منقسم اولدیلر بوخلالد
 عثمان خلافتنده اسلامه هجرت ایدن یهودی الاصل

عبدالله بن سبا دیار دیار گزوب یکی بر مذهب احداته
 تثبیت ایدرك رسول الله علیه السلامك عیسی كي
 رجعت ایده جكنی ایراد ایدوب قولنه بعض كشیلر
 ایناش و بو اعتقاده بر فرقه میدانه كلوب رجعه
 مذهبی قحذت ایشدر بعده خلافت آل رسواك حق ایكن
 غضب اولندی دیرك بر چوق كشی بی دخی بو یولده
 اغفال ایدرك بین الاسلام تفرقه ایقاعنه سعی ایلدی
 و بو اعتقاد اصحابی تكثر ایدوب پیتلرنده مكاتبات
 چوغالیدی او بر طرفدن ابوذر رضی الله تعالی عنه شامده
 خلقی زهد و ورعه دعوته اشتغال ایدوب اهل ثروت
 و غنایه طعن ایتك و بر كوناك نفقه دن زیاده ادخار
 جائز دكلدر دیوب زیاده سنك اهل احتیاجه و نصرت
 اسلامه صرفنی تكلیفه دوام ایدرك * و الذین یكزون
 الذهب و الفضة و لا ینفقونها فی سبیل الله فبشرهم
 بعذاب الیم * آیت کریمه سنك معنای ظاهره اتباع
 ايله و عظم و خطابت ایدردی شام و الیم معنای
 عثمان رضی الله تعالی عنه مشارالیه ابوذر دن شکایت
 ایلکله ابوذر مدینه به دعوت اولنوب و صولنده عثمان
 رضی الله عنه نه اولدی که اهل شام سندن شکایت ایده یورلر
 دیدکده دنیادن اعراضه دعوت ایتدیكم ایچون دیدی
 خلیفه بو درجه سی زیاده در الله تعالی حضرتلرینك

امرينه اتباعه وايشانلرندۀ اقتصاد واعتداله دعوت
و بينلرندۀ اللهك امريله حكم ايدرم ديديلر ابوذر
رضي الله عنه اغنيا نفقة يوميه دن فضله اولان مالني فقرايه
ويرمدكچۀ راضي دكلز ديدى بعده مدينه دن هجرتۀ اذن
ابستوب ربنه نام محله اهامت ودار آخرتۀ انتقال
ايدنجيه دك عثمان رضي الله عنهك تعيين ايلديكي نفقه
ايله امرار روزگار ايلدى ابو ذر مدينه منورۀ دن
هجرتي عثمان عليهنده اولانلرۀ رشتۀ تشديد اعتراض
اولدى بوردۀ اكثر ولاتك بني اميه دن و خليفۀ نك
اقرباسدن تعييني سائر ينك نفرتنه باشلي بر سبب اولمغله
عثمان رضي الله عنهك عليهنده هر طرفدۀ آبرو آبرو
جميتلر عتد اولنوب آنفا بيان اولنديغي ارزور
عبدالله بن سباك اغفاليله مصدرۀ تحدث ايدن علوي
فرقه سندن برجماعت على كرم الله وجهه نزدينه كلوب
خلافتي قبولني تكليف ايتديلر علينك زهد و ورعي
و حسن اخلاقي بومقوله شيلردن كندوسني وقايه يه
كافي اولمغله مبعوثلر يوزينه باغروب طرد ايلدى
وفتنهك پيويه جكني كوروب بعض تدابير احتياطيده
تثبت ايتدى كوفه واليسي سعيد بن العاصي بر كچه كبار
اهالي و امرا ايله صحبت ايدركن سواد عراق
قريشك باغچه سيدر ديدى اشتر اياغه قالدوب

قليلچلر مزله فتح ايدوب الله تعالى نك بزه نصيب ايلديكي
دياري قريشك بستانني اولنديغي زعمده ميسين ديوب
اوراده اولانلر دخی سوزده حدی تجاوز ايدوب عربده
ظهور ايلكله ضابطه ناظري عبد الرحمن الاسدي
شدت اظهاريني مراد ايتديسهده مسامرهده اولانلر
اوزرينه هجوم ايدوب بايلنجه دوكديلر اندن صكره سعيد
مسامره ي ترك واشتر و هوادارز يني بعض كبار ايله
متفقا خليفه يه شكاييت ايليوب شام طرفنه تبعدريني
امر ايلدى و شام واليسي معاويه يه كوفهده بر طاقم آدملر
فتنه يه آلت اولديلر طرفكزه كوندلر يني امر ايلدم
كلدكارنده حالرينه عطف نظر اهتمام ايله اصلاح حال
ايتدكاريني نه وقت تيغن ايدرايسهك كوفه يه اعاده ايله
و صلاح حاللرندن نااميد اولورسهك انلري مدينه يه
كوندر ماآنده مكاتب ارسال ايلدى بونلر شامه و اصل
اولدقلرنده معاويه قريشدن سائر طوائف اسلام
بيننده اولان قدم و مزيتلرندن و ظهور اسلامه اقدام
و كفايتلرندن بحث و تشبث ايتدكلري ايشك اسلام
حقنده و خامت و مضرتني ايراد ايدرك تهديد
و توبيخنده مبالغه ايلديسهده كاركر اولديغندن شان
و حاللريني خليفه يه اشعار و بيان ايدوب بونلردن كليا
اعراض ايلدى اندن صكره بونلر حصه عبد الرحمن

ابن خالد بن ولید ستمه کیدوب عبد الرحمانه ملاقی
اولد قلزنده زیاده تهدید و اخافه ایلدیکی جهته کویا
تائب و مستغفر اولدیله و جمعیتلری کبارندن اشرمدینه
کیدوب خلیفه ایله کورشدکده اظهار ندامت ایلکله
هرزده مراد ایدر لسه اقامت لرینه اذن و یرلدیکی
و بعضی روایاته کوره کوفه یه عودت ایلد کیری تاریخلرده
ایرادار نمشد بر بفساد و اختلاف لر بصره یه دخی سرایت
ایلیوب عبد الله بن سبانه تزویری عراق و مصر
جهتلرند زیاده تأثیر ایلکله بصره اهالیسی دخی مأمورینی
تحقیر و خلیفه حقنده اطلاق لسان هذیان ایدوب ایقاد
نارئ فساد ایلدیله و حران بن ابان عدتی ایچنده تزوج
ایتدیکی بر خاتون ایچون شرما حد اجرا اولندیغندن
طولایی خلیفه حقنده اضممار کین و عداوت ایتمش
اولدیغندن اول دخی بر طرفدن تشدید فتنه و شقاقه
سعی ایلدی حاصلی کوفه و بصره ده و مصر ده قیل و قال
چو خالدی و نطاق دائره اسلام توسع ایتدیکی جهته
اکثر اهل عقل و تدبیر و لایات و اعمالده بولنوب مقر
خلافته قریب اولان بیوک شهرلرده اصحاب اغراض
فرجه بوله رق امرای اسلام علیهنده اطلاق زبان
طعن و تشنیع و مناصب عالییه خلیفه نک اقربا و تعلقاتنه
تقسیم اولندیغنی وسیله ایدرک خلیفه نک داعی لزومی علنا

تفوهه جسارت ایدرک کوفه اهالیسی و الیلری سعید
ابن العاصی اوزرینه قیامه تصدی حالنده ایکن سعید
مقر خلافت کیدور احوال حاضره بی خلیفه یه عرض
ایلدی عثمان رضی الله عنه بطانه بیتندن اولان معاوی
و عبد الله بن ابی سرح و مشار الیه سعید بن العاصی و برادری
عمرو بن العاصی و عبد الله بن عامری نزدینه دعوت
ایلیوب رأیلرینه مراجعت ایلدکده معاوی به مخالفلرک
تأدیبی و الیلره امر ایله بن شام جهته تکفل ایدرم
دیدى سعید بن العاصی مخالفلرک محاربهره تعیینیه
اشغالرینی رأى ایلیوب عبد الله بن عامر بذل عطا ایله
قلبلرینک تألیفی طرفنده بولندی خلیفه سعیدک رأینی
استحسان ایدوب مشار الیهی ولایتلرینه اعاده ایله
فتح باب جهاد ایدرک حکومت علیهنده اولانلرک حرب
مأموریتلرینی امر ایلدی سعید کوفه یه تقرب ایلدیکنده
اهالی مخالفته قیام و ابو موسی الاشعرینک والی نصبینی
خلیفه یه اعلام ایلدیله سعید مدینه یه عودت ایله بیان
حال ایلدکده خلیفه موافقتدن غیری چاره بولیبوب
ابو موسی بی کوفه یه والی نصب ایلیوب اهالی یه
خطابا انتخاب ایتدی کیزی بنده والی نصب و عرضی
سزیه قرض و صبرمی بذل ایدوب جهدمله سزی
قریبا اصلاح ایدرم مآئنده مکتوب کوندردی

ابو موسی کوفه‌یه واصل اولدقده مکتوبی جمع اهلایده
او قودی و خطابت ایدوب قلیبرینی خلیفه‌نک لهنه اماله‌یه
چالشدی صوره اظهار موافقت ایتدیلر انجق چوق
کچمدن خلیفه‌نک خلعی مسئله سنی احداث ایدوب
خلافتدن استعفا سنی تکلیف ایچون بلا تفاق ذهاردن
عامر بن القیس او توز درت سنه هجریه ده مدینه‌یه
کوندر دیلر عامر مدینه‌یه وصولنده خلیفه‌نک
حضورینه چیقوب معظمت امورده اولان خطالینه
اهالی تحمل ایتمز اولدی توبه ایله دیدی عثمان رضی الله
عنه بو سوزدن زیاده منفعل اولوب حضاره خطابا
«اللهی بیلین بو ادم بکا محقر سوزلر ابرادایده یور بافکرز»
دیدکده عامر بن اللهک منقم اولدیغنی بیلورم
دیوب حضورندن چیقدی بر زماندنبرو خلیفه مناصب
کبیره‌یی اقرباسنه توجیه ایتدیکندن طولانی بنی هاشم
وسائر اشرافه سبب نفرت اولدیغندن کبار مدینه‌دن
برچوق کشی امام علی کرم الله وجهه نزدینه کیدوب
احوالدن شکایت ایتلریله امام علی نزد خلیفه‌یه کیدوب
بیان حال ایتدی بن صحیحاً بطانده بیتمدن معاویه و ابن
عامری و مغیره‌یی بیوک منصبلرده استخدام ایده یورم
انجق معاویه‌یی رسول الله علیه السلام دخی استخدام
ایتدیکی کبی ابو بکر و عمر دخی متوالیا مناصب عالیده

استعمال ایلدیلر و ابن عامر له مغیره خطوب عظیمده
کفایتلری جهتیهلر شیعین زماننده دخی بیوک منصبلرده
استخدام اولاندیلر بن دخی انلرک اثرینه اتباع ایتدم
دیددی علی بوراسی منکر دکلدن لکن بو ذاتلر عمرک
زماننده خلاف قاعده برایش طوتمز لردی عمرک کوله‌سی
برقانک عمردن خوف ایتدیکندن زیاده خوف ایدر لردی
معاویه شامده ارتکاب ایتدیکی امور مخالفه بی سنک
امرینه بمالاتسمز اسناد ایدر و هرا امر منکری سکا عزو
ایدرو سن دخی منع ایتمز سین دیهرک بینلرنده عریض
و عمیق مباحثه لردن صکره علی کرم الله وجهه مفارقت
ایدوب محله عودت ایلدی .

✽ بو مقاله حزن افزا عثمان رضی الله تعالی ✽

✽ غنمک نصرتله حصر و قتل اولاندیغنی ✽

✽ بیاننده ✽

ولایتلرده خلیفه‌نک علیه‌نده قیل و قالک امتدادی
فتنه‌نک اندشارینه باعث اولمغله هر طرفه، خلیفه‌یه ناسک
طعن ایتمکده اولدقلری مدینه خلقنک سمعنه واصل
اولدقده کبار واعیان خلیفه‌نک نزدینه کیدوب وقایعی
اخبار ایلا کلرنده سزک رایگز ندر دیو سؤال ایلدی

اندر دخی اطرافه اعتماد اید، چکیز مأمور لر ارساله
 بو گفتگونک اصل و اساسی و درجه تأثیرینی تحقیق ایتک
 کر کدر دیلر یله محمد بن مسلمه بی کوفه یه و اسامة بن
 زید بی بصره یه و عبد الله بن عمری شامه و برقاج معتمد
 کشی دخی سائر جهاته کوندردیلر بونلر ایفای
 مأموریت ایدوب کلدگرنده هیچ بر طرفده خلیفه
 علیهنده سوز ایشتمدکرینی بیان ایلدیلر فقط مصره
 کیدن عمار بن یاسر ابن سبا و شیعه سنت استمالته الدانوب
 تأخر ایلدی مأمور لر هر نقدر مخالف برشی ایشتمدکرینی
 بیان ایتدیلر سده خلیفه دل آگاه رضی الله تعالی عنه
 عمومه خطابا هر کیمک وایلرده و یا خود بنده بر حق
 وار ایه کلوب ادعا ایللرینی بر صورت مؤثره ده
 یازوب هر طرفه بیاننامه لر کوندردی هر قنغی طرفده
 او قوندیسه اهالی یه تأثیر ایدوب اکثریسی بکایدیلر بعده
 کبار ولاتی موسم حجه دعوت ایتکله معاویه و عبد الله
 ابن عامر و ابن ابی سرح کلوب سعید بن العاصی دخی
 حاضر اوله رق بونلره خطابا اهالی یه نه اولدیکه سزدن
 شکایت ایده ورلر ادعای حقه مقارن اولمقدن خوف
 ایدرم دیدکده بو اشاعه نرک اساسی یو قدر تحقیقه کیدن
 مأمور لر کز سزه کیمسه دن بر شکایت ایشتمدکرینی بیان
 ایتدیلر می دیدیلر سده اصفا ایتوب بونلر اساس سن

دکدر و البته اهالی کلور و شکایت قبولی آچیلور
 کیمسه نرک بنده حق قالمسنه راضی د کلم الله تعالی دن
 خشیت ایدرم دیدیلر وایلر سکوت ایدوب بعده
 مدینه یه عودت اولمغله جله سی برابر کتدیلر و صوالر رنده
 علی و طلحه و عبد الله بن زبیری معاویه حاضر ایکن
 نزدینه جمع ایدوب الله تعالی یه حمد و ثنادن صکره عمر
 دار بقایه انتقال ایتدکده خلیفه انتخابنه سز مأمور
 دکلید کز کبر سننده و آخرت دار نه مشرف اولدیغی
 زمانده بو دوستکزی خلافت سز انتخاب ایتدکزی
 شمعی بندن اعراض ایتک صورتی قبول کزده کورن
 تلون و ثبات سز لغت شیندن نفسکزی محافظه لایق
 دکلید ما آنده ایراد ایلدکری خطبه دن علینک جای
 صقیلوب حد تله جواب ویردی اندن صکره عثمان ینه
 کلامه آغاز ایدوب واقعا بندن اول خلافت ایدن ایکی
 دو ستم اقریارینی قایر مقدن چکندیلر انجق رسول الله
 علیه السلام اهل قرابتی قایر لر دی بنده کزرت
 عیالری سببیه ضرورت چکمکده اولان اقریامه اعاه
 ایلدم اگر خطا ایتدم اعتقادنده ایه کز انلردن استرداد
 ایدرم دیدی بو سوز اوزرینه حاضر اولانلرک خاطر لری
 مطیب اولوب چکیلوب کتدیلر معاویه بو مجلسک
 صوکی و خیم اوله جغنی حسن ایتکله عثمانه بوندن صکره

ظهور ایدہجک تہاجک دفعہ قادر اولہ میہ جقسین
شامہ برابر کیدہ لم ظهور ایدن فتنہ نک شدائدینی
اورادن دفعہ چالشق مثر اولور دیدی بن جوار
رسول الہدن اوزاق کیدہم دیدیلر اولیلہ اولنجہ سنی
محافظہ ایدہ جک عسکر ترک ایدوب بن کیدہم دیدی
بن رسول اللہک قونشورینی حال مضایقہ یہ قویہم
اللہ تعالیٰ نک مقدوری ہر نہ ایسہ اکا راضیم دیدکلرنہ
معاویہ اولیلہ ایسہ بو خلق سکا قیہ جقلردر بو فتنہ یہ
مقاومت ایدہ میہ جکسین دیوب بعدہ علی و طلحہ وابن
زبیر رضی اللہ تعالیٰ عنہم نزدلرینہ اوغرایوب خایفہ نک
محافظہ سنی اصمارلدی و وداع ایدوب شامہ کندی
بوخلالده ولايتلرده بولنان ارباب بغی و فسادہ مدینہ دہ
بولتان عثمان دشمنلری مکتوبلر کوندروب خلیفہ
سری ہر تقدیر جہادہ سوق ایتدیسہ دہ جہاد مدینہ دہ در
بورایہ کلکز دیہرک برطاقم مہیج فساد سوزلر یازدیلر
اوتوز بش سنہ ہجریہ سی حج موسمی تقرب ایتدیکندن
حج وسیلہ سیلہ شہر شوالدہ مصر و کوفہ و بصرہ دن
بیکرکشی چیقوب بصرہ اہالیسی مدینہ یہ اوچ مرحلہ
مسافہ دہ اولان ناخشہ نام موقعہ و کوفہ فرقہ سی
اعوص نام محلہ و مصر شردمہ شردمہ سندن بر مقدار
کوفہ اہالیسیلہ برلشوب دیگرلری ذی المروہ نام موقعہ

ایتدیلر بو فرقہ لک ہربری اصحاب رسول اللہ صلی اللہ
علیہ وسلم دن برینک خلافتنی مراد ایدوب بصرہ لیلر
طلحہ و کوفہ لیلر ابن زبیر و مصریلر علی خلافتہ
مائل اولہرق مملکتلرندن چیقوب جوار مدینہ یہ کادیلر
علی کرم اللہ وجہہ بونلرک مراد نہ کسب اطلاع
ایلدکلرندن مقر خلافتی فتنہ دن محافظہ قصدیلہ
بر مقدار عسکر جمع ایلوب خلیفہ دن بالاستیدان خارج
مدینہ دہ احجار الزیت دیمکلہ معروف اولان موقعہ
اردو قوروب اوغلی حسنی عثمان رضی اللہ تعالیٰ عنہک
محافظہ سیچون اجتماع ایدن فرقہ یہ التحاق ایچون
کوندردی نزع خلافت ایچون کلان فرقہ لک کبارندن
برقاچرکشی والیلردن شکایت ایچون مدینہ یہ دخوالہ
رخصت استیوب مصریلر علی کرم اللہ وجہہ یہ کیدوب
بث شکوی و خلافتی قبول ایللرینی رجا ایلدکلرنہ یوزلرینہ
باغروب (ذی المروہ) و (ذی الخشب) و (الاعوص)
عسکری لسان رسول ایلہ ملعون اولدقلرینی صلحاء
اصحاب یلمورلر دیوب کیرویہ طرد ایلدیلر و طلحہ
و ابن الزبیرہ کیدنلرہ دخی مشار الیہما عینی علی کبی
حدیث شریفی بیان ایلوب رد ایتدیلر بونلر اصحاب
رسول اللہک موافقتدن مأیوس اولوب فرقہ لرینہ
عودت ایدنجہ مدینہ دہ اولان ہوادارلری مقصدہ

وصول ایچون حیل و دسائس ارتکابه و تزید شمائته
 انهمک ایدرک جمعیتله علی رضی الله عنهن نزدینه
 کیدوب عثمانک اهل قرابتیه مغلوبیتنی وانلرک اهلالی به
 جور و اعتسافنی بیان و عزلرینی طلب ایدرک خلیفه نك
 دخی بوندنبویله بومقوله افعاله بولمیه جغنه اخذ میثاق
 خصوصنی ملخانه ابرام ایلدکلرندن علی نزد خلیفه به
 کیروب اهلینک تکلیفترینی بیان و منعاً للفساد مسجد
 شریفده بویله برتعهدک اعلاننی رأی ایدرک خلیفه به
 قبول ایتدردی خلیفه مسجد شریفده کیدوب مجمع
 انامده قصورینی اعتراف و اهل قرابتی اوچ کونه دک
 مناصبدن تبعید ایده جکنی تعهد ایتدکده مروان
 اظهارضعفک نتیجه سی و خیم اوله جغنی درک ایتدیکندن
 اگر ایش جبر و شدته مفضی اولورسه بنی عبد منافک
 کثرت و اقتدارینی بیان ایله مخالفلرک دوچار اوله جغنی
 مغلوبیتدن بحثه تصدی ایلدی خلیفه مروانه عنف
 ایله معامله ایدوب سوزینی کسدی وانک اوزرینه مجلس
 طاغلوب هرکس یرویرینه عودت ایلدیسده اوچ
 کون مرور ایدوب تعهد ل اجرا اولمیدیغندن اهلالی
 خلیفه نك خانه سنی قوشادوب نقص عهد ایله اتهام
 ایلدیلر اوخلالده مروانینه اهلالی به تهدید آمیز
 سوزلر سویلمکله اهلالی طایفه علی نزدینه کیدوب

شکایت ایلدکلرند، علی خلیفه نك تکرار یاتنه کیدوب
 فتنه تسکین اولمش ایکن مروانک اهلالی به بومعامله سی
 یکیدن فتنه نك اویانمسنه باعث اولوب بو حریص جا،
 اولان آدملرک نصیحتیه عمل ایدرسین سکا صداقت
 و بین الاسلام منع شقاقه سعی ایدن درستلریکک سوزینی
 دکلر سین بن ارتق بو ایشه مداخله و توسطدن کچدم
 دیوب مفارقت ایلدیسده خلیفه بی محافظه به سعیدن
 کیرو طور میوب حسن رضی الله عنهی عثمانک قیوسندن
 آیرمدی مروانک حرکتی فتنه بی تشدید ایلدیکی تعین
 ایدنجه خلیفه استمداده مجبور اولدی انجق علی و سایر
 کبار اصحابک نصیح و زجر یله محالرینه عودت ایدن
 جماعات تکرار مدینه به عودت ایلدوب علی و طلحه
 و ابن زبیر نزدینه کتدیلر علی بی کوردکلرند نه نیچون
 دوندکز دیدی مصریلر مصره کتمکده اولان بر ساعینک
 النده قتلز ایچون خلیفه نك بر مکتوبی طوتدق دیدیلر
 بصره و کوفه لول سزین اوزاق محالرده ایکن نوقت
 خبرلشوب بردن مدینه به دوندکز دیوب دوزمه
 بر شکایت اولدیغنه ایما ایدنجه بز بو آدمی بوندن صکره
 خلافتده قبول ایتیر دیدیلر بصره و کوفه فرقه زری
 دخی طلحه و ابن زبیره عینیه ایراد مقال و همان خلیفه نك
 محاصره سنه استعجال ایتدیلر انجق بر قاق کون نامی

خليفة نك خلفنده صلاتدن منع ايتيوب جمعه كوني عثمان
خطابه ابتدار ايدوب اي جماعت والله صلحاي امت
يلورلر كه سرك ملاهون اولديغكز لسان رسول الله ايله
بيان اولمشدر خطاكرى صواب ايله محو ايدكز ديديلر
اصحاب كرامدن محمد بن مسلمه اياغه قالقوب بن بوسوزه
شهادت ايدرم ديسنجه اهل طغيان مشار اليهي اقعاد
ايلديلر بعده زيد بن ثابت دخي قيام ايله شهادت ايتك
اوزره ايكن زجر ايدوب آني دخي اوتورتديلر و اهل
مسجدي طاشه طوتوب نمزدن منع و مسجددن دفع
ايلوب اتيلان طاشلردن عثمان دخي مصاب اولوب يره
دوشدي بعده طور انوب خانه سنه كيردكه حصاري
تشديد و صويي بيله يساغ ايلدكلرنده علي كرم الله
وجهه روم و فرس خلقيله محارب ايتديكمز زمانده
بيله صويي مباح ايدرلردى بونلر نه انصافسنر ظالم
آدملردر ديوب برقاق قر به صو كوتوروب عثمانك
خانه سنه ادخال ايلدكي كي امهات المؤمنين دن
بعضيلري واصحاب كرامدن بعض ذوات يول بولوب
صو و يرلردى اهل طغيانك خلع خليفه يه سبب
اتخاذ ايتدكلري اموردن الك زياده اعتنا ايتدكلري
مكتوب ماده سي اولمغله علي بعض اصحاب كرام
و مخالفلردن برقاق كشيله عثمان نزدينه كيدوب سؤال

ايلدكه بويله بر مكتوب يازمديغني عيين ايله تا كيد
ايلدكه علي و رفيقلى دفعه تصديق ايلديلر انجق
اهل خلاف مهر عثمانك اولديغني ايراد ايتديلر سده
آندن دخي خبري اولمديغني بيان ايليوب اذل خلاف
مهر سنك اولمسه بيله مادام كه مهر يكه تقليده دك خلق
جسارت ايله يورلر عجزكله خلافته اهل دكلسين مهر
سنك اولسون اولسون عزلك لازم كليور ديوب برطاقم
ترهات ايراديله كويا اقامه حجت ايتديلر بو مكتوب
حقند، اهل بغيك سوزي دخي مطرد اولمديغني جهته
دوزمه برشي اولمديغند، شبهه م يوقدر بوندن صكره
اهل فساد خليفه بي عزله عزم ايدرك اعمال شدائد،
انهماك ايدوب خانه خليفه يه جيرا كيرمكه اقدام
ايتديلر سده حسن بن علي كرم الله وجهه وابن عباس
وانلره تابع اولان اصحاب كرام و اقربار تعلقات خليفه دن
دار خلافت قپوسنده مجتمع اولانلرك مدافعه سني منعه
قادر اولمديلرندن وراي خانه ده بعض اماكني ضبط
ايله ديوارلري آشوب محمد بن ابى بكر و اراذل عربان
و مصريلردن برجماعت كيروب خليفه بي احاطه ايلديلر
قپوده بولنان مار الذكر كرام برره و سائر اهل انصاف
اچروده كي و قوعا تندن بي خبر اوله رق قپوي مدافعه ده
مشغول ايديلر خانه يه كيرنلردن اوچ كشي برر برر

خليفةك اوطه سنه كبروب استعفا ايلسني صورت
تعنيفه تكليف ايتديلر والسكره ابو بكر رضی الله
عنہك اوغلي محمد كبروب نوجهله ارتكاب شناعت
ايلديكني ونصورتله تحجيل ارنوب اوطه دن چيقدیغنی
تفصیله حاجت كورمدم عاقبة الامر اهل غرضدن
برطاقم سهفها خليفة هجوم ايدوب هجرتك اوتوز
بشجی سنه سی ذی الحجه سنك اون سكرنده شهید
ايتديلر ومنعه تصدی ایدن زوجه سی نائله نك پارمقلىرى
كسدیلر كه خليفةك قانلى كوملكيله نائله نك كسلش
پارمقلى مؤخره شامده تشهير اولنوب غصب
خلافته آلت اتخاذا اولندیغی آتیده ان شاء الله ذكر
اولنه جقدر خليفةك شهادتنده كوله لرندن برقچ كشی
قاتلر دن ايكیسنی قتل ايله نائله بی محافظه ايتديلر
بوندن صكره اهل طغیان طاقيله بیت الماله هجوم
ايدوب یغما ايتديلر سهده برچوق شی بوله مدیلر
حاصلی دار خلافت قیوسی اوچ نفر مقتول اوزرینه
قیانوب اوچنجی كونده اچلدى وعثمانك جنازه سی
چیتار یلوب اثنای راهده طاشلامغه حاضر لشمش اولان
اهل بغی وعداوت علی طرفندن زجر اولنوب
جنازه بی بقیع جوارنده حش كوكب نام محله بلا غسل
وكفن سائر شهدا كبی دفن ایلدیلر كه جسد مباركنی

استیعاب ایدن بقعه بعده علی امریله بقعه ادخال
اولندی .

❖ وقعه نك محاكمه سی ❖

عثمان رضی الله تعالى عنہك قتلى بمشندہ بعض مورخلر
طرفندن ایما قلنان شبهات بی اصل واساس اولدیغی
تفصیلات سالفه دن معلوم اولور عثمانك عمری ممتد
اولوب سن شیخوخته خليفة اولدی اقر باسندن نصب
ايتدیكى عمال وولاتك مناصب عالییه اهلیتی اولغله
اکثریسی شیخین زماننده و بعضیسی رسول الله
علیه السلامك وقت سعادتنده استعمال واستخدام
اولمشلردی كندی زماننده عراقینه والی نصب
ايلدیكى ابن عامر ك دخی کفایتنه صحف سابقه ده ثبت
اولنان وقایع شهادت ایدر انجق بنی امیه نك خصوصاً
ابوسفیان وامثالنك ظهور اسلامده بنی هاشم حقنده
روا كوردكلى اذا وازدرانك قلوب بنی هاشمك
اکثرنده تأثیری باقی اولدیغندن دولت اسلامیه ده بونلرك
تفوقنی چكه مدكلى كبی بنی امیه نك دخی زمان جاهلیته
عرب یلنده اولان مزیت و حیثیتلری زمان سعادت
رسالت تباعد ايتد كجه رجعت ایلکده اولسی و یمنده
و بعده سوریه و عراقینده و بلاد سائر ده متوالیا

وقوع بولان حروب و مغازیده و سالف الذکر
طاعون عمواسده کبار اصحاب رسول الله اکثریسی
دار آخرته انتقال ایللری اسلام اراسنده شورش
و اختلاک تولد و ظهورینه باعث اولدی و یونک تدارکی
چاره سنه مقتدر اوله جق کیمسه قالدی علی و طلحه و ابن
زبیر رضی الله تعالی عنهم بوفته نک منعه هر نقدر
سعی ایتدیلر سده مثر اولدی اهل حقد و کینک مکرری
بوذوات مقدسه نک مقاصد شریفه سنه حائل اولدی
مؤخرأ علی و معاویه بیننده ظهور ایدن اختلاف
ایله خلافتک غصبته عثمانک شهادتی بر مقدمه مؤثره
اولدیغنه شبهه اولمز بناء علیه بویله بر نتیجه نک
استحصالنه بنی امیه طرفندن غفلت اولمدیغنه ذاهب
اولمق بجای دکلیدر بلغای شعرا دن نیچه لری نهایت
درجه ده مؤثر مرثیه لر انشاد ایدوب بنی امیه یی
اخذ ثاره تشویق ایلدیلر و علی بن ابی طالبک نصرت
عثمانه مبالغات ایتدیکنی صراحة ذکر ایلدیلر سده
سیاق اخبار قوللرینی تأیید ایاز زیرا مدینه ده فسادک
ظهوری کوندنبرو علی کرم الله وجهه منع فساد
و دفع اشراره سعی ایلوب شهر لردن کلان اهل طغیان
رده موفق اولمشلر ایکن مصره یازمش اولدیغی ادعا
اولنان مکتوب وسیله سیله محللرینه عودت ایدن اهل

عصیان رجعت ایدوب فتنه شدت بولدقده اوغلی حسنی
و ابن عباسی دار خلافتک محافظه سنه تعیین ایلدی بونلر
مؤخرأ دار خلافته اولان هجوملره سلاح ایله منابله
ایتدیلر عثمان رضی الله تعالی عنه اهل طغیانک کثرتی
و مستحفظلرک مقاومت ایده میه جکرینی حس ایتدکده
حسن بن علی رضی الله عنه پدربیکل فلبی سنک ایچون
نه درجه ده اضطراب و اختلاجده اولدیغنی بیلورم الله
عشقنه پدربیکک نزدینه کیت دیدی و دیگر لرینه دخی
محللرینه کتملرینی امر ایلدیسده حسن فدای جان
ایدنجه دک قیودن آیرلیه جغنی بیان ایله محاربیه دوام
ایلدی عثمان حسنک ابتلاسنه صبر ایده میوب سرایک
قیوسنی آچوب معیتنده اولانلرله برابر ایچرویه الدی
اولخالده اهل طغیان قیوی قیرمغه مباشرت ایلدیلر
قیرمق قابل اولمجه آتش یاقوب قیوی اشعال و دار
خلافتنه دخوله اقدام ایلدیلر سده داخلدن حسن
و معیتی رجالتک مقاومتیه تعویق اولندقلر نه بر وجه بیان
سالف خانه نک ارقه سنندن دخی بر طاقم او باش کیروب قیو
طرفنده اولانلر مشغول مدافعه ایکن عثمانی شهید ایتدیلر
علی بانفس مدافعه ایتدیسده جکر پارسی حسن ایشک
نهایتنه دک بذل حیات ایلدی اگر عثمان رضی الله تعالی
عنه علینک نصیحتیه عامل اولوب مروان رسائر اهل

قربانتك هواسنه اتباع ايتماش اولیدی دفع فسادہ
بالنفس علی دخی بذل جان ایدردی عثمان رضی اللہ تعالیٰ
عنه ظهور اسلامدن خلافتہ انتخابی کونہدک نصرت
اسلام یولنده مالاً و بدناً وقوع بولان مساعی جہیلہ سی
متفق فیہ اولغله ایضاحہ حاجت کورہم انجق سن
شریفلری سکسانی تجاوز ایتکله حریص ریاست اولان
بنی امیہ کبارینک مقاصدینہ مانع اولہ جق قوہ دافعه نک
فقدانیلہ ذاتاً دخی لین جانب و فرط حیا ایلہ متصف
اولدقلرندن بو فسادک تدارکنہ مبادرتدن عاجز قالدی
مروانک اخطاریلہ شام و بصرہ و کوفہ دن استدیکی
امداد ہر نقدر کسدرمہ یولاردن شتاب تام ایلہ حرکت
ایتمش ایسہدہ انلر اثنای طریقہ ایکن عثمان شہید
اولوب بولندقلری محللردن عودت ایلدیلر .

✽ عثمان رضی اللہ تعالیٰ عنہک نسب و قیافتی ✽

عثمان بن عفان بن ابی العاصی بن امیہ بن عبد شمس
ابن عبد منافدر بوندن اوتہ سی کتب انسابہ حوالہ
اولمشدر عثمان اورتہ بویلی کنیش کوکسلی و اواموز
باشلری قالنجہ ایدی لونی اسم اولوب وجہ مبارک لرنده
چچیک خستہ لکی اثری کورنوردی و باشی صاچدن عاری
ولجیہ سعادتاری صیق و اوزون ایدی .

✽ علی رضی اللہ تعالیٰ عنہک بیعتی ✽

عثمان بن عفان قتل اولندقدہ طلحہ و زبیر و مهاجرین
و انصاردن بر چوق ذات علی رضی اللہ عنہک خانہ سنہ
کیدوب سکا بیعت ایتکله کلدک دیدیلر علی بار خلافتی
تحمیلدن استنکاف ایدوب سزہ وزیر اولغی امیر اولغہ
ترجیح ایدرم ہر کیمی خلافتہ لایق کوررسہ کز سزہ
تبعیت ایدرم دیدکده جہلہ سی تکلیفک قبولنہ اصرار
و علی یہ غلبہ ایلدکلرندن قبولہ میل ایدوب
مسجد شریفہ کوتوردیلر ابتدا طلحہ و زبیر بیعت
ایدوب بعدہ مهاجرین و انصار بیعت ایلدیلر انجق
انصار و مهاجریندن بعض کبار بیعتدن امتناع ایلایوب
سعد و ابن عمر بیعتہ جلب اولندقلرنده عموماً ناس
بیعت ایتدکچہ بیعت ایتیمہ جگر یئی پیسان ایللریلہ ابن
عمر دن کفیل طلب اولندی کفیل ارانہ سندن اظهار عجز
ایتدکده اشتر قتلنی علی یہ تکلیف ایتدی کفیلی بنم دیوب
اطلاق و سعدی دخی تخییر ایلدی اندن صکرہ بنی
امیہ رجالی شام طرفہ توجہ ایلایوب نعمان بن بشیر
عثمانک زوجی نائلہ نک مقطوع پرماقلریلہ عثمانک قانلی
کو ملکنی آلوب دم عثمانی دعوائہ کتدی بعض
روایاتده عثمانک شہادتندہ خلافتی قبولدن کبار

اصحاب امتناع یندکارندن اهل احتلال علی بن ابی جبار
درجه سنده کیدوب قبول ایتدردکن صکره طلحه
وز بیر کره بیعت ایتدردیلر دوت آی صکره طلحه
وز بیرجه عیدن رخصت طلب ایدوب آتیده تفصیل
اولنه جغی اوزره او خلایده وقعه جل اعجو به سی
آینه در رانده صورتهای ظهور اولمغله طلحه وز بیر
حقنه بعض اراجیف تولد ایلدی علی کرم الله وجهه
عقب بیعتده مناصب عایده بولنان بنی امیه رجالتک
عزلی تصمیم ایلدیکی مغیره نک مسموعی اولدوقده
نزدینه کیدوب اسلام بیننده ظهور ایش اولان
اختلاف ائتلافه مبدل اولمجه و خلافت استقرار
ایدنجه بوامرک تأخیرینی مقدمات مقنعه سرایله بیان
ایلدوب علی رضی الله عنهی عزیتندن صرفه مقدر
اولمغله صورت موافقت کوستروب حضورندن
چیقارکن ابن عباس کاوب علی بن کوردی مغیره نک
نه ایچون کلدیکی سؤال ایلدکده ابتدا بنی امیه رجالتک
خصوصاً معاویہ نک عزلندن فراغت ایلسنی تکلیف
ایدوب بعده عزلارینه موافقت ایتدیکی بیان ایلدی
ابن عباس مغیره نک اولکی رأینی استحسن ایلدوب
صکره کی موافقتی نفاق اولدیغنی ایراد و شمذیلک
بونلرک عزلندن صرف نظره آتید، ظهور ایده جک

حاله کوره معامله اولمسنی بیانندن صکره بنی امیه حرص
و طمع صیابندن اولوب اگر منصبلنده بقارندن امین
اولورلر سه خلافته ایقاع مشکلات ایچون آلت
ایتدکاری عثمان قلی ادعاسندن فراغت اید، جکارینی
و اسلام بیننده اتحاد افکار حصولندن صکره بونلرک
عزلی قابل ارله جغنی براهین عتلیه سردیله بیان
ایلدی علی بنم ایچون حیل و دسیسه ایل ایش کورمک
قابل دکلددر اللهک یولنده بولمندن غیری آرزو
و طلبم یوقدر دیدی بعده ابن عباس ای علی سن شجیع
آدمسین انجق حرب و سیاست امورینی بیلزسین سن
کندی قولاغکله (الحرب خدعة) حدیثی فم
رسول اللهدن ایشتمدکی دیوب بر مرتبه دخی بو
فکردن شمذیلک فراغت ایلسنی مصرانه سویلش
ایسه ده کارکر اولمغله یانندن چیتوب کتدی بوندن
صکره طلحه وز بیر برابر وسائر اصحاب و کبار طاقم
طاقم علینک حضورینه کیدوب قتله عثمانه اجرای
قصاص ایلسنی رأی ایلدکارنده اهل طغیانک
جهیتلری منعقد بولندقجه بونک قابل اولدیغنی بیان
ایتدکده طلحه بصره وز بیر کوفه یه کیدوب قوت
کافیله عودت ایدرک ارباب فتنه یه غلبه ایله اجرای
حدود اللهه موفق اوله جغنی و کندولری اقامه حدود

شرطيله بيعت ايتدگاريني سرد و اتيان ايلديلر سده ده
 بو ارالقده بين المسلمين بر فساد عظيم حدوشندن
 خوف ايلد يکـني سويلوب موافقتدن امتناع
 ايتکله علي نك اداره مسند خلافته عجز ينسه ذاهب
 اوله رق طلحه و زبير حجه اذن استديلر و مغيره
 مدينه دن چيقوب مکه يه کتدي اندن صکره علي
 معاويه نك شام واليلکندن عزانه تشبث و ابن
 عباسي جلب ايدوب ولايتي کندوسنه تکليف ايتد کده
 معاويه دن خوف ايتد يکني ايراد ايدرك استنکاف
 ايتکله شامه سهل بن حنيفي و بصره يه سهلاک برادري
 عثمانی و کوفه يه عماره بن شهابی و يمنه عبد الله بن
 عباسی و مصره قيس بن سعدی والی ايدوب يوله
 چيقديلر سهل بن حنيف تبو که وارد قده شام عسکرندن
 بر فرقه يه ملاقي اولوب شام واليسي اولديغني بيان
 ايلد کده عثماندن غير يسي سني کوندرمش ايسه عودت
 ايله ديهرك ارأه روي مخالفت ايتلر يله مدينه يه
 دوندي عثمان بصره يه وصولنده اهاليدن بر فرقه
 اطاعت ايدوب ديکرلري موافقتي عاقبت امرک تعينه
 تعلیق ايتديلر عماره کوفه يه کيرد کده طلحه
 ابن خويلد ملاقي اوله رق اهالی ابو موسی يي داکشمک
 ايتمز لر مدينه يه دوتمز ايسهک بويکي کسرم

ديوب اظهار شدت ايتکله عماره دخي عودته مجبور
 اولدي و عبدالله بن عباس يمنه واروب سلفي يعلى بن منه
 جبايت ايتش اولديغني مالی اله رق مکه يه طوغري
 کتدي و قيس بن سعد مصره کيدرکن ايله ده بر فرقه
 عسکره راست کلوب سن کيسين ديدکلرنده عثمانک
 دمنی طلبه کلدن ديوب مصره وصولنده اهالينک
 بر طاقی اطاعت ايلوب ديکرلري تانی ايلديلر واليلردن
 کينک رجعتي و کينک حال تذبذبده بولنمسي خلافتي
 ترديد وضعفه دوشروب علي کرم الله وجهه هنوز
 مدينه ده بولنان طلحه و زبيري نزدينه جلب ايله حال
 حاضر ي بيان ايلدي علي کوفه والی قديمی ابو موسی يه
 مکتوب کوندروب کوفه نك حالني سؤال ايتدي بيعت
 ايدنلرله امتناع ايلينلري و سائر احوالی يازوب کوزيله
 کورمش کي خليفه يي مطلع ايلدي و معاريه يه دخي
 بر مکتوب کوندروب عثمان رضی الله عنه قتلندن اوچ
 آی صکره قبيصه ايله مهرلی بر ظرف ايچنده بر کاغد
 ارسال ايدوب اوزرينه معاويه دن علي يه يازمشيدي
 و قبيصه يه بعض تبليغات شفاهيه توديع ايتش ایدی
 قبيصه مدينه يه وصول ايله علي حضور نه چيقوب
 ظرفي تسليم ايلدي مهری چوزوب کاغدي چيقارد قده
 بر حرف يازلماش بياض کاغد اولديغني کورنجه

قیصه بونه خالد و شامده نه اولور دیدی شامده
امنیت وارد و منبرده معلق اولان عثمانك قانلی کوملکی
آلنده اغلر و قصاص ایستر التمش بیک شیخ اجتماع
ایلدی دیدی علی یاربی عثمانك قانندن تبرئه ذمت
ایدرم عثمانك قاتلاری شمیریک نجات بولاش ایسده
اللهك مشیتله جزادن قورتلر دایوب حالی متغیر اولنجه
یمن عسکرندن سبیلر کوپکارک مر سولی کوپکی قتل
ایدکز دیهرک باغردیلر علی هجانی تسکین وکلان
کاغدی کتور نه رد ایدوب اعاده ایلدی و شام اوزرینه
عسکر تعیننه عزم ایتدی اهالی مدینه رأی خلیفه یی
اکلامق ایچون علینک محب و مقربی اولان حنظله
التیمی یی کوندروب بر ساعت قدر مکالمه دن صکره
محاربه طلبنده اولدیغنی بیان ایتدکده بوا امر مههک
بر زمان تأخیری دها خیرلو اوله جغی حنظله جانندن
ایراد اولمش ایسه ده قبول اولندی بو حالده طلحه وزیر
رضی الله عنهما مقدمه استحصال ایش اولدقلری
مأذونیت اوزرینه چیقوب مکه مکرمه یه کتدیلر علی
رضی الله عنه اهالی یه جنکه حاضر لملرینی امر ایلوب
اردو ترتیب و تعبیه سیله مشغول اولدی محمد بن
حنفیه لوای تسلیم ایدوب هیمه یه عبدالله بن عباسی

و میسر دیه عمرو بن ابی سلمه و مقدمه الجیش ابو عبیده ک
برادر زده سی ابایللی یی نصب ایلوب عثمان اوزرینه
خروج ایدنلر دن کیمسه یی مأمور ایلدی و مدینه یه تمام بن
العباسی و مکه یه قثم بن العباسی استخلاف ایلوب مصر
و کوفه و بصره و الیرینه یازوب حرب حاضر لملرینی
امر ایلدیسه ده بوخلالده مکه دن مخالف خبر ن ظهور
ایتمکله شام محاربه سی تهیأ تی تأخر ایتدی .
عثمان رضی الله تعالی عنیه کتلی ظلم محض اولدیغی
و علی کرم الله وجهه ک دم عثماندن برائت ذمتی
تفصیلات سابقه دن تبیین ایش ایسه ده دها واضح
بر صورتله بیان ایدلم عثمان اللهك رضاسنه و محمد علیه
السلامك سنتنه مخالفت ایلدی اقرباسنه زیاده رعایتله
اهل عرض عثمانی اتهام ایتدیلر سطور سالفه ده بیان
اولندیغی اوزره بوبابده و یردیکی جواب صحیحاً مقنن
زمان رسالته و شیخین خلافتنده بنی امیه رجالی
کفایتلری جهته مناصب عالیه ده استخدام اولنوب
اثبات اهلیت ایتدیلر و ابن عامر ایران ارتدادنده یمن
ارتدادنده خالد بن ولیدك ایتدیکی خدمته مقابل یارار لقلر
کوستردی عثمانك مروان حقنده اولان رعایتنده دخی
مصیب اولدیغنده یزیددن صکره بین المسلمین ظهور ایدن
اختلاف و فساد دفعده و اسلامی دائرة اتحاده جلیده

مروانك حسن تدبير و اقدامي شهادت ايدر ان شاء الله
 تعالى آتیده صرہ سندہ تفصیلاً بیان اولنور . علی به
 کالجہ آنفاً بیان و ایضاح اولندیغی اوزره بنی امیہ نك
 مناصب عالیہ نیلنہ بنی ہاشم و اہالی مدینہ نك عدم
 تحملی اطراف ممالکدہ ظہور اختلافہ سبب اولہرق
 وقوع بولان مهاجرہ نہ مقاومت ایچون علینك اللہ
 برآلت مؤثرہ قالمیشیدی و عثمانك کمال حلم و حیاسنہ
 منضم اولان کبرسنی فتنہ نك جسامتنہ سبب اولہرق
 وقعہ فجیعہ قتل عثمان ظہور ایلدی علی بو فسادہ
 کیملہ مقارمت ایدہ ییلوردی کندی عشیرتی اولان بنی
 ہاشم عثماندن منحرف اولمشیدی اہالی مدینہ یعنی
 انصار و اوغلاری دخی بنی ہاشمدن زیادہ کو جمشاردی
 زیرا بونلر مهاجر بنی ایوا و دینہ نصرت ایتدکلی
 جہتلہ بدایت دین اسلامدہ خلاف کیر اولان بنی امیہ
 اوزرینہ کندولرنده حق رجحان کورلردی سقیفہ
 بیعتند، اولان حرکتلری بومسئلہ نك حلندہ ضمان کافی
 دکلیدر علی نك اللہ نہ قالدی یالکز اولادی و اقرباسی
 دکلیدر اوغلی حسنی و عمی زادمسی عبداللہی و سائر
 اہل قرابتی عثمانك محافظہ سیچون فدا ایتدی و انلردہ
 مدافعہ دہ بذل جان ایلدیلمی بوند، کیمسہ نك شبہہ سی
 وارمینر اویله اولنجہ علی نك دم عثماندن برائت

ذمتی واضح و حقیقہ حکم راجحہ در .

❖ وقعہ جمل ❖

علی رضی اللہ عنہک و الیلر و خصوصاً معاویہ نك
 عزلندہ اصراری و نسخ ایدنلرک سوزینی اصغایلماسی
 بین الاسلام افتراقہ باعث اولہ جغنی طلحہ وزیر تیقن
 ایتدکلی جہتلہ سطور سالفہ دہ بیان اولندیغی اوزره
 حج وسیلہ سیلہ مکہ طرفنہ صاوشملرینہ سبب اولمشیدی
 بونلر مکہ یہ واصل اولدقدہ قتل عثماندن طولایی
 اہالی ہیجانده اولدیغی کور و ب اسلام اراسندہ
 اختلال و قتال وقوعندن تحاشی ایدرک اصحاب کرامدن
 عامہ نك مقبولی بر ذاتہ بیعت ایلمک لزومی تیقن ایلدکلرندن
 و بواحرک حصولنہ ایراث سہولت ایدر ظنیلہ
 امیر المؤمنین عایشہ صدیقہ بی داخل اتفاق ایدوب
 مکہ و حوالیسندن اجتماع ایدن براوچیبیک کشی ایلہ
 مدینہ یہ طوغری متهیی حرکت اولدقلری علینك
 مسموعی اولدقدہ مدینہ اہالیسنی مقابلہ یہ تشویق ایلدی
 انجق مدینہ اہالیسی فتنہ نك پیومسندن احتراز ایدرک
 موافقتدہ تائی و حرکتدہ ارائہ توانی ایتکلہ علی عمر
 رضی اللہ تعالی عنہک اوغلی عبداللہہ مراجعت
 ایدوب اولدخی اہل مدینہ دن اولدیغی جہتلہ اہالیدن
 آریلہ جغنی بیان ایتدکدہ علیہندہ خروج ایتیمہ جکنہ

کفیل ایستدی کفیل اعطاسندن دخی امتناع ایتدیسده
 علیه نه ده خروج ایتیه جگنه سوز و یردی و بعده
 مدینه دن چیتوب کیتدی عبد اللهك شامه کتدیکی شایع
 اولوب علی طرفندن عقبکیر لر تعین اولدیسده
 ادراك ایتدی لر عبد اللهك مدینه دن مفارقتی اهالی بینده
 هیجان عظیمه باعث اولمش ایکن خروج ایتیه جگنه
 اولجه سوز و یرمسی و شامه کتیوب مکه به کتدیکی
 استخبار اولمسی علی به بو جهت دن موجب اطمینان
 اولغله طلبدن فراغت و مکه اوزرینه حرکت
 حاضرلنوب کندوسنه موافقت ایدنلرله یوله چیتدی
 مکه اهالیسی دخی عایشه و طلحه و زبیری پیشوا
 و قتل عثمانده مدینه بی ترک ایدن کبار بنی امیه دن سعید
 ابن العاصی و ولید بن عقبه و مدینه و الیسی عبدالله بن
 عامر و یمندن عزل اولان یعلی و بصره و الیلکنندن
 انفصال ایدن ابن عامر برابر کتوردکاری اموالی
 حصول مقصده بذل ایدرک جمله سی برابر مدینه اوزرینه
 حرکت ایلدی لر و عایشه ایچون بررأس توانا دیره مبايعه
 ایدوب بندر دیلر بعده علی نك مدینه دن قوه کافیه ايله
 حرکتی مسموعلری اولدقده طلحه و زبیر و یعلی و مکه
 و الیسی عبدالله بن عامر و سابقا بصره و الیسی ابن عامر
 بریره کلوب قدح زناد مشورت ایلدکلرند، ابن عامر

بصریه کیدلدیکی حالده کندوزینه عونیه بولنه جغنی
 ایراد و سائرلری بو رأیی استحسنان ایدرک مدینه بولندن
 بصره سمتنه انحراف ایلدکلرند عایشه صدیقہ ايله
 برابر حجه کتمش اولان امهات المؤمنین بکا ایدرک عایشه یه
 وداع ایلدوب ایرلدیلر بو خبر علی نك مسموعی
 اولدقده، محظوظ اولوب کوفده رؤسا و اهل رأی
 و تدبیردن خیلی کشی واردر بونلرک بطلان ادعایینی
 درک ایدر بزه اعانه ایدرلر دیدی بونلر بصره سمتنه
 حرکت ایلدی لر مکده چیتمزدن مروان بن الحکم
 طلحه و زبیرک نزدینه کیدوب سز دم عثمانی طلب
 ضمیمه خروج ایدیه یورسکر مناسب اولان خلافتی
 عثمانک اوغلارینک برینه و یرمکدر دیدکده طلحه
 مهاجریندن مسن ذاتلری کیروده بر اقلیده اولادزینه می
 ویرلم بو اوله مز دیدیلر اندن صکره زبیر و طلحه نك
 اوغلارینی بولوب بو ایشده موفقیت اولورسه خلافتی
 کیمه ویررنر دیدکده هر بری کندی پدرنی سویلدی
 عایشه بو سوزلری ایشدکده اسلام اراسنه افتراق
 القاسنه سعی ایدیه یورسین بوفساددن واز کج دیهرک
 مروانه خبر کوندردی مروان احباسنه بن بو منصبی
 بنی عبد مناف رجالی النذن چیقرمق ایستدم اوله مدی
 دیدی (بنی امیه رجائک بو ایشده غرضلری هر جهته

کورینور) بونلر مکه دن چیقوب حوآب نام موقعه تقرب
ایلدکلرنده حوآب کوپکلری حولهغه باشلاینجه عایشه
دوسه-نی چو کردوب بن بورادن عودت ایدجکم
رسول الله علیه السلامک یاننده سائر زوجات ایله برابر کون
م صاحب اولنورکن (لیت شعری یتکن تنبجها کلاب
الحوآب) دیدیلر یعنی سزدن قنغیسند حوآب کوپکلری
حوایه جقدر بیلسم بو حدیث شریفی روایت ایدوب قافله بی
برکون موقع مذکورده توقیف ایلدی ایرتسی کونی
علی الصباح علی یتشدی دهرک قافله ایچنده بر تلاش
ظهوریله بصره یولنی طوتوب حرکته اقدام ایلدیلر
بصره یه تقرب ایلدکلرنده عمر بن عبد الله التمیمی یه
ملاقی اولدیلر عمرک رأیله عایشه سابق بصره والیسی
عبد الله بن عامری بصره اعیانده کوندروب و احنف بن
قبس و سمره کی بعض رجاله کاغدر یازوب بیان حال
ایلدی و کندوسی حقیق نام محمده جوابه منتظرا
اقامت ایلدی بو خبر بصره ایچنده شایع اولمقده
علی طرفندن بصره یه والی نصب اولمش ارلان
سالف الذکر عثمان بن حنیف عمران بن حصین و ابوالاسود
الدولی کی کوندروب نه مقصدله کلدکلرینی عایشه دن
سؤال ایلدیلر مدینه ده ظهور ایدن احوال واهوالی
وبین الاسلام تحدث ایدن غوغا و افتراقی غمومه اعلان

ایله بو فسادک اصلاحی نیه متوقف ایسه اتحاد ایله
تدارکی اسبابنی اتخاذ کلدم دیدی اندن صکره طلحه
وزیر نزدینه کیدوب بصره یه قدوملرینک سببنی
صوردیلر دم عثمانی طلبه کلدکلرینی سویلدکلرنده
سز علی یه بیعت ایتدکزمی دیدیلر قلیج بوینزده ایکن
ایتدک عثمانک قاتلرینک اخذینی علی یه تکلیف ایلدک
قبول ایتدی دینجه بصره یه عودت ایلیوب والی یه
بیان حال ایلدیلر بصره والیسی اعیان و رجال مملکتی
جمع ایلیوب مشورت ایلدکده بعضیلری علی نک امری
کنجه تأنی ایلمسنی و بعضیلری صلح اولمسنی ایراد
ایلملر سده علی کنجه دک مدافعه ایدجکدیه رک
سلاحنی طاقوب اهالی بی محاربه یه دعوت ایلدی ایکی
طرف دائرة حریه کیروب و عایشه فرقه سنه بصره
اهالیسندن عثمان شهید طرف کیرلرندن بر فرقه التحاق
ایدوب ابتدا طرفین طاش آتش دیر صکره دن اعمال
سلاح ایدوب شدیداً محاربه ایلدیلر جدال قتاله مبدل
اولوب ظلمت شب حیلوات ایدنجه یه دک ایکی طرف
محاربلی ثبات ایلوب ایرلدیلر ایرتسی کون طرفین
میدان حربیه کیروب عایشه طرفنده اولانر عثمانک قتلنده
علینک مدخلی اولدیغنی ادعا ایله طلحه وزیر بیعتده
کرهی ادعا و بصره عسکری رجالی اقامه دلائل ایله

بیعتك طوعاً اولدیغنی و کندیولری عثمانك قاتلی
اولدقلرندن عایشه نك خروجی خلاف رضای باری
اولوب آفن قاتلرك مسؤولیتی کندیولرینه راجع ایدوکنی
طویل و عریض خطبه لرده بیان و ایراد ایلدیلر سده
منع قتاله هر ایکی طرفك جغتلی تأثیر ایتدیکندن اوتوز
النی سنه هجریه سنك ربیع الآخرینك اواخرنده نأره
حرب تکرار اشتعال ایدوب اخشامه دك شدتله محاربه
اوانوب طرفیندن جمع کثیر تجرع کأس هلاک ایدرك
آیرلدیلر بوجنکده بصره قائد جمشی حکیم و رؤسادن
ذریع مقتول اولوب فرقه رئیس لرندن حرقوص
اسیر اولمش ایکن فرار ایدوب بصره یه کیردی .
سطور سالفده طلحه و زبیرك مکه یه کیروب اهالی بی
هیجانه بولدقلری جهته تبدیل خلافتله جمع کله
اسلامی وسیله ایدرك عایشه صدیقه بی پیشوا ایلدکلری
خبری علی یه واصل اولدقده اهل مدینه بی حرب
تشویق ایدوب نوجهله تشاقل و تأنی ایلدکلرینی
بیان ایتشیدك قبائل عربدن و مهاجرینی و انصاردن
طقوز یوز نفر قدر بر فرقه سفره حاضر لنوب
مدیندن چیقمق اوزره ایکن عبد الله بن سلام
علی نك بنکی زمامنی انه الوب مدینه بی ترک ایدرسن
بر دخی حکومتك اعاده سی قابل اولمز دیدکنده

سائرلری ممانعت اینسه رسول الله علیه السلام
کزیده اصحابنددر دیدیلر علی اوتوز الی سنه
هجریه سنك ربیع ثانیسنده یوله چیقوب ر بذه نام محله
وصولنده عایشه و طلحه و زبیرك بصره یه دك کتدکلرینی
استخبار ایلدی و اوغلی حسن دخی موقع مذکوره
کلوب کورشدکده ایشك بیومسندن و اسلام بیننده
اختلاف فحشدن بحث ایدوب عثمانی محاصره
ایتدکلرنده مدینه دن چیقمکزی سویلدم اصغایمکدن
عثمانك قتلنده قبائل عرب کلدن بیعت قبول ایتیکز
دیدم دکله مدیکز مکه ده ظهور ایدن اختلاف دفع
اولنجیه دك اویکزه چکلبوب عواقب اموره منتظر
اولمکزی اخطار ایتدم قبول ایتدیکز ایشته شمعی
ایش بیودی و بین الاسلام قتال و افتراق ظهور ایلدی
دیدمی علی کرم الله وجهه عثمان محاصره ده ایکن
بزی دخی احاطه ایتمشلردی چیقمق قابل دکلدی
عثمانك قتلنده قبول بیعتده تأنی اولمش اولسه اهل
مدینه نك حتمی اضاعه لازم کلور ایدی رسول الله
علیه السلام انتقاده حق خلافت بکا عائد ایکن
دیگرینه کچیدی و اندن صکره رخنی ایکی کشی یه راجع
اولدی اوچنجیسنی غلو ایدوب قتل ایتدیلر بودفعه
دخی صبر ایش اولسه مینه تخلفی مأمول دکلیدی

اهالی طوعا بکا بیعت ایتدیلمی عثمان قتلنده مکه
 اهالیسنک هیجانه و طلحه و زبیرک خلع طاعتله
 خروجلرینه قارشو کیم مقارمت ایتسون بوند، دخی
 بیطرف طور مق و مدینه بی مخاطرده براقق قابل
 ولایتیدر دیوب محمد بن ابی بکر و محمد بن جعفری استمداد
 ایچون کوفه یه کوندردی و ربنده اقامت ایدوب
 سلاحنی جلبه و اهالی بی سفره تشویقه آدم کوندروب
 طی قبیله سندن برابر کیمک ایچون کلان فرقدی قبول
 ایلدی مدینه دن کشف مقصد ایچون علی نزدینه
 آدمک کلوب سفره تهییك سببی سؤال ایتدکرنده
 مرادلی اصلاح فساد اولوب بوکا مخالفت ایدنلری
 اجبار ایده جکنی بیان ایتدی بعده یوله چیقوب ابولیلی
 ابن عمرو بن ابیراحی مقدمه الجیشه رئیس ایدوب
 کوندردی اسد و طی موطنه و صوننده برابر حرکت
 ایتلرینی استیذان ایتدیلر مهاجرین بوایشه کفایت
 ایدرنر سز موقعکرده قالكز دیدی و اوراده بنی شیباندن
 برآدمه تصادف ایدوب کوفه و الیسی ابو موسی نک
 مشوارینی سؤال ایلدی صلحه مائل و حربدن متوقی در
 دیدکده بنده ایسته دیکم صلحدر دیدی .

او بر جانبین عایشه صدیقه کوفه و مدینه و یمامه

طرفه مکتوبلر کوندروب خلقی خروجه دعوت
 ایتدی .
 کوفه و الیسی ابو موسی بین الاسلام حدوث فتنه دن
 نحاشی اوزره اولدیغدن امداددن امتناع ایلدی مدینه
 اهالیسی دخی بو فکرده اولدقلرندن عایشه نک دعوتنه
 اجابت ایتدیلر .

علی (ذی قار) موقعنده ایکن بصره و الیسی عثمان ابن
 حنیف علینک نزدینه کلوب فریقین پیننده مقدمه
 وقوع بولان محاربه لری تعریف و یوزنده اولان جریحه
 اثرینی کوستردکده حسن ابتلا سندن بیان محظوظیت
 ایدوب دعای خیر ایلدیلر بعده سوزه آغاز ایدوب ای
 عثمان بندن اول ناسک خیرلوری اولان ایکی ذات
 استخلاف ایدوب کتب و سننه اتباع ایله جمله خلق
 انلره حسن اطاعت ایلدیلر بعده او چنجیسی خلیفه
 اولدقده خلق پیننده اطراد سزلق تحدث ایدرک
 اندن صکره بکا بیعت ایلدیلر و طلحه و زبیر انلردن
 ایدی شمعی نقض عهد و طاعت ایدوب مخالفتنده
 اصرار ایده یورلر دیدی و ایکسینه بد دعا ایلدی .

بوخلالده کوفه اهالیسنی علی یه امداده دعوته کیدن
 محمد بن ابی بکر و محمد بن جعفر معیتلرنده اولانلره
 برابر کوفه یه کوروب و ابو موسی یه ملاقی اولوب

علی به امداده دعوت ایلد کلرنده بو خصوصده قیام دنیا
و قعود آخرت ایچون فائده لیدر بزا رتی دنیا به ترجیح
ایدرز دیدی و سائر خلق بی طرفلغه تشویق ایدوب
مشار الیهما محمد و محمدك موفقیتلرینه مانع اولدیغدن
محمد بن مشار الیهما ابو موسی به شدتله خطاب ایدوب
تعزیف ایللریله ابو موسی سوزه آغاز ایدوب عثمانك
بیعتی بیوندیغی حالا بنده علی نك بوینده در عثمانك
قاتلرینه قصاص ایتمدن بشقه ایشه تشبث جائز دکادر
دیوب انلردن کلیاً اعراض ایلدی محمد بن ابی بکر
و محمد بن جعفر سعی و غیرتلی مثر اولیه جفنی کورنجه
کوفه دن خودتله ذی قاره کلوب علی به بیان کیفیت
ایلدیلر .

ایش بویله اولنجه علی اشتری و ابن عباسی جلب ایدوب
ابو موسی بی اقناع ایچون کوندردیلر ابو موسی بی طرفلق
جهتنی اختیار و کوفه اهالیسی دخی رای ابو موسی به
اتباع ده اصرار ایتد کلرندن اشتر و عبد الله عودت
ایدوب علی به بیان حال ایلدیلر .

علی رضی الله تعالی عنه ابو موسی بی اماله به و کوفه
اهالیسنی امداده تشویقه او علی حسنی و عمار بن یاسری
کوندردیلر بونلر کوفه به و صوالرنده طوغری مسجد
کیروب حسنك مسجدده اولدیغی ابو موسی نك مسموعی

اولدقده همان مسجدده شتاب و حسنی باغریسنه باصوب
اظهار حنان و محبت ایلدی بعده عمار بن یاسری ای
ابو موسی امیر المؤمنین علی به تعدی ایدوب فجره به
التحاق ایلدك دیدی بویله برفعله بولنمدن دیدكده
حسن سوزه آغاز ایدرب او یله ایشه نیچون کوفه
اهالیسنی بزه اعانه دن منع ایدرسین بز بین المسلمین
صلاح دن غیری نسنه آرزو سنده دکاز امیر المؤمنین
برشیدن خوف ایتمزدیدی دیدیککز صحیح حدیث لکن رسول
الله علیه السلام دن ایشتم قریباً بین المسلمین فتنه فحدث
ایده جکدر سکونده اولانلر حر کتده بولنه جقلردن
خیرلودرن مؤمنلر قرنداشدر و مال و قائلری یکدیگرینه
حرامدر دیدیلر بو حدیث شریف روایتندن عمار
حدیثنوب ابو موسی به اطاله لسان ایلدی حضار پیسنده
غوغا اماره نری کورنمکله ابو موسی فتنه بی تسکین
ایلدی اندن صکره قعقاع وزید بن صوحان کی بعض
امرا علی به نصرت ایچون خلق موافقه دعوت
ایلیوب کوفه اهالیسندن طقوز بیت کشی موافقت
ایدرك کیمی برا و کیمی نهراً امداده کتدیلر بو خلالده
علی رضی الله تعالی عنهمک مبعوثلریله ابو موسی پیسنده
آجی سوزلر و شدتلی حرکتلر ظهور ایدوب ابو موسی نك
نصرتدن امتناعی تأثیردن قالدی بصره دن چیقان رجال

ذی قار موقعه وصول بواوب علی به ملاقی ارلدقلرنده
جمله سنی ترحیب و تلطیف ایدوب سزی دعوت
ایدشم قرنداشلرمن اهل بصره ایله بنمزی بولمق
ایچوندر بنم قصد م حرب دکلدر مطلقاً اصلاح حالدر
قبول ایدرلر سه نه کوزل ایتدکلری حاده ینه صلاح
و وفاقه دعوتده اصرار ایدرز ظلم وعدوانه مکب
اولورلر سه چارده سز جبراً دائرة صلاحه ادخال ایدرز
دیهرک اصحاب رسول اللهدن بهادر قعقاع بن عمروی
جلب ایدوب عایشه رضی الله تعالی عنهما رسالتله
کوندردی .

قعقاع بصره به وصولنده ام المؤمنین عایشه نک نزدینه
کیدوب ای آنامن بورالره نیچون کلدکز دیدی اصلاح
امت ایچون کلدیم دیدی او یله ایشه طلحه و زبیری جلب
ایدکز بنمزده جریان ایده جک سوزلری ایشیدرسکز
دیمکله عایشه خبر کوندروب ایکسی برابر کلدیلر
بهادر و عاقل قعقاع عایشه به ایراد ایتدیکی سؤالی انلره
دخی ایدوب عایشه کی جواب ویردیلر اوندر دیدی
عثمانک قاتلرینه قصاصدر دیدیلر عثمان اوزرینه خروج
ایدنلردن بضرلی آتیوز کشی قتل ایتدکزالتی بیک کشی
سزه غضب ایدوب و بصره دن چیقوب سزدن ایرلدیلر
حرقوص بن زهیری اخذ ایتک استه دکر الیبیک کشی

قدم مقاومه قالاتوب محافظه ایدرک سزه قارشو طور دیلر
دیگرلرینی دخی قتل ایده جک اولور سه کز ربیعه و مضر
قبیله لری دخی آیاقلنوب اسلام اراسنده فساد عظیم
تکون ایدر اصلاح دیدیککز بو میدر حاله باققدر دینجه
عایشه سنک بوند رأیت ندر دیدی و داتک دواسی فتنه بی
تسکیندر فساد اصلاح اولور سه عثمان اوزرینه
خروج ایدنلرک حالی تباه اولور بو فرصتی اغتنام ایدکز
حسن عاقبت نائل اولور سکز خیره آلت اولکز بزی
معرض بلا ایتیکز زیرا بزده بلایه مقاومت ایدنجه
سزی و بزی هلاک ایدر دیدی عایشه و طلحه و زبیر قعقاعک
رأینی استحسان ایدوب عودت ایله علی دخی بور ایده
اولور سه صلاح مقرر در دیلر قعقاع علی نزدینه
دونوب وقوع حالی بیان ایتدکده انلر دخی تحسین
ایلدیلر .

بو خلalde بصره اهالی بسندن برچوق خلق کلوب
علی به بیعت ایتدکلرند ن صلح امیدلری تأکید ایلکله
عثمان علیهنه خروج ایدن طوائف رئیسلری عاقبت
امردن خوف ایله فساددن استفاده به سعی ایدوب
بصره ده ساکن ربیعه و مضر و سائر قبائل کوفه دن
کلان ربیعه و مضر و سائر اوزرینه ایلا هجوم ایدوب
یکیدن فساد آتشی او یاندر دیلر بونک وقوعنی طلحه

علی به و علی طلحه به اسناد ایدوب یکدیگر بنی اتهام
 ایتدیلسه ده حقیقت حال عثمان قاتلرینک فساد
 اولدیغنده شبهه اولمز زبیر علی ایله کورشوب علی
 خاطر کده دکلدرکه ایکیز رسول الله ک حضور
 سعادتلرند، ایکن ای زبیر وقوع بوله جق فسادده سن
 علی به ظلم ایده جکسین دیدی اوت خاطر مدده در عهد
 اولسون بن بو ایشه قارشمام دیوب بصره به عودتند،
 بشبیکه قریب تعلقاتیله بصره دن چیقوب بر عملده
 اعتراضه قرار ویرمش ایکن اوغلی عبید الله یانه کلوب
 سنی بو عزیمتدن جویرن حدیث شریفک مضمونی
 دکلدر علی نک قلیچندن و بنی هاشم یکتترلندن خوف
 ایده یورسین دیهرک غیرتنی هیچ ایده جک مؤثر سوز
 ایراد ایلدی بن علی به یین ایتدم نقض عهدمی ایده یم
 دیدی کفارت ایله سنکله برابر بو امر مهمه تصدی
 ایدنلری براقه دیدی حاءلی زبیری قاندروب بر قول
 آزادیلله استقامتین ایدوب حرب به قرار ویردی علی طرفنده
 یکریمی و عایشه طرفنده اوتوز بیک محارب عبید الله بن
 زیادک قصری موقعنده ترتیب صفوف قتال ایدوب
 خونریزانه بر محارب به اولدی طرفیندن نیجه رجال تجرع
 کاس هلاک ایدوب طلحه به اصابت ایدن بر اوق
 یاره سنک قانی کسلدیکندن بصره به عودت ایدوب

وفات ایلدی و زبیر دخی یاره لنوب معطل اولدی
 اوخلالده علی ینه خلقی صلحه ترغیب ایله اماله ایتکده
 ایکن عایشه دوه اوزرند، دائرة حرب به کیدوب مقاتله بی
 تشدید ایدنجه روایت مر جحه به کوره قعقاع بر فرقه
 عسکر کوندروب عایشه نک دوه سی سکرلرینی
 کسیرهرک محفلی یره دوشردی و علی طرفی شدتلی
 هجوملر ایدوب بصره عسکرینی بوزدی و تعقیب
 و یغمدن عسکرینی منع ایلدی بعد، محمد بن ابی بکری
 کوندروب همشیره سی عایشه صدیقه نک محفلی مقتوللر
 اراسندن قالدروب و عقیقه کنده سی دخی زیارتند
 کیدوب سؤال خاطر ایلدکن صکره دعای مغفرت
 ایلدی او دخی عینیه جواب ویردی ام المؤمنینک
 جروحدن سالم اولدیغنه علی اظهار مسرت ایدوب
 اورادن برادری محمدله کیجه زمانده بصره به کوندروب
 عبدالله بن لطف خانه سنده اسکان و عایشه به اطاله
 لسان ایدنلری ضرب ایلدی بعده علی میدان محاربده
 دوشن مقتوللری تعداد ایتدروب طرفیندن اون بیک
 کشی قدر مقتول اولدیغی تعین ایلدی اندن صکره طرفین
 جنازه لرینک نسیازینی قیلوب اعداد اولنان قبر کبیره
 دفنلرینه اذن ویردی و متروکاتی جمع ایدوب حکومت
 تخیسینه اولان اسلحه دن غیر یسینی اصحاب حقوقه رد

ایلدی بو وقعه فبیعه ده کبار رجال ورؤسادن خبلی
ذاتلمقتول اولدی .

بوندن صکره علی بصره یه کیروب اهالی حتی محاربه ده
مجروح اولانلر بیعت ایلدیلر و ولایت و جباته وسائر
مناصبه اهل اولانلری تعیین ایلیوب و عایشه صدیقه بی
برادری محمد و بعض قادینلر له مدینه یه کوندردی
و صکره کندوسی دخی عودت ایلیوب عایشه نك
شفاعتیله عبیدالله بن زبیر وسائر بعض رجالک سیما تانی
عفو ایلدی .

احنف بن قیسک بو وقعه ده اولان حرکته وسائر
اماراتک دلالتنه باقلنجه وقعه جل علی یه طلحه و زبیرک
بغض و عداوتندن میدانه کلدیکی اکلاشیلور احنف
ابن قیس عایشه طرفندن امداد دعوت اولندوقده
طلحه و زبیر حاضر ایکن نزدینه کیدوب عثمان قتلنده
بن کیمه بیعت ایده یم دیو سوال ایتمیکده سز و طلحه
و زبیر علی یه دیدیکز بوسوزکزه اعتمادا علی یه بیعت
ایلدیم و طلحه و زبیر دخی بیعت ایلدیلر نقص بیعت
باعث اولور برشی وقوع بولدی دیدی واقعا بزده
بیعت ایتدک انجق علی صکره س تبدیل طور ایدرب
اعتساف ایلدی دیدیلر بن بیعتی نقص ایتم و ام المؤمنین
عایشه علیهنده دخی اعمال سلاح ایلم دیوب اورادن

مفارقت و علی سمتنه کیدوب ملاقات ایلدکده عایشه
علیهننده اولیه جغنی و بیعتی محافظه ایدرک اسلام بپنده
ظهور ایدن فتنه سکونت بولنجه متعلقاتی ایله برطرفه
چکیلر جکنی بیان ایلیوب التی یک نفر قدر جماعتیله
چکلوب سحب حرب و قتال قرین محو و زوال
اولنجیه دک بصره یه ایکی فرسخ بعدده اولان جلیا
موتعهده اقامت و حربدن صکره علی یه التحاق ایلدی
ایشته بوقصه یه نظراً طلحه و زبیرک بیعتده مکره
اولدقلرینی صکره دن بیان ایلمری جای نظر در .

رسول الله علیه السلامک زمان سعادت تباعد ایدوب
محض فوز و فلاح و عین سعادت و صلاح اولان مقارنت
همایونلریله مشرف کبار اصحاب کرامک اکثریسی
تصاریف روزگار ایله نابود اولوب علی کرم الله
وجهم نک مساک و مشواری اولان اقتصاد و قناعت
و کتاب و سنتک احکام منیفه سندن غیری جهته التفات
ایتماسی اهل حرص و طمعک مزاجنه توافق ایتمیوب
بین المسلمین نفاق و قتاله باعث اولدی و سبب مشروع
اولمیرق و قعه جل اعجوبه سی میدانه چیقوب آنفاً
بیان اولندیغی اوزره برچوق رجال مقتول اولغله شوکت
اسلامیه خمل و قبائل عرب پیننده منسی اولان غیرت
جاهلیه ساحه قلوب قاسیده ظهوره کلوب آید بیان

ایده جکمز صفین محاربه مشویده سنک میدان بولسته
سبب اولدی .

(صفین محاربه سی تحریرندن اول بعض اسباب و تهییاتی
ذکر ایلک وقوع بولان فتنه نک حقایقنی بیلکه باعث
اوله جغندن مصرده مستبد اولان محمد بن حذیفه نک صورت
استبداد و قتل و قیس بن سعدک علی رضی الله تعالی عنه
طرفندن مصره والی نصب اولندیغی بیان اولنور)
حذیفه یمامه محاربه سنه کیدر کن اوغلی محمدی عثمان
رضی الله عنه امانت ایدوب کتشییدی یمامه ده محاربه
عند اولندقد ه مقتول اولمغله عثمان محمدی نزدنده ابقا
و تربیه سنه اعتنا ایاوب بر کون خیر ایچدیکی تحقق
ایلمکه اجرای حد اولندی اندن صکره محمد معاصیدن
اتقا و عبادته اشتغال کوستروب ناسک حسن ظنه مظهر
اولدی و مصر والیلکنی امل ایدرک خلیفه دن طلب
ایلداده سن بوکا اهل دکل سین دیوب طلبنی رد ایلدی
موخرأ تهییئه اولنان دکر محاربه سنده بولمق اوزره
مصره کتمکه رخصت طلب ایلدی خلیفه اذن و یرمکه
صحف سالفه ده بیان اولنان ذات السواری محاربه سنده
بولندی و زهد و تقوی به ملازمته بین الاهالی قدری
عالی اولدی و عثمان رضی الله عنهمی دلنه طولایوب
مجالس و محافلده ذم ایدرک اهالی بی عثماندن تنفیره موفق

اولدی و عثمان طرفندن کندوسنه محبة کوندراش
اولان بعض هدایای مسجوده عامیه ابراز ایدوب عثمان
بکا رشوت کوندردی دینی مال ایله فصل تغیر ایدیم
دیهرک اظهار ورع و اهالی بی بر قاتدخی عثماندن تنفیره
اعراضه سعی ایلدی عاقبة الامر عثمان رضی الله عنه
قتله آلت اولدی علی کرم الله وجهه مسند خلافته
یکد کده قیس بن سعدی مصره والی ایدرب کوندر کده
مقارمه مقتدر اولماغله فرار ایلوب بر طرفده قتل
اولندی بونک قتل بمشده روایات مختلف اولوب عمرو بن
العاصینک مکیدتیه غزه ده قتل اولندیغی اکثر مورخین
یارمش ایسده عمرو بن العاصی صفین محاربه سنندن
صکره مصرک ایستیلانسنه کوندراش اولدیغی جهته
بور وایتلردخی مقارن صحت دکلدر خاطره اوله کلور که
محمد مصردن فرار ایلد کده بلکه هوادار و معاونلریله
غزه یه کیدوب صفین محاربه سی عقبه دک غزه قلعه سنی
کندویه ملجا اتخاذ اینشیدی صفین وقعه سنندن صکره
عمرو بن العاصی مصره والی اولوب کیدر کن محمدی
اغفال ایله قتل ایلدی بو صورت سیاق و قایعه مناسب
ایسده هیچ بر مورخ بو صورتله یازمیوب زمانی
قارشدردیلر والله اعلم هر فصل اولدیسه محمد بن حذیفه

سوء صنيعك جزاسنه اوغرايوب اوزار خيانتله
آخرته كندی .

قيس بن سعد مصره كيردكه اهالی طرفندن حسن
تلقی اولوب انجق عثمانك طرفكيزلندن بعض قلاع
منيعهده ساكر اولان اهالی اطاعتدن امتناع ايلديسهده
بونلره اهميت ويرميوب سائرلندن علی به اخذ بيعت
ايلدی معاويه قيسك مصرده موفقيتي نيأت غدارانه سنك
حصولنه مانع عدايدرك قيسي دم عثمانی طلبه تشويق
يولنده يازديغي مکتوبنه قيس دن آلدیغي جواب رد
و قبول اراسنده اولغله تکرار مکتوب کوندروب
يازديغك جواب سنی دعوت ايتديکم مسئله به نه تقرب
ونده تباعدی کوسترمديکندن سندن قطعی بر جواب
ايسترم دیدی قيس معاويه بی اغفال ايدهمديکني کورنجه
تکرار يازديغي جوابده ملتسني صراحت رد والفاظ شديد
تحریريله باب مکاتبه بی سد ایلدی .

معاويه قيس بن سعدك موافقتندن ناامید اولنجه مألوفی
اولان طریق خدعه به سلوك ايله قيسك کندوسنه اولان
میلنی و دم عثمانی طلب صددنده اولديغي مصرده اولان
عثمانيلره حسن معامله سندن ظاهر اولوب بونك
ايچون بيلرنده اتفاق حاصل اولديغي اشاعه ايدرك
محمد بن ابی بكر و محمد بن جعفرك مسموعلری اولغله

علی به مکتوب کوندروب اخبار ایلدکلی کی علینك
سائر احساسی دخی بو سوزلری علی به تحریر ایلدیلر
علی مکتوبلری آلوب حسن و حسین و عبدالله بن عباس
و محمد بن جعفره اراثة و معاویه نك دسائسندن اولمی
احتمالی دخی بیان ایلدکده عبد الله بن عباس شبهه لی
برنسنه دن شبهه سمن بر امره عدول مقتضای مصلحتدر
دیدي و محمد بن جعفر بو شبهه نك ازاله می لازمدر قيس
ابن سعده امر ايدکيز عثمانك هوادارلینی اطاعته اجبار
ايلسون اکر امتناع ايدرسه شبهه تأ کد ايدر اولخالده
عزل ايدیکيز دیدی علی بو خصوصی قيسه يازدی
قيس بونلر اختيار عزلت ايتمشلردر بزه بر ضررلری
اولمز تضيق اولندقلری حالده معاويه طرفنه کچوب
عليه کزده معاويه به معين اولورلر حاليله ترکلی
اولی در دیو جواب يازدی علی تکرار اقرباسيله مشاوره
ايلدکده محمد بن جعفرك تنسيبيله محمد بن ابی بکری مصره
والی ایلدی و دینلور که محمد دن اول اشتری مصره والی
کوندروب اثنای طریقده وفات ايتکله عقبنده محمدی
کوندردی محمد مصره و صوانده قيس ولايتی محمد ترک
ايدوب صداقتی بيلنديکندن منکسر الخاطر اوله رق
طوغری مدینه به کندی وصولنده مدینه والیسی
مروان بن الحکمك بر معامله سنه جانی صقیلوب علی طرفنه

توجه ایلدی معاویه بو خصوصی خبر الدقه مر وانه
مکتوب کوندر و ب علی به یوزبیک عسکرله امداد ایتش
اولیدک بنم ایچون ارلی ایدی زیرا قیس علی به کوجنش
ایکن سنک بو معاملة ک قیسک علی به میلنه سبب ارلدی
دیو تو بیخ ایلدی .

محمد بن ابی بکر مصرده تثبیت ایتدیکی ایشلرک برنجیسی
عثمان ان هوا ارلرینی علی به اطاعته اجبار ایدی
شویله که بوزلر مصرده اقامت آرزو سنده اولدقلری
حالد مطامع علی به بیعت ایتلرینه موقوف اولوب
عکسنده مصردن چیقلری لازم کلور دیو خبر
کوندر دکده بر مدت امهاله مساعدده ایلسنی طلبله
طرفین یینده مباحثه جریان ایتکده ایکن صنفین محاربه سی
سرنای ظهور اولوب مسئله دکشدی .

✽ عمرو بن العاصک معاویه به بیعتی ✽

عثمان محاصره ده ایکن عمرو بن العاص ایکی اوغلی ایله
برابر فلسطین جاننده چکلمش ایدی عثمانک قتلی خبری
مسموعی اولدقه قادیلرکی سوزلر سویلیوب اغلیه رق
دمشق سمتنه توجه ایلدی و صولنده علی به بیعت
اولندیغنی ایشیدوب مکدر اولدی و عایشه ایله طلحه
وز بیرک حرکتلرینی ایشیدوب امید ده دوشدی بعده

علی نک غلبه سنی ایشیدنجه مایوس اولدی و معاویه نک
بیعتدن امتناع و دم عثمانی طلبده اصرار ایتدیکنی ایشیدی
اولخالده معاویه طرفنه کتمک ایچون ایکی اوغلیله
استشاره ایلدی عبد الله پیغمبر علیه السلام و شیخین
رضی الله تعالی عنهما انتقال دار آخرت ایدنجیه دک
سیندن خشنود ایدیلر بو فتنه سکونت بولنجیه دک
خانه مرزده عزلت مقتضای انساقتدر دیدی دیگر اوغلی
محمد سن بو قومک بررکنی ایکن سنسن بو ایشک ختام
بولسی لایق دکدر دیدی (عمرو) اوغلی عبد الله
خطاب ایدوب سنک نصیحتک آخرتمی و قرنداشک
محمدک رأی دنیا می تأمین ایچوندز دیدی و ایکی اوغلی
الوب بصری الشامه معاویه سمتنه کتدی و وصولنده
معاویه و کبار بنی امیه بی دم عثمانی طلبده بولوب حق
سزکدر دیدی معاویه ابتدا عمروه التفات ایتدیسده
مؤخر امورنده تشریک ایدرک قوت بولدی .

✽ سلمان الفارسی نک وفاتی ✽

او توز التی سنه سی او اخرنده اصحاب رسول الله دن
سلمان فارسی رضی الله تعالی عنه وفات ایدوب سنی
بحشده روایات مختلف اولوب اقلی ایکوز الی و اکثری
اوچیوز اولدیغنی یازلمشدر ابنای بشرده قرون وسطی

واخیره ده بو سنه واصل اولانلر همان یوق کبیر
قرون اولیده بوسنک برقاچ مثلنه واصل اولانلر ذکر
اولمش ایسه ده مورخلرک بونده اولان خطالریک سبی
مفتاح العبرده پیدادیان سلاله سی بحث شده علل
واسبایله بیان اولمغله کسب وقوفی آرزوایدنلر مر اجعت
ایلسونلر .

☆ صفین مختار جیسی ☆

جل وقعه سندن صکره علی کرم الله وجهه شام اوزرینه
سوق عسکر ایلمکی نسیم ایله کوفه یه عودت ایلدکده
همدان والیسی جریر بن عبد الله و آذر بیجان والیسی
اشعث بن قیس مکتوب کوندروب اهلیدن اخذ بیعت
ایدرک کوفه یه کللرینی اشعار ایلمکله جریر و اشعث
امری اجرا و کوفه یه توجه ایدلرب وصوللرند جریرک
معاویه ایله سابقه الفتی اولمغله طلحه و زبیرک نقض
بیعت ایلدکلرینی و وقعه جملده علی نک مظفر اولدیغنی
بیان ایله بیعت و طاعته دعوت ایلمکله مأمور ایتمک مراد
ایلدکده اشتر جریرک مأموریتی مفید اولیه جغنی عرض
ایتمشده علی اصغما ایتیموب جریری کوندردی جریر
شامه وصول ایله ایضای مأموریت ایلدکده معاویه
جوابده بماطله ایلدی آنفایان اولندیغنی اوزره عثمانک

قالی کوملکنی و زوجیه سی نائله ک کسملش پرمقلرینی
جامعک منبرنده معاویه تشهیر ایدرک شام اهلایسی
زیاده متأثر اولوب اخذ ثاره عهد ایلدکلرینی کوروب
عودت و کوردیکنی حکایت ایلدکده اشتر علی یه
خطاب ایدوب بن سکا جریری کوندرمه دیمدمی
اشته معاویه یه وقت قزاندرک شام اهلایسی دم عثمانی
طلبده اتفاق ایلدیلر ایش بیودی دینجه جریر اشترک
سوزلرندن منفعل اولوب قرقسیا طرفنه صارشدی
معاویه بو فرصتی دخی فوت ایتیموب جریری نزدینه جلب
ایلدی .

علی کوفه ده ابو مسعود الانصاری بی قائم مقام نصب
ایدرک نخیه یه توجه و عسکرینی تعبیه ایلدی عبد الله
ابن عباس دخی بصره عسکر یله کلوب علی اردوسنه
التحاق ایتدی او برطرفدن معاویه دخی عسکرینی ترتیب
ایدوب عمرو بن العاصی و ایکی اوغلی عبد الله و محمد
و کندی کوله سی وردانه لوالری تسلیم ایلوب حربیه
تهی ایلدی علی نخیه دن قاقوب زیاد بن المنصری سکر
و شریح بن هانی بی درتیک عسکرله مقدمه یه تعیین
ایلیوب کندوسی مداین طرفنه کیدرک اورادن دخی
عسکر ترتیبیه معقل بن قیس اوچبیک نفر عسکرله رقه یه
طوغری کیدوب اوراده کندوسنه قوشمسی امر

ایدرک رقه سمتتہ توجہ ایلدی علی رقه یه وصول ایدرک
صویک جهت شرقیسنده اردوسنی قردی اندن صکره
صویک اوزرینه جسر قوروب قارشویه کچی وارقه سندن
زیاد و شریح کلوب اتحاق ایلدیلر علی زیاد و شریحی
ایلرو سوق ایدرب روم قلعه سنک سورینه تقرب
ایلدکلرنده ابو الاعور اداره سنده اولان معاویه
عسکریک فرقه سنه راست کلدکلرنده حربدن اجتناب
ایدرک علی یه خبر کوندردیلر علی همان اشتری
عسکرله کوندروب امداد و زیاد و شریح مکتوب
کوندروب اشتره اطاعتلرینی اشعار ایلدی اشتر
مقدمه الجیشه یتشوب امر موجبجه علی کانجیه دک
جنکده مماطله ایلدیسده ابو الاعور شبحون ایدوب
برساعت قدر مقاتله دن صکره ایرلدیلر و ایرتسی کونی
مبارزه و محاربه یه مبادرتله اخشامدک اوغراشدیلر
صبح اولنجه اشترشنان بن مالکی ابو الاعوره کوندروب
مبارزه یه دعوت ایلدیسده اجابته مماطله ایدوب
نجه نک حیلواتیلله بر نتیجه حاصل اولدی ایرتسی صباح
وقتنده علی دخی معیتله میدان حرب به کوروب
واو بر طرفدن معاویه یتشوب فراتک کنارینی طوتدی
وعلی نک عسکرینی صودن منع ایلدی بونک اوزرینه
طرفیندن مکالمه اولشوب عمرو بن العاص صویک منعی

علیهنده اولدیسده اکثر رؤسانک رایله منعده دوام
اولندیغندن علی طرفندن صویک استخلاصنه جهد
اولنوب جبراً صویک باشی ضبط اولندی قضیه برعکس
ار لنجه معاویه طرفی منعک رفعنی استدعا ایتدیلر علی
کرم الله وجهه مسئوللرینی قبول ایله متصف اولدقلری
مأثر جلیله انسانیتی اجرا و دشمنی زلال عدالتله اسفا
ایلدی رضی الله تعالی عنه . ایکی کون صکره علی بشیر
ابن عمرو الانصاری و سعید بن القیس و شبت بن ربیع یی
معاویه جهتنه سفارتله کوندروب بین الاسلام سفک
دمانک شامتنی بیان ایله اطاعته دعوت ایلدیسده بر طاقم
قیل و قال گذرانیلله علی نک فضل و قدمی و اسلامده
اولان حیثیت و رسوخ قدمی سبب رجحان ایکن میدانه
چیقاردقلری دم عثمان دعواسندن فراغت ایتیوب علی
طرفندن بیان اولنان مقدمات صادقه مخالفلرک قلوب
قاسیه سنه تأثیر ایتیوب او توز التی سنه هجریه سی
ذی الحجه سی ایتداسنده محاربه یه باشلیوب ایک آخرینه دک
مقاتله اولندی انجق اکثر محاربه لر مبارزه ایله کچوب
و کثرت سفک دمان طرفین اتقا ایدوب اردولر تمامیه
میدان حرب به کیرمدیلر هلال محرم افق غربده خنجر
سرتیر کی نمایان اولد قده کویا قاضی قضا محاربه یی
سلاح حکم حرمتله حسم ایلدی بناء علیه طرفیندن

مبارک که به قرار ویرلدی شهر محرم منسلخ اولنجده علی
روئسای عسکری جمع ایدوب تعقیب و غصبی منع
و یاره لوزله نسایه رحم و رفقه معامله اولمسنی امر
ایدوب اشتری کوفه عسکری آتلوسنه و عمار بن یاسری
پیاده و سهل بن حنیفی بصره آتلوسنه و قیس بن سعدی
پیاده و رئیس نصب ایدوب لوایی هاشم بن عتبیه
و یردی و قراء و حفاظ اوزرینه مسعر بن فدکی رئیس
ایلدی او بر طرفدن معاویه شام عسکرینی تعبیه ایدوب
میمنه و ذی الکلاع الحمیری و میسرره و حبیب بن
مسلمه و مقدمه و ابو الاعوری و دمشق آتلوسنه
عمر و بن العاصی و پیاده و مسلم بن عتبیه و جملهنک
اوزرینه ضحاک بن قیسی امیر نصب ایلوب محاربه و
شروع اولندی طرفیندن هر کون دالم طاق میدان
حربه کوروب التي کون صره سیله قانلی محاربه اولدی
صفرك يدنجی چهارشنبه کیجه سنده علی رؤسای
جمع ایدوب عسکرک جمله سی بردن میدان حربه کوروب
شدله هجوم و محاربه ایلارینی امر ایلدی صباح اولنجده ایکی
طرف عسکری میدان حربه کوروب شدیداً محاربه ایلدیلر
پنجشنبه کونی علی اردوسنی تعبیه ایلوب میمنه و
عبد الله بن بدیل و میسرره و عبد الله بن عباسی و حفاظ
اوزرینه اصحاب کرامدن عمار بن یاسری تعیین و کندوسی

قلیده بولندی او بر طرفدن معاویه کندو چادرینک
اوزرینه عثمانک قانلی ثیابنی یایوب عسکرک عروق حیتی
تبیح ایدنجه اکثر اهل شام اولنجده دك محاربه ایدو جکرینه
بیعت ایلدیلر علی طرفی شدید هجوملر کوروب ابن بدیل
معاویه نك آتلوسنه غلبه ایدوب معاویه نك چارینه دك
یو ردیسه ده شام فداییلری دفعه تصدی و ابن بدیل
علی نك اردوسنه دك تعقیب ایلوب انجق حفاظدن
بر قاجیوز کشی مکاید حربه صبر ایله مقاومت ایلدیلر
علی بو حالی کورنجه ابن بدیل امداد ایلوب و شام
فداییلری دخی مشاق حربه تحمل ایدوب طرفین متاع
حیاتی رایکان الوب صائدیلر و علی پیاده اولوب
ریعه جموعنی تشویقه کیدرکن معاویه نك کوله سی اجر
علینک قارشوسنه چیقنجه علی نك کوله سی کسان اهره
مانع اولمغه تصدی ایتدکده اجر غالب اولوب کسان
قتل ایتکله علی ارسلان کبی اهرک اوزرینه هجوم
و عطاقدن طوتوب یره اورمغه اعضاسی قیریلوب
زمین ایله یکسان اولدی اندن صکره علی میمنه ده محاربه
ایتدکده اولان ریعه قبیله سنه التحاق ایدوب افرادینی
تشجیع و رؤساسنی تطایف ایدوب دشمن عسکری
اوزرینه صالدرمقده ایکن اشتراسبه سوار اوله رق
اورادن کچوب ثبات اوزره جنک ایتدکده اولان ابن بدیل

جماعتی حفاظه امداد ایلدی و بوزلق اوزره اولان طوائفی علی لساندن تشویق ایلوب یکیدن شام عسکری صفارینی تضییق ایدرک درت صره شام عسکرینی بوزوب ایلرولش اولان دشمن لشکرینی موقعلرینه اعاده ایتکله بدیل معیتند اولان قراء ایله معاویه تک چاری اوزدینه هجوم کوستردی شام فدایلی بدیلی احاطه ایدوب قتل ایلدکلرنده رایتی عمار بن یاسر الوب جنکه دوام ایلدیسده مخاطره ده بولندیغنی اشتر کوروب امداد کوندردی و موقع هلاکدن قور تاروب زدینه جلب ایلدی شام عسکری موقعلرینه عودته مجبور اولنجه برو طرفدن شدتلی هجوملر اولوب معاویه عسکرندن دخی مقابله ده اقدام اولندی اوخلالده معاویه جانبنده بولنان حیر شیخی ذوالکلاع و عبید الله بن عمرو بعض رؤسای بنام مقتول اولدقده نو عماشام عسکرینه ضعف طاری اولدیغنی معاویه حس ایلدکده درآن اسبنه سوار اولوب نائرة حربی بر مرتبه دخی اشغال ایلدی و طرفیندن مبارزلر میدان اقترا نه کیروب دخول لیله قدر شدید محاربه اولدی ایرتسی کونی دخی شدید محاربه نر اولوب عمار بن یاسر مقتول اولدی عمارک قتل علی به زیاده تأثیر ایتکله عسکرینی هر طرفدن هجومه تشویق ایلوب ربیعہ جو عیله ابن عباس

غضنه فرانه صالدروب صاحب او اولان عتبه بن هاشم دخی عمر و بن العاص اوزرینه یور یوب عسکر طرفین بر برینه کیردی عتبه عمروی کوردکده دینکی مضمرله صائدک دیدکده بن مصر والی کی ایچون جنک ایتبورم عثمانک قانی طلبنده یم دیدی و علی معاویه سمته هجوم ایدوب یکدیگرینه تقرب ایلدیلر علی معاویه به بو تهمر خلق بزم ایچون قبر یلیور محاربه بی تعطیل ایله مبارزه ایدلم ایکیزدن قنغیسی حیاته قالدور سه حکومت اکاراجع اولسون دیدی عمرو بن العاص معاویه به علی انصاف ایتدی میدانه چیق دیدی واقعا علی انصاف ایتدی لکن سن انصاف سزلق ایده یور سن دیدی معاویه مبارزه دن استنکاف و حرب شدتله دوام ایتدی بو کونکی محاربه ده اسیر اولانلر طرفیندن اطلاق اولدیلر انجق محاربه تاصباحه دک اوزایوب شام عسکری مفتور اولغله علی ایلرولیوب شام اردوسنک ارقه سنی آلدی اشتر میمنه وابن عباس میسرده کمال شدتله هجوملر ایدوب علی دخی هر جانبه شتاب ایدرک عسکرینی تشجیع و تشویق ایدردی اشبو محاربه جمعه کیجه سی وقوع بولوب طرفیندن سسز حرکت اولندیغند عرب او کیجه به (لیلۃ الهمیر) تسمیه ایتدیلر ایرتسی جمعه کونی دخی محاربه دوام اوزره ایدی اشتر سوارسی شام عسکری

اوزرینه بر شدتلی هجوم کوستروب شامک سنجاقداری
مقتول اولدی و علی اشتره امداد ایدوب معاویه اردوسنک
قدیمی هر جانبد متر نزل اولدی عمر و بن العاص بو حال
کورنجه معاویه عسکر مصاحف شریفه یی قارغیلرک
اوجنه باغلیوب رفع ایملرینی و محاربیه یی تعطیل ایدوب
کتاب الله یمیزی بولسون دیو باغرمیزی امر ایله قبول
اولور سه بو ورطه دن قورتلورز بینلرند، اختلاف وقوع
بولور سه تفرقه یه سبب اولور دیدی معاویه عسکره
بویله جه امر ایتدی و اجرا ایتدیلر علی طرفنده اولان
اکثر رجال محاربهدن فراغت ایدوب کتاب الله اطاعت
ایدرز دیدیلر علی ناسه خطاب ایدوب معاویه و عمر بن
العاص و حذیف و ابن ابی سرح و ضحاک کتاب الله اطاعت
ایدنلردن دکلدر لر بن انلری طفولیتلرندن رجولیتلرینه ده
یلورم طفل ایکن اشر اطفال و رجولیتلرند اشر رجال
ایدیلر مغلوب اولدولر یچون بویله برخدعه یه تشبث
ایتدیلر سزی الدائم استرلر حربی اکمال ایدلم نصرت
تعین ایلدی بزم انلره محاربهمز او امر الهیه یه اطاعت
ایتلر یچون دکلیدی دیدی مسعر بن فداک تمیمی وزیدن
حصین طائی و انلره موافقت ایدن قرادن بر طاقم رجال
بزی حکم کتابه دعوت ایدنلره اجابت ایتماک اولهمز
سند کتابه اطاعت ایله ایتماک حایده سنی انلره تسلیم

ایدر یاخود عثمانه ایتدی کمزی مکاده ایدرز دیدیلر علی
بکا اطاعت ایدر سه کز محاربیه ایدکز ایتدی کز حایده
نه استر سه کز اتی ایشلین دیدی اشتره خبر کوندر محاربیه یی
ترک ایلسون دیدیلر علی یزیدن هانی یی اشتره کوندر و ب
ترک محاربیه ایلسنی امر ایلدی اشتر حصول مقصد
رو نما اولمش ایکن محاربیه یی ترک ایدم دیو جواب و یروب
یزیدی اعاده ایلدی بونلر بو خبردن دهها زیاده منفعل
اولوب تهدیدی تشدید ایتلر یله و معسکر علی ده آثار
اختلاف و فساد کورنمکله اشتره کیدن ایکنجی خبر
اوزرینه خلیفه قتل اولنور خوفیله ترک خصام ایدرک
علی نت نزدینه کلدی و ایشه دوام اولمنی مصرانه مراد
ایلدی سه ده کار کر اولیوب اراننده منازعه و مشامه
وقوعیله کورلتی بیودی علی بو حال کورنجه باغروب خلقی
صو صدر دی بعده اشعث ایشته ناس دعوتها جابت ایتدیلر
ایسترسن معاویه یه کیدوب اخبار ایدم دیدی علی راضی
اولوب اشعث معاریه یه کتدی ملاقی اولدوده مصحف لری
نه یه رفع ایتد کز دیدی سزی حکم کتاب الله دعوت
ایچوندر طرفیندن ایکی کشی نصب ایدلم کتاب الله
حکمیه اراهمزی بولسونلر دیدی اشعث رأی معاویه یی
تصویب و عودت ایدوب تبلیغ ایلدی جمله سی
اظهار رضا ایدنجه معاویه عمرو بن العاصی انتخاب

ایلدی علی طرفنده اولان قراءدخی ابو موسی بی استدیلر
 علی ابو موسی نك بو خصوصه کفایتی اولدیغنی بیان
 ایله بشقه سنك انتخابنی مراد والاحاح ایلدیسه ده رؤسا
 ابو موسی بیطرف آدمدر اندن غیری اولمز دیدیلر علی
 ابو موسی نك سوابق احوال ومخالفتنی بیان ایله امنیت
 ایده میه جکنی هر نقدر مکررا بیان و ایراد ایلدیسه ده
 صکره دن خوارجه ملحق اولان قراء ورؤا ابرامیله
 ابو موسی علی طرفندن خواه و ناخواه حکم نصب
 اولوب طرفین نصب حکمی توثیق ایدوب عروایله
 ابو موسی تعین اولندی وعروایله ابو موسی صدور
 ایده جك حکمدن طولانی نه کندولری ونه متعلقات
 واولادری مسئول اولما لرینه طرفین رجالدن سوزالوب
 حکم ایچون رمضانده دك مخیر و مراد ایدر لر سه رمضاندن
 صکره یه دك تأخیرینه دخی مرخص اولدیلر ومحل
 حکم کوفه ایله عراق بیننده متوسط اولمغه قرار ویریلوب
 طرفین رجالدن وثیقه یه شاهدلر یازیلوب اعضاءینی
 ثبت ایلدیلر فقط اشتراعت ایملکه اشعث ابرام ایلدی
 اشتراعتی تهدید وتخویف ایلیوب عزیمتده ثابت
 قالدی وثیقه هجرت سنیه نك او توزیدنجه سنه سی صفر نك
 اون اوچنجه کوننده یازلمشیدی اندن صکره حکمین
 یعنی عمروایله ابو موسی محل حکم اذرحده دومه الجندل

نام موقع اولسنده انفاق ایدوب حرب به غایت ویرلدی
 بوندن صکره بعض رجال علی رضی الله تعالی عنهم
 نزدینه کیدوب حربك اعاده سنی استدیلر رضا و اقراردن
 صکره رجوع وتبديل ابو اولمز دیوب عهدنده ثابت
 اولدی بونك اوزرینه حرورا قریه سی رجالی تحکیمی
 تصدیق ایلیوب محاربه عودت و ایکی طرف رجالی
 رمضانده دك مفارقت ایلیوب علی کوفه یه عودت ایدر کن
 غیابنده وفات ایدن خبابك قبری اوزرنده طوروب
 ترجم ایلدی بعده کوفه یه کیروب مقتوللرک خانه زنده
 اغلیانلرک سسندن متأثر اولوب قصر امارته کیرنجه
 اللهی ذکر ایلدی

صفین محاربه پنده مقتول اولان مشاهیر

بریسى اویس القریندر بونده اختلاف وارد علی
 طرفنده جندب بن زهیر الازدی صحابیدر حابس بن
 سعد الطائی معاریه طرفنده کذاک علی طرفنده
 خزیمه بن ثابت بولوب حربه کیرمامش ایدی انجق عمار
 ابن یاسر مقتول اولد قده عمار حقنده ایراد اولنان
 حدیث شریف خاطرینه کلکاه قلیج چکوب مقتول
 اولنجیده دك معاریه یه قارشو جنت ایلدی زیرار سول الله
 علیه السلام عمار حقنده عمارى بغی اصحابی قتل

ایده جگر در بیور مشلر ایدی کذلک بدریلردن و اصحاب
کرامدن سهیل بن عمرو و مهاجرین و اصحابدن خاندن
ولید علی طرفنده مقتول اولدیلر .

اسلام بیننده بویله بر محاربه نك حدوثنی تقبیح ایدن
رجالدن اون ایکینیک کشی علی دن آیریلوب حرورا
قریه سنه ایندی لر شبت بن عمری حرب و عبید الله بن الکوازی
صلاته امیر نصب ایدوب بیعت الله تعالی به در و طریق
حق امر بالعرف و نهی عن المنکر و اداره مملکت
شوری در دیوب خلافت و امامتی انکار و دم مسایفی
اباحه ایدن عمرو بن العاصک حکم نصبنی کناه عظیم عد
ایلدیلر بو حالد، اسلام اوچ فرقه به متفرق اولغله علی
بو خصوصی اعظام ایدوب عبدالله بن عباسی حرورایه
کوندروب اهل خروجک ضالانده اولدقلرینی بیان
ایله انجق بن کنجیه دک بو خصوصده مباحثه ایته دیدی
ابن عباس حرورا قریه سنه کیدوب خوارجه ملاقی
اولدقده صبر ایتوب بحث و مناظره به کیرشدی عبدالله
خوارجه سنز نیچرن حکم نصبنی تجوین ایتوب
بزدن آیرلدکر الله تعالی حضرتلری قرآن شریفنده
زوجین بیننده حکم نصبنی امر ایتدی اختلاف امتده
دخی اولویتله جائز دکلیدر دیوب آیت کریمه بی او قودی
انلر واقعا الله تعالی حکم نصبنی زوجین بیننده اختلافده

و حرث و صید اختلافلرنده امر ایلدی لیکن دماء مسلمین
کی امر عظیمده ایکی کشینک حکمی کافی اولدیغندن
ماعددا عمرو بن العاص کی بر آدمک حکم نصبی هیچ
جائز دکلیدر زیرا حکم عدل اولملی عمرو عدل اولسه
بز نیچون انکله محاربه ایتدک صفینده ایتدی کمز محاربه
بو آدملری کتاب اللهک حکمنه اطاعت ایتدرمک ایچون
دکلیدر و بینکزه مواده سنه یازدیکن اسلام بیننده
مواده اولمق حکم کتابه مخالف دکلیدر درکن علی
کرم الله وجهه کلوب مجلسلرینه کیردی حکم بحثی
درمیان اولمش اولدیغندن عبدالله امره مخالف
ایتدیکنه جانی صقلدی بعده حضاره خطاب ایدوب
یک ایو بیلور سکز که حکم نصبی بنم رأیمله اولدی
جهورک میلله اولدی و کتاب الله قولنج حکم ایللری
شرط اولندی دیمک اولدیکه بن رجالی حکم نصب ایتدم
کتاب حکمنی قبول ایلدم زیرا کتاب نطق ایتز رجال
انکله نطق ایدر مخالف امر الهی اولان حکملرینه اتباع
مجبور دکاز مواده ایسه دم مسلمینی صیانت ایچون قبول
اولندی شاید تعیین اولنان مدت اراسنده مخالفت مسالمت
مبدل اولور اشته حقیقت حال بودر دیوب کوفه به
کیده لم دیدی جمله سی نطق علی به مقتون اولوب برابر
کوفه به عودت و سبق ایدن مخالفتدن اظه - ارن دامت

ایلیوب انقضاء مدته منتظر اولدیلر .

✽ حکیمک صورت حکمی ✽

مدت مواده اولان الی آی مرورنده علی رضی الله عنه درتیوز کشی اوزرینه شریح بن هانی بی رئیس نصب ایدوب اباموسی ایله برابر اذرحده کائن دومة الجندله کوندردی و عبدالله بن عباسی نمازه وکیل ایلدی معاویه دخی درتیوز کشی اوزرینه عمرو بن العاصی رئیس ایدوب کوندردی موقع معهودده ملاقات ایلدیلر علی شریحه امر ایتشیدیکه عمروه قارشدیغنده حق نه طرفده اولدیغنی بیلورکن حطام دنیا ایچون عدول ایلک دنیادان مفارقت ایدرکن سکا باعث ندامت اوله جقدر بو مسؤلیت بوکنی تحمل جائزد کلدردیسون شریح عمروه بو سوزلری تبلیغ ایلدکده بن علی نک مشورتیله هیچ بروقتده حرکت ایلدکده بو کونده اکا اتباع ایلیم دینجه شریح ای نابغه نک اوغلی سن کیمنکه نفسنه بو مزیتی ویریورسن ابوبکر و عمر رضی الله تعالی عنهما علی ایله استشاره ورا ییله عمل ایدرلردی دیهرک شتم ایلدی و عمرو جوابه تصدی ایتوب ایرلدی عبد الله ابن عمر و عبد الرحمن بن ابی بکر و عبد الله بن الزبیر و عبد الرحمن بن الحارث و عبد الرحمن بن عبد یغوث

و ابوجهم بن حذیفه و مغیره بن شعبه و بعض روایاته کوره سعد بن ابی وقاص رضی الله عنه موقع مذکوره حاضر ایلدی (عمرو بن العاص ابوموسی یه ملاقی اولدقجه پک زیاده حرمت و تعظیم ایدوب ابوموسی سوزه مباشرت ایتدکجه عمرو سوز سوزلاردی حاصلی ابوموسی بی فتح مقاله مبارته آلدردی و آتیده بیان اولنه جغنی وجهله تصور ایتدیکی حیل یه موقع فعله کتوردی) عمرو بن العاصک مقصد خفیی خلافتی کندو اوغلنه چورمک ایدی حکم ایچون اجتماعلر نه بودفعه کندوسی سوزه آغاز ایدوب ای ابوموسی عثمانک ظلماً قتلنی وولیلری معاویه و قومی اولدیغنی بیلورمیسن دیدی اوت بیلورم دیدی او یله ایسه قریشدن نسب و حسب صاحبی اولان و اسلامده قدمی یوغیسه ده حسن سیاست و رسول الله مصاهرتی و کتابت و صحابی اکاحق تقدم ویرمش ایکن نیچون معاویه نک خلافتنه تردد ایدرسین دیدکده ابوموسی اگر خلافتنه مستحق اولمق نسیله اوله بیلسه ابرهه بن صباح الی لایق اولوردی خلافت اسلامده رسوخ قدم و امر دینده فضل و قدمله اولور و بو صفات علی ده اجتماع ایتدیکندن ماعدا شریف النسب اولدیغنده دخی شبهه یوقدر انجق اسلام

بیننده حدوث ایدن بو اختلاف عظیمک رفعی ایکسینک
 دخی عزل و عبد الله بن عمر بن الخطابی خلیفه ایمکله
 حاصل اولوردیدی عمرو عبد اللهک حالی بو امر عظیمک
 اداره سته کافی دکدر انجق او غلم عبد الله حقنه
 رأیکر ندر دیدی او غلک ایچون بر دیه جک یوقدر
 صادقدر انجق سن انی قنه یه باتردک لیاقتی سلب
 ایلدک او جهته خلافت مستحق دکدر دیو جواب
 و یردکده او غلی اوله مد یغی حالده معاویه نک خلیفه
 اولسی ایشنه ده از یاده الوردیکندن ینه معاویه نک له سنه
 سوز سو یلکه باشلیوب حسن سیاست و سخاوتندن
 بحثه باشلدی بعده ابو موسی ای عمرو عرب بر محاربه
 شدیددن صکره سکا طیان دیلر بر فته یه دخی انلری
 سوق ایتمک انصاف دکدر دیدی او یله ایسه رأیک
 ندر دیدی ابو موسی ینم رأیم ایکسینی دخی عزل ایدلم
 اسلام مشورتله کندولرینه صالح اوله جق بر آدم خلافت
 انتخاب ایلسونلر دیدی عمرو رأی رزین بودر بن ده بوکا
 موافقت ایلدم دیدکده او یله ایسه بونی اعلان ایدلم
 دیوب جمع ناسه کیر دیلر ابو موسی سوزه آغاز صدندنه
 ایکن عبد الله بن عباس یانه یاقلشوب غالباً حریف سنی
 الدادی فتح کلامی اکا تکلیف ایله دیدیسه ده کار کر
 اولیوب ابو موسی سوزه باشلیوب ای ناس امت حقنه

اصلح اولان رأیده اتفاق ایلدک اوده علی ایله معاویه بی
 خلع ایله امت کندولرینه انفع اوله جق بر ذاتی خلافت
 انتخاب ایلسونلر اشته بن ایکسینی دخی خلع ایلدم دیدی
 بعده عمرو اغزینی آچوب ای ناس ابو موسی دوستی
 علی بی خلع ایلدیکی کی بن دخی علی بی خلع ایدوب
 معاویه بی ابقا ایلدم زیراً ظلاً مقتول اولان عثمانک
 ولیسی و حسن سیاستله بو مقامه جله دن احق والیق
 معاویه در دیدی بونک اوزرینه ابن عباس ابو موسی یه لوم
 ایدنجه نه ایشلیهیم بو آدم بکا غدر ایتدی دیوب و عمرو
 اطلاق لسان ایدوب الله سنی موفق ایلسون بکا غدر
 ایتدک دیدی و ابن شریح قامچی ایله عمروی اوروب
 عمر رضی الله تعالی عنهمک او غلی عبد الله دخی عمرو
 هجوم ایدوب ضرب ایتدیسه ده ناس ارازینه کوروب
 آردیلر ابو موسی مکّه یه کیدوب ابن عباس ایله شریح
 علی نزدینه عودتله بیان حال ایلدیلر علی کرم الله
 وجهه معاویه و عمروک خدعه سیله مغدور و مکرر
 اولغله هر صباح نمازی عقبنده معاویه و عوننه سنه بددعا
 ایدوب لعن و نفرینه دوام ایلدی و معاویه ایشیدوب
 اولدخی او یله ایشلیدی علی ک بو معامله سی شیعه یه
 میراث قالب رافضی اولدیلر و کویا سنت علی یه
 اتباع ایلدیلر انجق علی اهل بغی و فساد لعن و تشنیع

ایدردی بونلر العیاذ بالله کندولرینی آتش پرستلکدن
قورتاروب دین حقہ نائل ایدن شیخین مقدسینہ اطالہ
لسان ایدرلر اکرانلری مسلمان ایتماش اولیدیلر بوفضاحت
خاطر زینہ کلورمیدی بونہ غفلتدر الله تعالی اقوام
اسلامیہ بی بویله نامعقول شیردن کچروب اتحادہ موفق
ایلسون بحرمة سید المرسلین .

بومحمد اسلام تاریخک جلد اولی رسیدہ حیر ختام
اولشد ر بوندن صکرہ خارجیلرک اختلافیلہ ظهور
ایدن مقاتلہ دہ علی رضی الله تعالی عنہک نصرتی
واختلاس خلافت ایدن معاویہ اوزرینہ ترتیب اولان
عسکر دن اهل کوفہ و سائر اقوام عریسہ نک تشاقل
و امتناعلری خلافت صادقہ یہ ایراث ضعف ایدوب
اسلام بینندہ شقاق و اختلاف حدوثہ نوجہلہ تأثیر
ایلدیکی و دفع نزاع ایچون اسلام دن اوچ کشی بالاتفاق
علی و معاویہ و عمرو بن العاصک قتلہ اتفاق ایدوب تعیین
ایتدکاری وقتدہ اجر اسنہ تشبث ایتشلر سندنہ یالکز
علی یہ سوء قصد ایدن شخص مقتضای قراری اجرا یہ
فرصت بواوب امیر المؤمنین علی کرم الله وجہہ بی
شہید ایلدیکی و اندن صکرہ حسن رضی الله عنہ خلافتی
معاویہ یہ ترک ایدوب حسین رضی الله عنہ حق اوزرہ
ایکن شہید اولدیغی و اندن صکرہ اسلام بینندہ اختلاف

عظیم ظہوریلہ کوچک معاویہ خلافتدن استنکاف ایدرک
بوسیلر دن بنیہ اسلامہ ضعف طاری اولمش ایکن مروان
ابن الحکم اتفاق صناید بنی امیہ ایلہ مسند خلافتہ
کچروب متشتت اولان آرای اسلامیہ بی جمع ایدرک
دفع اختلاف ایلہ اسلامہ تازہ حیات کلدیکی و بعدہ
امیر المؤمنین عبدالملک بن مروانک توسیع دائرہ اسلامہ
و تقویت بنیان دینہ اولان خدمات شریفہ سی و اخلافک
حال و شانیلہ دولت بنی امیہ نک اسباب تعلی و تدنیسی
و عباسیہ نک ترتیب ایلدکاری حکومت خفیہ نک ممالک
ایران و عراقدہ نوجہلہ کسب نمسا ایدوب دفعہ
میدانہ کلدکدہ بنی امیہ نک فصولتہ مقاومتدن عاجز
قالوب منقرض اولهرق بر فرعک اندلسدہ ظہوریلہ
زمانلرنندہ معارف و مدینت بر درجہ فاضلہ یہ ترقی
ایلدیکی و بعدہ عباسیہ عالمہ سی بینندہ ظہور ایدن
اختلافلر دن خلفانک مدافعہ ایچون تشبث ایلدکاری
اسباب نامعقوله دولت عباسیہ نک انقراضنہ نوجہلہ
باعث اولدیغی بلطفہ تعالی جلد ثانیدہ ایضاحات
ودلائل یقینیہ ایلہ ذکر اولنہ بقدر والله الموفق .

فیما دھر ساعد علی بغیتی

و یا عمر کن بعض اسبابہا

طبع فی ۲۰ جمادی الاولی سنہ ۱۲۹۷

Süleymaniye U. Kütüphanesi

Haban Hüsnü P.

Eski Vay

906